



3 1761 08112210 3









Digitized by the Internet Archive
in 2010 with funding from
University of Toronto

EPISTOLAE

IMPERATORVM, ET REGVM HVNGARIÆ

FERDINANDI PRIMI

E T

MAXIMILIANI SECVNDI

A D

SVOS IN PORTA OTTOMANICA

ORATORES

ANTONIUM VERANTIVM, FRANCISCVM
ZAY, AVGERIVM BVSBEK, ALBERTVM
WYSS, ET CHRISTOPHORVM TEVFFEN-
PACH.

Q V A S

EX AVTOGRAPHIS

EDIDIT

IAC. FERDIN. DE MILLER.

P E S T I N I,

TYPIS MATHIAE TRATTNER. C. R. PRIV. TYP.

1 8 0 8.

19/0
Exempla ex vetere memoria, et monumentis, ac li-
teris, plena dignitatis, plena antiquitatis:
haec plurimum solent et autoritatis habere
ad probandum, et iucunditatis ad audien-
dum.

Cic. 5. Act. in Verr.

DD
176
A:AST

LECTORI HUNGARO

EDITOR

S.

QVVM nuper Epistolas Archipraesulum Hungariae GEORGII, et PAULI SZÉCHÉNY, a) ex autographis Tabularii Czenkensis

- a). Prodierunt illae in duobus Tomulis sub hoc titulo: *Epistolae Archiepiscoporum Georgii Strigoniensis, et Pauli Colocensis e Comitibus Szécshényi ad Pontifices, Imperatores, Reges, Electores, Principes, Ministros, Belliduces, aliosque illustres aevi sui Viros datae, et vicissim ab illis acceptae, quas ex autographis edidit Iac. Ferdin. de Miller 3. m. Pestini typis Mathiae Trattner 1807. Partes II.* Prior continet paginas 320. Posterior 325. Quas tamen frustra in Biblio

edendi, fortunam nanciscerer, in Praefatione iisdem praemissa a) pollicitus sum, me curaturum diligentissime, vt inedita hactenus diuersi argumenti Manuscripta, quibus Bibliotheca Regnicolaris iam in mille, et centum Voluminibus potitur, quorumue Catalogus a me concinnatus propediem lucem aspecturus est, b) per interualla publici iuris efficiantur, sicque

poliis quaesieris, quum Excell. C. FRAN. SZÉCHÉNYI illas duntaxat inter Cognatos, Viros illustres, et familiares suos distributas esse velit.

a). Pag. 7.

b). Dum Bibliothecam Regnicolarem memorandi se offert occasio, temperare mihi non possum, quo minus Legem de huius securitate in proximis Comitibus anni 1807. Budae conditam, huc transcribam: Articulus XXIV. *De Bibliotheca Hungarica Széchényiano-Regnicolari.* „Grata mente recolunt Status, „et O.O. Regni Hungariae illam Comitibus „Francisci Széchényi Cubiculariorum Regalium Magistri liberalitatem, Studiumque „erga incrementum publici commodi, quod „vestigia laudabilis memoriae antenatorum „suorum premendo, amplam, lectamque „Bibliothecam suam, Nummos item rariores, et Arma insignium Familiarum, vti

vno excuso, mox alterum prelo subiiceretur; nisi fortassis haec inter comprehenderentur talia, quae cum Status Ratione pugnant, aut plane aeternis operienda essent tenebris.

Memor huius mei promissi, nihil mihi promptius, alacriusque praestandum fuerat, quam, ut, consultis Viris, quos profundior rerum patriarum cognitio commendat, illa cum primis ex tot, tantisque litterariis Regni thesauris vulganda deligerem, quae eorundem iudicio praeci-

„ etiam Mappas, et Icones, nec non Manuscripta, peculiari cura, sumtibusque per se collecta, vsibus Nationis Hungariae pleno Iure transcripserit, hisque fundamenta erigendi *Musei nationalis* zelo laudabili posuerit. “

„ Status, et O.O. Regni insigne hoc, et imitatione dignum Studium, ut eius in publicis etiam Regni Legibus memoria supersit, benigne anuente sua Maiestate, Sacratissima, inarticulandum decreuerunt. “
 Institutum istud celeberrimum incredibiles sub Benigno Serenissimi Archiducis IOSEPHI, Regni Palatini Praesidio, et per id mirum in modum excitato Hungarorum studio, nunc accessiones facere, in omnium oculis est.

puum tulerint calculum. Visum est plerisque, me impensius sollicitare, ad communicandas otius cum Eruditis autographas Epistolas Augustissimorum Romano-Germanicorum Imperatorum, et Regum Apostolicorum FERDINANDI I. et MAXIMILIANI II. quas ipsi, ad suos in Porta Ottomanica Oratores, ANTONIVM VERANTIVM, FRANCISCVM ZAYVM, AVGERIVM BVSBECKIVM, ALBERTVM VYSSIVM, et CHRISTOPHORVM TEUFFENPACHIVM, pro negotiorum, quae illis exequenda praecipiebantur, varietate, atque grauitate olim dimiserunt, quum in his nonnulla continerentur, quae Hungaricam Seculi XVI. Historiam quoque modo collustrare viderentur.

Diffiteri non possum, me laborem etsi iucundum, sat, superque tamen difficilis operae suscepisse. — Non paucae enim numerantur Epistolae, si non per totum, saltem plurima in parte Ziffris exaratae *a)*, quas haud immodico studio ad verum sensum reducere oportuerat,

a). Conf. epistolam VIII. IX. X. XI. XIII. XIV. XVII. XVIII. XX. XXI. XXII. XXIII. XXIV. XL. XLI. XLII. XLIV. XLVI.

tametsi mihi persuadeam, iam pridem eas ante me ab aliis etiam transcriptas, seu (vt aiunt) deciffratas fuisse. — Quoniam vero autographis nostris nulla versio adiecta sit, confugiendum erat ad Claues, cuius generis plures praesto sunt, vt earum ope cuiusuis epistolae tenor eruere-
tur. — Non vtique vnas, easdemque in singulis adhibitas esse notas, adperte com-
monefacit Epistola XXIV. a) — Vsus itaque prae caeteris sum diligentia IOSEPHI STRÁZSAY, Caussarum Fori vtriusque ad Excelsam Curiam Regiam iurati Aduocati, et ad Bibliothecam Hnngaricam Széchényiano-Regnicolarem Scriptoris, qui sine cunctatione paratas mihi prae-
buit manus, quo otius isthaec Editio ea plane ratione, et forma, qua Episto-
larum Széchényianarum a me adornata est, in publicum prodiret.

Neque poenituit fatigiorum. — Namque stupescendum est, quantis cum curis, studiis, sumtibus, et difficultati-

a). Consuetae Oratorum regionum notae mutan-
dae, aliaeque substituendae fuerunt, quod
priors ad manus famuli apud Agentem Ve-
netiis deuenerint.

bus Augustissimi Principes diuisas Hungariae Prouincias rursum vnire, communes funestissimorum illorum temporum calamitates fortiter sustinere, ac superare, populum ad incitas iamiam redactum, faucibus Barbarorum eripere, totamque Christianitatem a proximo interitu vindicare contenderint. — Publica Salus postulauerat, vt quae Seculo XVI. hanc in rem cum Turcistractanda fuerunt, silentio premerentur altissimo, Legatisque nuncianda, peregrinis scriberentur characteribus, ne cryptographica, si in manus subdoli hostis quodam fato deuoluerentur, a quopiam intelligi, ac explicari quirent. At tristissima illius aevi facie per pietatem, et fortitudinem Austriacam in prosperrimam Ciuum sortem commutata, quod Ratio Status ante duo, et dimidium Seculum in secreto tenendum iusserat, nostra aetate iam desiit esse arcanum, illudque sine periculo Supremae Potestatis, et Reipublicae, ad laudem, gloriam, et magnitudinem Augustissimae regnantis Domus in apicum tuto proferri posse, neque Prudentiae ciuilis, neque Historiarum peritus, spero, amplius dubitauerit.

Istis scilicet Epistolis posthac in acceptis referendum erit, quod nonnullorum Historiographorum Narrationes, fortassis obscurae, aut in dubium vocatae, fide diplomatica, synchronisque testimoniis vel confirmantur, vel refutantur, vel denique vberius illustrentur. Num istae a RR. KATONA perlustratae iam fuerint? me omnino fugit. — Responsa complura, quae memorati Oratores Principibus suis reddiderunt, Virum celeberrimum ex *Manuscriptis Verantianis* magna cum diligentia transumsisse, et congruis locis *Historiae criticae Regum Hungariae Stirpis Austriacae a)* inseruisse, exploratum est. Haec nunc cum nostris Epistolis attentius combinata, clarum profecto acceptura sunt lumen, tum quoad seriem chronologicam, tum quoad Personas, quarum nomina occurrunt, ac denique quoad res ipsas, quae narrantur.

Epistolarum, quas hoc Volumine damus, memoriam primus excitavit MARTINVS GEORGIUS KOVÁCHICH in *Elenco chronologico Monumentorum litterariorum Charophylacii Verantiano-Draganichiani, iam Gram-*

matophilacii Széchenyiani a) quae nunc sub rubrica: *Autographa Verantiana*, tribus thecis conclusa in Bibliotheca Regni conseruantur.

Neque tamen in iis omnes FERDINANDI I. et MAXIMILIANI II. Epistolas, quas ad Oratores suos Constantinopoli commorantes miserunt, comprehendendi, mihi persuadeo, quum ingens illa Manuscriptorum multitudo, quae sub nomine ANTONII VERANTII circumferuntur, haud vno in loco asseruari, sed partem eorum hic vnam, alibi aliam haberi, mihi perbene cognitum sit. — Praeter enim has Epistolas autographas quaedam adhuc alia etiam edita, et inedita Pestini videri possunt, vt dictum est, in Bibliotheca Regnicolari: nonnulla latent in Scrinio Rerum Hungaricarum NICOLAO-IANKOVICHIANO: plura Budae in Archiuo Excelsae Camerae Regiae Hungarico-Aulicae existunt: non pauca in Tomos congesta possidet Agriae Bibliotheca Lycei Archiepiscopalis: b) quatuor manuscrip-

a). Conf. EIVSDEM *Scriptor. Rer. Hungaricar. minor.* Tomul. II. pag. 389. Num. XXV.

b). Quae ibidem reperiri potuerunt, in suos vsus sapienter conuertit RR. KATONA.

tarum Verantianarum Epistolarum Volumina extant Posonii in Tabulario Strigoniensis Archiepiscopatus: in Dalmatia adhuc multa Verantiana quaerenda esse, mihi fidèdigne nunciatum est. De iis, quae Quinque-Ecclesiis reperiuntur, RR. IOSEPHVS KOLLER Cathedr. Eccl. Quinque-Ecclesiensis Praepositus Maior, et Canonicus, etc. a). in haec verba disserit. „ Alia, quae ad Familiam Comitum „ DRAGANICH-VERANZIO Sibenicensium, „ ANTONII nostri Haeredum delata sunt, „ fere omnia, memorabili dono Comitis „ FRANCISCI, et Filii eius CASIMIRI, „ ego possideo. Ea ego iudicio Itinerarii „ Dalmatici ALBERTI FORTIS b) detexi, „ et datis ad Comitem FRANCISCVM Litteris, vsus item commendatione clarae „ memoriae Cardinalis GARAMPII, tunc „ Apostolici Nuncii Vindobonensis, alterius Nuncii Veneti, item Sibenicensis „ Episcopi annis 1780. et 1781. tum et „ consequentibus impetrare studui. Plero-

a). *In Hist. Episcopat. Quinque-Eccles.* Tom. V. pag. 337.

b). *Viaggio in Dalmatia. Volumi due, colle XV. Stampe. 4. Venet. 1774.*

„ rumque compos factus sum anno 1798.
 „ quae in quinque Volumina in folio, et
 „ vnum in Quarto redegi. Ea inter cen-
 „ tena Originalia Diplomata, atque Epi-
 „ stolae, Opera integra, et mutila Hi-
 „ storica, quaedam ANTONII VERANTII
 „ manuscripta reperiuntur. GEORGIUS
 „ KOVÁCHICH aliqua edidit *Scriptorum*
 „ *Hungaricorum Minorum Tomo I.* Omnium
 „ quae a DRAGANICHIIS Comes FRAN-
 „ CISCVS SZÉCHÉNYI comparauit, Re-
 „ censionem edidit *Tomo II. pag. 389. et*
 „ *seqq.* Quae, cum ego, paucis exceptis,
 „ atque perinde designantur, autographa,
 „ apographa, integra, mutila, in meis
 „ numerem, qui id possit existere, non-
 „ dum datum est mihi assequi *a*). Quid-
 „ quid ea de re sit, reliqua haec Monu-
 „ menta Verantiana summam ANTONII in
 „ vtraque Republica celebritatem, exi-
 „ stimationemque doctrinae plane confir-
 „ mant. “

Atque hic locus Viri celeberrimi
 me praecipue commonuerat, vt in ordi-

a). Qui id accidere potuerit, meam coniecturam,
 fortasse haud penitus reprobendam, exposue-
 ram in *notis ad Epistolam IX.*

nem chronologicum redigendis istis, quae curae meae creditae sunt, Epistolis continuo admouerem manum, spe fretus, asurrecturum mox industrium aliquem, atque bonum Patriae Cinem, qui non aspernetur vigilias impendere, ut omnia, quae nunc hinc, et inde dispersa vagantur Manuscripta Verantiana, in vnum corpus congregentur, et sua cum integritate posteris transcribantur. — Hac fortassis ratione euenturum est, ut Epistolae gloriosissimorum Imperatorum, et Regum nostrorum etiam illae, quae in hac Collectione adhuc desiderantur, alicubi inuentae, in publicam lucem olim protrahantur, et omissae a me lacunae largiter resarciantur. — Mihi eas aliunde supplendi neque occasio, neque animus fuerat, quum propositi mei scopus sit, ea duntaxat in vulgus dimittere, quae Suppellectilis Libraria Regni suis in scriniis complectitur.

Dignissimus iam in promptu est Nationi Locus, futurus semper Palatinae Officii Praesidio, et Protectioni obnoxius, in quem omnis generis litterariae cupediae, Patriam nostram, quoquo modo concernentes, tutissime deinceps com-

portari valeant. — Huius securitati in proximis Regni Comitibus per specialem Legem *a)* ab Inclytis Statibus, ac Ordinibus, anuente Sacratissima sua Caesareo-Regia, et Apostolica Maiestate, clementissimo Patre Patriae FRANCISCO I. adeo sapienter prospectum est, ut tanta iam incrementa sperare liceat, quanta scilicet ad erigendum *Museum Hungaricum* omnino suffectura esse videbuntur. — Neque amplius desunt illustri huic Instituto munifici Promotores, qui, magnanimam Excellentissimi Fundatoris mentem, atque Donum nouis, iisque selectissimis accessionibus in dies magis, atque magis amplificare, et liberaliter succollare pergunt *b)*. Optandum sane, ut praeclara haec amoris in Patriam exempla nunquam deficient, *c)* et, ut per eadem

a) Art. XXIV. anni 1807.

b). Nomina eorum, qui famigeratum hoc iam per vniuersam poene Europam regnicolae Institutum cuiuscunque generis dono promouere student, ad perennem memoriam Protocolo inserere, altiori iussu praeceptum est.

c). - - - - - exempla domestica magnis
subeant animos autoribus. - - -

populari quodam aemulationis sensu famae consulatur. — Est enim (monet CICERO a)): hominis ingenui, et liberaliter educati, velle bene audiri, eaque de caussa futurae post mortem famae, etiam detracto vsu, consulendum esse.

Quum salutaria haec aliquando monita firmiores in Ciuium animis radices egerint, nequaquam dubitandum est, huc conuolutura plurima, quae iam diu multis studiis frustra quaesita fuere. — Infinita adhuc latent in Priuatorum cistis Diplomata, Litterae, Inquisitiones antiquae, Metales, Protocolla, diuersae Connotationes scientificae, immo persaepe integra Volumina, quae ad explicandos obscuriores in nostra Historia, et Iure locos non raro maximi momenti continent indicia. — Mitto Bullas, Sigilla, Scuta Familiarum, aliasque patrias Antiquitates, quae passim mucedine corrumpuntur, aut a blattis, et tineis absorbentur, vel per glires, et mures penitus corroduntur. — Ingemiscendum est Documentis, quae non tam superiorum, et nostrorum temporum iniuria, quam Possessorum in-

a). Lib. III. de Finib.

curia perdidit. Sed enim etiamnum reperias homines in hoc genere admodum auaros, qui vel faciendi lucri caussa, vel vanitatis pruritu abrepti, talismodi litterarias opes variis viis, et modis congerunt, easque studiosissime celant, aut subinde vnam, aliamque similem raritatem suam cum iactantia praedicant, quin tamen earundem vsum Viris rerum peritis indulgendum esse putent *a*): quamquam alios non plane improbando iurium pandendorum metu cohiberi, optime nouerim. — Atuero huc non alia sub publicam custodiam inferenda sunt, quam, quae possessionaria Familiarum Iura ne eminns quidem contingunt, nihilominus elucubrandis Patriae rebus maximopere suffragantur.

Quidquid autem horum sit, et eueniat, parum moror. — Mihi nunquam non volupe accidet, quod per nouum istum Epistolarum adparatum nouis rursus dulcissimae nostrae Patriae Eruditos donare potuerim subsidiis, quae ad intelligendas Archiepiscopi Strigoniensis, in

a). In hominum aetate multa eueniunt huiusmodi.

rebus gerendis dexterrimi, ANTONII VERANTII, binarias, quas in Turciam duorum Principum imperio pro salute publica suscipere iussus est, Legationes, a). atque ad eiusdem complures Litteras, apud RR. KATONA prostantes, in hunc usque diem desiderabantur. — Equidem mihi polliceor, eas Lectori Hungaro tanto gratiores futuras, quanto diutius illae obmutuerunt, et quadraginta annis supra duo secula tamdiu variorum manibus versabantur, donicum ad securum tandem portum integrae, et incolumes pertingerent.

Ne tamen prorsus nudas Lectores perciperent Epistolas, id mihi cumprimis

-
- a). De his consulendi sunt MARTIN. GEORG. KOVÁCHICH *Scriptor. Rer. Hungaricar. minores*, qui Tomo II. produxit Num. XVI. pag. 157. *De itinere, et legatione sua Constantinapolitana Antonii Verantii cum fratre suo Michaelae Dialogum*. Num. XVIII. pag. 180. *Summam successus ultimae Actionis Legatorum Ant. Verantii, Fran. Zay, et Augerii a Busbeche apud Principem Turcarum Zoleimanum habitae 1557. mense Augusto. Ad Sacratissimam Regiam Maiestatem Dominum suum clementissimum.*

faciendum existimaui, quod in editione Epistolarum Széchényianarum praestare non neglexi. — Scilicet: Series chronologica cum die, mense, et anno expeditionis vbique in margine adnotata est. Singulis Epistolis praemissae sunt perbreues Rubricae, e quibus contextus primo obtutu perspicui valeat. — Istae in Indice chronologico, sub finem Opusculi adiecto fideliter repetuntur. — Notae, quae in nonnullis locis comparent, haud aliud fere complectuntur, quam citationes Auctorum, vel inuicationes ad Scriptores, si non coaeuos, certo suppare, qui in suis narrationibus argumenta Epistolarum prolixius explanant, vel illustrium, et memorabilium, quorum Epistolae meminerunt, Virorum biographias, hausta ex indubitatis fontibus notitia, in suis Operibus recitant, vel denique Arcium, Ciuitatum, et Oppidorum, quae in Epistolis memorantur, vicissitudines descripserunt. — Responsa quoque ad vtriusque Imperatoris, et Regis Epistolas indicata sunt. — Orthographiam autem, quam Scriba in formandis locorum, et personarum nominibus quandoque perperam adhibuit, studiose retinere placuit, vt di-

crimen inter modernam, et veterem seu scribendi, seu enunciandi rationem actutum cognosceretur. — Diuersae denique Dignitatum, Officiorum, et Seruitiorum prae primis Turcicorum adpellationes exponuntur, vt Lectores pensitandi fatigio subleuarentur. Ultra haec nihil a me praestitum est.


Auctarium perinde ex autographis summa cum industria desumptum est, ac Instrumenta a Littera A. usque M. immediate ad Historiam vtriusque Legationis Verantianae pertinent, quorumue ipsi Augustissimi Principes suis in Epistolis mentionem interseruerunt. — Caetera vero, quae a Littera N. vsque R. transcripta habentur, eruditionis, et meritorum, quibus ANTONIVS VERANTIVS sua aetate eminebat, publica sunt testimonia, Rerum patriarum studiosis haud futura, crediderim, ingrata.

Tota itaque Epistolarum collectione hunc in modum ad typum adornata, edendi facultatem impetrandam existimaui, quo!promissi soluerem fidem, Patriaeque, quod vnum in votis habeo, iis, quae a me proficisci possunt, studiis meam seruiendi promptitudinem nouo rursus documento palam contestarer. — Hac

autem per interpositionem Serenissimi Archiducis Iosephi, Regni Palatini, benigne obtenta *a)* curandum vtique haud aliud erat, quam vtista vetustatis monumenta otius prelo subiiciantur.

Dabam Pestini in Bibliotheca
Regni Széchényiano-Hungarica
ad diem XIV. Maii Anno MDCCCVIII.

a) Décret. Aulic. de 29. Aprilis 1808. Num. 4212.



I.

Ad Ant. Verantium, et Paul. de Palyna.

Ferdinandus I. Imp. Rom. et Rex. Hung. Antonio Verantio Praeposito, et Paulo de Palyna mandat, vt, acceptis Salui Conductus Literis, se Budam conferant, ad tractandum cum Turcis de Induciis. Graecio d. 29. Mart. 1553.

VENERABILI, et Egregio Fidelibus Nobis Dilectis ANTONIO VERANTIO, Praeposito Pornensi, a) Secretario nostro, ac PAVLO LITTERATO

-
- a) *Verantium* Die 3. Nouemb. 1551. Abbatia B. Margarethae de Porno Ord. Cisterc. ea lege donatum fuisse, vt infra tempus a SS. Canonibus praescriptum Ordinis habitum induere teneatur, nisi ab hac obligatione per Sedem apostolicam dispensatus fuerit, docet ex Diplomate collationali RR. KOLLER *Hist. Episcop. Quinque-eccl.* Tom. V. pag. 333.

a) de PALYNA, Nunciis nostris BVDAM b) eman-
datis. (L. S.)

29. Mart. 1555. FERDINANDVS Diuina fauente clementia Roma-
norum, Hungariae, Bohemiae, etc. Rex.

Venerabiles, et Egregie, Fideles Nobis
Dilecti! — Cum praesentibus Litteris nostris
habuistis Litteras securitatis, vel Salui-Condu-
ctus, quas Bassa Budensis c) ad nos superiori-
bus diebus pro Vobis transmiserat, vt tuto vos
ad ipsum, et sine periculo tractandi de Indu-
ciis gratia conferre, rebusque confectis, vel in-
fectis ad nos redire possetis. — Quocirca Vo-
bis clementer committimus, vt, acceptis prae-
sentibus, iter vestrum in Dei Optimi Maximi
nomine proseguamini, rectaque *Budam* perga-
tis, et ibidem pro vestra singulari erga Nos fide,
obseruantia, ac industria, rerumque gerenda-
rum dexteritate commissa Vobis negotia cum
Bassa illo iuxta Praescriptum Instructionis Vo-
bis datae tractetis, et ex animi nostri sententia

a) *Litteratorum* adpellatio a primis Hungariae secu-
lis deriuatur. Ad publica Scripta conficienda ad-
hibitos vernaculo sermone *Déák*, latine *litteratos*
nominare moris fuit, quod postea nomen integris
adhaesit familiis. Etiannum *Scribam* hungarice
Déák nuncupamus.

b). *Budae* ab an. 1541. quo à Turcis fraudulanter oc-
cupata fuit, vsque annum recuperationis 1686.
Gubernator Pannoniae residebat suo cum Senatu.

c) Erat is tum nomine HALY.

ad gloriam Dei Omnipotentis, et pro fidelium Subditorum nostrorum commodo, ac tranquillitate Inducias istas concludere studeatis, quemadmodum Nobis de vestra fide, sollicitudine, ac ingenio plane pollicemur. — In qua sane Instructione nihil Nobis occurrit, quod emendandum, magisque, et dilucidius explicandum esse videatur praeter vnicum articulum, nempe si alteri vestrum per Postas ad Nos veniendum erit, quod sicut ex Instructione intelligere potestis, eo casu futurum est, si Bassa Budensis ad acceptandas condiciones Induciarum a Nobis propositas, nullo modo induci posset, aut tales difficultates Vobis obiicerentur, quas non possetis explanare, vberiore informatione a Nobis habita, et propter quas diutius Vobis isthic haerendum fore videretur; tum enim volumus, vt tu *Vrantie* ad Nos celeriter venias, tu vero *Paule* reditum *Vrantii* isthic *Budae* expectes. — Praeterea potestis ipsi Bassae etiam significare, quod citius Vos ad ipsum expedissemus, statim scilicet, postquam Saluum Conductum pro Vobis accepimus, sed quando cognouimus Litteras Principis Turcarum iam Budam allatas esse, et quod ipse Bassa easdem per vnum ex Aulicis, et Familiaribus suis ad Nos mittere statuisset, Nobis satius fore visum esse, vt vestram Expeditionem tamdiu differemus, quoad Litteras Principis Turcarum videremus, mentemque Magnitudinis suae inde intelligeremus, prout hoc etiam Nos ipsi per Lit-

teras ei significauimus. — Deinde transmittimus Vobis cum hisce Litteris nostris alias Credentiales ad Bassam Budensem, ne quid difficultatis propter errorem in tuo *Paule* nomine admissum exoriat. — Caeterum in praemissis exequemini bene gratam, ac expressam voluntatem nostram Regia nostra Gratia erga Vos recognoscentes. — Datum in Oppido nostro *Gratz a)* Die XXIX. mensis Martii Anno Domini MDLIII. Regnorum nostrorum Romani XXIII. aliorum vero XXVII.

Ferdinandus m. p.

Ad mandatum Sacrae
Regiae Maiestatis proprium

I. Iordanus m. p.

Redditae vltima Martii 1553.

II.

Ad Ministros Ottomanicos.

Ferdinandus I. Imp. Rom. et Rex Hung. Litteras Credentiales cum plena tractandi potestate Antonio Verantio, Francisco Zay, et Ioan. Mariae Maluizio, Oratoribus suis ad Portam Ottomanicam concedit. Viennae d. 13. Iunii 1553.

13. Iun. 1553. FERDINANDVS Diuina fauente Clementia,
Romanorum, Hungariae, Bohemiae, etc. Rex,

a) Id est *Graecium* Vrbs hodie praecipua Styriae, quam *Ferdinandus I.* Oppidum nominat, fortasse, quod serius in metropolim euecta sit, et florem suum repetat ab aetate *Ferdinandi II.* qui,

~~procedit~~
semper Augustus, Infans Hispaniarum, Archidux Austriae; Dux Burgundiae, Marchio Moraviae, Comes Tyrolis, etc. Recognoscimus, et notum facimus tenore praesentium Vniuersis; quod cum Nos pro quiete, et tranquillitate vniuersali, et praecauenda imposterum maiori vniuersorum nostrorum Subditorum, et Colonorum oppressione, humanique Sanguinis effusione cupiamus cum Serenissimo, et Potentissimo Principe Domino Sultano *Soleymano a)* Imperatore Turcarum, ac Asiae, et Graeciae amicitiam, et bonam, stabilem, firmamque Pacem, vel Inducias inire, ac firmare: idcirco plenam, indubitata, et singularem fiduciam gerentes de fide, integritate, prudentia, rerumque agenda- rum dexteritate, et experientia Reuerendi *Antonii Vrancii*, Episcopi Quinque-Ecclesiensis, *b)*

antequam fasces Imperii assumsisset, ibidem habitauit. V. gross. *Universal. Lexicon* XI. Band pag. 507.

- a)* Huius Gesta in Hungaria, adaequate enarrat SAGREDO in *Memorie istoriche de Monarchi Ottomani* 4. Venet. 1688.
- b)* *Ferdinandus* haud contentus particularibus cum Basa Budensi initis Induciis, firmam Pacem constabiliturus, ablegauit Constantinopolim *Verantium* cum sibi adiunctis, quem tamen ante discessum creauit 6. Iunii 1553. Episcopum Quinque-Ecclesiensem. KOLLER *Hist. Episcop. Quinque-Eccles.* Tom. V. pag. 334.

et Praepositi Pornensis a), ac Magnifici *Francisci Zay* b) Nazadistarum c) nostrorum Generalis Capitanei, d) nec non Nobilis *Ioannis Mariae Malvezii* e) pristini nostri ad excelsam Portam Oratoris, Consiliariorum nostrorum, fi-

a) Praepositura haec anno 1135. fundata fuit pro Ordine Cisterciensium, tum collata Collegio Soproniensi S. I. hodie ad Fundum Studiorum pertinet.

b) *Franciscus Zay de Csömör*, Vir erat admodum illustris, qui toga, sagoque suam testatus est fidelitatem. Eius merita, quae sub Imperio Regum FERDINANDI, et MAXIMILIANI posuit, paucis enarrantur in FR. BVDAI *Magy. Orsz. hist. Lexic.* Tom. III. pag. 605.

c) *Nazadistae* dicebantur olim milites Classiarii in Danubio, nostris *Csahistis* hodie equiparandi, a *Nászád* id est: *Liburna*, vel navis *Liburnica*, quae species erat nauigiorum minorum, leuiorum, angustiorum, et oblongiorum; Hungari *könnyű kartsú Hajó* vocant. Inde *Nászados*, seu *Nauarchus*, *Naumachus*. Vsitata etiam fuisse in antiquis Chartis vocabula *Nassa*, *Nassale*, *Naca*, a germanico *Nachen*, pro minoribus nauigiis perhibet CAR. DVERFENE in *Glossar. ad Scriptor. med. et infim. Latinit.* Tom. IV. pag. 1132. et 1142.

d) Id est: Classis Danubianae Praefectus. ISTVÁNYI *Hist. Reg. Hungar. Lib. XIX.*

e) Illustre Marchionum de *Malvezzi* genus adumbratur in *gross. Universal. Lexico.* Tom. XIX. pag. 813. *Ioannes Maria* Constantinopoli in carcerem coniectus fuit, sed libertati post eductam e Transilvania *Isabellam* restitutus, et ad *Ferdinandum* cum Literis missus. WOLF. BETHLEN *Hist. de reb. Transiluan.* Lib. IV. Tom. I. pag. 547.

delium Nobis dilectorum, eosdem sponte, et ex certa nostra scientia, animoque bene deliberato, omnibusque melioribus modo, via, iure, caussa, et forma, quibus melius, et efficacius potuimus, et debuimus, possumus, ac debemus, Oratores, Commissarios, Mandatarios, Actores, Factores, negotiique nostri infrascripti gestores, et Nuncios speciales, et generales, ita tamen, quod specialitas generalitati non deroget, nec e contra, elegimus, nominauimus, creauimus, fecimus, et deputauimus per praesentes: dantes, ac concedentes eisdem tanquam legitimis, et indubitatis Oratoribus, Commissariis, et Mandatariis nostris plenam facultatem, auctoritatem, et potestatem nostro nomine, loco, et vice vnionem, amicitiam, et Pacem perpetuam, vel saltem Inducias ad aliquot annos cum praefato Serenissimo, ac Potentissimo Turcarum Imperatore, Illustrissimis, ac Magnificis Bassis, aut Commissariis suis, ad hoc interuenire habentibus, et ab eo eligendis, ac deputandis pro Nobis, filiis, et haeredibus, ac vniuersis Regnis, et Dominiis nostris, eorumque Subditis quibuscunque tractandi, concludendi, et firmandi, atque super omnibus ab huiusmodi Pace vel Induciis dependentibus, emergentibus, annexis, et connexis concordandi, et transigendi iuxta Conditiones, quas a nobis in mandatis acceperunt, Nosque superinde erga ipsum Potentissimum Turcarum Impera-

torem, vel praefatos illius Bassas efficaciter obligandi, et obstringendi, ac etiam, si opus fuerit, Iuramentum de observandis, et adimplendis omnibus iis, quae per eos nostro nomine iuxta Articulos desuper conficiendos conclusa fuerint, praestandi, et generaliter omnia alia, et singula faciendi, tractandi, concludendi, et firmandi, quae Nosmet facere, tractare, concludere, et firmare possemus, si praemissis omnibus, et singulis praesentes, et personaliter interessemus, etiamsi talia forent, quae Mandatum exigent magis speciale, quam praesentibus est expressum. Promittentes insuper, et pollicentes in verbo nostro Regio, Nosperpetuo gratum, firmum, validumque habituros totum id, et quidquid per supradictos Oratores nostros actum, factum, gestum, tractatum, pactum, et conclusum fuerit, in praemissis seu quolibet praemissorum, nec contra illud vnquam tempore directe, vel indirecte facturos, aut contrauenturos, omni dolo, et fraude semotis a). Harum testimonio Litterarum manus nostrae subscriptione, ac Sigilli nostri appensione munitarum. Datum in Ciuitate nostra *Vienna* Die decima tertia mensis Iunii, Anno Domini millesimo quingentesimo quinquagesimo tertio, Regno-

a) Plenipotencia haec insoliti fere est exempli, quae oppido sincerum, et adpertum FERDINANDI Regis paciscendi, et ineundi Foedus cum Barbaris, animum indicat.

rum nostrorum Romani vigesimo tertio, aliorum vero vigesimo septimo.

Ferdinandus Rex m. p. a).

Ad mandatum Sacrae
Regiae Maiestatis proprium

I. Jonas D.

Vice-Cancellarius m. p.

(L. S.)

III.

Ad Ordinarios Regni Iudices.

Ferdinandus I. Rom. Hung. et Boh. Rex largitur Litteras prorogatorias in quibusvis Caussis Antonio Verantio Episcopo-Quinque-Ecclesiensi pro tempore, quo Legati munus ad Portam Ottomanicam sustinerit. Viennae d. 17. Iunii 1553.

FERDINANDVS Diuina fauente clementia Ro-^{17. Iun.}
manorum, Hungariae, Bohemiae etc. Rex, sem-^{1553.}

a) Quod FERDINANDVS non *Imperatorem*, sed *Regem* se subscribat, duplici de causa factum fuisse putatur; primum: quod ante annum 1555. quo scilicet frater CAROLVS V. curis Imperii Romano Germanici renunciavit, nequitum ei licuerit uti imperatoriis Titulis; tum vero: quod haec Legatio caeteroquin non Imperium immediate ferire potuerit, sed solummodo Regna, et Prouincias, quae illum, ut legitime electum, ac coronatum Hungariae Regem attinebant, pro obiecto negotiationis suae habuerit.

per Augustus, Infans Hispaniarum, Archidux Austriae, etc. Fidelibus nostris, Reuerendissimo in Christo Patri, Domino *Francisco* ab *Vj-lak*, Episcopo Agriensi, Comiti perpetuo Heu-siensi, ac Locumtenenti nostro in Hungaria a) nec non Spectabili, et Magnificis Comiti *Thomae de Nádasd*, Perpetuo Terrae Fogaras, et Comitatus Castri ferrei Comiti, Iudici Curiae nostrae, b) *Francisco de Réwa*, Comiti Comitatus Thuroczyensis, et vacante officio Palatini Regni nostri Hungariae Locumtenenti, c) Consiliariis nostris, et Egregio *Michaeli de Mère*, d) Personalis Praesentiae nostrae in Iudiciis Locumtenenti, nec non eorundem Vicesgerentibus, item Magistris Protonotariis, et Iuratis Sedis nostrae Iudiciariae Assessoribus, cunctis etiam aliis quibuscunque Iudicibus, et Iustitiariis dicti Regni nostri Vngariae Ecclesiasticis, et Secularibus praesentes visuris Salutem, et Gra-

a) Utut SCHMIDTIVS *Episcop. Agrien. Tom. III. pag. 7.* et PRAYVS *Hierarch. Hung. Part. I. pag. 218.* Catalogo Praesulum Agriensinum *Vjlakium* anno sequenti inserant, quum tamen Mandatum isthoc prorogatorium sub medium anni 1553. vulgatum sit, videtur vtriusque error hoc loco corrigendus esse.

b). V. in *Curia Iudicum Regni Hung. pag. 70.*


c) Conf. de hoc Viro FRAN. BVDAI *Magy. Orsz. hist. Lexic. Tom. III. pag. 167. et seq.*

d) Vid. de Eodem FRAN. BVDAI *Magy. Orsz. histor. Lexic. Tom. II. pag. 688.*

tiam. — Quum nos fidelem nostrum Reueren-
Antonium Verantium Episcopum Quinque-
 Ecclesiensem, Praepositum Ecclesiae Albae-
 Iuliae Transsilvaniae, a) Consiliarium nostrum
 etc. in certis nostris, et Regnorum nostrorum
 negotiis in Oratorem delegerimus, eumque ad
 Caesarem Turcarum ad peragenda eadem ne-
 gotia miserimus, nec possit propter illa nostra,
 et Regnorum nostrorum negotia caussis suis mo-
 tis, vel mouendis, in sua absentia ob Loco-
 rum magnam distantiam inuigilare: propterea
 Nos vniuersas, et quaslibet caussas, tam per
 ipsum contra alios, quam per alios quoslibet
 contra eundem quibuscunque ex rationibus mo-
 tas, vel mouendas intra spatium id temporis,
 quo praemissis nostris, et publicis negotiis oc-
 cupabitur, et ab ipso Caesare Turcarum ad
 Maiestatem nostram reuertetur, a die datarum
 praesentium computando gratiose differendas,
 et prorogandas duximus, immo differimus, et
 prorogamus praesentium per vigorem. b) Quocir-
 ca Fidelitati Vestrae, et cuilibet Vestrum harum

a) Hodie *Alba Carolina* dicitur. Praeposituram hanc
 cum obitu *GEORGII* Monachi *FERDINANDVS*
 iterum *VERANTIO* die 6. Iunii 1553. restituit.
KOLLER Hist. Episcop. Quinque - Eccles. Tom. V.
 pag. 534.

b) *MATH. Decr. I. art. 1. Decret. II. art. 6. Decret.*
VI. art. 7. et VLAD. Decr. I. art. 71. ac Decr.
II. art. 14. definitum est, vt ii, qui caussa Rei-
 publicae extra Regnum commorantur, nullis im-
 petitionibus iudicialiis sint obnoxii.



serie mandamus firmissime, quatenus praefatum *Anthonium Verantium* tempus intra praemissum ad quorumvis Instantiam in quibusvis caussis vestro adstare Iudicatu compellere, vel Res, et Bona eius propterea impedire, et molestari facere nullatenus praesumatis, vel vniuersas Caussas, tam per ipsum contra alios, quam per alios contra ipsum motas, vel mouendas tempus intra praemissum sine omni difficultate, et allegatione differre, et prorogare debeatis, et teneamini, secus nullo modo facere praesumatis, praesentibus perlectis, exhibenti restitutis. — Datum *Viennae* decima septima Iunii Anno Domini Millesimo Quingentesimo Quinquagesimo tertio.

Ferdinandus m. p.

(L. S.)

Nicolaus Olahus a)
Archiepiscopus Strigonien.
 m. p.

a) OLÁHI nomen hic subscriptum legitur, quum is *Aulae Regiae Cancellarii* dignitate adhuc Episcopus Zagrabiensis iam anno 1543. decoratus fuerit, eandemque tum Praesul Agriensis, tum Archiepiscopus Strigoniensis vsque an. 1567. doceatur apud PRAYVM in *Serie chronologica Cancellariorum, et Vice-Cancellariorum* pag. 132. tenuisse, quae illius *Syntagmati historico de Sigillis Regum, et Reginar. Hung.* pag. 123. adiecta est.

IV.

Ad Antonium Verantium.

Ferdinandus I. Rex iubet Episcopum Antonium Verantium Constantinopolim demandatae Legationis causa quantocius iter ingredi. Viennae d. 15. Iulii 1553.

Reuerendo Deuoto Fideli Nobis dilecto
ANTONIO VERANCIO, Episcopo Quinque-Eccle-
siensi, et Praeposito Transilvaniensi, nostro
Consiliario, ac ad Serenissimum Principem
Turcarum destinato Oratori.

(L. S.)

vbi fuerit

Cito

Cito

Cito

FERDINANDVS Diuina fauente Clementia, Ro- 15. Iul.
manorum, Hungariae, Bohemiae, etc. Rex 1553.

Reuerende, Deuote Nobis Dilecte!

Intelleximus Te, et Collegam tuum in pro-
sequendo itinere commissae Vobis Legationis
vltra permissum Vobis tempus, quo res domi
componeretis, ita et tamdiu tardasse, vt ne
Budam quidem adhuc perueneritis, sed potissi-
mum id ex Collegae tui a), quem *Comaromii*
iam aliquot diebus expectasses, mora accidis-
se. b) Cum autem negotia illa, propter quae ab-

a) Erat is FRAN. ZAY.

b) Videtur haec Epistola esse responsoria ad illam,
quam *Verantius* 3. Iulii 1553 *Comaromii* Regi *Ferdi-*

legati estis, magnae sint importantiae, magnamque celeritatem requirant, et non solum nostra, ac Regnorum, et Dominiorum nostrorum, sed totius Reipublicae Christianae intersint, istiusmodi tarditatem, et cunctationem, profectionis tuae, et Collegae tui non immerito molestissimo animo accepimus. — Et propterea Tibi firmissime committimus, et mandamus, vt si fortasse Collega tuus nondum Tecum esset, cures, vt Vos quamprimum coniungatis, et sine vlteriore mora, adhibita posthac acceleratione, et diligenti negotiorum omnium, quemadmodum de Vobis confidimus, procuratione compensare studeatis. — Et quando apud Bassam Budensem eritis, Nos excusetis, ostendendo ei, quod licet iam ante plures dies a Nobis dimissi fueritis, vt recta ad Excelsam Portam pergeretis, Vos tamen coactos fuisse propter nonnulla vestra priuata negotia aliquot diebus subsistere, sed cum intellexeretis, Nobis id magno-

nando scripserat. Quum enim Episcopus ibi frustra Collegam exspectaret, ZAYVM 9. Iulii monuit, vt quantocius veniret. Quotandem adpelente, Bassae Budensi 13. Iulii insinuauit, se prope diem Budam cum suo Collega aduolaturum; prouti diem sui discessus Comaromio 16. Iulii iterum Ferdinando significauit. — Omnes has Verantii Epistolas, cum caeteris, quas Legati ex itinere, et Constantinopoli expediuerunt, publica donauit luce RR. KATONA Hist. Crit. Reg. Hung. Tom. XXII. pag. 457.

pere displicuisse, Vos daturos esse operam, vt tarditatem hanc, adhibita posthac celeritate, compensetis, in quibus nostram expressam exequeris voluntatem. — Datum in Ciuitate nostra *Vienna* Die XV. Mensis Iulii Anno Domini MDLIII. Regnorum nostrorum Romani XXIII. Aliorum vero XXVII.

Ferdinandus m. p.

Ad mandatum Sacrae
Regiae Maiestatis proprium

I. Ionas D.

Vice-Cancellarius m. p.

I. Iordanus m. p.

V.

Ad Ant. Verantium, et Fran. Zay.

Ferdinandus Rex. mittit *Ant. Verantio*, et *Fran. Zay*
duplicam Litterarum ad *Turcarum Imperatorem*
quoad moram expeditioni *Oratoris* sui *Ioan. Mariae Maluezii* interpositam. *Viennae* d. 5. Decemb.
1553.

Reuerendo, Deuoto, ac Magnifico, fidelibus Nobis dilectis, ANTHONIO VRANTIO, Episcopo Quinque-Ecclesiensi, et Praeposito Porrensi, ac FRANCISCO ZAY de Chemor, Nazadistarum nostrorum Generali Capitaneo, Consi-

liariis, et Oratoribus nostris ad Serenissimum
Turcarum Imperatorem destinatis.

(L. S.)

5. Dec.
1553.

FERDINANDVS Diuina fauente clementia
Romanorum, Hungariae, Bohemiae, etc. Rex.

Reuerende Deuote, ac Magnifice, Fideles
Nobis dilecti! — Mittimus ad Vos cum hisce
Litteris nostris duplicam, vel potius exemplum
earum Litterarum, a) quas per viam *Budae*
tum ad Serenissimum Principem Turcarum,
tum ad Vos dedimus circa istam paruam moram,
quae expeditioni Oratoris nostri *Ioannis Mariae*
Maluezii cum resolutione nostra remittendi, in-
terponitur, quodsi fortassis illae in itinere pe-
rissent (quod tamen non credimus) saltem ex
his percipiat, quae ad Vos, et ipsummet
Principem Turcarum perferri voluerimus, vel
saltem, si hae illas anteuertent, eo plus spacii,
ac temporis habeatis ad cogitandum, delibe-
randumque, quomodo Litterae illae nostrae ad
Magnitudinem eius primo quoque tempore ex-
pediri queant, ne Magnitudo eius hanc remit-
tendi *Maluezii*, vel alterius cum resolutione
nostra expediendi dilationem in sinistram par-
tem interpretetur. Licet non dubitemus habita-
ratione, prudentiae, rerumque gerendarum dex-
teritatis vestrae, Vos alias sedulo laborare, et

a) Ista Bibliotheca Regnicolaris non possidet.

cogitare, vt omnia ex vsu nostro, et omnia Regnorum, Dominiorumque nostrorum, totiusque Christianitatis commodo gerantur, et succedant, ideoquo Vos etiam nulla admonitione indigere arbitramur, sed hoc Vobis non obscurum esse volumus, fidem et diligentiam Vestram, quam in hac Legatione declaratis, Nobis maximopere probari, neque Nos eiusdem immemores futuros esse. Datum in Ciuitate nostra *Viennâ* Die quinta mensis Decembris, Anno Domini MDLIII. Regnorum nostrorum, Romani vigesimo tertio, aliorum vero vigesimo septimo

Ferdinandus m. p.

Ad mandatum Sacrae
Regiae Maiestatis proprium.

I. Ionas D.

Vice-cancellarius m. p.

M. Singkmoser m. p.

Ad Eosdem.

Ferdinandus I. Oratoribus suis Verantio, et Zayo insinuat Miluegium aduersae valetudinis causa ad Imperatorem Turcarum expediri non potuisse, Tarnocizium vero ad Budensem Bassam sine obseruandarum Induciarum missum esse. Viennae d. 5. Decembr. 1553.

Reuerendo, ac Magnifico, Fidelibus, Nobis dilectis, ANTONIO VRANTIO Quinque-Ecclesiensi, et Praeposito Pornensi, nec non FRANCISCO ZAY, Nazadistarum nostrorum Generali Capitaneo, Consiliariis, et Oratoribus nostris ad Serenissimum Principem Turcarum destinatis.

(L. S.)

Redditae 22. Ianuarii 1554.

5. Dec. 1553. FERDINANDVS Diuina fauente clementia Romanorum, Hungariae, Bohemiae, etc. Rex.

Reuerende Deuote, ac Magnifice, Fideles Nobis Dilecti! — Quamquam Nos pro eo desiderio, quo tenemur, renouandae, et confirmandae cum Serenissimo, ac Potentissimo Principe, Domino Sulthano *Soleymano*, Imperatore Turcarum, ac Asiae, et Graeciae, etc. vicino nostro honorando, pristinae amicitiae, et pacis, quam superioribus annis cum Magnitudine eius iniueramus, ac constitueramus, lubenter iam statim Oratorem nostrum *Ioannem*

Mariam Maluezius a) cum resolutione nostra ad Magnitudinem eius remissemus; cum tamen negotium hoc magni sit momenti, et spatium aliquod honestum deliberandi requirere videatur, ipseque *Maluezius* tarde etiam ad Nos venerit, impeditus nimirum valetudine, qua etiam nunc utitur satis incommoda, vsque adeo, quod non putetur posse tam longinqui itineris labores, et molestiam adhuc tolerare, visum fuit Nobis has adiunctas Litteras ad Magnitudinem eius scribere, ut saltem Magnitudo eius causas morae intelligat, et acceptis Litteris nostris eo aequiore animo Oratorem, et responsum nostrum expectet, sicuti Magnitudinem eius pro animi sui aequitate facturam esse non dubitamus: nam prout et Magnitudini eius scribimus, negotia ista non sumus remoraturi, sed post pauculos dies aut *Maluezius*, aut aliquem alium, si hic per valetudinem mitti non poterit, cum resolutione nostra expediemus, quae omnino talis erit, quod confidamus, Magnitudinem eius illi amice et benevole acquieturam, et intellecturam, quod Nos praeter honestatem, et aequitatem nihil postulemus, sed amicitiam Magnitudinis suae, sincero, et candido animo expetamus. —

-
- a) Cur *Ferdinandus* in Aula Ottomanica *Maluezii*, antea Constantinopoli carceribus mancipati, mox Viennam cum obligatione redeundimissi, longiorem ibidem commorationem per Oratores excusalam habere voluerit? ex *EVSSEQUIO* narrat *PRAXIS Annal. Reg. Hung. Tom. V. pag. 494.*

Porro, quo tutius coepti Tractatus absolui, et Oratores, Nunciique nostri hinc inde proficisci queant, expedinimus his proxime diebus ad Bassam Budensem, Egregium fidelem Nobis dilectum *Andream Tarnoczy*, a) et ab ipso certiores fieri volumus, num ipse interim in omnibus Confiniis inducias firmiter observandas curare velit, redidimusque ipsum vicissim securum, quod etiam nostra ex parte eas observari curaturi simus, prout ista omnia fusius ex annexis Litterarum exemplis cognoscetis. — Eaque propter Vobis clementer committimus, ut Serenissimo Turcarum Principi Litteras nostras primo quoque tempore transmittatis, atque pro vestra etiam parte medio Bassarum, et Consiliariorum suorum melioribus, quo poteritis, modis, ac viis efficere studeatis, ne Magnitudo eius parvam moram istam, quae interponitur expeditioni *Maluezii* b), et responsi no-

a) De *Andrea Tarnoczio* nonnulla connotavit FRAN. EYDAI in *Magy. Orsz. Histor. való Lexic.* Tom. III. pag. 388. *Ferdinandus* Rex illum in Litteris suis d. 24. Ian. 1554. ad Eperiesienses, Aulae suae Regiae Familiarem nominat.

b) *Maluezius* omnino cum responso *Ferdinandi* semet itineri aecinxit, munus Oratoris porro *Byzantii* continuaturus, sed inopine vitae ereptus, successorem nactus est Belgam perquam eruditum *Augerium Lusbequium*, qui 20. Ianuar. 1555. ad Portam Ottomanicam quidem peruenit, sed, quod Legati Regis ad unum duntaxat semestre indu-

stri aegre ferat: quia quantum in Nobis erit, nihil sane praetermitteremus, quod ad firmandam stabilendamque inter Serenissimum Turcarum Imperatorem, et Nos bonam, et firmam Pacem, atque amicitiam pertinere videbitur. — Caeterum Vos exequemini in his bene gratam, et expressam voluntatem nostram, Regia nostra benignitate erga Vos recognoscendam. — Datum in Ciuitate nostra *Vienna* Die Quinta mensis Decembris Anno Domini MDLIII. Regnorum nostrorum, Romani XXIII. aliorum vero XXVII.

Ferdinandus m. p.

Ad mandatum Sacrae
Regiae Maiestatis proprium

I. Ionas D.

Vice-cancellarius m. p.

M. Singmoser. m. p.

cias, nondumque Pacem impetrauerint, continuo cum *Solymani* Litteris Viennam reuersus est. WOLFG. BETHLEN *Hist. de Reb. Transsil.* Lib. IV, Tom. I. pag. 547.

VII.

Ad Wolfgangum Dersffy.

*Wolfgangus Dersffy Arcis Szigethiensis Capitaneus
inhibetur per Ferdinandum ab inuasionem Bonorum,
quae ad Antonium Verantium Episcopum, causa
Legationis absentem, spectant. Viennae d. 18. Fe-
bruar. 1554.*

18. Febr.
1554.

FERDINANDVS Diuina fauente clementia
Romanorum, Hungariae, Bohemiae, etc. Rex,
semper Augustus, Infans Hispaniarum, Archi-
dux Austriae, etc. Fideli nostro Egregio *Wolff-
gango Dersffy a) Arcis, et Oppidi nostri Zi-*

a) *Dersfforum genus cum Szerdahelyiis vnum, idem-
que esse, plurium Diplomatum, et Litterarum
autoritate euictum est: ita e. g. in MS. Codice
Istvánfiano, quem Bibliotheca Regnicolaris pos-
sidet, leguntur pag 85. Relaxatoriae Birsagiornum
huius tenoris. „ Martinus Ders de Zeredahel,
„ Vice-Palatinus Regni Vngariae, etc. Memoriae
„ commendamus, quod nos vniuersa Birsagia,
„ et quaeuis Indiciorum onera, in quibus An-
„ tonius Blasius et Clemens filii Dionysii de Bol-
„ dogaszszonyersi contra Ladislaum filium Nico-
„ lai Stephanum filium Ioannis, et Georgium fi-
„ lium Gregorii de Boklár in praesentia Palati-
„ nali in quibuslibet terminis conuicti, et ag-
„ grauati fore dignoscuntur, ad nostram videli-
„ cet portionem cedentia, ad instantem petitio-
„ nem honorabilis Viri Domini Georgii Cantoris
„ Ecclesiae Aquilegiensis, Aulaeque Regiae Maie-
„ statis Notarii specialis, duximus relaxanda,
„ immo relaxamus, et remulgemus, ac quietos*

geth a) Capitaneo Salutem, et Gratiam. —
 Expositum est Maiestati nostrae pro parte, et
 in persona fidelis nostri Reuerendi *Antonii Verantii*,
 Episcopi Quinque-Ecclesiensis, Consilia-
 rii nostri, etc. graui cum querela. b) Quod li-
 cet Nos antea quoque ad humilem Supplicatio-
 nem pro parte eiusdem factam, per Litteras
 nostras serio tibi mandassemus, vt ab occupa-
 tione, et damnificatione, ac quavis molestatio-
 ne Bonorum eiusdem Episcopatus sui, te, et
 sub tuo Capitaneatu existentes, contineres,
 Tu autem non curato eiusmodi Mandato nostro,
 te in certa Bona ipsius Episcopi, et Ecclesiae
 suae praefatae ingerendo, maiorem partem De-
 cimarum pro te occupari curasses, insuper ali-
 quos eiusdem Colonos certa pecuniarum sum-

„superinde committentes, pariter et absolutos
 „harum nostrarum testimonio Litterarum. Da-
 „tum Tyrnauiæ in festo Epiphaniarum Domini,
 „Anno eiusdem Millesimo Quadringentesimo
 „primo. “

a) *Szigethum* in Historia Patriae olim haud obscurus
 locus fuerat, qui sub Capitaneatu *Wolffgangi*
Dersffy pene in nidum Praedonum conuersus fuit,
 depopulantium cum primis regionem ad *Korotna*,
Babotsa, et *Kaposvár*. Aliquas loci vicissitudi-
 nes ex LAD. TVROCZII *Hungaria* in notis ad MATH.
 BELII *Compendium Hung. Geographic.* pag. 176.
 IOAN. SEVERINVS adiecit.

b) Grauiissimas *Verantii* querelas contra *Wolff. Ders-*
ffy ad Regem delatas reuert *FRAN. BUDAI* in
Magy. Orsz. Histor. Lexic. Tom. I, pag. 587.

ma indebite imuletasses, Governatore
Episcopatus, et Officialibus eiusdem pri-
perinde non requisitis, qui, si eos requisivisses,
negocium tuum, si quod contra eos, vel ali-
quos Colonos ipsius exponentis habuisses, recti-
ficare non neglexissent. — Supplicatum est igitur
Maiestati nostrae in persona praefati Epi-
scopi Quinque-ecclesiensis, ut cum idem nunc
non solum in nostris, verum etiam totius Rei-
publicae Christianae servitiis apud Thurcarum
Imperatorem existat, ac propter eiusmodi suam
longinquam ab Episcopatu suo absentiam, Bo-
nis suis providere non possit, dignaremur cle-
menter prospicere, ut dictus Episcopatus suus,
et omnia Bona eiusdem tam a sua, quam alio-
rum quorumvis Subditorum nostrorum turbatione,
et infestatione, libera, et pacifica esse pos-
sint. — Nos itaque tum propter praemissa ser-
vitia ipsius exponentis, tum quia Dei gratia in-
star aliorum Diuorum quondam Hungariae Re-
gum, nostrorum Praedecessorum Supremus
omnium Ecclesiarum Dei in isto Regno nostro
Hungariae Patronus *a)* sumus, et ideo ferre non
possumus, ut per te, vel quoscunque alios
Subditos nostros, ea, quae olim per pios ho-
mines Ecclesiis applicata, Deoque dicata sunt,
profanis manibus occupentur, in vsumquo
suum impune conuertantur, et per hoc diuinus
cultus aut cesset, vel diminuatur, committimus

a) Part, I. Tit. 11. et Art. IX. an. 1553.

Tibi harum serie firmiter, et mandamus aliud omnino habere nolentes, quatenus statim acceptis praesentibus, et praemissis ita se habentibus, ad requisitionem dicti Gubernatoris, vel Officialium eorundem cum praesentibus fiendam, sine vlla dilatione, et tergiuersatione omnia ablata manibus damnificatorum intègre reddere, ac restituere, ac imposterum te, tuosque ab eiusmodi factis diligenter continere debeas, nam alioquin certus sis, nos prouisuros, vt tu, et tuo exemplo alii quicunque Bona Ecclesiastica attingere, et quouis modo molestare non audeant. Secus igitur non feceris, praesentibus perlectis exhibenti restitutis. Datum *Viennae* decima octaua Februarii Anno Domini Millesimo Quingentesimo Quinquagesimo Quarto.

Ferdinandus m. p.

(L. S.)

Nicolaus Olahus
Strigoniensis Archiepiscopus
 m. p.

VIII.

Ad Ant. Verantium, et Fran. Zay.

Ferdinandus Oratoribus suis Ant. Verantio, et Fran. Zay ad complures eorundem Litteras respondet, et res usque aduentum Maluezii Constantinopoli exequendas committit. Posonii die 15. Aprilis 1554.

Reuerendo, deuoto, ac Magnifico Fideli-
bus Nobis Dilectis, ANTHONIO VRANTIO Epi-
scopo Quinque Ecclesiensi, Praeposito Pornen-
si, et FRANCISCO ZAY *de Chemor a)* Nazadi-
starum nostrorum Generali Capitaneo, nostris
Consiliariis, et Oratoribus ad Serenissimum
Turcarum Imperatorem destinatis Constanti-
poli.

(L. S.)

Cito	Cito
Cito	Cito
Cito	Cito

Redditae 11. Iunii 1554.

15. April. FERDINANDVS Diuina fauente clementia
1554. Romanorum, Hungariae, Bohemiae, etc. Rex.

Reuerende, Deuote, ac Magnifice, Fi de-
les Nobis dilecti! — Postquam *Lucam de Rádo*
Ragusinum ad Vos expediimus, redditae fue-

a) Hodie Csömör in Comitatu Pestiensis. VALY Nagy.
Orsz. Leírása. Tom. I. pag. 414.

runt Nobis senae a Vobis Litterae, nempe de 27. Nouembris a) 3. 13. et 16. b) Decembris proxime elapsi anni quinquagesimi tertii, item de 17. Ianuarii c) cum Appendice, 18. 20. et 22. diebus eiusdem mensis adiuncta, nec non de 7. et 8. d) Februarii huius anni Quinquagesimi quarti datae. — Ex illis Litteris diffuse intelleximus omnia ea, quae interim isthic Vobis occurrerunt, quae gesta sint, et de quibus denique pro fide vestra Nos edocendos esse duxistis. Neque parum sane grata illa Nobis fuerunt, quandoquidem Nobis comprobarent luculentissime singularem vestram obseruantiam, fidem, et rerum gerendarum dexteritatem, adeoque non solum comprobarent, testatamque fecerunt, sed maximopere etiam commendauerunt. Quare nolite dubitare, quin omni Vos benignitate prosequamur. — Hortamur autem Vos, quasi calcar currentibus addentes, vt imposteorum quoque Nos de omnibus rebus subinde certiores faciatis, [quas scire Nos operae pretium fore existimaueritis. — Caeterum quoniam Lit-

a) De hoc Dato Oratorum ad *Ferdinandum* Litteras producit R. R. KATONA *Hist. crit. Reg. Hungar.* Tom. XXII. pag. 491.

b) Vide eas apud KATONA Tom. XXII. *Hist. crit. Reg. Hung.* pag. 492.

c) Vide illas apud KATONA *Hist. crit. Reg. Hung.* Tom. XXII. pag. 548.

d) RR. KATONA easdem pag. 553. et seq. inseruit Tom. XXII. *Hist. crit. Reg. Hung.*



terae vestrae plures sunt, et tractant maxime de praesenti rerum Turcicarum statu, non putamus necesse esse, vt singilatim ad omnia Capita Vobis respondeamus: hasce nempe Litteras ad Vos dedimus, ut sciatis expeditionem *Maluezii*; quia iam deliberatum est Nobis, ipsum intra quindecim dies vna cum Tributo Transiluanico, a) certisque Honorariis isthuc distribuendis, ac sufficientibus expensis ad Vos expedire, et is adferet secum plenam Instructionem, quomodo quoad reliquum etiam Legationis vestrae conficere debeatis, subiungemus tamen insuper pauca quaedam in hisce Litteris nostris, quae mature vos scire oportere existimamus, ne omnino vacua ad Vos epistola ista perferatur.

Ac primum quidem scripsistis ad diem 17. Nouembris b) datis, ex quo *Hrusztanus* Bassa fortassis obitus est eorum, quae ad nos per

a) Crediderim hoc loco intelligi tributum, quod WOLFG. BETHLEN in *Hist. de reb. Transil.* Tom. I. Lib. II. pag. 341. et Lib. III. pag. 416. Isabellam ex Transilvania annis 1540. et 1543. *Solymano* soluisse perhibet: probabilius idem exegisse a *Ferdinando* Turcas, colligitur ex Litteris Oratorum regionum de 17. Nouemb. 1553. quae in RR. KATONA. *Hist. crit. Reg. Hung.* Tom. XXII. pag. 487. existunt. Ab Hungaria enim nullum dependentium fuisse, docet BENCZYR in *Hung. semp. libera* Cap. III. pag. 77.

b) Apud RR. KATONA *loc. cit.*

Petrum Horváth a) de missione Oratorum nostrorum scripserat, vt exemplum earum Litterarum ad vos mittere dignemur; Nos vero non recordamur, *Hrusztanum* Bassam aliquid ad nos vnquam scripsisse: at, qui, ne vlla ex parte vobis desimus, iubemus describi, et *Maluezio* ad vos perferenda dari exempla illarum Litterarum, quas tam per *Petrum Horváth*, quam antea de missione Oratorum nostrorum ad ipsum dederamus; deinde gratum quoque Nobis accidit, quod Nos de Legatione Nunciorum b) Reginae *Isabellae*, et *Petri Petrovyth* ad Turcarum Imperatorem expeditorum certiores reddideritis, et quod Nuncius Transsiluanus cum *Cheván* Chiaussio, c) ac Litterae nostrae tam opportune illuc adpulerint. Curandum itaque

-
- a) Iste videtur prouinciam Tabellarii sustinuisse penes Legationem. In Litteris Verantianis frequentius fit illius mentio.
- b) Factionibus istorum imputandum est, quod Legatis regiis confirmationem Factorum cum *Isabella* de Transsilvania *Solymanus* abnegauerit, eos *Constantinopoli* abire iusserit, *Ferdinandoque* Regi bellum minatus sit, ni Transsilvania actutum excesserit. FELMER *Prim. Lin. M. Princip. Transsil. Hist.* §. 216. pag. 160.
- c) *Chiausii* sunt Seruitores publici, quos Imperator non raro ad exequenda sua mandata in Prouincias dimittit. Est iis proprius Praefectus, quem *Chiausbassa* dicunt. V. *Neues Zeitungs-Lexicon zum Türkenfriege* pag. 28.

Vobis erit, vt etiam expeditionem, et responsum illorum diligenter, ac exacte cognoscatis, quemadmodum vos facturos esse, non ambigimus.

Quod autem Bassae non innotuerit, vos rerum Turcicarum statum per quemdam *Ioan- nem Toth*, Brassoviensem ad Nos, et Episcopum, a) Vaiuodasque nostros Transsiluanienses b) perscripsisse non absque molestia intelleximus. Facile enim videmus, quantum periculi inde ad vos redundare possit. Proinde iam ea de re caute *Stephanum Dobó* c) admonueris, ita, quod nullo modo intelligi queat, rem istam a vobis detectam esse, et plane equidem confidimus in posterum, quae secrete habenda sunt, non alios, quam vos scire necesse sit, isthic perlatum iri, nihilque amplius negotii vobis inde expectandum fore.

- a) Erat is PAVLLVS BORNEMISZA apud PRAY *Hierarch. Hung.* Part. I. pag. 178. quem alias etiam *Abstemium* nominatum fuisse, refert SZEREDAI in *Serie antiqu. et recent. Episcop. Transsil.* pag. 203.
- b) Scilicet *Fran. Kendi de Szent Iván*, et *Steph. Dobó de Ruszka*. V. *Calendar. maius Titular. pro anno 1782. M. Princip. Transsil.* pag. 121. Datae ad eos ab Oratoribus *Ferdinandi* 17. Nouemb. 1553. Constantinopoli Litterae extant in RR. KATONA *Hist. crit. Reg. Hung.* Tom. XXII. pag. 488.
- c) Biographia illius prolixè exhibetur in FR. BYDAI *Magy. Orsz. Hist. Lexic.* Tom. I. pag. 545.

De praxi vero *Hrusztani* Bassae, perquam Banum Croatiae, a) aliosque fideles nostros regnicolas Hungaros a fidelitate, et obedientia nostra remouere vellet, prudenter sane, et fideliter fecistis, quod tempestiue Nos admonueritis, talis namque illa est, quae nullatenus negligenda, aut spernenda esse videtur, quocirca vobis benigne committimus, vt de nomine famuli quondam *Mathiae Allia* b) qui huius rei instrumentum esse debet, diligenter inquiratis, et, an rebus confectis *Constantinopoli* iam redierit, item num Presbyter ille *Franciscus Pica*, qui cum Instructione ad praedictum Banum, et alios profecturus erat, discesserit, perscrutemini, Nosque his postea primo quoque tempore edoceatis, quo facilius, et commodius homines pestiferi clam intercipi, ac iuxta consilium vestrum in tenebris suppressi, et tandem merita poena affici queant.

Porro vt fines nostri, et Turcarum pacati essent, ac Induciae sancte observarentur, hactenus enixe studuimus, studebimusque quotidie

a) Fuerat tum C. *Nicolaus Zrini*, de quo plura con-gessit RÁTKAI in *Memor. Reg. et Banor. Dalmat.* pag. 124.

b) *Mathiae Allia* nomen in pluribus Oratorum regionum epistolis, quas a RR. KATONA cit. l.c. in lucem protractas esse dictum est, occurrit. — Hunc antea Turcam fuisse, iidem Oratores referunt in Litteris suis ad Regem de 9. Septemb. 1553.

in posterum, licet in tanta amplitudine, et intervallo Confiniorum, in tanta multitudine Latronum, atque Praedonum, qui latrociniiis, et rapinis exercendis assueti sunt, nec stipendio villo viuunt, damna, et depraedationes non vndique facile praecaveri possint, verum tamen nostra ex parte nihil, quod ad conseruandam, stabiliendamque inter Nos, et Principem Turcarum amicitiam, ac pacem pertinere videbitur, negligemus. — Atque haec sunt, quae modo ad vos scribenda esse duximus. Caetera, quae vos scire intererit, Deo dante, ab ipsomet *Malvezio* coram intelligetis: hoc tantum annectimus, vos in praemissis rite, recteque exequendis tum voluntati nostrae, tum expectationi, quam de fide, solitudine, et industria vestra concepimus, satisfacturos, magnamque apud Nos gratiam inituros esse. — Datum in Arce nostra *Posoniensi* Die XV. mensis Aprilis Anno Domini MDLIII. a) Regnorum nostrorum, Romani XXIII. Aliorum vero XXVIII.

Postscripta: Dum praesentes Litterae conscriberentur, superuenerunt et aliae vestrae Calendis Martii b) datae, quas non minus benigno

a) Haec epistola, paucis interiectis periodis, in autographo pene tota cryptographica est, scripta Posonio tertia die post Sanctionem Articulorum in Diaeta anno 1554. ibidem conditorum, et *Corpor. Iur. Hung.* Tom. I. pag. 459. insertorum.

b) Legi illae possunt in RR. KATONA *Hist. Crit. Reg. Hung.* Tom. XXII. pag. 558.

animo, quam priores accepimus, placet namque Nobis plurimum, quod tam distincte, tamque fideliter, et diligenter de omnibus rebus, quae in dies isthic occurrunt; et ad notitiam vestram deducuntur, Nos crebro certiores reddatis. Et quoniam hoc tempore nihil habemus, quod respondeamus, maxime, cum iamiam discessurus sit *Maluezius*, satis de omnibus informatus, id tantum hoc tempore in hac Appendice addere volumus, vos mentem nostram ex Instructione, quam feret *Iohannes Maria*, intellecturos, quid faciendum vobis sit, si Orator Regis Franciae sacram Imperatoris nostri personam, et Regem suum in hac pace includi vellet. Litteras autem praeter illas, quas *Lucas de Rádo* Ragusinus de sua Ianuarii ad vos perferendas accepit, et quas redditas vobis esse confidimus, vel per *Budam*, vel aliam viam nullas expediimus; itaque non est, quod ea de re quidpiam addubitetis. Vtimur enim maximo via Veneta, quandoquidem Nobis et tutissima, et expeditissima videtur. — Datum vt supra a)

Ferdinandus m. p.

Ad mandatum Sacrae
Regiae Maiestatis proprium

I. Ionas. D.

Vice-cancellarius m. p.

M. Singkhmoser m. p.

a) Postscriptum totum ziffis exaratum est.

Ad Eosdem.

Ferdinandus certiores facit Ant. Verantium, et Fran. Zay de perceptis eorum Litteris, et de Maluezio tandiu Comaromii mansuro, donec intentionem Imperatoris Turcarum quoad Transsiluaniam intellexerit, commendat praeterea illis ultro etiam diligentiam in perficiendis negotiis, miraturque nullas Oratoribus redditas esse Litteras. Viennae 21. Iunii 1554.

Reuerendo Deuoto, ac Magnifico, Fidelibus nostris Dilectis ANTHONIO VERANTIO Episcopo Quinque-ecclesiensi, ac Praeposito Porrensi, FRANCISCO ZAY, Generali Nazadistarum nostrorum Capitaneo, Consiliariis, et Oratoribus nostris ad Principem Turcarum destinatis,

(L. S.)

C.

Redditae 7. Aug. 1554.

21. Iun.
1554.

FERDINANDVS Diuina fauente clementia Romanorum, Hungariae, Bohemiae, etc. Rex,

Reuerende, Deuote, ac Magnifice, fideles Nobis dilecti! — Redditae sunt Nobis Litterae vestrae die 10. proxime praeteriti mensis Maii datae, gratoque, et clementi animo inde accepimus, singularem illam vestram diligentiam,

et fidem, quam non solum in tractandis, exequendisque, sed etiam in perscribendis ad Nos omnibus, quae isthic in diem occurrunt, adhibetis, quibus sane Litteris, ne nihil respondere-mus, visum est, Vos per praesentes certiores reddere de omni rerum nostrarum statu: nempe: quod vani sint rumores illi, qui isthic feruntur, Nos arma in fines Imperatoris Turcarum moliri, quia in eadem sententia adhuc perseueramus, qua eramus antea, cum Vos hinc expediremus de ineunda cum Imperatore Turcarum firma, et bona Pace, atque amicitia, modo honestae illae Conditiones, quas *Ioannes Maria Maluezius* a Nobis accepit, isthic per Vos proponendas, acceptatae fuerint. Significauimus autem Vobis per Litteras nostras de 25. Maii a) duplici via, Veneta scilicet, et per Budam ad Vos datas, postquam iam praefatus *Maluezius* cum Resolutione nostra, et Tributo in Transsiluaniam hinc discessisset, superuenisse *Ioannem Végh* b) cum Litteris dicti Imperatoris ad Vaiuodam, et Regnicolam nostrum

a) Istaе in Collectione Manuscriptorum Verantianorum, quae Bibliotheca regnicolaris possidet, desiderantur.

b) Huius opera vsi sunt in mittendis Constantinopolim Litteris Ferdinandi Vaiuodae Transsilvaniae FR. BYDAI *Magy. Orsz. histor. Lexic.* Tom. III. pag. 712. Litterae Oratorum ad eundem de 23. Ian. 1554. sunt in KATOŃA *Hist. crit. Reg. Hung.* Tom. XXII. pag. 552.

Transsiluanum scriptis, unde, cum manifeste Vos intellexisse consilia, et conatus Turcarum de eripienda Nobis Transsilvania, durantibus etiam Induciis, et non expectata resolutione nostra, iamque Moldauus, et a Transalpinus infestis Signis irrupturi esse, visi fuissent, Nos aliter facere non potuisse, quam ut ipsum *Maluegium* aliquamdiu *Comaromii*, ubi etiam nunc est, subsistere iuberemus, donec motus istos subsidere videremus, et a Turcarum Imperatore certi redderemur ante finem horum Tractatum, in quibus cum Magnitudine eius de ineunda Pace stamus, et vestrum ad Nos reditum nihil prorsus impedimenti, vel molestiae Nobis in possessione Transsilvaniae exhibitum iri, sed Inducias in omnibus Confiniis sancte observandas fore, prout tunc etiam pro huiusmodi assecuratione ad Magnitudinem eius diligenter scripsimus, facta etiam Vobis Litterarum illarum nostrarum copia, quae quamprimum venerit, et motus praedicti reuera cessauerint, spondimus *Maluegium* andare, a) ut ceptum iter sine omni mora prosequatur, quas sane Litteras Vobis vel per utramque, vel per alteram viam b) redditas fuisse, nulli dubitamus. — Quo-

a) *Andare* vox barbara est, ex italico sumta tantundem significans ac *ire*.

b) Hic locus illustrat, qui accidere potuerit, ut RR. Praepositus Quinque ecclesiensis Ios. KOLLER in *Hist. Episcop. Quinque-eccl.* Tom. V. Pag. 337. asscueret, se quoque omnia Manuscripta Veran-


niam autem nouissime a Vobis intelleximus, *Hebray* Bassam a Turcarum Imperatore in Locumtenentem Constantinopolitanum delectum esse cum summa et plena authoritate agendi, et perficiendi omnia, quae intercesserint, tanquam ipsemet Imperator Turcarum, nominatimque ei etiam demandatam esse rem totam Legationis vestrae. Vbi quid certi a Nobis venerit, existimauimus non abs re fore, cum ipso de componendis motibus contra quietem Transsilvaniae, et fidelium Subditorum nostrorum, ut antea diximus, susceptis, et petita per Nos a Turcarum Imperatore assecuratione tractare, si modo talibus Tractatibus se loco Principis sui ingerere voluerit. Nam si ipse motus eiusmodi reuera composuerit, atque Nos nomine Domini sui vigore potestatis sibi a Magnitudine eius tradita assecurauerit, Transsilvaniam cum omni reliqua Ditione nostra posterum etiam vsque ad finem Tractatum istorum, et vsque ad reditum vestrum ab omni inuasionem, et hostilitate liberam fore; perinde Nobis erit, ac si ipsemet Imperator Turcarum id fecisset, quin et statim saepe fatum *Maluezium* ad Vos pergere iubebimus, casu vero, quo ipse per valetudinem labores itineris ferre non possit, alium ipsius loco citra omnem mo-

tiana in origine possidere, quae Bibliotheca regnicolaris perinde autographa tenet. Singulae enim Litterae bis expeditae, et quersis viis missae fuerunt ad Oratores.

ram expediemus, eamque ob rem expeditae sunt in personas vestras adiunctae Credentiales ad Bassam istum *Hebrai*, vt illis (si tamen consultum vobis videbitur) in tractandis his, et aliis quibuslibet negotiis nostris apud ipsum vti queatis. — Quidquid autem effeceritis, de eo curate, vt primo quoque tempore notitiam percipiamus, quemadmodum etiam hactenus facere consueuistis, eoque nomine non vulgarem apud nos gratiam iniuistis.

Porro molestum accidit Nobis, quod scribitis, vos a mense Ianuario nullas a Nobis nec Litteras, nec Noua certa accepisse. — Nam in mense Ianuario ad diem scilicet 14am expediuimus *Lucam de Rádo* Ragusinum, qui certe dudum ad vos debuisset peruenisse, quas vero post illius discessum ad vos dedimus Litteras facile credendum est, nondum eo perlatas esse: nam in Februario, et Martio nihil plane scripsimus, in Aprili autem expediuimus alterum illum Ragusinum *Ioannem de Ráda*, idque ad diem 24am eiusdem mensis, licet Litterae *Possonii* 15a. a) datae fuerint, et Duplicata illarum Literarum misimus ad vos eodem tempore per viam Venetam; praeterea in proxime praeterito, et instanti mensibus praeter illas, de quibus supra diximus, et hasce praesentes nullas ad Vos dedimus, quod et ipsum vobis significare volumus, vt sciatis, an aliquae Lit-

a) Vide eas Num. VIII.



terae in itinere perierint? — Reliquum est, vt vos cohortemur, quod deinceps etiam eadem fide, cura, ac solitudine rebus, et negotiis nostris inuigiletis, et Nos de omnibus subinde certiores reddere pergatis, b) — In eo exequimini bene gratam, ac expressam voluntatem nostram, gratia nostra regia erga Vos recognoscentes. — Datum in Ciuitate nostra *Vienna* Die XXI. mensis Iunii Anno Domini MDLIV. Regnorum nostrorum Romani XXIV. aliorum vero XXVIII.

Ferdinandus m. p.

Ad mandatum Sacrae
Regiae Maiestatis proprium

I. Ionas D.

Vice-cancellarius m. p.

M. Singkhmoser. m. p.

b) Huc vsque Litterae istae in autographo ziffis scriptae sunt.



X.

Ad Eosdem.

Ferdinandus Rex Ant. Verantium, et Fran. Zay suos ad Portam Ottomanicam Oratores de subdola, Mah-muthi apud Turcarum Imperatorem Interpretis consuetudine, et de modo posthac ad se mittendi Litteras edocet; significatque, dispositum esse, ne, quae scribunt, secretiora pandantur: probat praeterea ad Tractatum de Transsilvania Ibrahi-mam Bussam muneribus pelliciendum, et Miran-dam e captiuitate redemptum esse. Viennae 2. Iu-lii 1554.

Reuerendo, Deuoto, ac Magnifico, fide-libus nostris dilectis ANTHONIO VERANTIO, Episcopo Quinque-ecclesiensi, Praeposito Por-nensi, ac FRANCISCO ZAY *de Chemor*, Generali Capitaneo nostro Nazadistarum, nostris Consi-liariis, et Oratoribus ad Serenissimum Impera-torem Turcarum destinatis

Constantinopoli

Cito

Cito

Cito

25. Aug. 1554 perceptae Constantinopoli,

2. Iul.

1554.

FERDINANDVS Diuina fauente clementia Romanorum, Hungariae, Bohemiae, etc. Rex.

Reuerende, Deuote, ac Magnifice, fide-les Nobis dilecti! — Ad diem 28. proxime

praeteriti mensis Iunii appulit ad Nos Ragusinus quidam *Radosor Gallo* cum Litteris vestris de 3a, et 8va superioris mensis Maii a) datis. Inde clementi animo intelleximus ea omnia, de quibus Nos humiliter informandos, admonendosque censuistis, non obscure perspicientes, quanta diligentia, et prudentia ad consequendum bonum, et optatum Legationis vestrae finem in omnes occasiones intenti sitis. Quare vos eo nomine benigne laudamus, et omni clementia nostra regia prosequi propensi sumus, et licet de his rebus antea quoque Nobis nonnullis Litteris satis copiose scripseritis, Nosque desuper vobis abunde etiam responderimus, visum tamen est ad praesens pauca quaedam scribere, cum quibus hic Nuncius ad vos reuertatur, ne plane vacuus Litteris nostris hinc discedat. Primum autem est, quod in Litteris vestris scripsistis de *Mahmutho* Interprete Imperatoris Turcarum, b) quae vobiscum communicauerit, et quam magnanimam promptitudinem, et diligentiam ad praestandam Nobis operam suam in negotio Transsilvaniae iactitet, Nos eam grato equidem animo acceptaremus, nisi malam hominis voluntatem, et insignem nequitiam probe experti, penitus perspectam habe-

a) Recitat utramque Epistolam RR. KATONA in *Hist. crit. Reg. Hung.* Tom. XXII. pag. 576. et 580.

b) De hoc *Mahmutho* pluries fit apud KATONA loc. cit. mentio in Litteris Oratorum regiorum.

remus: anno quinquagesimo, cum a Turcarum Imperatore Orator ad Nos ablegatus fuisset, exceptus est a Nobis benigne, et honorifice, donatus muneribus haud exiguis, utpote, quae ad aliquot millia florenorum ascendebant; ibi mira Nobis de negotio Transsilvaniae est pollicitus, adeo, quod Nobis etiam aliquam rei recte conficiendae, et a Turcarum Imperatore obtinendae spem iniecerit. Sed homo malignus simul atque a Nobis recessit, nihil eorum, quae hic a Consiliariis nostris intellexerat, conticere poterat, sed Secretario nostro, cum quo *Constantinopolim* vsque profecturum hic promiserat, in itinere relicto, *Senderouiae* a) Danubium traiecit, ac in Transsilvaniam recta contendit, ibique Reginae *Isabellae*, et Fratri condam *Georgio* b) rem omnem, ut a Nobis acceperat, aperuit, quin etiam postea in Porta Imperatoris Turcarum res nostras non modo nihil promouit, sed omni studio, ac conatu impediuit. Quapropter nolite illi posthac quidquam vel credere, vel confidere, sed eadem illum arte eludere, quae ille fortassis Vos spe luctu deludere intendit.

Porro de Litteris, propter quas *Achmet* Bassa, et ipse quoque Imperator Turcarum

a) Hodie *Semendria*, inter praecipuas Urbes in *Serbia*, cuius vicissitudines descripsit *KRECKWICZ* in *Beschreib. des Königreichs Sungen* pag. 736.

b) Id est: *Martinus*.

contra Te Quinque-ecclesiensem commotus fuisse dicitur, hactenus nec ex Polonia, nec aliunde quidquam audiimus. Sed si quid postea de ea re ad Nos perferetur, humillimae vestrae informationis, ac excusationis clementer memores erimus. — Nam scimus te Quinque-ecclesiensem honeste, et cum laude tua e seruitiis Reginae *Isabellae*, suique filii discessisse, teque propterea benignitate nostra lubenter complectimur. Ad haec ex iis, quae hucusque per vos isthic acta sunt, facile iudicamus, quidquid id est, quod scripsistis, etiamsi Imperatori Turcarum, et suis Bassis non omnino placuerit, tamen vos in rem nostram bona intentione secundum eius vestram scripsisse, ideoque illa vestra Scripta non nisi benigne probamus.

Caeterum rerum nostrarum hic est status: Nos adhuc in ea deliberatione sumus, quam iam antea vobis per viam Turcicam, et Venetam scripsimus, nempe quod nolimus mittere *Maluexium*, vel alium Oratorem cum nostra resolutione, et Tributo Transsilvaniae priusquam optatum responsum a Turcarum Imperatore accipiamus, et a Magnitudine eius certi, et securi reddamur ante finem horum Tractatum, vestrumque ad Nos reditum tam Transsilvaniam, quam reliquam omnem Ditionem nostram ab omni inuasionem hostili liberam, ac tutam fore. Quodsi tamen *Ibran* Bassa pro summa sua auctoritate, qua modo Constantinopoli fungi dicitur, loco Principis sui, id quod a suo Princi-



pe postulamus, reuera fecerit, Nos bene contenti erimus, et *Maluezium*, aliumue aliquem confestim expediemus, ideoque vobis nuper comisimus per Litteras nostras die 21. proxime praeteriti mensis Iunii per *Venetias* datas, a) vt cum eo de his tractaretis, si modo talibus Tractatibus se ingerere voluerit, quem sane, quod aliquo munere honorare, Nobisque conciliare constitueritis, valde Nobis placet, quin etiam Nos eum in expeditione Oratoris nostri munere aliquo prosequi non negligemus b).

Quod Nos humiliter, fideliterque admoneatis, quod iubeamus, quando Transsiluani deinceps Nuncium, vel Nuncios ad Imperatorem Turcarum missuri sunt, vt Virum solidum, et Rerum scientem mittant, memoria tenebimus, et cum opus fuerit, ita fieri iubebimus.

Praeterea et illud non obliuiscemur, vt vobis posthac per Turciam scribamus, si quae vos isthic publice agere voluerimus, ac idem quoque deinceps faciendum existimamus, quando non occulte ad Nos scribere volueritis, maxime, cum frequenter inde Chiausii *Budam* trans-

a) Vide illas *Num. IX.*

b) Conferendae sunt Oratorum Litterae de 8. Maii apud KATONA *Hist. crit. Reg. Hungar.* Tom. XXII. pag. 520. Fertur eunuchus *Ibram* iam antea in Hungaria militasse, pluribusque Hungaris cognitus fuisse.


mitti soleant. Quodsi clam ad nos Litteras mittendas putaueritis, commodiorem viam, quam Venetam non habetis. Ist hac enim Litterae vestrae, et citissime, et tuto ad Nos perferentur, nec opus erit Tabellariis conductis, quia nimis itineri immorari videntur, prout Litterae vestrae de 10 Maii *a)* datae vndecim dies ante huius Tabellarii aduentum Nobis redditae fuerunt.

Negotia secretiora, de quibus Nobis subinde pro fide, et diligentia vestra scribitis, quod Nos sciamus, nemini hactenus patefacta sunt, quam paucis illis, quorum consilio, et opera ad deliberationem, et expeditionem eorundem vtimur, nec credimus, vnquam hinc aliquid eo relatum esse, vnde periculum vobis intentari posset. Nam id in Transsilvania antea accidit, imposterum fortassis non fiet, quia illico tunc Vaiuodam nostrum *Stephanum Dobó* caute, vobis non nominatis, admonuimus, vt de homine inquirat, qui rem omnem, quae a Nobis, vel ab aliis ad ipsum perscribuntur, *Petro Petrovyth*, suisque Complicibus prodidit *b)*.

Quod ad expensas attinet, non dubitamus, quin illa duo millia Ducatorum ab hominibus

a) Vid. eas apud RR. KATONA *loc. cit.*

b) Deficienti postea a *Ferdinandi* partibus *Francisco Kendio* propter simultates cum *Dobone* interuentus WOLF. BETHLEN in *Hist. de reb. Transsil.* Tom. I. pag. 564. totius rei culpa data est,



Petri della Veghia a) acceperitis, quae *Malucius* vobis per cambium isthuc iussu nostro iam dudum ordinavit.

Postremo clementer Nobis probatur, quod *Mirandam* b) redemeritis, curabimusque vobis pretium hic restitui, cum redieritis, ipsumvero vel vobiscum retinete, vel, nata occasione, remittite, si modo tuto fieri poterit, vel alias consultum fore videbitur. c) Et haec sunt, quae ad praesens vobis rescribenda duximus. Caeterum vos exequemini, in praemissis bene gratam, et expressam voluntatem nostram, benigne erga vos recognoscendam. Datum in Ciuitate nostra *Vienna* Die secunda mensis Iulii Anno Domini MDLIII. Regnorum nostrorum, Romani XXIII. aliorum vero XXVIII.

Ferdinandus m. p.

Ad mandatum Sacrae
Regiae Maiestatis proprium

I. Ionas D.

Vice-cancellarius m. p.

M. Singkhmoser m. p.

a) Erat Campsiator Venetus.

b) *Miranda* de illustri Hispaniae familia in Hungaria militauit, sed in praelio captus, a Turcis Constantinopolim missus fuit.

c) Finit hic epistola cryptographica: reliqua consuetis elementis latinis expressa sunt.

XI.

Ad Eosdem.

Ferdinandus laudat Antonii Verantii, et Fran. Zay in rebus agendis fidem, ac dexteritatem, eisdemque pollicetur, se facturum, quae postulant. Pragae 29. Aug. 1554.

Reuerendo, Deuoto, ac Magnifico, fidelibus Nobis dilectis, ANTHONIO VERANTIO Episcopo Quinque-ecclesiensi, ac Praeposito Porrensi, et FRANCISCO ZAY de Chemor, nostro Nazadistarum Capitaneo, nostris Consiliariis, et Oratoribus ad Serenissimum Turcarum Imperatorem destinatis.

Constantinopoli

Cito
Cito
Cito
Cito

Redditae 28. Octob. 1554.

FERDINANDVS Diuina fauente Clementia, ^{29. Aug. 1554.}
Romanorum, Hungariae, Bohemiae, etc. Rex.

Reuerende, Deuote, ac Magnifice, fideles
Nobis dilecti!

Posteaquam nouissime ad vos scripsimus id, quod ad 21mam mensis Iunii factum est, redditae fuerunt Nobis praeter duplicatam de

10-ma Maii senae a vobis Litterae vna cum aliis etiam Exemplis, ac Scripturis adiectis datae ad primam, tertiam, octauam, vigesimam nonam, et penultimam Maii de 3tia, et 8va, item 21ma Iulii, ex quibus statum Expeditionis Persicae, a) et omnia, de quibus Nos humiliter admonendos censuistis, abunde cognouimus. Ex nouissimis autem intelleximus etiam, quae vobis disputatio fuerit cum *Hrustano* Passa, quamue prudenter, quam apposite, et intrepide importunitati Illius responderitis. Itaque responsum illud vestrum non solum ratum, gratumque habemus, verum plurimum etiam laudamus, et facile inde singularem vestram erga Nos fidem, ac in rebus gerendis industriam, et dexteritatem perspicimus, quin eo quoque nomine propensi sumus, vos Benignitate nostra deinceps etiam Nos crebro tam de progressu vtriusque Exercitus, quam de aliis, quae nos scire debere putaueritis, certiores reddatis.

Porro licet gratius Nobis esset, Tabellarium nostrum, quam Chiaussium Budensem cum Litteris nostris ad Imperatorem Turcarum expeditum fuisse: tamen, cum id obtineri nequiverit, expectandum est, quid Ille Nobis boni sit reportaturus? — Interim vero dubitare non debetis, quin *Ioannes Maria Maluezius* ad

a) Bellum istud in compendio describitur a MIGNOT in *Geschichte des Osmanisch. Reichs* I. Th. pag. 458.

tollendam, vel saltem minuendam Turcarum suspicionem *Comaromii* a) mansurus sit: nam hoc ipsum iam dudum ei commisimus.

Caeterum, quando imposterum ad Imperatorem Turcarum Litterae dandae erunt, non obliuiscemur vestri consilii, ad *Achmet* Passam scilicet, et *Hrusztanum* Passam, et alios Passas scribere.

Duo illa millia Ducatorum, de quibus nuper etiam vobis scripsimus, non dubitamus, quin a fratre *Petri della Veghia* vobis numerata sint. b) Et haec sunt, quae vobis in praesentiarum respondenda duximus. Datum in Arce nostra regia *Pragae* XXVIII. mensis Augusti Anno Domini MDLIII. Regnorum nostrorum, Romani XXIII. aliorum vero XXVIII.

Ferdinandus m. p.

Ad mandatum Sacrae
Regiae Maiestatis proprium

I. Ionas D. m. p.

Vice-cancellarius m. p.

M. Singkhmoser.

Litteris istis adiectum quartae formae folium, continet sequentia:

-
- a) *Comaromium* ea aetate Arx erat in Confiniis Hungariae christianae supra Budam validissima. M. BEL. in *Comp. geograph. Hung.* pag. 93. Nostra aetate rursum reparatur.
- b) Huc vsque Litterae istae ziffris in autographo scriptae sunt.

Reuerendissime, ac Magnifice, Domini obseruandissimi!

Non video, quid praesentibus Maiestatis suae Litteris adiungam, quam, quod Maiestati Caesareae pro voto omnia ex Reipublicae Christianae commodo succedunt: quam ob rem Deo Optimo Maximo flexis genibus merito noctesque, diesque ingentes gratias agimus, nec dubito, quin Dominationes vestrae Reuerendissima, ac Magnifica, singillatim intellecturae sint *a Domino Gatelu, quam prospere Imperator noster tam in Italia, quam Flandria, seu Belgio res gesserit.* a) Ego Dominationibus vestris Reuerendissimae, et Magnificae felicem, et maturum reditum, eundemque rationibus Maiestatis Regiae, ac Christianitatis commodum exopto; memor, quid sit tamdiu in Carauasalibus b) Constantinopolitanis haerere.

Dominus *Ioannes Maria*,
ne omnino expers curarum, *Singkhmoser* m. p.
ac laborum *Comaromii* desideret, conflictatus est aliquamdiu cum febre. Sed iam

a) Haec periodus in autographo ziffbris indicatur. Gesta Caroli V. Imp. in Belgio, et Italia breuiter enarrantur in *Oesterreichisch. Tugend Spiegel, und Seden: Saal.* Tom. I. pag. 343. et sequ.

b) *Caraualia* desumuntur ab italico *Carauana*, quibus agmen turbulentum indicatur.

videtur conualescere. Regia
Maiestas hic agit Conuentum
cum Statibus Regni sui Bohe-
miae, a) filio Rege *Maximi-
liano* b) *Viennae* in Gubernio
Partium illarum relicto.

XII.

Ad Eosdem.

*Rex Ferdinandus I. Oratoribus suis Antonio Veran-
tio, et Francisco Zay nunciat, se in locum va-
letudinarij Maluezii mittere Augerium a Busbeck
cum Instructione, Litteris credentialibus, et tri-
buto Transsiluanico. Viennae 26. Nonemb. 1554.*

Reuerendo, Deuoto, ac Magnifico, fideli-
bus Nobis dilectis, ANTHONIO VERANTIO Epi-
scopo Quinque-ecclesiensi, et Praeposito Por-
nensi, nec non FRANCISCO ZAY de Chemor, Ge-
nerali Nazadistarum nostrorum Capitaneo, Con-
siliariis, et Oratoribus nostris ad Serenissimum
Principem Turcarum destinatis.

(L. S.)

Redditae 20 Februar. 1555.

-
- a) Qua de caussa *Ferdinandus I.* Pragae commoratus
sit, fusius connotauit THVANVS in *Hist. sui temp.*
Lib. IV. pag. 82. et sequ. Tom I.
- b) Regem vocat, cum *Maximilianus* iam an. 1545.
Rex Bohemiae creatus fuerit.

6. NOV. FERDINANDVS Diuina fauente clementia Romanorum, Hungariae, Bohemiae, etc. Rex.
1554.

Reuerende, Deuote, § ac Magnifice, fideles Nobis dilecti. — Cum Nobilis *Ioannes Maria Maluezius*, Consiliarius noster, fidelis Nobis dilectus aduersa valetudine impediatur, a) quo minus Legatione perfungi queat, Nosque attentis, et humillimis monitis vestris, et aliis rationabilibus caussis, mittendo responso nostro ad Serenissimum Turcarum Imperatorem longiorem moram interponi noluerimus, in locum illius hunc Nobilem, fidelem Nobis dilectum *Augerium a Busbeck* b) sublegimus, et Vobis in Collegam adiunximus, ac cum Instructione, Litteris Credentialibus, Tributo Transsiluamico, ac omnibus, quae ad hanc Legationem requiruntur, ad Vos expediuimus, a quo fusius omnia intelligetis, quae vos scire necesse est, posteaque igitur hactenus omnia summa fide, cura, diligentia, ac industria egeritis, adeoque Nobis abunde satisfeceritis, non dubitamus equidem, quin deinceps etiam in continuando,

a) Putabatur *Maluezius* ficto duntaxat laborare morbo, sed mox subsequuta mors contrarium docuit. *Istvánffy Hist. de Reb. Hung. Lib. XIX. pag. 350.*

b) Illustris, ac eruditissimi huius Viri biographia habetur in *groff. Universal. Lexico* Tom. IV. pag. 2004. qui Legationis suae Turcicae historiam quatuor epistolis complexus est, quas comprehendunt *A. GISLENI BUSEBEQVII Omnia, quae extant* 12. *Lugd. Batav. 1655.*

et ad optatum finem perducendo hoc tractatu
 Pacis, eandem fidem, eandem prudentiam,
 eademque studia adhibitori sitis. Quod sane
 ut faciatis, vos benigne etiam, atque etiam re-
 quirimus, non dubitantes, quin id omni benig-
 nitate nostra regia erga vos recognituri simus.
 Postea vos scire volumus, quod Nobis redditae
 quoque sint his diebus ternae Litterae vestrae
 quarta, et nona proxime praeteriti mensis Octo-
 bris datae, a) quas non sine voluptate legimus,
 et quantum attinet, ad Tractatum cum eo ineun-
 dum, qui in futurum Oratoribus nostris isthic
 impensas subministret, mentem nostram a Ca-
 mera nostra Aulica percipietis. — *Vienna* Die
 XXVI. mensis Nouembris Anno Domini MDLIII.
 Regnorum nostrorum, Romani XXIII. aliorum
 vero XXVIII.

Ferdinandus m. p.

Ad mandatum Sacrae
 Regiae Maiestatis proprium

I. Ionas D.

Vice-cancellarius m. p.

M. Singhmoser m. p.

a) Vtrasque edidit RR. KATONA *Histor. crit. Reg.*
Hung. Tom. XXII. pag. 599. — 604.

XIII.

Ad Verantium, Zay, et Busbek.

Ferdinandus I. Oratoribus suis Ant. Verantio, Fran. Zay, et Aug. Busbek committit, ut propter non obseruatas a Russis Turcicis Inducias in Porta conquerantur, iisdemque ad quinque millia Ducatorum nomina faciendi facultatem impertitur. Augusta Vindelicorum d. 21. Februarii. 1555.

Reuerendo, Deuoto, Magnifico, ac Nobili, fidelibus Nobis, et dilectis ANTHONIO VERANTIO, Episcopo Quinque-ecclesiensi, ac Praeposito Pornensi, et FRANCISCO ZAY de Chemor, et AVGERIO BUSBEK, Aulae nostrae Regiae Familiari, nostris Consiliariis, et Oratoribus ad Serenissimum Imperatorem Turcarum destinatis.

(L. S.)

Redditae 21. Maii 1555. Amasiae.

21. Febr. 1555. FERDINANDVS Diuina fauente clementia Romanorum, Hungariae, Bohemiae etc. Rex.

Reuerende, Deuote, Magnifice, ac Nobilis, fideles Nobis dilecti. — Accepimus Litteras, quas vos *Quinque-ecclesiensis*, et *Francisce Zay* de 29. Decembris a) ac 1ma, 5ta, et

a) Producuntur illae a RR. KATONA in *Hist. crit. Reg. Hung.* Tom. XXII. pag. 623. — 627.


7ma Ianuarii, mensium proxime praeteritorum ad Nos dedistis, gratoque, et clementi admodum animo cognouimus, quaecunque pro egregia vestra fide, et diligentia per illas Nobis significandas duxistis: inter alia autem Nobis valde gratum accidit, quod in postremis Vos intellexisse scribitis, quod scilicet iam tum Collega vester *Adrianopolim* a) venisse ferebatur. Non dubitamus enim, ipsum non modo iam dudum ad vos appulisse, sed vos omnes etiam vna iam *Amasiam* b) versus ad Imperatorem Turcorum deductos esse, quin etiam, antequam praesentes acceperitis, in mediis Tractatibus versari. Quare non opus est nunc pluribus ad dictas Litteras vestras respondere c). Cum mens et voluntas nostra vobis nostro quidem iudicio ex Instructione ipsi *Augerio* data clare constare possit.

Hoc tamen omnino necessarium fore duximus, ut primo quoque tempore, quid in finibus

a) Vrbs in Romania sita, cuius descriptionem vulgavit KREKWITZ in *Beschreib. des Königreich Hung.* pag. 15.

b) *Amasia* vrbs antiquissima in Prouincia Turciae Asiaticae. Quid illinc apud Imperatorem Turcicum Legati Ferdinandi egerint, *Busbeckii* Litterae indicant, a RR. KATONA *Hist. crit. Reg. Hung.* Tom. XXII. insertae pag. 655.

c) Hucusque autographum cryptographice exaratum est.



nostris rerum agatur, et vnde vobis impensae sint, a *Liepiede* a) intelligeretis.

Rerum quidem Hungaricarum statum ex adiecto Extractu b) cognoscetis, videbitisque quam candide, et sincere Induciae ex parte Bassae Budensis, et Turcarum suorum obseruentur. Et poteritis etiam de huiusmodi violentiis tum apud *Ahmath* Bassam, vel quicumque Supremum Vezirium aget, tum apud ipsummet quoque Turcarum Principem conqueri, ostendentes, licet Nobis non desit iusta, et aequa caussa vim vi repellendi, nostrosque Subditos armis, et quibuscunque possimus, modis tutandi; maluisse tamen nos saepius quidem prouocatos a vindicanda iniuria abstinere, et rempotius ad Magnitudinem eius deferre, vt ei constantiam nostram retinendae, et stabiliendae cum sua Magnitudine firmae Pacis, ac amicitiae declararemus, neque vero dubium Nobis esse, quin Magnitudo eius vobis nostro nomine id petentibus, sedulo sit curatura, vt milites sui, qui assiduis repentinis excursionibus, et depraedationibus vtriusque nostrum Subditorum quietem turbare, et impedire nituntur, compescantur, et puniantur.

„ Caeterum, quod ad impensas attinet,
„ cum in curandis illis duobus millibus Duca-

a) Paucula haec verba rursum ziffriis scripte sunt.

b) Extractus, ad quem prouocatio hic facta est, in Bibliotheca regnicolari non habetur.

„ torum , de quibus toties scripsimus, is, quem
 „ ex proximis Litteris intellexistis, error ad-
 „ missus fuerit, aliam rationem iniuimus, qua
 „ vobis, si necessitas requirat, de impensis
 „ prouideatur, et caueatur, ne quid incommo-
 „ modi rebus nostris ob defectum sumtuum ad-
 „ feratur, dedimusque Consiliario nostro, et
 „ apud illustre Venetorum Dominium Agenti
 „ *Dominico de Gatelu* negotium, vt cum *Scar-*
 „ *ramella*, qui sese vobis hac in parte morem
 „ gesturum pollicitus est, agat, quo vobis ist-
 „ hic vnum, vel duo vsque ad quinque millia,
 „ Id est: 5000. Ducatorum numeret, quia di-
 „ ctus *Scaramella* sibi de his, quae vobis ist-
 „ hic numeraturus, vel daturus est, per Nego-
 „ tiatorem aliquem Germanum Venetiis in Do-
 „ mo Alemannorum, seu Fontico sufficiens er-
 „ cauere postulat, tractatum est eo nomine a
 „ Consiliariis nostris Camerae nostrae Aulicae
 „ cum Negotiatore quodam huius Ciuitatis *Mat-*
 „ *thia Manlich* nomine: Is promisit se ad suum
 „ Factorem, seu negotiorum gestorem, *Vene-*
 „ *tiis* in Fontico a) existentem, daturum Litteras,
 „ eique huiusmodi cautionem vsque ad

a) Alias etiam *Funda*, *Bursa*, Die Börse dicitur,
 estque Locus negotiationis, quem Itali *Fundicum*
 vel *Fondicum* vulgo nominant. Hinc talismodi
Fonticus grandis esse solet Domus, in qua Ne-
 gotiatores merces suas conseruant, forum rerum
 venalium habent, et quidquid ad commercium
 praecipue cum exteris exercendum pertinet, ab

„ praememoratam summam suo nomine facien-
 „ dam, demandaturum, dummodo tamen a vo-
 „ bis Litterae obligatoriae, vel Quietantiae tunc
 „ adsint, per quas quid vobis isthic datum,
 „ vel numeratum fuerit, apparere possit, quod
 „ et ipsum ad dictum Agentem nostrum fratri,
 „ seu Procuratori *Achariae Scarabellae* signifi-
 „ candum scripsimus. Quare, si sumtibus de-
 „ feceritis, habetis iam informationem, et con-
 „ sensum a Nobis, a quo, et quantum pecunia-
 „ rum mutuo petere queatis? non dubitantes,
 „ quin pro vestra singulari erga Nos fide sum-
 „ tibus, quam fieri poterit, maxime parsuri si-
 „ tis. “ a) In his enim exequemini bene gratam
 voluntatem nostram, benigne erga vos singu-
 los recognoscendam. Datum in nostra, et Im-
 perii Ciuitate *Augusta Vindelicorum* b) Die XXI.

officio Magistrorum fundariorum dirigitur. In-
 de *fundicare* in stylo commerciali significat, prae-
 stationem soluere. DVFRESNE in *Glos. med. et*
inf. Latinit. Tom. III. pag. 744. et sequ.

- a) A voce *Caeterum* vsque *sitis* tota haec periodus
 cryptographica est in autographo.
- b) *Ferdinandus* hancce ad Oratores suos epistolam
Augusta Vindelicorum dimiserat, quum ibidem
 Comitibus S. R. I. interesset, filiumque suum *Ma-*
ximilianum Statibus commendaret. Conf. WEIS-
 SENER *historische Gemälde* III. Band. pag. 284.

mensis Februarii, Anno Domini MDLV. Regnorum nostrorum Romani XXV. aliorum vero XXVIII.

Ferdinandus m. p.

I. Ionas D.

Vice-cancellarius m. p.

M. Singkhmoser m. p.

XIII.

Ad Eosdem.

Ferdinandus Oratoribus suis Verantio, Zay, et Busbekio ad Litteras mense Februario scriptas respondet, neque vanis rumoribus fidem adhibeant, commonet, contra violatas a Turcis Inducias conqueritur, Oratorumque acta, et gesta probat. Augustae Vindelicorum 29. Martii 1555.

Reuerendo, Magnifico, ac Nobili, fidelibus Nobis dilectis, ANTHONIO VEBANTIO, Episcopo Quinque-ecclesiensi, Praeposito Pornensi, FRANCISCO ZAY, Generali Nazadistarum Capi-

tanco, AVGERIO a) BVSBECKE Aulæ nostræ Regiæ Familiari, nostris Consiliariis, ad Serenissimum Imperatorem Turcarum destinatis.

Perceptæ Constantinopoli 24 Iunii 1555.

29. Mart.
1555.

FERDINANDVS Diuina fauente clementia Romanorum, Hungariæ, Bohemiæ, etc. Rex.

Reuerende, Magnifice, ac Nobilis, fideles Nobis dilecti! — Allatæ sunt Nobis cum Litteris Serenissimi Principis Turcarum vestræ quoque Litteræ ad diem sextam, b) et duplicatæ ad octauam proxime præteriti mensis Februarii datæ, ex quibus, vt ex aliis quoque omnibus prioribus Litteris vestris solitam vestram tractandorum negotiorum nostrorum diligentiam, prudentiam, et industriam luculenter perspeximus, quam, vt antea semper plurimum probabamus, ita nunc quoque admodum grato, et clementi animo a vobis accepimus, erimusque eorum omnium, de quibus Nos fideliter monuistis, memores, idem studium de caetero quoque a vobis expectaturi. Non putamus autem nunc pluribus ad singula exponendum esse, sed sufficere, si breuibus, quæ scire desideratis, in hisce Litteris nostris perstringimus.

„ b) Primum, quod attinet adnunciata, et „ Litteras *Petri Petrovich*: miramur sane insi-

a) Leguntur illæ apud КАТОНА Tom. XXII. pag. 645.

b) Hic incipit sermo cryptographicus.

„ gnem hominis leuitatem, qui huiusmodi sua
„ commenta, et fabulas Imperatori Turcarum,
„ ac Bassis suis nunciare, et scribere non eru-
„ bescat, cum Nobis nec in mentem quidem ve-
„ nerit, tales ad Reginam *Isabellam* Litteras scri-
„ bere, aut eiusmodi Tractatus agitare, quibus filio
„ eius Transsiluaniam pro Dote polliceremur. Nos
„ enim eam Prouinciam neque nunc, neque post-
„ hac, Deo propitio, cedere intendimus.

„ Ad haec licet superiore aestate nebulo
„ quidam *Varsouiae* captus fuerit, qui se no-
„ stro nomine a nonnullis Consiliariis, et Sub-
„ ditis nostris ad tollendum e medio dictae Re-
„ ginae filium subordinatum fassus est, tamen
„ falsa sunt ista omnia, et commentitia, Nobis-
„ que praeter veritatem impinguntur. Quod sa-
„ ne, vt omnibus manifestum fieret, obtinuimus
„ a Genere nostro Serenissimo Rege Poloniae,
„ a) vt captiuum illum in potestatem suam
„ receptum denuo, praesente Commissario no-
„ stro, cum Interrogatoriis ad hoc deputato, per
„ torturam examinari iusserit, idque examen in
„ horas exspectamus.

„ Insuper illud quoque a veritate alienissi-
„ mum est, quod de nonnullorum Baronum,
„ et Nobilium Bohemorum ante dictae Reginae,
„ et Filii sui studiosorum poena in Litteris nu-
„ gatur: neque enim quisque eorum hac de caus-

a) *Sigismundo* scilicet, qui *Ferdinandi I. Hung. Re-*
gis filiam *Elisabetham* tenuit in matrimonio.

„ sa suspicionem aliquam apud Nos vnquam
 „ incurrit, neque etiam vllus alicuius Nobis su-
 „ spicionis caussam praebuit, tantum abest,
 „ quod quempiam ipsorum propterea capi, aut
 „ plecti fecerimus. “

„ Immo nec his, quae de illustri Marchio-
 „ ne Brandenburgensi Electore a) scribit, fides
 „ est adhibenda. Nam Dilectionis eius existi-
 „ matio, sinceritas, integritasque maior Nobis
 „ esse videtur, quam, vt Eandem se hisce re-
 „ bus immiscere credamus. “

„ De Oratore autem dicti Serenissimi filii
 „ nostri Regis Poloniae, quem Regis Franciae
 „ b) Orator venturum iactat, nihil constat No-
 „ bis, an aliquis a Serenitate eius Serenissi-
 „ mae Sororis suae Nunciis adiungatur, nec ne?
 „ Neque Nos in eius expeditionem consensimus,
 „ nec credimus etiam, Serenitatem eius apud
 „ Turcarum Imperatorem, vel Passas suos
 „ quidpiam, quod Nobis, vel fidelibus Subdi-
 „ tis nostris nocere possit, agitare. Quare non
 „ est, quod hisce rumoribus moueamini, a via,
 „ et modo tractandi vobis praescripto, sed In-
 „ structioni, qua abunde monemini, quid hac
 „ etiam in parte a vobis fieri velimus, insistatis,
 „ neutiquam dubitantes, si quid eiusmodi inci-
 „ disset, quin dudum vos de eo edocendos cu-
 „ rauissemus. “

a) Friderico III.

b) i. e. Francisci II.

„ Quod autem sedulo operam dare velitis,
 „ ne separemini, sed, vt simul ad Portam Prin-
 „ cipis Turcarum accedere, commissaque nego-
 „ tia exequi possitis, Nobis valde probatur:
 „ neque enim alius est sensus Instructionis no-
 „ strae, diuisionem istam concedentis, quam, vt
 „ in hanc tum demum condescendatis, quan-
 „ do secus fieri minime posse cognoueritis. Verum
 „ tamen Litterae Principis Turcarum spem nobis
 „ fecerunt, nihil eiusmodi metuendum esse. “

„ Quod *Dely Sabacz a)* facultatem repre-
 „ saliarum, seu arrestandi aliquos Mercatores
 „ nostros caussa pecuniarum sibi ab haeredibus
 „ quondam *Nicolai a Salmis* debitarum impetra-
 „ uerit, molestum Nobis accidit. Indignum enim
 „ est, aliquem alienam culpam sustinere. Quare
 „ denuo committemus illis serio, vt homini ci-
 „ tra moram, ac tergiuersationem satisfaciant. “

De Commissariis iuxta voluntatem Prin-
 cipis Turcarum constituendis, qui damna
 vtrunque in Confiniis sub Induciis illata co-
 gnoscant, nihil dum a Passa Budensi acceptum
 est. Quando autem deinceps aliquid eiusmodi
 afferetur, Nos quoque desuper id, quod fidelibus
 nostris Subditis, et aequitati conuenire vi-

a) Huius nomen frequentius occurrit in epistolis Ver-
 rantianis apud KATONA *Hist. crit. Reg. Hung.*
 Tom. XXII. Dely adpellationem Pugilibus apud
 Turcas concessam saepe fuisse, confirmatur in
Adriai Tengernek Syrénája Part. XI. Stropha 22,
 41. 43. 44. 46. 49. 60. 61. 62. etc.

debitur, praecedente matura deliberatione, statuemus.

Caeterum non cessant Turcae etiam nunc, vti ad Nos tum a Serenissimo filio nostro Rege Bohemiae, tum ex multis aliis locis subinde perfertur, rapinis, et caedibus in Ditionem nostram, posthabitis et mandatis Domini sui Principis Turcarum, et Induciarum iure violato, quotidie grassari, et non solum vi, sed dolis etiam, practicisque Arces, et loca nostra aggredi, et tentare, vti ex adiunctis Scriptis *a)* fusius cognoscetis, quae omnia in eum usum vobis mittimus, vt rem isthic, quatenus vobis consultum videatur, proponere, et pro remedio laborare sciatis, siquidem talia ista sunt, quae diutius tolerari omnino nequeant.

„ *b)* Quod pecunias a *Scaramella* mutuo
 „ leuaueritis, pro necessariis Asiatici itineris im-
 „ pensis bene fecistis, nec dubitamus, quin iam
 „ acceperitis, vel propediem accepturi sitis Lit-
 „ teras, quibus vobis significauimus, vnde im-
 „ posterum pecunias, et quantam summam mu-
 „ tuo petere poteritis *c)*, adeo, quod hac etiam
 „ in parte vobis abunde prouisum esse existime-
 „ mus.

a) Haec inter Verantiana Regnicolaris Bibliothecae non adsunt.

b) Haec periodus vsque *Filius Chiaussii* cryptographica est.

c) Conf. Epistolam *Num. XII.*

Filius Chiausii vestri a quonam, et vbi captus teneatur, Nos non latet, quin, postulantibus primariis Passis, quatenus hoc negotium Pacis ex animi nostri sententia successerit, restitui poterit; sed recte profecto, et vere respondistis; quod *Hamzabeghi a)* ingratitude huic, et aliis captiuis plurimum obsit. Dimisimus saepe et alios plures Turcas ad instantiam Passarum, pro quibus nulla vnquam gratitudinis significatio Nobis exhibita fuit, et perpauci ex nostris ab illorum parte, dimissi sunt.

Porro commendationis vestrae humillime pro *Stephano Nagy b)* clementem rationem habebimus, et viatici quoque vberioris in futurum talibus Tabellariis nostris constituendi non obliuiscemur, ac tandem vobis quoque egregiam operam, fidem, sollicitudinem, et diligentiam vestram pro nostra in vos benignitate, et gratitudine liberaliter rependere propensi erimus.

„ Postremum scitote, Nos etiam accepisse
 „ Litteras vestras de aduentu *Augerii* die 23,
 „ Ianuarii datas, in quibus, cum nihil appare-
 „ ret, quod maturam responsionem requireret,

a) Adpellatio Bassae est, qui in loco *Érd* pone Budam sedem tenuit, ibidemque moscheas posuit, adeo famigeratus, vt Germani hodieum possessionem hanc *Hamzabegh* nominent.

b) Hunc Oratores regii in suis de 21. Iulii 1554. ad Regem Litteris, Stipendiarium Comaromiensem nominant.

„ hucusque tacuimus, licet neque nunc satis vi-
 „ deamus, quid vltius ad eas vobis rescriba-
 „ mus, praeterquam, vt approbemus, et lau-
 „ demus omnia, quae tum vos egisse apud
 „ *Strusztanum* Passam, et scripsistis, nec displi-
 „ cere Nobis, doni per Nos Passis illis deputa-
 „ ti, idque ex caussis in dictis Litteris vestris
 „ expresse demonstratis. a) “ Et haec sunt,
 quae per hasce Litteras nostras ad vos perferri
 volumus. Datum in nostra et Imperii Ciuitate
Augusta Vindelicorum Die XXIX. mensis Martii,
 Anno Domini MDLV. Regnorum nostrorum Ro-
 mani XXV. Aliorum vero XXIX.

Ferdinandus m. p.

Ad mandatum Sacrae
 Regiae Maiestatis proprium

I. Ionas D.

Vice-Cancellarius m. p.

M. Singkhmoser. m. p.

a) A voce *Postremum* vsque *demonstratis* aequè ziff-
 ris sensus in autographo indicatur.

XV.

Ad Verantium, et Zay.

Ferdinandus Rex Oratoribus suis Anton. Verantio, et Fran. Zay transmittit Litteras, Imperatori Turcarum exhibendus: caetera a Busbeckio intellecturos significat. Vienna d. 25. Octobr. 1555.


Reuerendo, Deuoto, ac Magnifico, fidelibus Nobis dilectis, ANTHONIO VRANTIO, Episcopo Quinque-Ecclesiensi, et Praeposito Porrensi, ac FRANCISCO ZAY, generali Nazadistarum nostrorum Capitaneo, Consiliariis, et Oratoribus nostris, ad praesens ad Turciam destinatis.

(L. S.)

Perceptae Constantinopoli 4. Decemb. 1555.

FERDINANDVS Diuina fauente clementia 25. Oct. 1555.
Romanorum, Hungariae, Bohemiae, etc. Rex,
semper Augustus.

Reuerende, Deuote, ac Magnifice, Fideles Nobis dilecti. Cum praesentibus habuistis Litteras ad Serenissimum Imperatorem Turcarum vna cum earundem exemplo, quas Magnitudini eius reddatis. Existimamus enim operae pretium fore, quod Magnitudo eius primo quo-



que tempore tam de reditu nostro *a*), quam Collegae vestri expeditione certior reddatur: neque Nos aliud ad praesens vobis scribendum putamus, cum omnia, quae vos scire, et agere volumus, ex *Augerio* Collega vestro, qui hunc Tabellarium paucissimis diebus subsequetur, abunde cognituri sitis. Datum in Ciuitate nostra *Vienna* Die vigesima Quinta mensis Octobris Anno Domini M. D. LV. Regnorum nostrorum, Romani XXV. aliorum vero XXIX.

Ferdinandus m. p.

Ad mandatum Sacrae
Regiae Maiestatis proprium

I. Ionas D.
Vice-cancellarius m. p.

M. Singkhmoser. m. p.

a) Videlicet ex Conuentu Augustano.



XVI.

Ad Ant. Verantium, Fran. Zay,
et Auger. Busbeck.

*Ferdinandus I. Oratoribus suis Verantio, Zayo, et
Busbeckio Instructionem largitur in rebus Constan-
tinopoli agendis. Viennae d. 14. Nouembr. 1555.*

Instructio pro Reuerendo, deuoto, Magnifico, et Nobile, fidelibus Nobis Dilectis, ANTONIO VERANTIO, Episcopo Quinque-Ecclesien-^{14. Nou.}
si, Praeposito Pornensi, et FRANCISCO ZAY ^{1555.} *de*
Chemer, Generali Nazadistarum nostrorum Ca-
pitaneo, nec non AUGERIO a BUSBECK, no-
stris Consiliariis, et Oratoribus ad Serenissi-
mum, ac Potentissimum Imperatorem Turcarum
expeditis, ad cuius praescriptum sese in decla-
randa Magnitudini eius voluntate nostra in ne-
gotio restitutionis Transsiluaniensis, et prose-
cutione caeptorum cum Magnitudine eius Pacis
Tractatum accommodare, et gerere debebunt,
et quae praeterea *Augerio* ipsi soli in transitu
apud Bassam Budensem agenda, et exequenda
erunt.

Quamprimum dictus *Augerius Budam* ap-
pulerit, omni studio celerem audientiam a Pas-
sa Budensi obtinere laboret, atque concessa
ipsi, Litteras nostras Credentiales reddat, et
verbis nostris Salutem cum animi nostri propen-
sione erga se dicat.

Deinde vero referat ei, se modo a Nobis remitti ad Excelsam Portam Serenissimi Turcarum Imperatoris, vt Magnitudini eius referat responsum nostrum super postulatis quibusdam, quae Magnitudo eius per ipsum ad Nos perferri voluerit, et quia a Nobis in mandatis habeat, vt iter quantum possit, acceleret, ideo se vehementer rogare, vt illico sibi fidos comites, et duces itineris, quibus tuto, ac omni mora postposita, eo deducatur, adiungere velit. His expositis, Orator noster praefato Passae nomine nostro dicere pergat, Nos accepisse Litteras ipsius die prima praesentis mensis Nouembris datas, et inde intellexisse excusationem, quam adferat de Arcibus nuper occupatis, nempe, quod non aliam ob causam eam expeditionem suscepit, quam, vt praedones, et latrones, Ditionem, et Subditos, Militesque praefati Domini sui infestantes, compesceret, et quod postquam cognouerit, arcem *Zygeth* nostram esse, exercitum inde reduxerit, petereque, vt inhibeamus Praefectos illos nostros, ne ibi Praedones foueant. Atqui non opus futurum fuisse, tam duram compescendi illos rationem suscipere, quos ipsimet ad instantiam Passae pro demeritis punire poteramus. Arces enim interceptas perinde nostras fuisse, ac *Zygeth*, vtpote in Ditione nostra sitas, et a Subditis, et Officialibus nostris possessas, qui nostro eas beneficio te-

nuerunt. a) Caeterum commissuros nos, vti petit, Officialibus, et militibus nostris in *Zygeth*, ne latrones interteneant, modo etiam ipse Bassa circum vicinis Turcis iniungat, ne *Zygethiensibus*, vt subditis, et militibus nostris in ingressu, et exitu, nec non victualium prouisione aliquid negotii facessant, quin etiam *Strigoniensi Zanziacho* b) prohibeat, ne quid contra inducias in damnum *Ditionis nostrae* moliat.

Praeterea, quum induciae sex mensium, quas Magnitudo eius nouissime, dum adhuc in *Amasia* esset, Nobis, vt interim Orator noster ire, et redire posset, concessit, iam ad finem vergant, nec Nobis dubium sit, quin Magnitudo eius easdem non ita praecise ad sex menses restrinxerit, quum antea saepius Nobis inducias pollicita sit, tamdiu obseruandas, donec *Tractatibus* istis de Pace, in quibus cum Magnitudine eius stamus, suprema manus imponatur, et Oratores nostri rebus confectis, vel infectis, ad Nos redierint, adeoque difficile, et incommodum existat de Pace tractare, dum arma vigeant. Proinde Nos ab ipso postulare, vt Inducias sex mensium, elapso etiam Terminò, nihil

a) *Stephano Dersffio*, Arcis Capitaneo, an. 1555. *Vien-*nam euocato, *Tojgon Budensis* Bassa sub praetextu impediendi Praedocinia, *Ferdinando* arces *Babotsa*, *Kaposvár* etc. eripuit.

b) *Strigonium* iam an. 1543. in manus *Turcarum* perfidia Praefecti arcensis venisse, legitur in *Ortelio rediuiuo* Tom. I. pag. 72.

ominus vsque dum ipse Orator ad Portam veniat, et vna cum suis Collegis super hoc cum Domino ipsius Serenissimo Imperatore Turcarum latius tractauerit, ac deinceps desuper responsum reportetur, firmiter, et inuiolabiliter per se, et suos obseruet, quandoquidem idem nostra quoque ex parte sedulo praestituri sumus.


In quo sane conficiendo, et obtinendo Orator noster omnem operam, studium, et industriam aliis quoque rationibus, ac persuasionibus, quas huic proposito seruire, et commodas esse cognouerit, adductis ponere debebit. Ad haec, quum magni referat, ne Princeps Turcarum de responso nostro ante Oratoris ipsius aduentum certior reddatur, propterea necessitas requirit, ne Bassa Budensis id aliqua arte eliciat, sed solitis excusationibus a sciscitando eo reuocetur; poterit tamen generaliter illi dici, tale responsum esse, quo Princeps Turcarum tamen procul dubio bene contentabitur.

Rebus autem apud hunc Passam confectis, et acceptis Comitibus itineris, Orator noster quidquid egerit, illico Nobis rescribat, et ipse inde *Constantinopolim* pergat. Vbi demonstrata Collegis suis praefatis hac Instructione, curent vna omnes tres, vt sibi quamprimum accessus concedatur ad Passam, quicumque in praesentiarum Supremus Vezirius erit, eidemque exhibitis Litteris nostris credentialibus, et salute ver-

bis adpositis more solito dicta, addita etiam magna congratulatione, si forte *Hrusztanus* pristinum locum interim adeptus fuerit, ostendant, attulisse ipsum *Augerium* Responsum a Nobis super his, quae Serenissimus Turcarum Imperator ratione Transsilvaniae per eum Nobis nunciauerat, quod ipsi tunc etiam succincta, et summa, qua fieri potest, modestia, Oratores commemorent, ostendentes persuasissimum Nobis esse, Magnitudinem eius illo, tanquam iusto, et aequo tandem contentam fore, addita petitione, quod ipsis a Magnitudine eius primo quoque tempore audientiam impetrare velit, quo etiam coram Magnitudine eius illud proponere velit.

Caeterum, si tum Oratores nostri interrogarentur de caussa morae Augerii expeditioni interpositae, respondeant id, quod etiam in sequentibus dicetur, Nos abfuisse a Regnis, et Prouinciis nostris in Sacro Romano Imperio, vbi Nos negotia eiusdem diutius, quam proposueramus, detinuerunt. Cum autem in negotio hoc nihil extra Regna, et Prouincias nostras statuere, et concludere potuerimus, Expeditionem quoque ipsius magis accelerare nequiuisse.


Deducti porro in conspectum Principis Turcarum, et facta pro more verbis nostris debita salutatione, redditisque, qua par est, reuerentia, Magnitudini eius Littteris nostris credentiali-



bus, primo omnium Magnitudini suae significant, Nos ex Litteris Magnitudinis suae, quas per *Augerium* ad Nos dedit, lubenter admodum cognovisse, quod Magnitudini eius in Bello Persico omnia tam feliciter successerint, nec minorem laetitiam, postea ex publica fama Nobis allatta, quando nimirum Magnitudinem eius incolumem etiam, et saluam in Sedem suam Imperialem *Constantinopolim* rediisse audiimus. Ita Nos Magnitudini eius tam de secundis in Bello Persico successibus, quam etiam de prospero reditu quam plurimum congratulari.

Caeterum intellexisse Nos praeterea ex iisdem Magnitudinis suae Litteris: Quod, quum Magnitudo eius Regnum Hungariae, et Transsilvaniae, aliasque Prouincias inuicto gladio suo subegerit, ipsamque Hungariam, quondam Regi *Ioanni*, et Transsilvaniam postea ipsius filio, vti fidelibus suis in Zanziackatum contulerit, nequaquam sane conuenire, quod quispiam se sponte in alienum locum intrudat, vel quod absque suo consensu, et voluntate aliqua Prouinciarum per Magnitudinem eius subiugatarum a quopiam permutatio fiat, prout facta fuerit inuito *Ioannis* Regis filio, qui Magnitudini eius per Nuncium suum significarit, quod coactus Transsilvania excesserit. Cum autem Nos eo animo in hisce Tractatibus nunquam fuerimus, vt vel Illustrissimum illum Orphanum, matremque eius Serenissimam circumueniremus, vel ipsum Serenissimum Turcarum Imperatorem

~~offenderemus~~
 offenderemus, cum quo iam multos annos firmam amicitiam, et bonam vicinitatem, missis ad Magnitudinem eius tot Oratoribus, Nunciis, et Litteris, constituere studuimus, sed potius omnes vias, ac rationes perscrutati simus, quibus Magnitudini eius, et animi nostri integritatem, et singularem eiusdem beneuolentiam conciliandi, diligentiam, operam, et studium nostrum testatum redderemus, eamque voluntatem etiamnum retineamus, id, quod Magnitudo eius in proximis Bellis Persicis, dum in longinquis Regionibus absuit, manifeste experiri, et prospicere potuerit, si secum perpendat, quod interim Nos, omni occasione rei bene gerendae neglecta, licet eiusdem Bassae, Zanziacki, Officiales, et Milites, spretis, et posthabitis Magnitudinis suae mandatis, nunquam fines, subditos, et milites nostros infestare, ad arma prouocare, arcesque, et loca nostra clam, et aperte oppugnare, accapere, nouas munitiones erigere, ac mille denique modis Inducias violare cessauerint, ab omni hostilitate, et licita quoque, et iusta defensione continuerimus. Itaque, quum huiusmodi animi nostri propensionem Magnitudini eius non solum per ipsos Oratores nostros datis ad tot hac de re frequentissimis mandatis multoties declarauerimus, utrum etiam reipsa, uti ante dictum est, comprobauimus, merito equidem vicissim etiam Nos a Magnitudine eius apertam aliquam beneuolam animi sui significationem expectasse, nempe



quod acquissimis postulatis nostris locum relictura, nec ulterius in Transsiluaniam, et tantillam terram, quantam vix pugnus capit, concessione difficilem se exhibitura fuisset, praesertim, cum ex omnibus nostris prioribus Tractatibus, qui hactenus cum Magnitudine eius Nobis intercesserunt (in quibus, sicuti speramus, nullam vnquam fraudem, aut fallaciam deprehendit) nouissimarum etiam actionum instar sinceritatem, et candorem iudicare, atque metiri, et manifeste cernere possit; quod scilicet dictam prouinciam nec vi, nec fraude, nec Serenissima Regina *Isabella*, eiusque illustrissimo filio inuitis, immo nec in contumeliam, aut contemtum Magnitudinis eius (quemadmodum et fortassis aduersarii, et obtrectatores nostri persuadere nituntur) occupauerimus, sed Nobis saepissime sponte oblatam ad manus nostras, reseruata Magnitudini eius muneris honorarii pensione, inde quotannis debita, ac solui consueti, pacifice, et absque omni armorum strepitu receperimus, nec credentes Magnitudinem eius curaturam, quis eam Prouinciam teneret, modo ipsa annuo Tributo suo non defraudetur, quodque dictos Serenissimam Reginam, et Illustrissimum eius filium aliis luculentis Ducatibus, et Reditibus integre fere contentauerimus, quin etiam illud, quod illis vigore Tractatum adhuc solui, ac praestari debet, sed hactenus propter certas, ac rationabiles causas dilatum est, propediem, vt infra dicetur, praestare pro-

propensi simus. Quoniam autem Serenitas, et Dilectio illorum huiusmodi dilationis (cuius ipsimet caussa sunt) fortasse pertoesi, frequentes ad Magnitudinem eius querelas perferunt, et Magnitudo eius caussam pueri illius omni studio tutandam, et agendam suscepisse videtur, Nos quidem sedulo operam daturos, ut hac quoque in parte Magnitudo eius nullum amicitiae studium in Nobis desiderare possit. Siquidem facturos Nos quicquid pro ratione Regii nostri muneris, et saluo honore, ac dignitate facere poterimus, quin immo Nos Magnitudini eius certo, et sancte promittere, quod praefatam Serenissimam Reginam, ac Illustrissimum eius filium citra longiorem moram tam beneuole, et paterne in his, quibus se laesos fuisse, questi sunt, contentaturi simus, quod illi conditione per Nos assignata optime contenti futuri, nec aliam postulaturi, vel a Magnitudine eius oblatam accepturi, sed potius, quod breui apud Magnitudinem eius Litteris, vel Nuncio talem animi sui satisfactionem, et contentationem declaraturi sint. In ea vero contentatione Nos habituros rationem honoris, et nominis Magnitudinis suae, ut omnibus hominibus eam solius Magnitudinis suae respectu, et autoritate factam esse constet, et praefati Serenissima Regina, eiusque Illustrissimus filius illum quoque statum, ac conditionem benignitati Magnitudinis suae acceptam ferant, eique eo nomine in perpetuum gratias agant. Cum

itaque haec ita se habeant, et Magnitudo eius ipsamet considerare queat, quam alienum ab omni aequitate foret; si restituta Transsilvania, pro qua iam Illustrissimi Regis quondam *Ioannis* filio duos insignes Ducatus *a)* contulimus, Nobis et Transsilvania, et Ducatibus simul carendum esset. Nos vero intuitu ipsius Principis Turcarum Serenissimam Reginam *Isabellam* cum Illustri eius filio tambeueuole, et paterne contentaturi simus, quod Magnitudo eius labore illos in pristinum restituendi, deinceps non opus habitura, quin immo iam, quod optabat, honestum scilicet Matri, et puero statum, et conditionem a Nobis consecutura sit, eamque talem, in qua multo commodius, tranquiliusque, quam antea vivere possint, multos Principes Christianos sibi sanguinis vinculis coniunctes in propinquo habituri, Nos vero cum Magnitudine eius, suisque subditis, officialibus de militibus tam Moldauiensibus, ac Transalpinensibus Vaiuodis, quam caeteris Passis, Beglerbegis, et Ministris Turcicis quiete, amice, et in bona vicinitate degere cupiamus, eandemque Magnitudinem eius ratione Transsilvaniae non antiquo solum, et consueto, sed maiore quoque, ac ampliore censu, prout inter Magnitudinem eius, ac ipsos Oratores nostros concordabitur, quotannis honorare parati simus, adeoque lon-

a) Scilicet Opoliensem, et Ratiboriensem in Silesia.
 WOLFG. BETHLEN *Hist. de reb. Transsil. Lib. IV.*
 Tom. I. pag. 427.

ge gloriosius futurum sit Magnitudini eius , quam et apud posteros in perpetuum , memorabile vniuerso nomini , et posteritati Ottomanicae praefatum censum a Nobis primo Christianitatis Rege , ipsiusque Potentissimi *Caroli* Caesaris fratre , quam a foemina , et puero annuatim percipere , vt interim taceatur de summa illa laude , quam Magnitudo eius ista occasione adipiscetur , et paucissimi in Orbe terarum Principes adepti sunt , quod scilicet Magnitudo eius vno , eodemque pene tempore Orientem , et Occidentem pacarit. Ideo Nos posita fiducia in summa liberalitate , et beneuolentia Magnitudinis suae , non dubitasse pristinam amicam petitionem nostram eidem denuo offerre , eamque rogare , vt tandem approbata plena supradictorum Serenissimae Reginae *Isabellae* , et Illustris filii sui contentatione , quam Nos facturos pollicemur , ac deinde reiectis , explosisque obrectatoribus , et aduersariis nostris , qui Nobis Magnitudinis suae amicitiam inuidentes subinde integritatem nostram in petenda Pace apud eam in dubium vocare non cessant , promissis , et honestissimis oblationibus nostris beneuole acquiescat , et permissa in manibus nostris Transsilvania cum eiusdem pertinentiis , et Regni Hungariae reliquiis , ad praesens in manibus nostris existentibus , Pacem Nobiscum inire non grauetur , quandoquidem hac ratione non minus quam tum amplitudinem , et existimationem Magnitudinis suae sit illustratura , tum etiam

saepe dicto puero bene factura, ac si in pristina sententia repetendi Transsiluaniam, et filius quondam Regis Ioannis amplissimam, et optatum vitae, et status conditionem acceptam laturi simus.

Hac propositione coram Serenissimo Principe Turcarum, vel oretenus, vel in scriptis, prout ratio temporis, loci, et personarum tulerit, facta, Oratores nostri solita industria, et diligentia optatum Responsum obtinere studeant, et his si quas nouerint alias etiam commodiores rationes, et persuasiones addant, repetitis etiam his, quae in duabus prioribus Instructionibus a) diffuse continentur, quatenus ad rem fecerint, et Passas, ac praesertim Supremum Verium *Achmat* Passam magnorum munerum, et largitionum promissis Caussae nostrae conciliare studeant; quin etiam maiorem census pensionem subinde iuxta limitationem in proxima Instructione expressam offerant, maiori etiam summae non parcentes, si pecunia res recte geri, et animus Magnitudinis suae placari, atque ad permittendam Nobis Transsiluaniam cum caeteris eiusdem pertinentiis, Regnique Hungariae reliquiis, quas modo possidemus, flecti posse videatur. Qua quidem in re, quum ipsis Oratoribus nostris haud ita facile sit modum determinare, ipsorum ob id iudicio, prudentiae, industriae, et fidei committimus: tum Tributi

a) Neutra in Bibliotheca Hungarica reperitur.

augmenti, tum etiam huiusmodi largitionum, et promissorum modum ad cuiusque personae meritum, authoritatem, et qualitatem attemperare. Non dubitamus enim ipsosmet pro sua egregia erga Nos fide, et obseruantia, nihil nisi vbi, et quantum opus erit, atque etiam quatenus depositum iri videbitur, profusuros esse.

Praeterea, quoniam inter alias Personas praeter Passas, et Vezirios duo sint Viri, qui praeter caeteris apud Principem Turcarum magna auctoritate pollere, et semper fere lateri Magnitudinis eius adhaerere dicuntur, nempe *Imbrahor Passy*, et *Kappi-agga*, a) non erit abs re, quod Oratores nostri illos quoque largitionum spe in partes nostras pertrahere, et eosdem ad interponendam authoritatem in hoc negotio promouere studeant. Quod mediantibus etiam Litteris nostris credentialibus, quas propterea ad vtrumque dedimus, facilius factum putamus.

Caeterum si Princeps Turcarum, et Bassae sui nec muneribus, nec rationibus a sententia, et obstinato instituto Transsiluaniam postulandi adduci possent, sed assiduae eam quondam filio Regis *Ioannis* reddi debere perseuerarent, nec contentationem per Nos oblatam vlla ratione admittere vellent, tum poterunt Oratores nostri replicare, quod Nos nihil minus

a) *Kappi-agga* Supremus Aulae Praefectus, cui incumbit occasione publicarum apud Imperatorem Audientiarum Ceremonias in Aula dirigere
 V. Neues Zeitungs-Lexicon bey Türkenkriege
 pag. 82.

expectaueramus a Magnitudine eius . quam tantam in repetenda Transsilvania perseuerantiam, sed speraueramus omnino amicitiae nostrae, et praememoratarum amplissimarum, aequissimarumque conditionum per Nos oblatarum apud Magnitudinem eius saltem nunc beneuolam rationem habitum iri, maxime si Magnitudo eius esset cognitura, saepe dictae Reginae, et Illustri eius filio nullam posthac iustam de Nobis conquerendi causam reliquam fore, et simul etiam Magnitudini eius dictae Prouinciae concessionem apud omnes homines non huius aetatis modo, sed posteros quoque magnae laudi, et gloriae futuram. Nam de petita restitutione Transsilvaniae nondum potuisse Nos propter temporis angustiam certi quidpiam statuere, vel Magnitudini eius respondere, et potissimum, quod negotium hoc non modo Nos ipsosmet, sed alios quoque Principes Christianos, Regnaque, et Prouincias nostras, maximeque fideles nostros Regnicolas, et Subditos Regni nostri Hungariae concernat, sine quorum scitu, consilio, et consensu, quemadmodum antea in recipienda Transsilvania pro consuetudine, et more Principum Christianorum tanquam Rex verus, et legitime coronatus nihil incepimus, ita nunc certi aliquid concludere, et Magnitudini eius respondere Nobis haudquaquam integrum existat: itaque constitutum, et deliberatum Nobis esse, propediem generalem Regni Conuentum agere, vt porro saltem intelli-

gamus, quid a Nobis in hac parte respectu Magnitudinis suae praestari, vel decerni queat, cui nimirum animi nostri candorem per omnem occasionem demonstrare desideramus. Caeterum id non potuisse fieri tempestiuius propter nimiam praefiniti termini breuitatem. Litteras enim, et Nunciata Magnitudinis suae in tertio primum mense, postquam ab excelsa Magnitudinis suae Porta, qua tum in Amasia vsque erat, *Augerius* discessit, ad Nos *Augustam Vindelicorum* allata esse, vbi etiam ardua illa Sacri Romani Imperii negotia tamdiu Nos detinuerint, quod tempestiuius, quam ad XXIII. proxime praeteriti mensis Octobris huc redire nequiuimus, neque etiam absentibus Nobis a Regnis, et Prouinciis nostris in his rebus propter praememoratas rationes quidpiam potuisse tractari. Postquam autem huc appulimus, et considerauius rei difficultatem, et summam residui termini breuitatem, vnius mensis interualum non superantem, quod intra eum nec illa, quae ad tam arduae rei Resolutionem requiruntur, deliberari possent, et Nobis cerneremus iuxta Litteras iam semel, atque iterum ad Magnitudinem eius hac de re datas incumbere, ne Oratorem nostrum *Augerium* diutius detinere-
mus, et sic Magnitudini eius de expeditione illius dubitationem, et suspicionem moueremus, non aliud responsum Nos vidisse, quod hoc tempore Magnitudini eius daremus, quam id, quod superius descriptum est, nempe, vt Ma-

gnitudini eius summa nostra fiducia, quam in ipsius aequanimitate, et liberalitate repositam haberemus, denuo in memoriam reuocata, et declarata eidem voluntate nostra erga praefatos Serenissimam Reginam, ac Illustrem eius filium in pristina nostra petitione Transsilvaniae persisteremus, atque tentaremus omnes vias, atque rationes, per quas Magnitudinis eius bonam, et propensam voluntatem in perpetuum erga Nos stabiliremus, et in ea vna cum ipsa Serenissima Regina *Isabella*, atque eiusdem Illustrissimo filio conquiescere possemus. Eaque propter Nos Magnitudinem eius iterum atque iterum rogare, si omnino nolit Nobis permittere Transsilvaniam (licet meliora speremus) vt saltem tam ardui negotii deliberationem ad tam breue temporis interuallum non adstringat, sed Nobis competentem terminum duorum, vel vnus ad minimum anni de hoc negotio mature, cum quibus opus est, deliberandi, atque tractandi concedat. Nos enim nihil intermissuros, quod salua dignitate et existimatione nostra, a Nobis fieri queat, et quod ad declarandam Magnitudini eius animi nostri sinceritatem pertineat. Nam etiamsi iam apud Nos statutum, et deliberatum foret iuxta desiderium, et voluntatem ipsius Principis Turcarum, saepe dictam Prouinciam filio quondam Serenissimi Regis *Ioannis* restituere, tamen intra tam exiguum, et praeproperum terminum, nec de modo quidem fiendae restitutionis sicuti necessitas, et ratio

utriusque nostrum dignitatis, et status poscunt, tractari potuisset, quod ex primis Tractatibus, quando eam Prouinciam ad manus nostras recepimus, ad quos etiam non paruo temporis spatio opus fuit, colligi queat.

Porro ex hac occasione Oratores nostri modum, et viam quaerere debebunt, si Serenissimus Princeps Turcarum priorem nostram petitionem de reliquenda Nobis Transsilvania non esset admissurus, saltem Inducias quantascunque impetrare poterunt, obtinendi, et in eo omnem operam, et studium intendant.

Sin autem Serenissimus Imperator Turcarum, et Passae sui his quoque nullatenus muerentur, sed ipsis Oratoribus nostris, vti antea factum est, obiicerent, quod nollente filio quondam *Ioannis* Regis in Transsilvaniam redire, ipsi eam Prouinciam possidere, vel alicui ex Regnicolis tenendam conferre vellent, ideoque omnino instarent, sibi expresse significari, num saepe dicta Prouincia cedere velimus, nec ne? Tunc rursus replicent Oratores nostri, quod cum saluo honore nostro absque consilio, et consensu aliorum Christianorum Principum, et Regnorum, Prouinciarumque nostrarum, quibus ex hac parte adstricti, et alligati simus, in huiusmodi alienationem, et resignationem consentire nequeamus, et tamen propensi simus, omnes rationes inire, quibus Magnitudini eius sine honoris, et famae nostrae


labefactione gratificemur, nos Magnitudinem eius summopere rogare, vt, quemadmodum Nos Magnitudinis eius honorem, et existimationem nullo loco, aut tempore negligimus, ita nostrae quoque reputationis beneuole rationem ducat, Nos in posterum nunquam a Pace, et amicitia cum Magnitudine eius sub honestis, et aequis conditionibus ineunda alienos fore, aliud tamen quod respondeat, praeter ea, quae in antecedentibus continentur, sese a Nobis in mandatis non habere, et propterea a Magnitudine eius benignam veniam, ac licentiam redeundi, et Nos de omni rerum statu informandi petent.

Caeterum quum ipsi Oratores nostri in proxima actione, dum omnes occasiones rei ex animi nostri conficiendae quaererent, et experiri vellent, si forte Principi Turcarum, et Passis ad vota de Transsilvania responderemus, num ab ipsis etiam in illum euentum vicissim aliqua recompensatio obtineri posset. Nos sane tutius fore putamus, vt in posterum a proponendis eiusmodi articulis in Instructionibus nostris non expressis, aut alias ab earum substantia discrepantibus, abstineant, ne forte inde Nobis, et Regnis, fidelibusque Subditis nostris aliquid praeiudicii adferatur. In reliquis tamen, quae substantiam Instructionumstrarum non excedunt, poterunt praefati Oratores nostri actiones suas ad circumstantias temporis, loci,

et personarum referre, nec opus est omnia illis ad vnguem praescribere, quandoquidem tum propria solertia, et industria, tum longo rerum isthuc tractandarum vsu comparata experientia probe scirent, vti, et quae rebus nostris profutura videbuntur, suo tempore, et loco proponere, atque agere scient.

Quantum ad reliquas conditionis Pacis, vel Induciarum, si quae obtinerentur, attinet, quas ipsis Oratoribus nostris in duabus nostris prioribus Instructionibus proponendas demandauimus, et quarum illi formam, qua eas petere statuerant, negotio ad votum Nobis succedente, per *Augerium* ad Nos transmiserunt, cum hoc tempore nulla videatur de illis agendi commoditas, maxime, vbi de petenda nonnullarum Arcium sub Induciis interceptarum restitutione agitur, non opus est, quod Oratores nostri in postulandis, et obtinendis illis multum operae, et sollicitudinis adhibeant, ne forte illarum instanti petitione reliqua maioris momenti negotia inturbentur, ac impediantur. Itaque ipsorum Oratorum nostrorum prudentiae, iudicii, et dexteritatis erit, si forte negotia ad bonum finem tenderent, vt ex illis Conditionibus eas solum seligant, et proponant, quas obtinendi sine principalis negotii periculo certa spes apparuerit.

Insuper, quanquam praememoratam Resolutionem, et responsionem nostram in tria mem-



bra distincte, et singilatim proponenda partiti sumus, tamen per id nolumus prudentiam, fidem, et dexteritatem ipsorum Oratorum nostrorum, quin etiam commoditatem, atque occasionem rei gerendae ad vnguem huic nostrae Instructioni quoad modum in Tractatibus procedendi alligari, quin ipsis benigne permittimus, vt praescriptam Propositionem oretenus vel in scriptis, ac diffusius, vel compendiosius, prout commodissimum erit, proponant, dictaque tria, vel vna Oratione complectantur, velleo ordine, quo a Nobis descripta sunt, perstringant, modumque tractandi, et agendi negotium, ac qualitatem, et formam rerum, personarum, ac temporis, quam ipsi intuebantur, attemperent, a substantia tamen Instructionis non recedant.

Praeterea quum in prima propositionis, seu Resolutionis nostrae parte mentio fiat integritatis nostrae, et respectus, quemad absentiam Serenissimi Turcarum Imperatoris in observatione Induciarum habuimus, quod scilicet multoties etiam ab Officialibus, militibus, ac subditis Magnitudinis suae prouocati Nos ab omni hostilitate continuerimus, debebunt Oratores nostri querelas nostras supra enarratas, vel in prima, alteraue propositione, aut quandocunque commodissimum videbitur, latius iuxta informationem ipsis a Serenissimo Principe Domino *Maximiliano* Rege Bohemiae etc. filio nostro charissimo nuper transmissam (cuius

exemplum eam ob causam ipsi quoque *Au-gerio* dedimus) extendere, ac temeritatem *Pas-sae Budensis* in occupandis *Arcibus* nostris tem-pore *Induciarum*, sub verbo, ac fide *Princi-pis* firmatarum, exaggerare, atque omni studio postulare, ut *Magnitudo* eius de caetero pro-spiciat, quo *Officiales* sui ea, quae iusserit, maiore diligentia exequantur, nec *Mandata* *Magnitudinis* suae tam parui faciant, sicuti face-re videntur.

Quicquid autem, iidem *Oratores* nostri ad praescripta responsi acceperint, et in quo statu rem omnem propositam viderint, de eo, ut quamprimum certiores reddamur, studeant, quo tempestivius, rectiusque Nos quoque rebus no-stris prospicere queamus.

In quibus omnibus exequentur bene gratam, atque expressam voluntatem nostram, clemen-ter erga eos recognoscendam. Datum in no-stra Ciuitate *Vienna* die XIII. mensis Nouem-bris Anno Domini MDLV. Regnorum nostro-rum, *Romani* XXV. aliorum vero XXIX.

Ferdinandus m. p.

Ad mandatum *Sacrae*
Regiae Maiestatis proprium

I. Ionas D.

Vice-cancellarius m. p.

M. Singkhmoser. m. p.

(L. S.)

XVII.

Ad Eosdem.

Ferdinandus Rex Oratores suos Verantium, Zayum, et Busbeckium certiores facit de perceptis eorundem Litteris, molestiam iis per Tabellarium Venetum procuratam aegre fert, seque contentum esse industria, quam in rebus agendis adhibent, significat. Vienna 3. Februar 1556.

Reuerendo, Deuoto, Magnifico, ac Nobili, fidelibus Nobis, et dilectis ANTHONIO VERANTIO, Episcopo Quinque-ecclesiensi, Praeposito Pornensi, FRANCISCO ZAY de Chemor, Nazadistarum nostrorum Capitaneo, et AVGERIO a BUSBEK, nostris Consiliariis, et Oratoribus apud Serenissimum Imperatorem Turcarum existentibus.

(L. S.)

Redditae 6. Aprilis 1556.

3. Febr. 1556. FERDINANDVS Diuina fauente clementia Romanorum, Hungariae, Bohemiae etc. Rex.

Reuerende, Magnifice, ac Nobilis, fideles Nobis dilecti. — „ Postquam nouissime ad Vos Quinque-ecclesiensem, et Zay

„ scripsimus id, quod factum est, per viam
 „ Venetam die 27. diuersis vicibus plures a Vo-
 „ bis Litteras accepimus, nempe de 10ma, a)
 „ ac 25ta b) Octobris, item de 1ma c) et bi-
 „ nas de 16ta d) Nouembris, et nuperrime pri-
 „ mum quinque eodem tempore simul vna No-
 „ bis allatae fuerunt 29a e) Nouembris, ac
 „ 17ma, et 19na Decembris datae, et cogno-
 „ uimus inde, quaecunque vobis subinde ist-
 „ hic euenerunt, et innotuerunt, in quibus
 „ quidem rebus, et gerendis, et ad Nos per-
 „ scribendis tum eximiam vestram erga Nos fi-
 „ dem, atque obseruantiam, tum etiam singu-
 „ larem prudentiam, industriam, et rerum
 „ agendarum dexteritatem manifeste declarastis,
 „ itaque primum omnia, quae vos egisse scri-
 „ psistis, et Nobis agenda fideliter consului-
 „ stis, benigno admodum, et grato animo pro-
 „ bamus, neque vero quicquam habemus, quod
 „ modo vobis rescribamus, cum abunde sitis
 „ informati de mente, et voluntate nostra, vi-
 „ deamusque ex Anteactis nullo vos monitore
 „ egere, sed sponte occasionibus rei bene ge-

a) Extant in RR. KATONA *Hist. crit. Hung.* Tom. XXII. pag. 742.

b) *Ibidem* pag. 760.

c) *Ibidem* pag. 761.

d) *Ibidem* pag. 762.

e) *Ibidem* pag. 769.

„ rendae , sique alicubi emergerint , sedulo in-
 „ stare , praesertim cum non dubitemus , quin
 „ in hanc vsque horam negotia illa in alteru-
 „ tram partem bonum , vel malum finem sortita
 „ fuerint ; qui quidem cuiusmodi sit , magno
 „ desiderio , expectamus , Deus Optimus Ma-
 „ ximus faxit , quod omnia ad laudem , et glo-
 „ riam Diuini nominis sui , et Christianae
 „ reipublicae salutem , atque incrementum ce-
 „ dant. “

„ Caeterum pro singulari illa benignitate ,
 „ qua vos prosequimur , molestum Nobis acci-
 „ dit , quod Vobis expeditio Tabellarii per viam
 „ Venetam molestiam , et perturbationem pe-
 „ perit , nec possumus cogitare , quomodo id
 „ factum sit , cum mens , et voluntas nostra
 „ minima fuerit , quod is occultari deberet :
 „ Commiseramus enim Consiliario , et Agenti
 „ nostro *Gaztelu* , vt Litteras illas per pro-
 „ prium Tabellarium non occulte , sed aperte
 „ ad vos mitteret , eaque propter etiam in Lit-
 „ teris Imperatori Turcarum scriptis expresse
 „ ostendimus causam , quominus illas per
 „ viam Hungaricam mittere voluerimus , quem-
 „ admodum haud dubie ab exemplo illarum
 „ intellexistis , gaudemus tamen *Hrusztanum*
 „ Passam tandem ferociam remisisse , et vos
 „ periculo euasisse , hortamur autem , et requi-
 „ rimus vos benigne , vt in futurum etiam Nos
 „ subinde de omni rerum statu informare per-

„ gatis a) “ Id enim erga vos omni benignitate nostra regia recognoscemus. Datum in Ciuitate nostra *Vienna* die tertia mensis Februarii Anno Domini M. D. LVI. Regnorum nostrorum, Romani XXVI. aliorum vero XXX.

Ferdinandus m. p.

Ad mandatum Sacrae
Regiae Maiestatis proprium

I. Ionas D.

Vice-cancellarius m. p.

M. Singkhmoser m. p.

a) Hucusque pertingit sermo cryptographicus.



XVIII.

Ad Eosdem.

Ferdinandus I. Oratoribus suis Verantio, Zayo, et Busbeckio nunciat sermonem cum Regina Bona de praetensionibus Isabellae habitum, defectionemque Transsiluanorum, edocet praeterea eosdem de caussis, et modis seu Pacem, seu Inducias a Turcis efflagitandi. . Viennae d. 19. Martii 1556.

Reuerendo, Magnifico, ac Nobili, fidelibus Nobis dilectis, ANTHONIO VERANTIO, Episcopo Quinque-ecclesiensi, Praeposito Pornensi, FRANCISCO ZAY, de Chemor, Generali Nazadistarum nostrorum Capitaneo, ac AVGERIO a BUSBECKE, nostris Consiliariis, et Oratoribus ad Serenissimum Imperatorem Turcarum destinatis.

(L. S.)

Perceptae 15. Maii 1556.

FERDINANDVS Diuina fauente Clementia, Romanorum, Hungariae, Bohemiae, etc. Rex.

10. Mart. Reuerende, Deuote, Magnifice, et Nobilis, filius Nobis dilecti! — „ Accepimus nudius quartus Litteras vestras de 12ma superioris mensis Ianuarii datas, et inde non lubenter co-

„ gnouimus responsum nostrum per te *Auge-*
 „ *rium* illuc nouissime missum a *Heurztaro* Pas-
 „ sa, et ceteris Passis tam aegre, inhumaniter,
 „ et dure exceptum, vt vobis ob id fortior, et
 „ arctior custodia imposita sit. Sperabamus
 „ enim illos iam tandem mitiores futuros fuis-
 „ se, sed quia honestae, et aequissimae ratio-
 „ nes nostrae nullum apud eos locum hacte-
 „ nus habuerunt, vos vero non videmini propte-
 „ rea Gentis illius more terreri, sed magno,
 „ et infracto animo Tractatibus demandatis in-
 „ sistere, nec cuiquam rei bene gerendae oc-
 „ casioni deesse, iure equidem merito diligen-
 „ tiam, fidem, industriam, et magnanimitatem,
 „ atque constantiam vestram summopere lau-
 „ damus, et quae eatenus per vos acta, et ge-
 „ sta sunt, clementi et grato animo accipimus,
 „ atque probamus, nec dubitamus, quin dein-
 „ ceptum etiam officium vestrum sedulo sitis fa-
 „ cturi, et nihil prorsus intentatum relicturi,
 „ quo animi, tum Passarum, tum ipsiusmet
 „ Imperatoris Turcarum placari, et ad Pacem,
 „ vel inducias ineundas induci posse videbun-
 „ tur, idque eo magis, quod Christiana res-
 „ publica in tali statu versetur, vt Nobis Pax,
 „ vel Inducia non possint non valde vtilis
 „ esse. “

„ Et quoniam vos cumprimis magnam fi-
 „ duciam in Litteris Regis Poloniae filii, et
 „ consanguinei nostri charissimi, et Serenissi-

„ mae Reginae *Isabellae* posuisse videmus,
 „ quas a Serenitatibus illorum ad Portam Im-
 „ peratoris Turcarum postulaueramus, operae
 „ pretium Nos facturos arbitramur, si vos de
 „ illius negotii statu in praesentibus clementer
 „ edocuerimus. Itaque vos celare nolumus,
 „ quod Litteras illas obtinere non potuerimus,
 „ sed Screnissima Regina *Bona* a) quando hac
 „ in Italiam transiit, multa Nobiscum coram de
 „ modis, et rationibus componendi illas con-
 „ trouersias inter Nos, et dictam Serenissimam
 „ reginam *Isabellam* b), eiusque filium existen-
 „ tes tractauit, praesente Secretario Serenissi-
 „ mi Regis Poloniae, qui paulo ante Nobis re-
 „ sponsum Reginae *Isabellae*, Fratri, et me-
 „ diatori c) datum tulerat; in eo Tractatu ita
 „ Nos accomodauimus voluntati, et desiderio
 „ ipsius Serenissimae Reginae *Bonae*, etsi an-
 „ tea quoque multas aequissimas, et honestissi-
 „ mas contentationis, et concordiae condiciones
 „ proposueramus, quarum nulla vnquam a Se-
 „ renissima Regina *Isabella* ratio habita fuit,

a) Filia fuit *Ioan. Galeatii Sfortiae*, Ducis Medio-
 lanensis, quam emigrantem e Polonia *Viennae*
 cum *Ferdinando* Rege, et *Carolo V.* Imperatore
 de Transilvania tractasse narratur etiam in *all-*
gemein. historisch. Lexico Tom. I. pag. 582.

b) Obnoxium calamitatibus *Isabellae* imperium pro-
 lixe deduxit *BvDAI* in *Magy. Orsz. histor. Le-*
xic. Tom. II. pag. 318.

c) Id est: *Carolo V.* Rom. Imperat.

„ quod Serenitas eius Reginalis visa sit iis, quae
„ Nos facturos polliciti sumus, omnino adquie-
„ uisse, huiusmodi autem nostram deliberatio-
„ nem, et conclusionem, postquam scriptis
„ comprehensa fuit, supra dicto Secretario adSe-
„ renissimum Principem suum perferendam de-
„ dimus, Serenitate eius simul paterne, et di-
„ ligenter monita, vt considerata magnitudine
„ periculi, sibi et Regno, ac Prouinciis suis,
„ totique Christianitati aequae, ac Nobis, et no-
„ stris Regnis, Prouinciisque imminentis, So-
„ rorem, et Nepotem a sinistris machinationi-
„ bus ad salubriora consilia reuocaret, eosque
„ induceret, vt Nobis, et Imperatori Turca-
„ rum placarent, et motus in Transsiluania, at-
„ que Hungaria, a *Petro Petrovyth*, a) *Be-*
„ *bekis* b), et aliis sub nomine, et auspiciis ipsorum
„ excitatos, prorsus sedarent. Porro huius
„ Scripti exemplum misimus etiam saepe dictae
„ Serenissimae Reginae *Bonae*, quae iam inte-
„ rim hinc profecta erat, petimusque, vt fi-
„ liam cum Nepote rursus ex itinere ad acce-
„ ptandum conditiones oblatas per Litteras, vel

a) Quae fuerint *Petrovicsii* pro *Isabella* cum filio in Transsiluaniam reducenda molimina ex Scripto-ribus coaeuis extraxit FR. BUDAI *Magy. Orsz. historiabéli Lexic.* Tom. III. pag. 116.

b) De quo hic sermo est, erat *Franciscus Bebek* perinde adumbratus graphice a FR. BUDAI in *Magy. Orsz. hist. Lexic.* Tom. I. pag. 321.

„ Nuncium hortaretur, quae ut antea hic cu-
 „ ram receperat, se maternam auctoritatem
 „ deinceps quoque haud grauatim huius nego-
 „ tii componendi gratia interposituram, ita
 „ nunc mittat hortatu nostro vnum ex Secreta-
 „ riis suis, qui id nomine suo apud filiam, et
 „ nepotem exequatur. Vnde facile videbimus
 „ negotia ista, quae hucusque satis lente pro-
 „ cesserunt, non omnino a via concordiae
 „ aberrare, sed de optato illorum exitu bene
 „ adhuc sperandum fore. “

„ Caeterum aliud est, quod tractatibus ve-
 „ stris et diligentiae, ac industriae vestrae, uti
 „ veremur, omnium vehementissime obstaret
 „ (de quo haud dubie fama iam dudum isthuc
 „ peruolauit) intempestiua scilicet Ordinum, ac
 „ Statuum Transsilvaniae defectio, a) qui No-
 „ bis de ipsorum, et reliquiarum Regni no-
 „ stri Hungariae defensione, atque conserua-
 „ tione diesque noctesque laborantibus, et cum
 „ caeteris Regnis, ac Prouinciis nostris tra-
 „ ctantibus praepropere de ope nostra despe-
 „ rauerant, et, reuocato plane in Regnum *Petro Petrovyth*, plene rebellarunt, missis ad
 „ Nos Nunciis, per quos factum excusarent,
 „ ita quod pauca tantummodo Loca quaedam
 „ munita in potestate nostra adhuc remanserint.
 „ Posteaquam igitur contra voluntatem nostram

a) Vid. VOLF. BETHLEN *Hist. de reb. Transsil.* Lib.
 IV. Tom. I.

„ iam sublata sit caussa, propter quam Imperator Turcarum hucusque Nobis pacem, et inducias negabat, existimamus duplicem modum in futurum tractandi hinc vobis enatum esse, de quo vobis per praesentes potestatem, et facultatem concedendam duximus, scientes id propter casum, quem tum non metuebamus, in Instructionibus vestris non contineri, vt scilicet foro vti, et si Transsilvania a Principe ipsomet recuperari non posset, saltem pro residuo, et reliquiis Regni nostri Hungariae, caeterisque Regnis, ac Prouinciis nostris Pacem, vel Inducias petere, ac Diuina benignitate concludere queatis, perinde vobis benigne, et expresse committimus, vt quoad temporis, loci, et personarum qualitas tulerit, apud Imperatorem Turcarum, et Passas eius, dissimulatis Mandatis nostris, vltius pro permittenda Nobis Transsilvania sub annua pensione instetis, ostendentes, quod cum Magnitudo illius magnam sibi iniuriam, et contumeliam illatam putet, quod eam Prouinciam ex manibus Reginae Isabellae, eiusque filii, ac Fratris quondam *Georgii* a) nec non *Petri Petrovyth* receperimus, nunc Magnitudini illius e diuerso summae


a) Inconstantia Viri huius alias perspicacis, et bellicosi legenda est in A. BECHET *Histoire du Ministère du Cardinal Martinusius* etc. 8. Paris 1715.

„ laudi fore, si eandem Prouinciam sibi a Re-
 „ gnicolis restitutam Nobis e manu sua libera-
 „ liter concesserit, inculcantes subinde, quod
 „ Reginae *Isabellae* filius non audebit Trans-
 „ siluaniam ingredi, praesertim, cum adhuc po-
 „ tiora Fortalitia a Nobis teneantur, et quod
 „ nulla sit fides habenda a Magnitudine eius
 „ *Petro Petrovyth*, qui homo leuis, inconstans,
 „ et periurus, non Reginae *Isabellae*, aut filii
 „ eius, nec ipsius Imperatoris Turcarum hono-
 „ rem, aut commodum quaerat, sed priuatam
 „ vtilitatem sequatur, omnesque vias sit initu-
 „ rus, exemplo Fratris *Georgii*, vt deceptis,
 „ et Imperatore Turcarum, et Regina *Isabella*,
 „ eiusque filio, ipse solus sibi dominium Trans-
 „ silvaniae vendicet, quemadmodum et Nos,
 „ accepta a Nobis arce *Munkács a)*, decepe-
 „ rit, fidemque Nobis et iuramento et Litteris
 „ reuersalibus datam, et afilictam soluerit,
 „ prout ea vberius appositis, et idoneis argu-
 „ mentis per vos dilatari, maiorisque tributi,
 „ et largitionum promissione insinuare poterunt.
 „ Quodsi autem frustra omnia proponi, et tra-
 „ ctari de Transsilvania viderentur, concedimus,
 „ imo volumus, vt saltem pro iis locis, quae
 „ adhuc in Transsilvania tenemus, et si illa
 „ nullo pacto obtineri possent, iis quoque di-

a) Notionem historicam loci perbreuem IOAN. SE-
 VERINI adiecit in notis suis ad MATH. BELII
Compend. Hung. geograph. pag. 214. et 216.

„ missis, et solum pro reliquiis Regni nostri
 „ Hungariae, ac caeteris Regnis, et Prouinciis
 „ nostris Pacem, vel Inducias aliquot annorum
 „ honestis, et tollerabilibus conditionibus in
 „ Instructionibus vestris contentis, atque ex-
 „ pressis tanquam ex vobis ipsis, ne quid Man-
 „ dati vos accepisse sentiant, obtinere studea-
 „ tis, et enitamini, promittatisque, Nobis id
 „ ratum, gratumque fore, et si opus foret, per-
 „ sonarum vestrarum oblatione, et detentione,
 „ quoad Tabellarium, vel Nuncium pro hu-
 „ iusmodi ratificatione ad Nos expedire, eam-
 „ que a Nobis consequi valeatis, quemadmo-
 „ dum ipsimet per hasce Litteras nostras Nos
 „ id ratum, gratumque habituros reipsa, et fir-
 „ miter vobis pollicemur, concedentes etiam
 „ vobis eo nomine plenam, et amplam facul-
 „ tatem agendi, tractandi, et concludendi,
 „ et munus honorarium annuum tum ipsi Impe-
 „ ratori Turcarum, tum Bassis propterea quan-
 „ tocunque res transigi poterit, offerendi, et
 „ promittendi, et ad duplum vsque eius, quod
 „ antea pende batur, gradatim ascendendi, si-
 „ cuti de Transsilvania in Mandatis habebatis,
 „ non dubitantes, vos in constitutione, et deter-
 „ minatione eius sponte nihil inutiliter profu-
 „ suos esse. “

„ Statueramus vobis hanc voluntatem no-
 „ stram de petendis induciis, dimissa Trans-
 „ silvania, aliis tamen argumentis coloratam



„ per viam Budensem, ac sine Notis, seu Zif-
 „ fris scribere, et vna Litteras ad Imperatorem
 „ Turcarum, ac *Hrusztanum* Passam dare, per
 „ quas tractatibus vestris apud illos fides fie-
 „ ret, sed, allatis litteris vestris, sententiam
 „ mutauimus, ne forte, si pulchrior vobis oc-
 „ casio de Transsilvania recuperanda affulsisset,
 „ ipsimet rebus nostris obessemus, sed ne Pas-
 „ sae Budensi, a quo iam postulauimus Saluum
 „ Conductum pro Tabellario, suspicionem
 „ aliquam moueamus, dabimus alio argumento
 „ per illam viam Litteras, et conqueremur de
 „ Turcis finitimis, quod non obseruent
 „ Inducias, prout reuera non obseruant, sed
 „ passim per omnes Regni partes pro libitu
 „ grassantur, et nuper prope montanas Ciuita-
 „ tates ultra viginti pagos diripuerunt, ac supra
 „ tria millia animarum inde obduxerunt, itidem
 „ *Canisam* versus conati erant, sed successu
 „ ibi frustrati, et a militibus nostris in magno
 „ numero profligati, et caesi sunt, praeda,
 „ quam egerant, a nostris recuperata. Cum au-
 „ tem multum commoditatis allatum videatur,
 „ si ratio, et modus aliquis excogitari posset,
 „ quae vobis etiam per Venetam viam Litterae,
 „ quas Passis proponere queatis, mitti possent,
 „ ita quod vobis pro temporum statu semper
 „ integrum esset, illas aut occultare, aut vna
 „ cum Tabellario ostendere, non abs re erit,
 „ vt Nobis, quae vestra in hoc sit opinio, quam

„ primum significetis , ne imposterum aliquis er-
„ ror mittendis ea via Tabellariis committatur. „

„ Porro benigne probamus , quod summam
„ illam Ducatorum pro muneribus Passarum ,
„ et aliorum Officialium Turcicorum , de qua
„ scribitis , a *Scaramellis* mutuo acceperitis ,
„ iussimusque statim eam pecuniam Creditori-
„ bus , vt decet , exsolui. a) “

Haec sunt , quae vobis in praesentiarum
significanda duximus , quibus aliud nihil addi-
mus , *quam auide Nos litteras vestras , de
quibus modo Nobis spem fecistis , expectare. b)*
Vos in praememoratis executuros esse bene gra-
tam , et expressam voluntatem nostram , singu-
lari benignitate erga vos singulos recognoscen-
dam. Datum in Ciuitate nostra *Vienna* Die XIX.
mensis Martii , Anno Domini MDLVI. Regno-
rum nostrorum , Romani XXVI. aliorum vero
XXX.

Ferdinandus m. p.

Ad mandatum Sacrae
Regiae Maiestatis proprium.

I. Ionas D.

Vice-cancellarius m. p.

M. Singkmoser m. p.

a) Hactenus enarrata in autographo omnia sunt cry-
ptographica.

(b Haec quoque constructio ziffis scripta est.

XVIII.

Ad Eosdem.

Ferdinandus Rex Oratoribus suis Verantio, Zayo, et Busbeckio mandat proponendas in Porta Ottomanica querelas contra Bassas, qui Loca finitima infestare, et Inducias violare non desinunt. Vienne d. 27. Martii 1556.

Reuerendo, Magnifico, ac Nobili, fidelibus, Nobis dilectis, ANTONIO VERANTIO, Episcopo Quinque-Ecclesiensi, et Praeposito Pornensi, FRANCISCO ZAY *de Chemor*, Nazadistarum nostrorum Generali Capitaneo, ac AVGERIO a BUSBECKE, Consiliariis, et Oratoribus nostris ad Serenissimum, et Potentissimum Imperatorem Turcarum destinatis.

(L. S.)

Perceptae 3. Maii, sed 29. Aprilis apulsae 1556.

27. Mart. FERDINANDVS Diuina fauente clementia
1556. Romanorum, Hungariae, Bohemiae, etc. Rex.

Reuerende, Magnifice, ac Nobilis, Fideles Nobis dilecti. Tametsi superiore anno Quinquagesimo Quarto in mense Augusto, postquam iam antea per Litteras apud Serenissimum, et

Potentissimum Imperatorem Turcarum grauati essemus de mandatis Magnitudinis suae, tum apud Bassas, a) Sancziakos, b) Capitaneos, Officiales suos, tum ad Vaiuodas Moldauientes, et Transalpinenses datis, de reducendo in Transiluaniam quondam Regis *Ioannis* filio, Magnitudo eius Nobis rescripserit, et promiserit, nihil negotii, aut molestiae Nobis vel in Transsiluania, vel in aliis partibus exhibitum iri, sed omnia pacata fore, quoad vos Oratores nostri ad Magnitudinem suam perueniretis, cum eadem tractaretis, ac demum ad Nos rediretis, eaque de caussa iam alia fuisse mandata ad Beglerbeghos c), et caeteros Officiales, militesque suos limitaneos, vt scilicet Inducias pro securitate, et tranquillitate Colonorum sancte, firmiterque obseruarent, tamen, his non attentis, nunquam cessauerunt hæctenus Magnitudinis eius Sancziakii, Officiales, et Milites, in Confiniis istis existentes, Inducias mul-

-
- a) *Bassa*: honoris titulus est superiorum Praefectorum militarium in Prouinciis, quibus signa instar vexilli praeferuntur duae vel tres caudae equinae, a quibus denominationem accipiunt.
- b) *Sancziaki* aequiparantur nostris Vice-Comitibus, tempore pacis subsunt Beglerbegis, Districtus, quibus praesunt, *Sangiatus* nominantur.
- c) *Beglerbegi* nuncupantur omnes maiorum Prouinciarum Gubernatores, quibus proedria ante Begos competit. Vid. *neues Zeitungs-Lexicon beynt gegenwärtigen Türkensrieg.* pag. 13.

tis modis violare, arces nostras clam, et aperto Marte intercipere, excursions in Ditionem nostram facere, Nostrosque subditos, et milites hostiliter infestare, diripere, captiuos abducere, et trucidare, ac diuersas, et intolerabiles violentias exercere, de quibus, vt meministis, haud dubie aliquoties ad Serenissimum, et Potentissimum Imperatorem Turcarum Litteras plenas querelarum, et grauaminum dedimus, et interea omni studio, ac diligentia prospeximus, vt nostri fideles Subditi, ac Milites lacesiti etiam sese ab omni hostilitate continerent, sed inducias firmiter obseruarent, ad quas querelas nostras hactenus quidem nec a Magnitudine eius, neque a vobis quicquam responsi accepimus, cum nec Tabellariorum, quos ad vos miseramus, quisquam adhuc redierit. Verum non dubitamus, quin Magnitudo eius, vt Princeps integritate, ac iustitia, prudentiaque excellentissimus, intellectis eiusmodi querelis, et grauaminibus nostris, nihilominus praefatis Sancziakis, Capitaneis, Officialibus, et Militibus suis Inducias firmiter obseruandas iterum, atque iterum mandauerit: sed tantum abest, quod illi sese a violentiis, et hostilitate continuerint, quod non contenti iniuriis, Nobis violenta inuasionem, et occupationem Arcium nonnullarumstrarum in *Simigio* a) superiore autumno, et antea alibi quoque interceptarum

a) Scilicet *Kaposvár*, *Babotsza*, etc.

illatis, etiamnum passim per Regnum nostrum Hungariae igne, ferroque populabundi grassentur, et ante paucos primum dies in Comitatus Barsiensi, et Nitriensi (vt fidedigno testimonio accepimus) plus minus viginti quatuor villas, seu pagos in praedam verterint, et inde amplius tribus millibus animarum in captiuitatem abduxerint, ex alia vero parte prope *Canisam a)* aliquot etiam Villas inuaserint, et magnum Colonorum numerum abducere conati sint, et haud dubie abduxissent, nisi a militibus nostris impediti, repulsi, et fugati fuissent, quos adhuc minime quieturos credimus, quandoquidem eos quotidie congregari, et ad vastandos fines nostros accingi, assidui rumores circumferuntur. — Quae cum aliena sint, tam a verbo Serenissimi Turcarum Imperatoris, qui Nobis, vt ex supradictis Magnitudinis suae Litteris constat, tamdiu inducias obseruandas promisit, quoad vos rebus apud Magnitudinem eius confectis, vel infectis ad Nos reuersuri essetis, quoniam ab omni aequitate, et ratione, ac publica consuetudine, cum difficulter, et nequaquam libere, ac vtiliter de pace, et amicitia tractari possit, si nulla armorum suspensio intercedat. Nos vero tanta integritate, ac diligentia illas nostra ex parte obseruare studeamus, et istam candidam voluntatem, curam, et di-

a) Locus in Comitatu Szaladiensi. KORABINSZKY
geograph. hist und Produkten Lexic. pag. 227.

ligentiam nostram bis etiam, dum Serenissimus Turcarum Imperator bello Persico implicitus ab his finibus longissime abfuit, satis, superque re ipsa comprobauerimus. — Proinde vobis benigne mandamus, vt his omnibus coram Magnitudine eius, vel Passis eius ordine, ac diligenter expositis instetis, et operam detis, quod Magnitudo eius citra omnem moram seria, et firmissima mandata dare velit ad quoscunque suos Passas, Beglerbegos, Sancziakos, Capitaneos, Officiales, Milites, et Subditos in Confiniis his existentes, vt sese ab omni iniuria, et hostilitate fidelibus Subditis, et militibus nostris inferenda contineant, pacifice, ac quiete viuant, atque vt illi, qui inducias violare ausi fuerint, debitas poenas persoluant, id quod nostra quoque ex parte diligenter admodum curauimus, ac deinceps quoque curaturi sumus. — Quidquid igitur in his effeceritis, vestrum erit, operam dare, vt primo quoque tempore cognoscamus. In quibus omnibus exequemini bene gratam, et expressam voluntatem nostram benigne erga vos recognoscentes. — Datum in Ciuitate nostra Vienna Die XXVII. mensis Martii Anno Domini MDLVI. Regnorum nostrorum, Romani XXVI. aliorum vero XXX.

Ferdinandus m. p.

Ad mandatum

Regiae Maiestatis proprium

I. Ionas D.

Vice-cancellarius m. p.

M. Singmoser. m. p.

XX.

Ad Eosdem.

Ferdinandus I. Oratoribus suis Verantio, Zayo, et Busbeckio argumenta suppeditat pro impetranda a Turcis pace, vel saltem ad longius tempus induciis. Viennae d. 27. Mart. 1557.

Reuerendo, Deuoto, Magnifico, ac Nobili, fidelibus Nobis dilectis, ANTHONIO Episcopo Quinque-Ecclesiensi, FRANCISCO ZAY de Chemor, et AVGERIO a BVSBECKE, nostris Consiliariis, et Oratoribus ad Serenissimum Turcarum Imperatorem ablegatis.

Constantinopolim

(L. S.)

Cito

Cito

Cito

Perceptae prima Maii. 1556.

FERDINANDVS Diuina fauente clementia, Romanorum, Hungariae, Bohemiae, etc. Rex.

Reuerende, Deuote, Magnifice, et Nobilis, fideles Nobis dilecti. — „ Intellexistis „ haud dubie satis clare, et dilucide ex Instructione, a) quam tibi Augerio, nouissime hinc

a) Vid. eam Num. XV. cui praesentes Litterae poene in verbis accomodatae sunt.

„ ad Excelsam Portam Serenissimi, ac Poten-
„ tissimi Turcarum Imperatoris proficiscenti,
„ dederamus, vt ad illius praescriptum cum
„ Magnitudine eius Pacem, vel Inducias foue-
„ restuderetis, graues, et arduas illius rationes,
„ propter quas voluntati, et desiderio Magni-
„ tudinis eius de restitutione Transsilvaniae ha-
„ ctenus satisfacere nequiuimus, nempe, quod
„ illas Regni partes nequaquam in contumeliam
„ ipsius Serenissimi, ac Potentissimi Turcarum
„ Imperatoris occupauerimus, inimo easdem
„ neque vi, nec dolo illustri condam Serenissi-
„ mi Regis *Ioannis* filio eripuerimus, sed No-
„ bis multoties, et maxima cum instantia a Sere-
„ nissima Regina *Isabella*, et Fratre condam
„ *Georgio*, ac *Petro Petrovyth* oblatas, vti mem-
„ brum Regni Hungariae, optimo iure receperi-
„ mus, reservata, et salua pensione, quae an-
„ tea Serenissimo Turcarum Imperatori annua-
„ tim inde solui, ac praestari consueuerat, ip-
„ saque Serenissima Regina, eiusque illustri fi-
„ lio aliis bonis possessionariis, ac redditibus
„ annuis maiori ex parte contentatis, collatis
„ etiam ei duobus amplissimis, et luculentissi-
„ mis Ducatibus; quibus Nos simul vna cum
„ Transsilvania carere, futurum esset ab omni
„ aequitate alienissimum, praesertim, dum re-
„ siduum quoque, quod illis adhuc vigore Tra-
„ ctatum initorum debetur, Nos soluturos, et

„ ita illos contentaturos, obtulerimus, quod
„ nunquam sint reditum in Transsiluaniam de-
„ sideraturi: quibus rationibus, et impedimen-
„ tis illud quoque accessit, quod Nobis, vt ve-
„ ro, ac legitimo Hungariae Regi, nequaquam
„ licuerit Prouinciam illam semel receptam si-
„ ne fidelium nostrorum Ordinum, ac Statuum
„ Regni Hungariae scitu, atque consensu, tan-
„ quam membrum a corpore auellere, atque
„ alienare, cum quibus ea de re propter bre-
„ uitatem spatii Nobis ad respondendum prae-
„ scripti, et absentiam nostram neutiquam ma-
„ ture deliberare potuerimus, sicut absque alio-
„ rum quoque Principum Christianorum, et Re-
„ gnorum, Prouinciarumque nostrarum scitu,
„ consilio, et consensu, quibus in hac parte
„ adstricti, et obligati simus, in huiusmodi pe-
„ titam cessionem, et alienationem Transsil-
„ uaniae, saluo honore, dignitate, atque exi-
„ stimatione nostra, consentire nequieuerimus.
„ Eas sane caussas, et rationes non dubitamus,
„ vos pro solita vestra fide, diligentia, et in-
„ dustria Serenissimo Turcarum Imperatori, vel
„ Magnitudinis suae Bassis, et Consiliariis or-
„ dine, ac diligenter exposuisse, nostraque
„ Mandata, quoad eius fieri potuit, omni studio
„ perfecisse. Quae rationes, et caussae cum tales
„ sint, vt merito Magnitudinem eius ad conce-
„ dendam Nobis dictam Prouinciam dudum
„ permouere debuissent, Nosque pridem opta-
„ tum a vobis responsum expectassemus, et

„ plane credidissemus, Serenissimum Impera-
„ torem Turcarum consideraturum fuisse, quam
„ longe decentius, et laudabilius foret Magni-
„ tudini eius, a Nobis primo Christianitatis Rege,
„ quam a foemina, et puero pro Transsilvania
„ annuam pensionem recipere, hactenus tamen
„ nihil plane, quid egeritis? aut in quo statu
„ negotia versentur? cognoscere potuimus.
„ Quoniam autem rem longius, quam opinio
„ nostra erat, extrahi videmus, aliud non pos-
„ sumus suspicari, quam, quod nec praefata
„ firmissima argumenta nostra, nec quicquam
„ eorum, quae Nos facturos recepimus, aliquid
„ momenti, seu ponderis apud Serenissimum
„ Turcarum Imperatorem, et Magnitudinis
„ suae Passas habuerint, sed Magnitudinem
„ eius in pristina sententia, et voluntate effla-
„ gitandi Transsilvaniam, perseuerare. Caete-
„ rum de hac potentissimi Turcarum Impera-
„ toris perseuerantia non modo ex mora respon-
„ si, sed aliis quoque diuersis indiciis coniectu-
„ ram fecimus, vt eo imprimis, quod *Petrus*
„ *Petrovyth* iam Transsilvaniam ad recipien-
„ dum loco, et nomine illustris filii Serenissi-
„ mi quondam Regis *Ioannis*, illius possessio-
„ nem ingressus sit, quem possemus quidem,
„ Deo propitio, vna cum complicibus, et ad-
„ haerentibus suis coercere, Loca ac Fortalitia
„ nostra tutari, si armis, et vi rem gerere vel-
„ lemus, hoc maxime tempore, quo et Nos
„ diuina benignitate in Sacro Romano Imperio

„ tam in rebus profanis , quam ad Sacram Reli-
„ gionem nostram pertinentibus , publicam Pa-
„ cem fecimus a), et inter Sacram Caesaream ,
„ et Catholicam Maiestatem , Fratrem , et Do-
„ minum nostrum charissimum , Serenissimum-
„ que Hispaniarum , et Angliae Regem , fratrem ,
„ ac nepotem nostrum charissimum , ac Re-
„ gem Franciae christianissimum inducias fir-
„ matas esse constat. Sed quia nuper Ordines
„ atque Status Transsilvaniae , missis ad Nos
„ solennibus Nunciis , humiliter Nobis suppli-
„ cauerunt , vt pro securitate , et tranquillitate
„ Prouinciae illius benigne concedere dignare-
„ mur , quod ad fidem , et obedientiam prae-
„ fati condam Regis *Ioannis* filii redire , et in
„ ea iuxta voluntatem Serenissimi Turcarum
„ Imperatoris manere possent , b) videnturque
„ ab ineundis Nobiscum hoc nomine nouis Tra-
„ ctatibus non alieni , tam illustris ille puer ,
„ quam Serenissima eius mater , Serenissimo
„ quoque Regis Poloniae filio , et consanguineo
„ nostro charissimo operam suam interponente.
„ Nos sane vt maiorem sanguinis humani iactu-
„ ram caueremus , et Magnitudini eius nunc
„ etiam manifestum , testatumque faceremus ,
„ quod eodem adhuc sincero , ei candido ani-

a) Conf. IAC. MASENII *Animam Historiae huius tem-
poris in iuncto Caroli V. et Ferdinandi I. fra-
trum imperio repraesentatam* 4. Colon. 1672.

b) BETHLEN WOLFG. *Hist. de reb. Transsil. Lib. IV.*

„ mo in Magnitudinem eius simus, quo antehac
„ fuimus, et idem studium ad firmandam,
„ stabiliendamque cum Magnitudine eius Pacem,
„ et bonam amicitiam geramus, quod antea sae-
„ pius non obscuris argumentis Magnitudo eius
„ perspicere potuit, praecipue, dum Magnitu-
„ do eius expeditione Persica occupata fuit,
„ vbi scilicet, vt aliquid ab amicitia alienum age-
„ remus, non potuimus, vel pulcherrima rei be-
„ ne gerendae occasione oblata, induci, vel in-
„ iuriis, aut violentiis permoueri, quibus tum
„ etiam, vti hodie adhuc faciunt Magnitudinis
„ suae Bassae, Saniaki, Officiales, et Milites
„ contra Magnitudinis suae mandata, fines, Sub-
„ ditos, ac milites nostros afficiebant, eos sub-
„ inde infestantes, et ad arma prouocantes,
„ Arcesque, et Loca nostra clam, et aperte
„ oppugnantes, et intercipientes, nouas muni-
„ tiones erigentes, et mille denique modis in-
„ ducias violantes, ob has caussas, et impri-
„ mis in honorem Serenissimi Turcarum Impe-
„ ratoris, non obstantibus supra dictis rationi-
„ bus, quae diuersum Nobis suadere videban-
„ bantur, Supplicationi praefatorum Statuum,
„ ac Ordinum Partium Regni Transsilvaniae
„ gratiose annuimus, in euentum, quo Sere-
„ nissimus Turcarum Imperator pristinam vo-
„ luntatem suam non permittendi nobis Trans-
„ siluaniam, adhuc retineret, eamque omnino
„ Serenissimae Reginae *Isabellae* filio reddi po-
„ stularet. Proinde vobis benigne, et expresse

„ committimus , vt quòd temporis , loci , et per-
„ sonarum qualitas tulerit , apud Magnitudinem
„ eius¹ , vel Bassas eius vltierius pro permitten-
„ da Nobis Transsiluania sub annua pensione
„ instetis , ostendentes , quod , cum Magnitudo
„ illius antea magnam sibi iniuriam , et contu-
„ meliam illatam putet , quod eam Prouinciam
„ ex manibus Reginae *Isabellae* , eiusque filii ,
„ ac Fratris condam *Georgii* , nec non *Petri Pe-*
„ *trovyth* receperimus , nunc Magnitudini illius
„ e diuerso summae laudi fore , si eandem Pro-
„ uinciam , sibi a Regnicolis illis restitutam , No-
„ bis e manu sua liberaliter concesserit , inculcan-
„ tes subinde , quod Reginae *Isabellae* filius
„ non audebit Transsiluaniam ingredi , prae-
„ sertim , cum adhuc Fortalitia potiora a Nobis
„ teneantur , et quod nulla sit fides habenda a
„ Magnitudine eius *Petro Petrovyth* , qui homo
„ leuis , inconstans , et periurus , non Reginae
„ *Isabellae* , aut filii eius , nec ipsius Serenissimi
„ Turcarum Imperatoris honorem , aut commo-
„ dum quaerat , sed priuatam vtilitatem secte-
„ tur , omnesque vias sit initurus , exemplo
„ Fratris *Georgii* , vt deceptis , et Imperatore
„ Turcarum , et Regina *Isabella* , eiusque filio ,
„ ipse solum sibi dominium Transsilvaniae ven-
„ dicet , quemadmodum , et Nos , accepta a No-
„ bis arce *Mankács* , deceperit , fidemque No-
„ bis , et iuramento datam , atque promissam ,
„ et Litteris reuersalibus firmatam soluerit . Sin
„ autem Serenissimus , et Potentissimus Impe-

„ rator Turcarum ratione , vel modo ad per-
„ mittendam Nobis Transsilvaniae pacificam
„ possessionem adduci poterit , nihilominus Pa-
„ cem , vel Inducias honestas cum Magnitudine
„ illius renouare , et firmare , ac de Transsilua-
„ nia cum Serenissima Regina *Isabella* , eius-
„ que illustri filio beneuole , et paterne concor-
„ dare parati sumus , dummodo de reliquis
„ omnibus Regni nostri Hungariae Partibus ,
„ Ciuitatibus , Oppidis , et Arcibus , quae ad
„ praesens in potestate nostra sunt , a Ma-
„ gnitudine illius nihil Nobis negotii , vel diffi-
„ cultatis moueatur , sed Pax , vel Induciae tam
„ horum locorum , quam eorum , quae in Re-
„ gnis Dalmatiae , Croatiae , et Sclauoniae , ter-
„ ra , marique possidemus , et caeterorum quo-
„ rumlibet Regnorum , ac Prouinciarum nostra-
„ rum occasione firmentur , et obseruentur.
„ Quocirca , si frustra omnia proponi , et tracta-
„ ri de Transsilvania videbuntur , concedimus
„ vobis clementer , immo volumus , et benigne ,
„ atque expresse committimus , vt in illum euen-
„ tum apud Magnitudinem eius , vel illustrem
„ *Hrusztanum* Passam , de cuius pristina erga
„ Nos beneuolentia , et ad publicam Pacem pro-
„ pensione , summaque auctoritate multum No-
„ bis pollicemur , enitamini , et elaboretis , tan-
„ quam ex vobis ipsis proponentes , vt Magni-
„ tudo illius , habita ratione sinceri , et candidi
„ animi nostri , quo in Magnitudinem illius ,
„ vt manifestum est , affecti sumus , saltem pro

„ iis Locis , quae adhuc in Transsilvania tene-
„ mus, vel , si nec ista vlllo pacto obtineri pos-
„ sint, saltem pro caeteris Dominiis , Oppidis,
„ Castris, Arcibus, et Locis, eorundemque
„ redditibus, et prouentibus, quae in Hunga-
„ ria, Dalmatia, Croatia, et Sclauonia, terra,
„ marique non ipsi modo tenemus, sed Subditi
„ quoque nostri cuiuscunque status, et ordinis
„ tenent, perinde, ac caeterorum Regnorum,
„ et Prouinciarum, occasione Pacis, vel Indu-
„ ciarum aliquot annis, honestis, et tollerabili-
„ libus conditionibus, sub honesto etiam honora-
„ rio munere, quotannis Magnitudini eius, et
„ Passis suis pendendo, Nobiscum ineat, vt
„ tandem non frustra Nos Magnitudinis suae
„ amicitiam expetuisse sentiamus, et sic vel
„ etiam miseri Subditi, et Coloni aliquando
„ respirare, et ab iniuriis belli liberati, otio,
„ quiete, et securitate frui queant, prout Ma-
„ gnitudinem eius pro bono, et commodo publico
„ ad praecauendam, ac vitandam maiorem hu-
„ mani Sanguinis iacturam, ac pro Regni Hun-
„ gariae, et respiratione, caussa dissensionis
„ iam sublata, Transsilvania nimirum a Nobis
„ dimissa, in renouanda, et firmanda Nobiscum
„ Pace, atque amicitia a Nobis tanto animi can-
„ dore expetita, nihil amplius difficultatis mo-
„ turam esse confidimus. Quidquid igitur in
„ hac parte per vos actum, et conclusum erit,
„ id Nobis ratum, gratumque fore pollicemur,
„ de quibus omnibus, vt primo quoque tem-



„pore certiores reddamur, clementer admodum
 „a vobis postulamus. a) “ Exequimini enim
 in his bene gratam, atque expressam volunta-
 tem nostram, clementer erga vos recognoscen-
 dam. — Datum in Ciuitate nostra *Vienna* die
 XXVII. mensis Martii Anno Domini MDLVI.
 Regnorum nostrorum, Romani XXVI. Aliorum
 vero XXX.

Ferdinandus m. p.

Ad mandatum Sacrae
 Regiae Maiestatis proprium

I. Ionas D.

Vice-cancellarius m. p.

M. Singkhmoser. m. p.

a) Hucusque autographum est cryptographicum.

XXI.

Ad Eosdem.

Ferdinandus I. Oratores suos, Verantium, Zoyum, et Busbeckium monet, ne in Tractatu aliquas Arces ultra fines Transsilvaniae promittant: dat praeterea illis potestatem, Honoraria annua pro rerum circumstantiis augendi, neglectorum exolutionem propter ereptas arcas excusari vult, ac demum significat, se complures eorum Litteras percepisse. Viennae 15. Iunii 1556.

Reuerendo, Deuoto, Magnifico, ac Nobili, fidelibus Nobis dilectis, ANTHONIO VRANTIO Episcopo Quinque-Ecclesiensi, FRANCISCO ZAY de Chemor, et AVGERIO a BVSBECKE, nostris Consiliariis, et Oratoribus ad Serenissimum Turcarum Imperatorem ablegatis.

Constantinopoli

(L. S.)

Cito
Citius
Citissime

Ferdinandus Diuina fauente clementia, Romanorum, Hungariae, Bohemiae etc. Rex.

15. Iunii.
1556.

Reuerende, Magnifice, ac Nobilis, fideles Nobis dilecti. — „ Acceptis Litteris vestris, „ quas Tabellarius noster *Ladislaus Szabó* Nobis attulit, cognouimus, quo ordine, et modo Commissionem vobis datam de offerenda „ isthic coram Imperatore Turcarum, et Passis eius Transsilvaniae restitutione, Reginae „ *Isabellae* facienda, quatenus Nobis residua „ Hungariae parte pacifice dimissa, Pax vel Induciae concedantur, aggressi, atque executi „ sitis, in qua quidem re, cum omnia solita vos „ fide, diligentia, et industria egisse perspexerimus, merito actionem illam vestram clementer laudamus, ac probamus, vna cum „ his omnibus, quae in Litteris vestris humiliter, ac fideliter Nobis suggestistis. Cum igitur „ iam Imperatori Turcarum ad Litteras suas responderimus, affirmantes vos ea, quae de „ Transilvaniae remissione isthic proposuistis, „ iussu, et voluntate nostra dixisse, ac insuper etiam ad vos mandata dederimus, vt „ coeptum Tractatum ad finem optatum perducere studeretis, sicuti ab exemplis earum „ Litterarum nostrarum cognoscere poteritis, „ visum est operae pretium fore, vt illae Litterae, in quibus dicta Mandata nostra continentur, ita attemperarentur, vt eas etiam, „ quando opus erit, proferre, et ipsi Turca-

„rum Imperatori, vel Passis eius ostendere
 „possetis, in hanc vero Epistolam, clam vo-
 „bis reddendam, secretiora iussa nostra con-
 „iicerentur. Primum autem est, quod tam-
 „etsi Nos quoque suspicemur, Imperatorem Tur-
 „carum, ex quo iam medio Passarum suorum
 „omnes Regni nostri Hungariae reliquias pro-
 „pter Transsilvaniam a Nobis intempēstiva re-
 „bellum nostrorum defectione alienatam flagi-
 „tare cepit, idem sub inuolucro verborum il-
 „lorum, ubi scribit, omnia ea Reginae *Isabel-
 „lae* filio se contulisse, quaecunque potenti
 „suo gladio debellata, et subacta Patri eius
 „olim dederat, innuere, ac imprimis tacite
 „etiam *Cassouiam*, a) *Gyulam*, b) *Varadinum*,
 „c) et reliqua Loca in Hungaria, extra Trans-
 „silvaniam in manibus nostris sunt, dimittere
 „vel cedere intendimus, sed ea omni conatu
 „obnixē ope diuina retinere contendemus.

a) Urbis non tantum modo, sed iam olim in supe-
 riori Hungaria famigeratissimae descriptio habe-
 tur apud G. KREKWITZ in *Beschreib. des Königs-
 reichs Ung.* pag. 62.

b) Hodie iuris est *Wenkheimiani*. Arcis antiquae non-
 nulla adhuc supersunt rudera. Vicissitudines lo-
 ci adumbravit KREKWITZ *Cit. Oper.* pag. 177.

c) Optandum, ut ea, quae ad historiam huius loci
 pertinent, ordine, qui Historicum commendat,
 meliore exhibuisset Ios. KERESZTVRI in sua
*Compendiar. Descript. fundat. ac vicissitud. Epi-
 scop. et Cap. M. Varad. 8. M. Varad.* 1806.

„ Quando ergo ad Tractatum aliquem deuen-
 „ tum fuerit, meminisse horum debebitis, nec
 „ Loca illa, vtpote *Cassovia*, *Gyula*, *Varadi-*
 „ *num*, et caetera, quae in illis sunt Partibus,
 „ extra Transsiluaniam sita, Transsilvaniae no-
 „ mine comprehendantur, sed in potestate no-
 „ stra deinceps quoque sub nomine Hungariae
 „ dimittantur, et hac conditione salua, omnes
 „ rationes, vias, et modos inibitis, quibus aut
 „ perpetuam Pacem, aut Inducias ad decem,
 „ vel octo, vel tot annos, quot obtineri pote-
 „ runt, perficiatis, et concludatis.

„ Quodsi hic aliqua difficultas inciderit de
 „ Regnicolis extra Transsiluaniam in Hungaria
 „ existentibus, qui a Nobis descuerunt, et
 „ Turcae petituri essent, ex quo illi sese iam
 „ ad fidem, atque obedientiam Reginae *Isabel-*
 „ *lae* filii, vel Imperatoris Turcarum contulis-
 „ sent, vt illi in eadem pacifice dimitterentur,
 „ tum respondeatis idem, quod de *Gyula*, *Va-*
 „ *radino*, *Cassovia*, ac cacteris locis extra
 „ Transsiluaniam existentibus superius vobis
 „ perscripsimus. Attamen poteritis tanquam
 „ ex vobis polliceri, si hoc illi postulauerint,
 „ quod conclusa pace, et induciis propter ami-
 „ citiam, et beneuolentiam ipsius Turcarum
 „ Imperatoris capitibus illorum haud dubie par-
 „ suri, eosque rursus in gratiam recepturi si-
 „ mus. Verum de hac re non est, quod ali-
 „ quid vltro offeratis, nisi illi rem istam in contro-
 „ uersiam, et tractatum essent adducturi. “

„ Quod autem ad pensionem muneris ho-
 „ norarii attinet, de qua vos scribitis, spem
 „ exiguam esse, quod Imperator Turcarum, vel
 „ minorem, quam solitam triginta millium aureo-
 „ rum ducatorum sit acceptaturus, vel superiori-
 „ bus annis pendi intermissam, Nobis sit condona-
 „ turus. Cum igitur hac etiam in parte expressum
 „ mandatum requirere videamini, benigne vobis
 „ committimus, quodsi hac via rem transigi
 „ posse putaueritis, non solum triginta millia
 „ Ducatorum aureorum annue nostro nomine of-
 „ ferre, sed gradatim vsque ad quinquaginta
 „ millia etiam ascendere possitis, quin immo,
 „ si spes esset, firmam Pacem, vel Inducias
 „ pecuniis consequendi, centum millibus etiam
 „ Ducatorum non debebitis rem infectam dese-
 „ rere, ita tamen, vt Imperatori Turcarum in-
 „ de octuaginta millia cedant, *Hrusztano* Pas-
 „ sae decem millia, et reliqua decem millia in-
 „ ter ceteros Passas, atque Officiales Turca-
 „ carum Imperatoris, quibus dare oportebit,
 „ diuidantur. a) Neque necesse erit, quod fa-
 „ teamini, vos tantae largitionis facultatem ha-
 „ bere, sed quinquaginta millium finem vobis
 „ esse praescriptum, de reliquo vos tanquam
 „ Consiliarios, et Oratores nostros polliceri,

a) Conf. FR. FORGÁCH *Commentar. rer. Hung. sui-*
tempór. Lib. VI. pag. 137.

„ quod pecuniae eius caussa, Tractatus vestros
„ non simus habituri irritos. “

„ Sed quoad intermissam pensionem, si
„ illa posceretur, respondere poteritis, quod in-
„ termissio illa pensionis Nobis adscribi nequeat,
„ ex quo Induciae illae quinquennales nostra ex
„ parte minime violatae fuerint, atque Nos haud
„ grauatim illam posteriori quoque biennio ad
„ Cameram Magnitudinis suae missuros fuisse,
„ si non essemus quarto ipso Pacis anno a fini-
„ timis Turcis contra Pacem armis petiti, at-
„ que ad bellum necessario prouocati. Vtcun-
„ cunque tamen se res habeat, si Nobis intra
„ illas, et has nouissimas Inducias non fuissent
„ tot arces per insidias, et aperto Marte ereptae,
„ tot incursiones in Ditionem nostram non fa-
„ ctæ, neque tot millia animarum abducta,
„ Nos sine negotio illa quoque duorum vltimo-
„ rum annorum munera daturus fuisse, et ad-
„ huc daturus esse, si interceptæ Arces Nobis
„ restitutæ fuerint. “

„ Et quia in alteris Litteris nostris ad vos
„ datis, iubemus beneuolentiam Imperatoris
„ Turcarum captari, a Domus suae Ottomanni-
„ cae gloria, et aliis argumentis ibidem dedu-
„ ctis, subiungendo, si Magnitudo illius nul-
„ lam eorum rationem esset habitura, quod
„ etiam Nos ad suscipiendam iustam Ditionis
„ nostrae defensionem cogeremur, vestrae erit
„ prudentiae, ea ipsa argumenta postea inter

tra-

„ tractandum vel amplificare, vel minuere. Si
 „ namque loci, temporis, et personarum cir-
 „ cumstantiae hoc admitterent, existimaremus,
 „ non incommode adiungi posse, quod Magni-
 „ tudo eius cogitare queat, amplissimas Mo-
 „ narchias, quales Assyriorum, Medorum, Per-
 „ sarum, Graecorum, et Romanorum, atque
 „ aliae olim fuere, cum alia de caussa, tum
 „ vel maxime, quod mole sua laborassent,
 „ corruisse, atque interiisse, et quod Prin-
 „ cipes diuina Benignitate, diuinisque be-
 „ neficiis non contenti, prosperisque successi-
 „ bus elati, dum se ad maiora etiam, si in al-
 „ tissimis constituti sint, attollere conantur,
 „ saepius a Deo Optimo, Maximoque, Domi-
 „ no Dominorum, et Rege Regum subito prae-
 „ cipitati fuerunt. Haec autem noluimus alte-
 „ ris Litteris inserere, ne si forte, aut Passae
 „ Litteras resignarent, aut vobis redditas pro-
 „ ferre iuberent, offensi duriore huiusmodi com-
 „ memoracione, qua gens illa est superbia, et
 „ barbarie, omnem Tractatum progressum in-
 „ terturbarent, atque conuellerent. Vos igitur
 „ ex his proponite, vel retinete, quaecunque
 „ proponenda, vel reticenda videbuntur. “

„ Praeterea, ne ignari quoque sitis eorum,
 „ quae hic interea inter Nos, et Passam Buden-
 „ sem aguntur, duximus vobis cum praesenti-
 „ bus etiam exempla esse transmittenda Lit-
 „ terarum illarum, quas ille per dictum

„ *Ladistaum* ad Nos dedit, et Nos illi respon-
„ dimus, et quid demum ei per proprium quo-
„ que Nuncium nunciauerimus, vt huc quoque
„ Actionem vestram accommodare queatis. “

„ Postremo, dum in hac deliberatione no-
„ stra versaremur, superuenerunt etiam Litte-
„ rae vestrae de 9na (quarum binae erant)
„ item de 17ma, ac 28ua Aprilis, nec non de
„ 1ma Maii proxime praeteriti (prout priorum
„ quoque nullas interceptas fuisse, vel alias pe-
„ ruisse credimus.) Et licet istae omnes prae-
„ ter postremas datae fuerint, antequam ani-
„ mum nostrum de remissione Transsilvaniae
„ accepissetis, tamen quia illa, quae in eis
„ continentur, magna et accurata considera-
„ tione sunt digna, et ad Tractatus, quos cum
„ Eunuchio isto vafro in futurum habebimus,
„ non parum Nobis videntur allatura momenti;
„ ideo non absque caussa gratissima Nobis ex-
„ titere. Quoniam autem nihil etiam attulerunt,
„ cuius caussa quidpiam eorum, quae ad Im-
„ peratorem Turcarum, et ad vos scribere de-
„ creuimus, immutandum censeamus, habea-
„ tisque iam antea et Instructiones et Litteras,
„ quibus vos subinde de voluntate nostra in-
„ formauius, ideo in praesentiarum non est,
„ quod ad easdem modo rescribamus, sed cae-
„ tera, quae hic praeuidere non possumus, ad
„ fidem, et industriam vestram, atque etiam
„ Instantias vestras, quatenus ad praesentem

„rerum statum commodae fuerint, benigne
 „reiiicimus, “ a) volumusque vos scire, quod
 in praemissis omnibus exequenturi sitis, bene
 gratam, atque expressam voluntatem nostram,
 clementer erga vos recognoscendam. — Da-
 tum in Ciuitate nostra *Vienna* Die XV. mensis
 Iunii, Anno Domini M. D. LVI. Regnorum
 nostrorum, Romani XXVI. aliorum vero XXXI.

Ferdinandus m. p.


Ad mandatum Sacrae
 Regiae Maiestatis proprium

I. Ionas D.

Vice-cancellarius m. p.

M. Singkhmoser m. p.

a) Autographum cryptographicum lucusque proten-
 sum est.



XXII.

Ad Eosdem.

Ferdinandus Rex Oratores suos Verantium, Zoyum, et Busbeckium informat de progressibus sui exercitus contra Turcas, et conditionibus, sub quibus Transsiluaniam Isabellae resignandam velit. Vienne 15. Aug. 1556.

Reuerendo, Magnifico, ac Nobili, fidelibus Nobis, dilectis, ANTHONIO VERANTIO, Episcopo Quinque-ecclesiensi, FRANCISCO ZAY de Chemor, et AVGERIO a BUSBECKE, nostris Consiliariis, et Oratoribus apud Serenissimum Turcarum Imperatorem existentibus.

Constantinopolim

(L. S.)

Cito
Cito
Cito

Perceptae 2. Octobr. 1556.

FERDINANDVS Diuina fauente clementia Romanorum , Hungariae, Bohemiae etc. Rex, semper Augustus.

Reuerende , Magnifice , ac Nobilis, fi- 15. Aug.
deles Nobis dilecti. — „ Posteaquam hinc 1556.
„ dimisimus Chiausium, qui praeterito mense
„ Iunio cum *Ladislaò Szabó*, et Turcarum Prin-
„ cipis Litteris ad Nos venerat, cum responso
„ nostro Magnitudini eius dato, allatae sunt
„ Nobis paucis diebus post ternae Litterae ve-
„ strae de 13tia, 16ta, et 18ua Maii datae,
„ supplentes ea, quae priores vestrae per su-
„ pra nominatum Tabellarium nostrum Nobis
„ redditae, propter loci, et temporis incommo-
„ moditatem capere non poterant, nunc vero
„ alias a vobis accepimus, quas nimirum de
„ 29na Maii ad Nos scripsistis. Quam quidem
„ diligentiam, et sedulitatem vestram benigno,
„ et grato animo laudamus, et probamus; me-
„ mores etiam futuri fidelis consilii vestri de
„ mittendis posthac more solito per Budensem,
„ et Venetam viam Litteris, quandoquidem
„ nulla alia mittendorum Tabellariorum ratio
„ excogitari, et inueniri potest. Caeterum loco
„ responsi vobis clementer significamus, quod
„ non leuem spem conceperamus, *Aly Passam*
„ Budensem, sicuti et Litterae vestrae, et alia
„ plura Indicia, et argumenta Nobis videbantur
„ polliceri, Tractatus Pacis, vel Induciarum
„ Nobiscum habiturum esse, simul atque pro-

„ uinciam sibi demandatam attigisset, prae-
 „ sertim cum etiam Locumtenens eius, *Budae*
 „ residens, ipsum huius rei facultatem, et man-
 „ datum habere asseruerit, et ad observatio-
 „ nem Induciarum sese obtulerit, affirmando,
 „ excursiones eas, quas Turcae antea in Ditio-
 „ nem nostram contra Inducias fecerant, eo
 „ tempore a militibus Turcicis factas fuisse,
 „ quo *Thoigon* Passae imperium fuit abroga-
 „ tum, et illi Passa, seu rectore destituti, libe-
 „ re, et impune euagari potuerint, prout ipse-
 „ met quoque Passa in Litteris suis Nobis eius
 „ rei non vulgarem spem dederat, sed de his,
 „ quae postea subsecuta sunt, et quae adhuc in
 „ finibus geruntur, manifeste apparuit, illum
 „ voluisse verba dare Nobis. Nam cum Nun-
 „ cium proprium ad eum deputassemus cum
 „ Litteris, vt intelligeret, quod consilii sui ra-
 „ tionem habuissemus, et Principi suo de Trans-
 „ siluaniae, et reliquarum in ea Arcium remis-
 „ sione, et cessione ad votum respondissemus,
 „ ipse, qui iam antea oppidum, et Arcem no-
 „ stram *Szigeth* obsederat, dictum Nuncium
 „ nostrum non admisit, sed Litteris nostris,
 „ quarum vobis etiam copiam fecimus, acce-
 „ ptis, eum e *Buda* ad Nos remitti fecit, et
 „ postea in responso suo dissimulatis, ac si-
 „ lentio praeteritis iis, quae de Transsiluania
 „ remittenda ei significauimus, nihil ad rem
 „ rescripsit, easque Litteras querelis, et osten-
 „ tatione compleuit, nec ab eo tempore, etiam-

„ nullis Turcis copias suas coniunxisse, vt prae-
 „ fato *Aly Passae* ad Arcem *Szigeth* suppetias
 „ ferrent, necesse habuimus, copias nostras
 „ equestres, et pedestres tam leuioris, quam
 „ grauioris armaturae, quae tum in promptu
 „ Nobis erant, sub ductu *Spectabilis*, et *Ma-*
 „ nifici, fidelis nostri Comitis *Thomae de Ná-*
 „ *dasd a)*, per Regnum nostrum Hungariae Pala-
 „ tini, colligere hisce mandatis, vt ipse pro
 „ temporis occasione, vel contra *Passam* vsque
 „ ad *Szigeth* pergeret, vel locum aliquem Tur-
 „ cicum oppugnaret, cuius defendendi neces-
 „ sitate hostis obsidionem soluere cogeretur.
 „ Consilio itaque inito, idem Palatinus cum *Ba-*
 „ no Regnorum nostrorum *Dalmatiae*, *Croa-*
 „ *tiae*, *Sclauoniae*, Comite *Zriny b)* ac *Ioanne*
 „ *Lenkovicz c)*, Generali finium nostrorum
 „ *Croaticorum*, et *Sclauonicorum* Capitaneo,
 „ *Francisco Tahi d)*, Agasonum nostrorum *Ma-*
 „ gistro, et Peditum nostrorum *Germanorum*
 „ Supremo Praefecto *Nicolao L. Barone a Pol-*
 „ *weyler*, et Baronibus *Bánfi*, e) militibusque

a) Vid. *FRAN. EYDAI Magyar. Ország. histor. Lexicon.*
 Part. II. pag. 719.

b) Id est: *Nicolao*. Idem *ibidem* Part. III. pag. 628.

c) Vir singulari fortitudine eminens, de quo *ISTVÁN-*
FICS Histor. rex. Hungar. Lib. XXVIII.

d) Conf. *FR. EYDAI Magyar. Ország. histor. Lexicon*
 Part. III. pag. 370.

e) *Stephano*, *Ladislao*, et *Nicolao*, omnibus de
Lindva.

„ cuiusque ductui subiectis, nec non auxiliis,
 „ quae tam breui temporis spatio ex Austria,
 „ Styria, et Carinthia contraximus ad decem
 „ millia hominum stipendiatorum ascendentibus,
 „ nec non gentibus leuatitiis viciniorum
 „ Regni nostri Hungariae Comitatum, *Babol-*
 „ *tsam* versus castra mouit, eamque igna Iunii
 „ obsedit, ac postridie bombardis quaterre cepit
 „ eo animo, vt hostem ab obsidione Szigethiensi
 „ remoueret, nec defuit euentus consilio. Etenim
 „ Passa, cognito exercitus nostri aduentu, remissis
 „ ad *Quinque-Ecclesias* maioribus tormentis, addita
 „ eis duorum Sanziacorum comitiua, ipse cum exercitu,
 „ quem ad quindecim millia Equitum, demta
 „ Rusticorum turma, ascendisse ferunt, ad
 „ 22am Iulii sub *Baboltsa* in conspectu. Exercitus
 „ nostri adfuit, et ea ipsa die fluuium *Rinnam*
 „ a) transgressus, exercitum nostrum adorsus est,
 „ cuius traiectionem milites nostri, fortiter prohibentes
 „ hostem, bis vltra fluuium reiecerunt; postridie,
 „ quae fuit 23a Iulii, summo mane, exercitu nostro
 „ in vallum arctis *Baboltsae* irrumpente, rursus ceptum
 „ est paruis praeliis dimicari, iisque magis, ac magis
 „ inualescentibus, valde acriter vtrinque pugnatum est.
 „ Habebant enim hostes in altera fluuii ripa
 „ opportuno loco dispositas qua-

a) FORGÁCHIVS *Comment. Lib. VI.* Rumsam nominat,
 hodie *Kapos* audit.

„ tuordecim bombardas tam maiores, quam
 „ campestres, quae in milites nostros hostem
 „ cedentes, et vltra fluuiam repellentes, emissae
 „ non parum damni dederunt militibus nostris
 „ a fronte, cum exercitu *Aly Passae* a tergo
 „ cum Turcis, qui in *Baboltsa* erant, rem ge-
 „ rentibus. Itaque conciderunt vtroque mul-
 „ ti strenui Viri, diuina tamen benignitate no-
 „ stri in istiusmodi praeliis paruis superiores,
 „ et victores extiterunt, et circiter vnam horam
 „ a meridie, collecto vniuersim exercitu, cum
 „ omnibus impedimentis, bombardis, curribus,
 „ et apparatibus, agmine, non composita acie,
 „ et volitantibus Vexillis, nullis amissis vel Ve-
 „ xillis, vel Bombardis, imo quatuor vexillis
 „ ab hoste reportatis, ex iniquo loco in tutum
 „ se receperunt, hostesque ad speciem quodam-
 „ modo insequentes strenue repulerunt, neque
 „ in recessu vel vnicum hominem amiserunt,
 „ prout etiam post praefata praelia a Turcis
 „ vltra ducenta septuaginta capita Christiano-
 „ rum non reperta esse, ex illorum vero par-
 „ te duplo, et triplo plures occubuisse dicuntur.
 „ Passa autem dispositis ad *Baboltsam*, quae ad
 „ loci illius tutelam pertinent, exercitum suum
 „ rursus ad obsidionem arcis *Szigeth* reduxit,
 „ verum milites illi nostri praesidiarii trigesima
 „ die Iulii, eductis ex arce bombardis, castra
 „ hostilia multis ictibus, et aperto Marte peti-
 „ uerunt, et Turcarum aliquot capita in Op-
 „ pidum, et Arcem retulerunt. Tandem Passa

„ nocte sequenti, soluta obsidione, cum exer-
„ citu suo *Quinque-Ecclesias* a) retrocessit,
„ quae quidem sinistra *Aly Bassae* instituta, et
„ conatus ostendunt, eum plus de Bello, quam
„ Pace Nobiscum constituenda cogitare, id,
„ quod de caeteris quoque Turcis suspicamur,
„ eosque hoc tempore ad incundas Nobiscum
„ inducias non admodum propensos esse iudi-
„ camus, colligentes id non solum a ceptis *Aly*
„ *Bassae*, sed ex aliis quoque multis indiciis,
„ praesertim conatibus Bosnensis Passae, qui
„ interea, dum haec gesta sunt, cum auxilio
„ supra nominatorum duorum Sanziacorum,
„ collecta valida Turcarum manu, in Croatia
„ Ditionem nostram hostiliter inuasit, et Ar-
„ cem nostram *Kosztanovicz* b) a Castellano,
„ et Praesidiariis eius citra necessitatem debi-
„ tam recepit. Vnde postmodum euenit, quod
„ alia etiam arx vicina *Nouigrád* c) a suomet
„ praesidio exusta, et deserta fuerit, magno
„ Partium illarum nostrarum periculo, et de-

a) Historiam huius Loci enarrat G. PAPANEK in *Geograph. Descrip. Comitatus Baranyien* Cap. XIV.

b) *Castanopolis*: Propugnaculum ad Vnnam flu-
uium, Turcis oppositum, a quo celebris sua ae-
tate Ioannes Kithonics Iuris-Consultus Hungariae
axioma accepit. SEVERINI in not. ad *Compend.*
regnorum. Sci. Cro. Dal. etc. geographic. pag. 46.

c) Hodiedum situm in Croatia Turcica.

„ trimento a). Porro haec vobis in eum finem
 „ significamus, si forte aliter vobis relata fue-
 „ rint, vos rei veritatem teneatis, et Actionem
 „ vestram ad praesentem rerum statum accom-
 „ modare sciatis. Nos sane, etsi fidelium Sub-
 „ ditorum nostrorum defensionem, et his iis,
 „ quae ad incolumitatem, et securitatem eorum
 „ spectant, deinceps quoque deesse nequeamus,
 „ tamen imposterum etiam a pace, vel indu-
 „ ciis sub honestis, ac tolerabilibus conditio-
 „ nibus ineundi non erimus alieni, et his, quae
 „ in proximis Litteris nostris de remissione
 „ Transsilvaniae, et Arcium, quas in ea adhuc
 „ tenemus, Serenissimo Turcarum Imperatori
 „ polliciti sumus, constanter, et sincere satis-
 „ faceremus. Etenim expediimus hac de caus-
 „ sa sub finem Iunii ad Serenissimum Regem
 „ Poloniae, filium nostrum charissimum, Re-
 „ uerendum fidelem Nobis dilectum, *Ioannem* ab
 „ *Vjtlak*, electum Episcopum Tinniensem b)
 „ Consiliarium nostrum, postulantes a Serenita-
 „ te eius, vt tanquam mediator, cuius fideli, et

a) Haec narratio corrigit, et illustrat ea, quae hac
 de re FORGÁCHYVS *Lib. VI.* ISTVÁNYIVS *Lib. XIX.*
 aliquerecensent.

b) Inter *Vjtlakior*, quos FR. BUDAI in *Magy. Ország.*
histor. Lexico pag. 510. — 528. celebrat, *Ioan-*
nis nulla sit mentio, tametsi a SZENTIVÁNYIO in
Diss. paralipom. rer. Hung. memorabil. Catal.
XXX. pag. 95. Episcopis Tinniensibus adnume-
 retur.

„ filiali opera hactenus etiam in negotiis, con-
„ tentationem Serenissimae Sororis, ac Illustris
„ nepotis sui concernentibus, vsi sumus, si-
„ dum aliquem suum, et idoneum hominem in
„ Transsiluaniam mittat, qui dictas Arces ad ma-
„ nus tertias Serenitatis suae recipiat, et dein-
„ de ad manus Serenissimae Reginae *Isabellae*,
„ et Illustrissimi filii sui tradat, ita tamen, quod
„ illi Serenitatem eius nomine nostro assecurent,
„ et promittant, quod *Stephanus Dobó*, *La-*
„ *dislaus Vass*, *Georgius Botskay a)*, ac reli-
„ qui omnes, et singuli fideles nostri Capitanei,
„ Seruitores, et Milites in praedictis Arcibus
„ Transsiluanicis existentes, et etiam Captiui,
„ scilicet *Dominicus Dobó*, praefati *Stephani* fra-
„ ter, et caeteri quicunque fuerint, cum ipso-
„ rum vxoribus, liberis, familia, ac bonis, et
„ rebus, atque etiam bombardis, munitionibus,
„ et adparatibus nostris bellicis tam *Cibinii b)*,
„ et in praefatis arcibus, quam alibi esistenti-
„ bus, ex Transsilvania exire, ac ad Nos libe-
„ re, ac pacifice venire, a *Petrovythio*, atque
„ aliis permittantur, et vt dicti Serenissima Re-
„ gina *Isabella*, et Filius eius illustrissimus vi-
„ ce versa non modo reliqua omnia, et singula

a) Vid. *BVDAI Magy. Orsz. hist. Lex. P. I.* pag. 443.

b) Praecipua vrbs Transsilvaniae, de qua apte ad su-
periora tempora disseruit WINDISCH in *Geog-*
graph. des Großf. u. f. Staatenbüngen pag. 146.

„ Oppida, Castra, et Loca in Hungaria, extra
„ Transsiluaniam existentia, in manibus nostris
„ relinquunt, nec vlllo vnquam tempore per se,
„ vel per alios, ipsorum titulo, nomine, et au-
„ spiciis occupari, seu attentari faciant, vel
„ permittant, quin immo, si quae iam fuissent
„ per Rebelles nostros sub ipsorum nomine oc-
„ cupata, ea Nobis plane reddi curent, in ea-
„ que nullo modo, colore, aut praetextu sese
„ ingerant, sed sola Transsilvania contenti
„ maneant, et insuper Ducatum Oppoliensem,
„ et Ratiboriensem, caeteraque Bona in Silesia
„ habita, quae ipsis pro dote, et recompensa-
„ tione Transsilvaniae dederamus, ad manus
„ nostras restituant, ac demum dictum quoque
„ *Petrum Petrovyth* mandatis suis, vel quibus-
„ cunque modis inducant, vt ipse etiam arcem
„ *Munkács* Nobis, omni tergiuersatione post-
„ posita, reddat, hac quoque conditione adie-
„ cta, vt Episcopus Transsilvaniensis a fide,
„ et obedientia Nobis debita, non cogatur rece-
„ dere, vel ab Episcopatu suo remoueatur, sed,
„ si ibi residere voluerit, hoc ei tuto conceda-
„ tur, salua tamen dicto Reginae *Isabellae* fi-
„ lio fidelitate, et obedientia eius Episcopatus
„ ratione praestanda, et similiter, vt caeteri
„ quoque nostri fideles, qui Bona in Transsil-
„ uania tenent, iisdem non priuentur, sed, si
„ ibi habitare voluerint, iisdem illos praesen-
„ tes secure frui, ac gaudere permittant, vel, si
„ maluerint, ea illos libere vendere, permu-

„tare, et per quemcunque contractum aliena-
 „re sinant. Quo facilius autem hinc inde re-
 „stitutio fiat, tam Arcium, Bombardarum, et
 „reliquorum adparatum, quam vtriusque par-
 „tis Captiuorum, siquidem etiam Nos parati
 „sumus illorum homines, qui apud nostros ca-
 „pti tenentur, liberos dimittere, paterne su-
 „mus hortati Serenissimum Regem Poloniae,
 „vt non solum arces, verum etiam Captiuos
 „nostros, et bombardas, ac adparatus belli-
 „cos per Commissarium ad id deputandum ad
 „manus suas recipiat, et hos simul cum su-
 „pradictis Fidelibus nostris, eorumque Vxori-
 „bus, Liberis, Familia, Rebus, et Bonis in
 „Transsilvania existentibus, *Cassouiam* vsque
 „tuto, et secure deduci faciat, quos postea-
 „quam saluos eo peruenisse cognitum erit, vi-
 „cissim quoque dictis Reginae *Isabellae*, et il-
 „lustri filio praefatae Arces vna cum Captiuis
 „ipsorum, quos nostri tenent, statim restituan-
 „tur: ad quae nondum quidem accepimus a
 „Serenissimo Rege Poloniae responsum, verum
 „tamen vti ex Litteris per nominati Episcopi,
 „et Oratoris nostri cognouimus, Serenitas eius
 „a postulatis nostris a) non aliena videtur b) “

a) Quis Postulatorum istorum fuerit effectus? dis-
 cendum ex W. BETHLEN *Hist. de reb. Transsil.* Lib.
 IV.

b) Hucusque ziffis autographum scriptum est.

Quae omnia vobis benigne significanda duximus, sumusque propensi, vestras curas, molestias, et labores, quos in diuturna, et difficili ista Legatione perfertis, erga vos singulos omnia regia nostra benignitate recognoscere. Datum in Ciuitate nostra *Vienna* die XV. Augusti Anno Domini M. D. LVI. Regnorum nostrorum, Romani XXVI. aliorum vero XXX.

Ferdinandus m. p.

Ad mandatum Sacrae
Regiae Maiestatis proprium

I. Ionas D.

Vice-cancellarius m. p.

M. Singkhmoser. m. p.

XXIII.

Ad Eosdem.


Ferdinandus I. Oratoribus suis Verantio, Zayo, et Busbeckio, fidem, et diligentiam eorum remuneraturus, suadet, agendum de acceleratione redditus, significatque, quid ductu Ferdinandi Archiducis filii sui contra Turcas gestum sit? sibi spem esse impetrandi suppetias ex Imperio Rom. Germanico; irritam praeterea fuisse Legationem Episcopi Tinnensis, ac demum pecunias ab illis leuatas Venetiis exsoluendas. Viennae 9. Octobr. an. 1556.

Reuerendo, Deuoto, Magnifico, ac Nobili, fidelibus Nobis, ANTHONIO Episcopo Quinque-ecclesiensi, FRANCISCO ZAY *de Chemor*, ac AVGERIO a BVSBECKE, nostris Consiliariis, et Oratoribus ad Serenissimum Turcarum Imperatorem destinatis.

(L. S.)

Constantinopolim.

Perceptae 5. Decembr. 1556.



FERDINANDVS Diuina fauente Clementia,
Romanorum, Hungariae, Bohemiae, etc. Rex.

9. Oct.
1556.

Reuerende, Magnifice, ac Nobilis, fideles
Nobis dilecti! Gratissima quidem est Nobis
opera, cura, et diligentia vestra, quam „ tum
„ in prioribus multis, tum etiam in nouissimis
„ litteris vestris ad diem 23. Mensis Augusti
„ non impigre vos praestitisse cognouimus, vt
„ subinde de statu negotii vobis commissi cer-
„ tiores redderemur, verum e diuerso id No-
„ bis cumprimis molestum accidit, eam esse
„ temporis iniquitatem, quod vos tamdiu fru-
„ stra laborasse, et desudasse, necessum fuerit,
„ et, quod eo quoque tempore, quo vestras Lit-
„ teras ad Nos dedistis, nulla adhuc spes rei
„ bene gerendae affulserit, adeoque ne veniam
„ quoque redeundi, hactenus impetrare potueri-
„ tis. Itaque propensi erimus, cum Deus vos
„ (vti speramus) saluos, atque incolumes re-
„ duxerit, digna vobis tot laborum, curarum,
„ et periculorum praemia retribuere, omnem-
„ que gratitudinem, et benignitatem conferre,
„ nec videmus, quid aliud vobis nunc agen-
„ dum sit, dum nullus fidelissimae, et dili-
„ gentissimae Actionis vestrae fructus sperari
„ potest, quam, vt omnes rationes, ac vias inea-
„ tis, quibus vos ex illa custodia extricare, et
„ ad Nos redire queatis: quod vt primo quoque
„ tempore Diuina ope perficiatis, pro nostra in
„ vos benignitate vehementer desideramus. —

„ Quantum vero ad ea attinet, de quibus Nos
 „ fideliter, humiliterque admonuistis, agnosci-
 „ mus in his quoque vestram in Nos fidem, ac
 „ praeclarum studium, cum illa sint eiusmodi,
 „ quae ipsimet minime negligenda iudicamus,
 „ prout etiam nequaquam a Nobis negliguntur,
 „ aut segnius tractantur, quod partim proxime
 „ Litterae nostrae, partim praesentes testatum
 „ vobis reddent. Nuperrime enim intellexistis,
 „ quid ad *Babocziam*, et quid ad *Szigethum* a
 „ militibus nostris Dei auxilio gestum sit, et
 „ quid denique cum Serenissimo Rege Poloniae
 „ per Reuerendum Episcopum Tinniensem tra-
 „ ctauerimus, nunc vero scire debebitis, quod
 „ Serenissimum filium nostrum Archiducem
 „ *Ferdinandum*, vti Nos facturos scripsimus,
 „ cum iusto exercitu *Canisiam* versus expedi-
 „ ueramus; qui cum aliquamdiu isthic ca-
 „ stra habuisset, misit expeditam exercitus par-
 „ tem cum aliquot machinis murifragis *Korot-*
 „ *nam* versus, cumque locum ex improviso
 „ Dei ope aggressus expugnauit; quo exemplo
 „ territi Turcae, qui *Babocziam* tenuerunt, ar-
 „ cem eam deseruerunt, et incenderunt, ac
 „ paulo post aliae quoque illorum locorum ar-
 „ ces, nempe *Selye*, *Gersegal*, a) *Sancti*
 „ *Laurentii*, et *Sancti Iacobi* cum nonnullis
 „ tormentis minoribus in potestatem nostram
 „ redactae sunt, ita, quod liberior saltem, et

a) Lege: *Görtsösgál*.

„ tutior nunc ad *Szigethum* aditus patefactus
 „ fuerit, ipse Serenissimus filius noster *Chorgo-*
 „ *iam a)* castra posuit, vt hostium conatus,
 „ qui Duce *Aly Passa* coniunctis etiam Bosnen-
 „ sis, et Temesiensis Passarum Copiis, non
 „ procul a *Szigetho* consederunt, diuino auxi-
 „ lio reprimat, et quae ex usu nostro, ac Re-
 „ gnorum, et Prouinciarum nostrarum futura
 „ videntur, contra illos suscipiat. *b)* Ex alte-
 „ ra Danubii parte exercitus noster rem contra
 „ rebelles nostros prospere quidem initio ges-
 „ serat, captis arcibus *Tarc, Kyoyuár, c)* et
 „ *Naghyda, d)* aliisque nonnullis Castellis, non
 „ magni nominis *Kigyóvár*. Postquam vero
 „ arcem *Georgii Bebek Crasnohora e)* vocatam,
 „ obsidione cinctam oppugnaret, et Pater eius
 „ *Franciscus Bebek*, ascito Turcarum auxilio,
 „ suis suppetias venisset. Praefectis nostris,
 „ nec aduentum illius, nec hostium numerum
 „ satis exploratum habentibus, factum est, quod
 „ dum nostri milites, hoste semel atque iterum
 „ repulso, in tutiorem locum sese recipere vel-
 „ lent, propter penuriam, et defectum iumen-
 „ torum, cum quibus iam antea rustici profuge-


a) Csörgö.

b) Conf. HIERON. ORTELLI *Chronolog. oder historisch.*
Beschreib. aller Kriegsempörung. pag. 115. — 121.

c) *Tarkeö, et Kissújár.*

d) Lege: *Nagyida.*

e) *Krasznahorka* hodie iuris Andrásiani.



„ runt , et itineris , seu viarum illarum alpe-
 „ strium summam difficultatem decem , vel duo-
 „ decim Bombardae amissae fuerint , exercitus
 „ tamen ipse non magnam , et nullam pene ac-
 „ cepit cladem ; siquidem se in tutum recepit ,
 „ et iam iterum contra rebelles mouit , operam
 „ daturus , vt , Deo fauente , illis , si potuerit ,
 „ vicem reddat . Porro Capitaneus etiam no-
 „ ster Iaurinensis *Adamus Gallus a)* non impi-
 „ gre suum officium fecit , non modo praeteri-
 „ tis mensibus ad *Albam-Regalem b)* excursione
 „ feliciter facta , cuius famam *Constantinopo-*
 „ *lim* quoque penetrasse audiuius , verum
 „ etiam nuper ad *Strigonium* , Oppidum , re
 „ bene gesta , ingressus . Namque ad 27-mam
 „ proxime praeteriti mensis Septembris ante lu-
 „ cem cum valida militum manu Oppidum Stri-
 „ goniense , quo noctis in silentio per Danu-
 „ bium deuectus fuerat , circiter tercentos Tur-
 „ cas , et ducentos Rascianos Turcarum stipen-
 „ diatos trucidauit , adeptisque spoliis amplis-
 „ simis ; tum paratae pecuniae , et aliarum re-
 „ rum , tum septingentorum boum , et pecoris
 „ minoris bis mille capitum , nec non mulieribus ,
 „ et pueris abductis , caeteris vero rebus , ac
 „ mercibus , quae auferri non poterant , vna
 „ cum Oppido funditus combusto , saluus , et

a) *Gáll Adám.*

b) Aliqua huius vrbis fata vulgauit KRECKWICZ Be-
 schreib. des Königr. Ungarn pag. 791.

„ incolumis ad locum stationis suae rediit. a)
 „ Interea autem neque Nos hic otiosi dormita-
 „ mus. Nam (quod Deus Optimus, Maximus
 „ Nobis pro diuini nominis sui gloria, et vni-
 „ uersae Christianitatis commodo faustum, et fe-
 „ lix esse velit) omni cogitatione, omni studio,
 „ et omni denique conatu nostro incumbimus
 „ iis consiliis, et rationibus, quae ad defensio-
 „ nem, ac salutem Regnorum, et Prouincia-
 „ rum nostrarum pertinent, sperantes, Nos ad
 „ id propositum nostrum non solum a Regnis,
 „ et Prouinciis nostris, verum etiam ab Ordini-
 „ bus Sacri Imperii amplissima auxilia conse-
 „ cuturos, quibus ad annum insequentem hosti
 „ viriliter resistamus. Ad Legationem autem
 „ Episcopi Tinniensis frustrati sumus ea spe,
 „ quam de optato responso consequendo con-
 „ ceperamus, quod Regina *Isabella* cum filio
 „ praeseferat de postulatis nostris aequissimis,
 „ et honestissimis, quae in nouissimis Litteris
 „ nostris vobis exposuimus, nihil plane sta-
 „ tuere velle prius, quam Transsiluaniam in-
 „ gressa fuerit, et cum nonnullis Regnicolis
 „ conuenerit, quod se affirmet, nec illis ignaris
 „ nec sine voluntate, ac scitu Imperatoris Tur-
 „ corum de tantis rebus quidpiam tractare, vel
 „ concludere posse. Quo animo, et qua inte-

a) Horum omnium, qui hic narrantur, euentuum vbe-
 rior explicatio petenda est ex FORGÁCHII *Com-
 ment. Rer. Hungaric.* Lib. VI.

„ gritate illi concordiam inter Nos adiuturi , et
„ publicam Pacem , ac tranquillitatem promotu-
„ ri sint , ipsimet facile considerare potestis.
„ Dedimus tamen iterum Litteras ad Serenissi-
„ mum Regem Poloniae , vt vna Nobiscum periculo
„ Christianitatis obuiam eat , et Sororem , atque
„ Nepotem ad saniora consilia deducere stu-
„ deat , ne scilicet diutius tam honestis , et
„ aequis postulatis nostris refragentur , aut im-
„ prudenter cuius confidentes , se ipsos , et af-
„ flicti Regni nostri Hungariae reliquias inex-
„ tricabilibus aliquibus laqueis implicent. In-
„ terim etiam tradentur ad manus illorum arces
„ Transsilvaniae , quas Nos reddituros pollici-
„ ti sumus. Id , quod vos scire , necessarium
„ fore duximus , quia non dubitamus , quin
„ haec omnia longe secus isthic pro more hu-
„ ius gentis circumferantur. Quod reliquum
„ est , vos , si poteritis , in futurum etiam Nos
„ subinde de rebus omnibus certiores facere
„ pergatis. a) “ Exequuturi in eo bene gratam
voluntatem nostram , omni regia nostra beni-
gnitate erga vos recognoscendam. Datum in
Ciuitate nostra *Vienna* Die nona mensis Octo-

a) Autographum cryptographicum hic terminatur.

bris Anno Domini MDLVI. Regnorum nostro-
rum, Romani XXVI. aliorum vero XXX.

Ferdinandus m. p.

Ad mandatum Sacrae
Regiae Maiestatis proprium.

I. Ionas D.

Vice-cancellarius m. p.

M. Singkmoser m. p.

Postscripta: „ Superuenerunt adiunctis Lit-
„ teris nostris, nondum prorsus absolutis, aliae a
„ vobis ad 13mam Iunii, et 1mam proxime prae-
„ teriti mensis Iulii datae: vnde rursum agno-
„ uimus, quis tunc temporis apud vos rerum
„ status erat, et quae Nobis pro solita fide ve-
„ stra scribenda duxistis, ad quas non est, quod
„ modo pluribus in hac appendice replicemus:
„ cum haud dubie iam dudum Litterae nostrae,
„ quibus et Turcarum Principi respondimus,

„ et vobis mentem nostram declarauimus, ist-
„ huc saluae peruenerint, et vos praesentem
„ statum finium nostrorum ex istis Litteris no-
„ stris abunde addiscere queatis, hoc solum
„ annectendum censuimus, quod vos scire om-
„ nino necessarium credimus, Nos fidelissimi,
„ et prudentissimi consilii vestri tam de confir-
„ mando Mosci, et Russorum proposito, quam
„ de propulsandis Turcarum iniuriis, et defen-
„ dendis finibus nostris benignam rationem ha-
„ bituros, vti hactenus etiam habuimus, et sedu-
„ lo operam daturos, vt Pacem, seu Inducias,
„ quas amicitiae, et beneuolentiae delatione huc-
„ usque nunquam potuimus, armis saltem tan-
„ dem consequamur. Eam sane ob caussam
„ iam etiam charissimum filium nostrum, Se-
„ renissimum Principem, Dominum *Ferdinan-*
„ *dum*, Archiducem Austriae, in expeditionem
„ mittimus, qui diuina ope ante finem huius
„ mensis hinc mouebit, Deus Optimus Maxi-
„ mus Dilectionem eius feliciter gestis saluam,
„ et incolumem Nobis reducat. Quantum vero
„ ad expensas vestras attinet, effecistis solita
„ vestra diligentia, vt hac quoque in parte ni-
„ hil in vobis studii, aut fidei requiramus. Ita-
„ que allatis Litteris Cambii *Scaramellis*, et
„ pannos nuper ab eis acceptos, et quidquid
„ in futurum in pecuniis, vel pannis vobis de-
„ derint, vicissim numerata pecunia *Venetiis*
„ solui curabimus, quemadmodum etiam huc-
„ usque nostro iussu fieri debuit, et factum

XXIII.

Ad Eosdem.

Ferdinandus Rex Oratoribus suis Verantio, Zayo, et Busbeckio nunciat, ziffras, quibus hactenus vsi sunt, iusta de caussa mutandas, nihilque iisdem nunc rescribi, ne Litterae in alienas manus peruenirent. Viennae 3. Martii 1557.

Reuerendo, Deuoto, Magnifico, ac Nobili, fidelibus, Nobis dilectis, ANTONIO VRANTIO, Episcopo Quinque-Ecclesiensi, et Praeposito Pornensi, ac FRANCISCO ZAY *de Chemor*, Generali Nazadistarum nostrorum Capitaneo, nec non AVGERIO a BUSBECK, Consiliariis, et Oratoribus nostris ad Serenissimum Turcarum Imperatorem ablegatis.

(L. S.)

Constantinopoli

Perceptae 4. Maii 1557.

FERDINANDVS Diuina fauente clementia
Romanorum, Hungariae, Bohemiae, etc. Rex.

3. Mart.
1557.

Reuerende, Magnifice, et Nobilis, Fideles dilecti. Cum Nobis sit demonstratum, nos, tas seu ziffras, quibus hucusque vtrique in scribendis Litteris vsi sumus, post obitum, condam Agentis nostri *Dominici de Gartzelu*, cui eas, vt hominispectatae in Nos fidei, credideramus, vt et ipse, si quando necessitas postularet, iis ad vos vteretur, peruenisse ad manum cuiusdam Famuli sui, non putauimus tutum ziffris tuis deinceps secreti aliquid committere. Quare vos benigne monemus, vt oblitteratis, et intermissis illis, post hac ea ziffra vtamini, quam tu *Augeri* a Secretario nostro Latino *a)* superioribus annis accepisti, qua iam interdum, et iam ad Nos, et illum Litteras dedisti. “

, Porro quia non dubitamus, quin cupiat, tis cognoscere, cum illae omnes Litterae, quas ad Nos superioribus temporibus scripsistis, Nobis redditae fuerint, nec ne? scire debetis, quod a die 9na Octobris superioris anni, qua postremum ad vos scripsimus, accepimus litteras vestras de 14ta Septembris, de 4. et 23tia Octobris, et 15ta Nouembris, ad quas vobis respondere superuacaneum existimauimus, tum quia dubitauimus, Litteras

a) Probabilius a *Marco Singkhmoser*.

„ vestras propter arctiorem custodiam ad vos
„ perferri non posse, tum etiam, quia omnem
„ vobis tractandi, et negotiandi facultatem
„ ereptam fuisse audiimus, ita, quod nihil
„ plane habuerimus, quod vobis scriberemus,
„ vti nunc quoque nihil prorsus habemus, nisi“
a) quod fidem, studium, et laborem vestrum
benigna mente agnoscamus, et quod dignos vos
iudicamus, quos singulari gratia prosequamur,
quam sane voluntatis nostrae erga vos propen-
sionem aliquando re ipsa vobis declarabimus,
omnino persuasum Nobis habentes, si quam de-
nuo consecuti fueritis commoditatem, fidelium
Regnorum, et Dominiorum nostrorum tranquil-
litatem, et securitatem promouendi, vos pri-
stinae diligentiae vestrae non esse defuturos. —
Datum in nostra, et Imperii Ciuitate *Ratisbona*
b) Die Tertia mensis Martii Anno Domini mil-
lessimo quingentesimo quinquagesimo septimo,

-
- a) Hic absoluitur autographum ziffris coniunctum.
- b) *Ferdinandus* Litteras has *Ratisbona* ad Oratores
suos dimiserat; quum caussa impetrandarum
ab Electoribus contra Tūrca^s suppetiarum tum
in Imperio versaretur, et Comitibus interesset.



Regnorum nostrorum, Romani vigesimo septimo, aliorum vero tricesimo primo.

Ferdinandus m. p.

Ad mandatum
Regiae Maiestatis proprium

I. Ionas D.
Vice-cancellarius m. p.

M. Singkmoser. m. p.

XXV.

Ad Ant. Verantium, et Fran. Zay.


Ferdinandus I. redeuntibus ex Legatione Turcica Verantio, et Zayo mandat, vt Comaromium pertingentes aduentum suum Palatino Regni insinuent, iterque Viennam celeriter prosequantur. Viennae d. 28. Septembr. 1557.

Reuerendo ANTHONIO VERANTIO, Episcopo Quinque-Ecclesiensi, Consiliario nostro, ac Egregio FRANCISCO ZAY, Nazadistarum nostrorum Supremo Capitaneo, Oratoribus nostris apud Imperatorem Turcarum etc. fidelibus Nobis dilectis.

(L. S.)

FERDINANDVS Diuina fauente clementia, Romanorum, Hungariae, Bohemiae, etc. Rex semper Augustus etc.

Reuerende, et Egregie, fideles Nobis di-^{28. Sept.}
lecti. — Committimus vobis, vt postquam ist-^{1557.}
huc *Comaromium*, ex itinere isto vestro appu-
leritis, aduentum eo vestrum fideli nostro



Spectabili, et Magnifico Comiti *Thomae de Nádasd*, Regni nostri Hungariae Palatino, etc. nunc ad *Iaurinum*, a) cum exercitu nostro in castris existenti, nulla interposita mora, ad scitum detis, ac vos, relictis istis impedimentis vestris, quae vobiscum affertis, ambo statim in curru *Kochy* b) huc ad Nos festinetis, ut Nos hic, intellectis a vobis omnibus negotiis, de toto statu rerum coram vberius tractare possimus. Secus non facturi. Datum *Viennae* vigesima octava die Septembris Anno Domini Millesimo Quingentesimo Quinquagesimo septimo.

Ferdinandus m. p.

Nicolaus Olahus

Strigoniensis A. m. p.

Ioan. Listhius m. p.

a) *Nádasdius*, auctoritate Proregiae dignitatis Supremus Regni Capitaneus in aciem ducebat exercitum insurgentis militiae ex XV. mille Nobilibus conflatum, qui post expeditionem, in Prouincia Simeghiensi terminatam, castra pone *Iaurinum* metabatur.

b) Amicus olim meus Celeber. CORNIDES de hac voce, qua Hungari Currus suos nominant, eruditam Dissertationem inseruit WINDISCHII ungrisch. Magazin. II. Band. 412. Fuisse in Hungaria frequentes docet art. 20. an. 1523. quo prohibentur Nobiles in *Kotsi* ad exercituum comparere.

XXVI.

Ad Eosdem.

*Ferdinandus Rex Oratoribus suis, Verantio, et Zayo
demandat, ut Tarcas, qui eos commitantur, se-
cum Viennam deducant. Viennae d. 16. Octobr.
1557.*

Reuerendo, ac Magnifico, fidelibus Nobis
dilectis, ANTHONIO VERANTIO, Episcopo Quin-
que-Ecclesiensi, et Praeposito Pornensi, ac
FRANCISCO ZAY *de Chemor*, Generali Nazadi-
starum nostrorum Capitaneo, a) Consiliariis,
Oratoribus nostris.

(L. S.)

Cito
Cito
Cito
Citissime
Cito
Cito
Cito

a) Quum nec haec, nec prior Epistola *Busbeckio* in-
scripta sit, confirmatur (quod ipse *Epist. III.*
vti etiam *ISTVÁNFFIVS Hist. rer. Hung. Lib. XX.*
testatur) eum Constantinopoli remansisse,

FERDINANDVS Diuina fauente clementia, Romanorum, Hungariae, Bohemiae Rex, semper Augustus, etc.

16. Oct.
1557.

Reuerende, Magnifice, fideles Nobis dilecti. Redditae Nobis sunt Litterae vestrae de XIII. praesentis mensis datae, et inde cognouimus, vos cupere informari, quid vobis sit agendum de quatuor illis Turcis, quos Passa vobis adiunxit, vt vos huc ad Nos comitarentur? Itaque vobis benigne committimus, vt eos vobiscum huc adducatis, executuri in eo bene gratam, atque expressam voluntatem nostram. Datum in Ciuitate nostra *Vienna* Die XVI. mensis Octobris Anno Domini MDLVII. Regnorum nostrorum, Romani XXVII. aliorum vero XXXI.

Ferdinandus m. p.

Ad mandatum Sacrae
Regiae Maiestatis proprium

I. Ionas D.
Vice-cancellarius m. p.

M. Singkhmoser. m. p.

XXVII.

Ad Ant. Verantium.

Ferdinandus I. Imperator Augustam Vindelicorum Verantium Episcopum Agriensem euocat. Aug. Vindelicorum die 29. Martii 1559.

Reuerendo, Deuoto, Nobis dilecto, ANTONIO VERANTIO, Episcopo Agriensi a), Consiliario nostro.

(L. S.)

Pereceptae Scepūsii 17. Aprilis 1559.

-
- a) *Verantio Constantinopoli reduci a Ferdinando episcopatum Agriensem collatum fuisse, perhibet Diploma de 28. Decemb. 1557. quod RR. KATONA Hist. crit. Reg. Hung. Tom. XXII. pag. 1039. exscriptum ex M. SS. Agrien. Biblioth. Tom. II. pag. 161. vulgavit.*

FERDINANDVS Diuina fauente clementia, electus Romanorum Imperator, a) semper Augustus, etc.

29. Mart. Reuerende, Deuote, fidelis, Nobis dilecte! Cum Nobis occurrant eiusmodi negocia, in quibus ob tuam singularem erga Nos fidem, ac eximiam prudentiam, rerumque agendarum dexteritatem opera, et praesentia tua opus habemus, tuae propterea fidelitati clementer committimus, vt absoluta consultatione, quam Serenissimus Princeps Dominus *Maximilianus* Rex Bohemiae, etc. filius noster charissimus de rebus Turcicis tecum, et cum aliis nonnullis potioribus Consiliariis nostris Hungaris ad octauam huiusce Paschatis instituit, b) quam primum te huc ad Nos conferas, c) et summas tecum omnem familiam tuam, quam semper tecum habere soles, quando *Viennae*, et alibi extra Episcopatum tuum residere solitus

a) *Ferdinandus I.* Imperatoris titulum an. 1558. assumpsit.

b) *Ferdinandus* praefecit Comitibus Posoniensibus an. 1559. quorum Articuli in *Corp. Iur. Hung. Tom. I. pag. 489.* continentur, filium *Maximilianum*, consulturum cum Statibus de prosequendo contra Turcas bello.

c) Caussam, cur Imperator *Verantium* ad Comitum Augustanorum euocauerit? ipse indicat in Litteris de 19. Iulii ad *Olahum* Archiepiscopum Strigonien. datis, quas *KATONA Hist. crit. Hung. Tom. XXIII. pag. 245.* producit.

es, qua nimirum continue tibi domi opus non est; causas enim aduentus tui postmodum intelliges. Exequeris autem in eo bene gratam, adeoque etiam expressam; et omnimodam voluntatem nostram, clementer admodum erga te recognoscendam. Datum in nostra Imperiali Ciuitate *Augustae Vindelicorum* die XXIX. mensis Martii Anno Domini M. D. L. IX. Regnorum nostrorum, Romani XXIX. aliorum vero XXXIII.

Ferdinandus m. p.

Ad mandatum Sacrae
Regiae Maiestatis proprium

V. Seld.

M. Singkhmoser. m. p.

XXVIII.

Ad Ant. Verantium, et Cristoph.
Teuffenpach.

*Maximilianus Imperator, et Rex Anton. Verantium,
et Christoph. Teuffenpach, Legatos ad Portam
Ottomanicam destinatos, Posonium euocat. Posonii
d. 17. Iunii 1567.*

Reuerendo, ac Egregio ANTHONIO VERAN-
TIO, Episcopo Agriensi, et CHRISTOPHORO a
TEUFFENPACH, a) Consiliariis nostris, fide-
bus Nobis dilectis.

(L. S.)

Cito
Cito
Citissime
Cito
Citissime
Cito

Wienn

Redditae Viennae 18. Iunii 1567.

a) *Teuffenpachiorum* illustris L. B. familia olim in Styria floruit. *Christophorus* diu in Hungaria militauit, pluresque de Turcis triumphos reportauit. Redux ex Legatione Turcica, honore Marschalli condecoratus, anno 1593. obiit. Conf. *groß. uniuersal Lexicon* Tom. XII, pag. 1644.


MAXIMILIANVS a) Secundus, Diuina fauente clementia electus Romanorum Imperator, ac Hungariae, Bohemiaeque Rex, etc.

Reuerende, ac Egregie, fideles, Nobis dilecti. — Dubium Nobis non est, quin mandatum nostrum decimo quinto die praesentis mensis ad vos editum acceperitis. Cum autem propter certas, et grauissimas causas Legatio vestra maturanda sit, et munera, quae ad profectionem pertinent, iam in promptu habeamus, iterum vobis, et serio praecipimus mandantes, vt res vestras celeriter istis componatis, neque vobis prius quidquam esse sinatis, quam, vt celerrime huc aduoletis, neque vltra praefixum Sabbathi diem, qui erit vigesimus primus huius mensis istis haereatis. Quo modo certam, et omnimodam exequemini voluntatem nostram. Datae in in arce nostra *Posoniensi*, decima septima die Iunii anno millesimo quingentesimo sexagesimo *sexto*, b) Regnorum no-

17. Iun.
1567.

a) *Maximilianus* in Turciam denuo *Verantium* ablegauit, auctoritate *art. I. an. 1567.* quo induciae paciscendae decernuntur.

b) Oscitantia Scribae errorem in autographum irrepsisse, dum loco *septimo*, scribit *sexto*, facile intelligitur.



strorum, Romani quinto, Hungarici quarto,
Bohemici vero decimo nono.

Maximilianus m. p.

Ad mandatum Domini electi
Imperatoris proprium

Hieronymus Beck a Leopoldstorf m. p.

W. Zieringer m. p.

I. Hueber. m. p.



XXVIII.

Ad Eosdem.

Maximilianus II. Imperator informat Oratores suos, ad Turcarum Imperatorem mittendos, Verantium, et Teuffenpachium de negotiis, cum Bassa Budensi pertractandis. Posonii d. 23 Jun. 1567.

MAXIMILIANVS Secundus, diuina fauente clementia, electus Romanorum Imperator, semper Augustus, etc.

Informatio pro Reuerendo, Deuoto, ac Nobile, fidelibus Nobis dilectis, ANTONIO VERANTIO Episcopo Agriensi, et CHRISTOPHORO a TEUFFENPACH in *Mairhofen*, Consiliariis; et Oratoribus nostris ad Serenissimum Imperatorem Turcharum, vicinum, et amicum nostrum honoratum destinatis, de his, quae apud Spectabilem, ac Magnificum Virum sincere Nobis dilectum *Muztaffa Passam* dicti Serenissimi Turcharum Imperatoris *Budae* Locumtenentem agere, et tractare debebunt:

In primis maiore, quam fieri poterit, cele-^{23. Junii.}
ritate *Budam* sese conferant, et habita apud ^{1567.}
iam dictum *Passam* audientia, illi, redditis
Litteris nostris creditiis, salutem verbis nostris dicant, ac insuper etiam gratiam, et benignitate in nostram Caesaream deferant, et post-


modum vltcrius exponant, Nos ex eo tempore, quo ipse ad hanc Praefecturam, et gubernium, virtutibus eius debitum, euectus fuit, et maxime, posteaquam mentio fieri cepta est pacis, et concordiae inter Nos, et Serenissimum eius Imperatorem sarciendae, singularem quandam non solum erga Nos ipsos, sed ad publicam quoque quietem, voluntatem, et studium in eo perspexisse, vt qui iam dudum vltro sese obtulerit promptum, atque paratum, iuuare, atque promouere, quaecunque ad eiusmodi pacem, et amicitiam, vtrunque contrahendam, pertinere videantur, eam vero tam praeclaram ipsius voluntatem Nobis, et publico, et priuato nomine valde gratam accidisse, Nosque inde spem concepisse, hoc illius egregium institutum afflictis Hungariae subditis, et colonis magno solatio esse futurum, ipsumque summa cura elaboraturum, vt idem Regnum, se praesente, non magis deficiat, sed potius, quantum fieri potest, augeatur, atque florescat, quod tum maxime sit futurum, si ipsius opera passim per omnia Confinia, cum in Hungaria, tum in Dalmatia quoque, et Croatia, Sclauoniaque, item in Transsilvania, Moldauia, et Transalpinia candide seruentur, miserisque Colonis libera sit potestas, agros, et terram sine metu, vel periculo colendi, licentiaque, et temeritas Praefectorum, et militum coerceatur, quemadmodum equidem summa necessitas postulat, ipsum Passam in id omnibus viribus incumbere, siquidem ex Su-

premi nostri Curiae Magistri Litteris cognoscere potuit, Turcas necdum in Confiniis quiescere, sed nuper primum Castellum quoddam *Chakan*, a) et postea etiam oppidum *Cunisam* aggressos oppugnasse, b) eandem autem curam Nos similiter non esse postposituros, sed diligenter prospecturos, vt Induciae firmiter, atque inuiolate a nostris Capitaneis, Praefectis, militibus, et Subditis obseruentur, in eos, qui contumaces, et inobedientes fuerint, grauiter animaduersuri.

Caeterum volentes eidem Passae Budensi benigni, et grati animi nostri propensionem euidenti quopiam argumento contestari, Nos ei per ipsos Oratores nostros munusculum mittendum duxisse: quodsi laeto, atque grato animo accepturus sit, id Nobis auditu perquam iucundam fore, non defuturum etiam ei in posterum Caesaream gratiam, atque beneficentiam nostram, siquidem non dubitamus, quin deinceps itidem in hoc, quod praesefert, pacis, et quietis studio constanter sit perseueraturus. Itaque Oratores nostri illi tunc, vel quando magis opportunum erit, deputatum a Nobis munus videlicet duorum millium talerorum in duabus Cup-

a) In Comitatu Castri ferrei.

b) Sed irrito conatu. KRECKWITZ Beschreib. des Königreichs Hung. pag. 51.



pis deauratis *a)* offerre, idque verbis condecantibus latius orzare.

Praeterea postulabunt Oratores nostri, sese iuxta Litteras, et voluntatem Serenissimi Imperatoris sui, et sub saluo Conductu suo per homines graues, et idoneos quantocius ad excelsum Domini sui Portam tuto, atque secure deduci, eumque iterum, atque iterum admonebunt, et cohortabuntur, vt pro sua quoque parte hoc Pacis negotium Litteris suis, ad Portam scribendis, vel quacunque ratione nouerit, iuuandum, atque promouendum suscipiat, pollicendo, quod ipsius operam, ac diligentiam posthac etiam beneficentia nostra Caesarea affatim recognituri simus,

Qui quidem Passa Budensis, si forte sciscitaretur de conditionibus, sub quibus Pacem firmari cupiamus, quo melius scilicet Postulata nostra promouere, et fouere possit, eas ipsi Oratores nostri exponere non debebunt, sed modeste se excusabunt, allegantes, sibi non esse integrum, conditiones illas cuiquam hominum prius, quam ipsimet Serenissimo Turcharum Imperatori, et Supremo eius Consiliario enunciare, siquidem nullam a Nobis de hoc mandatum acceperint.

Ad haec Oratores nostri debebunt etiam, posteaquam *Budam* peruenerint, perquirere,


a) *Kupa* mensura est hodie dum Transsiluanis vsitata:
e. g. *egy Kupa bor*.

num adhuc ibi detineatur vnus ex Seruitoribus Egregii Fidelis Nobis Dilecti, *Georgii Hozzuttotty a)*, nostri in Camera Hungarica Consiliarii, quos, cum oportuisset eum in suo discessu *Constantinopoli* relinquere, postea Orator noster *Albertus de Wyss b)* *Budam* expediuit. Relatum enim est Nobis, perfidum quemdam militem nostrum, *Ladislaum Vaiuodam c)* vocatum cepto isthic iurgio, cum vno ex dictis Seruitoribus praefati *Georgii Hozzuttotty*, perfecisse apud Passam Budensem, quod miser ille excussus, et spoliatus litteris, quas apud se habuit, grauitè insuper vapulauerit, et in carcerem coniectus fuerit, et caeteri quoque Seruitores detenti, postea tamen dimissi. Quodsi igitur Passa illum ad petitionem intimi nostri Consiliarii, et Supremi Curiae Magistri, iussu nostro factam, nondum dimisisset, Oratoribus nostris elaborandum erit, vt eum vltèrius non detineat, sed ad suos saluum redire sinat.

a) *Hozzuttotty* fungebatur legatione apud *Solymanum*: quo mortuo, ad *Maximilianum* a *Selimo* remissus fuit. Qui *Constantinopoli* exceptus fuerit? narrat *BYDAI FRAN.* in *Magy. Orsz. histor. Lexic.* Tom. II. pag. 236.

b) Iste ab Imperatore *Maximiliano* successor *Hozzuttotty*o datus fuit.

c) Proprie *Vajda*.



Tandem vero *Buda* expediti, atque dimissi, ad Nos rescribant, *a)* quod ibidem cum *Passa* tractarint, vel quae alias Nobis significanda duxerint, atque exinde iter suum *Constantinopolim* versus prosequantur. Executuri ibidem ea, quae ipsis in Instructione *b)* desuper expedita continentur. Facturi in his omnibus etiam bene gratam, expressam voluntatem nostram, gratia, et benignitate nostra Caesarea recognoscendam. Datum in Arce nostra Regia *Posonii* *c)* die vigesima tertia Iunii, Anno Domini Millesimo quingentesimo sexagesimo septimo, Regnorum nostrorum, Romani quinto, Hungariae quarto, Bohemiae vero decimo nono.

Maximilianus m. p.

(L. S.)

Ad mandatum Sacratissimae
Caesareae Maiestatis proprium.

M. Singhmoser.

-
- a)* Rescripsisse eos Imperatori, docet epistola de 12. Iul. 1567. *Buda* data apud RR. KATONA *Hist. crit. Reg. Hung.* Tom. XXIV. pag. 409.
- b)* Vide Num. XXXI.
- c)* Videntur Oratores, stantibus Regni Comitibus, dimissi esse, quum etiam Credentiales, et Instructiones *Posonio* expeditae sint.

XXX.

Ad Eosdem.

Imperator Maximilianus II. concedit Oratoribus suis, Verantio, Wyssio, et Teuffenpachio potestatem cum Imperatore Turcarum, eiusdemque Ministris tractandi, paciscendi, et concludendi. Posonii 23. Iunii 1567.


MAXIMILIANVS Secundus Diuina fauente, clementia electus Romanorum Imperator, semper Augustus, ac Germaniae, Hungariae, Bohemiae, Dalmatiae, Croatiae, Sclauoniaeque etc. Rex, Archidux Austriae, Dux Burgundiae, Brabantiae, Styriae, Carinthiae, Carnioliae, Marchio Moraviae, Dux Lucemburgiae, ac superioris, et inferioris Silesiae, Würtembergiae, et Teckae, Princeps Sueviae, Comes Habsburgi, Tyrolis, Ferretis, Kyburgi, et Goritiae, Landgravius Alsatiae, Marchio Sacri Romani Imperii, Burgouiae, ac superioris, et inferioris Lusatiae, Dominus Marchiae Sclauonicae, Portus Naonis, et Salinarum, etc. etc.

Recognoscimus, et notum facimus tenore 23. Iun. 1567.
praesentium vniuersis: cum pro quiete, et tranquillitate vniuersali, et praecauenda in posterum maiore vniuersorum Subditorum, et Colorum oppressione, humanique sanguinis effusione cupiamus cum Serenissimo, et Potentissi-

mo Principe, ac Domino Sulthano *Selimo*, Imperatore Turcarum, ac Asiae, et Graeciae, pacem inire, bonamque amicitiam contrahere, et stabilire; idcirco plenam, indubitam, et singularem fiduciam gerentes, de fide, integritate, prudentia, rerumque agendarum dexteritate, et experientia Reuerendi *Antonii* Episcopi Agriensis, ac Nobilium *Alberti de Wyss*, et *Christophori a Teuffenpach in Maierhofen*, Consiliariorum, et Oratorum nostrorum, fidelium Nobis dilectorum, eosdem sponte, et ex certa nostra scientia, animoque bene deliberato, omnibusque melioribus modo, via, iure, causa, et forma, quibus melius, et efficacius potuimus, et debuimus, possumus, ac debemus, Oratores, Commissarios, Mandatarios, Actores, Factores, negotiique nostri infrascripti gestores, et Nuncios speciales, et generales, ita tamen, vt specialitas generalitati non deroget, nec e contra elegimus, nominauimus, creauimus, fecimus, et deputauimus per praesentes. Dantes et concedentes eisdem, tanquam legitimis, es indubitatis Oratoribus, Commissariis, et Mandatariis nostris plenam facultatem, auctoritatem, et potestatem nostro nomine, loco, et vice, vniionem, amicitiam, et pacem, vel saltem inducias ad aliquot annos cum praefato Serenissimo, ac Potentissimo Turcharum Imperatore, vel Illustrissimis, ac Magnificis Bassis, aut Commissariis suis ad hoc interuenire habentibus, et ab eo eligendis, ac deputandis, pro

No-

Nobis, ac Serenissimis *Ferdinando*, et *Carolo*, Archiducibus Austriae, etc. Fratribus nostris charissimis, ac haeredibus, et successoribus nostris, omniumque nostrorum Regnis, Principatibus, et Dominiis, eorumque Subditis quibuscunque tractandi, concludendi, et firmandi, atque super omnibus ab huiusmodi Pace, vel induciis dependentibus, emergentibus, annexis, vel connexis concordandi, et transigendi iuxta Conditiones, quas a Nobis in mandatis acceperunt, Nosque, et iam nominatos charissimos Fratres nostros superinde ergo, ipsum Serenissimum Turcarum Imperatorem, vel praefatos illius Bassas efficaciter obligandi, et obstringendi, ac etiam, si opus fuerit, iuramentum de observandis, et adimplendis omnibus iis, quae per eos nostro, et eorundem Charissimorum fratrum nostrorum nomine iuxta articulos, desuper conficiendos, conclusa fuerint, praestandi: et generaliter omnia alia, et singula faciendi, tractandi, concludendi, et firmandi, quae Nosmet facere, tractare, concludere, et firmare possemus, si praemissis omnibus, et singulis praesentes, et personaliter interessemus, etiamsi talia forent, quae Mandatum exigerent magis speciale, quam praesentibus est expressum. Promittentes insuper, et pollicentes in verbo nostro Caesareo, Nos vna cum iisdem charissimis fratribus nostris perpetuo ratum, gratum, firmum, validumque habituros totum id, et quidquid per supradictos Oratores no-




stros actum, factum, gestum, tractatum, pactum, et conclusum fuerit in praemissis, seu quolibet praemissorum, nec contra illud vlllo vnquam tempore directe, vel indirecte facturos, aut contrauenturos, omnidolo, et fraude semotis. Harum testimonio Litterarum manus nostrae subscriptione, et Sigilli nostri appensione munitarum. Datum in Arce nostra *Posonii* die vigesima tertia mensis Iunii, Anno Domini millesimo quingentesimo sexagesimo septimo, Regnorum nostrorum, Romani quinto, Hungarici quarto, Bohemiae vero decimo nono.

Maximilianus m. p.

(L. S.) Ad mandatum Sacrae
Caesareae Maiestatis proprium.

M. Singkhmoser m. p.



XXXI.

Ad Eosdem.

Maximilianus Imperator, et Rex elargitur Oratoribus suis, Verantio, Wyssio, et Teuffenpachio Instructionem super modo rerum ad Portam Ottomanicam gerendarum. Posonii d. 25. Iunii 1567.

MAXIMILIANVS Secundus Diuina fauente clementia electus, Romanorum Imperator semper Augustus etc.

Instructio, ad cuius praescriptum Reuerendus ANTHONIVS, Episcopus Agriensis, ac Nobilis ALBERTVS de WYSS, a) et CHRISTOPHORVS a TEUFFENPACH in *Maierhofen*, Consiliarii, et Oratores nostri, fideles Nobis dilecti, sese in obeunda infrascripta Legatione apud Serenissimum Principem Dominum Sulthanum SELIMVM Turcharum, ac Asiae, et Graeciae, etc. Imperatorem, vicinum, et amicum nostrum honoratum, ac Illustrissimos, Spectabiles, et Magnificos Viros, MECHMETH, et reliquos Passas Consiliarios illius accommodare debebunt.

a) *Wyssius* successor in Legatione datus fuit *Hozzutotthio*, et aduenientibus Constantinopolim extra ordinem Legatis, *Verantio*, et *Teuffenpachio*, ordinarii iam fungebatur in Porta Ottomanica Oratoris munere. Hac itaque de caussa Instructio ad illum quoque directa fuit.

25 Jun.
1567.

Quamprimum antedicti Episcopus Agriensis, et Christophorus a Teuffenpach, confectis apud Passam Budensem iis, quae in speciali Informatione, seu Memoriali a Nobis in mandatis acceperunt, *Buda* expediti fuerint, curabunt, vt, quantum fieri potest, profectionem suam maturent, et simul atque Constantinopolim peruenerint, hanc Instructionem, et omnia, quae a Nobis in mandatis habent, praenominato *Alberto de Wyss*, Oratori nostro in Porta dicti Serenissimi Imperatoris residenti, communicabunt, et, qua ratione res commode incipi, et tractari debet, inter se conferent, et deinde medio, et opera ipsius *Alberti* sibi imprimis audientiam dari postulabunt ab Illustrissimo, ac Magnifico *Mechmeth Passa*, Supremo Turcharum Imperatoris Consiliario, cui impetrata ea, redditis Litteris nostris credentialibus, nomine nostro salutem dicent, ac benigni nostri in eum animi propensionem honorificis, ac dignitati nostrae consentaneis verbis declarabunt, paratamque offerent.

Deinde vero exponent ei, Nos non solum ex egregio fidele Nobis dilecto *Georgio Hozzutotty*, nostro in Camera Hungarica Consiliario, a) cum superioribus mensibus huc ad Nos *Constantinopoli* rediisset, audiuisse, sed pluribus

a) Virum famigeratissimum an. 1566. hoc munere functum fuisse cum annuo 400. flor. hungar. salario docet Resolutio regia de 24. April. 1566.

etiam Litteris, quas praefatus Orator noster *Albertus de Wyss* per proximos Veredarios ad Nos dederit, aperte cognouisse sincerum, et praeclarum eius studium, animique promittitudinem in promouenda quiete, et vtilitate publica, operamque, et diligentiam, quam praestat, vt inter Nos, ac Serenissimum Imperatorem Turcharum, Dominum suum, concordia, pax, et bona amicitia stabiliatur, eamque tam praeclaram illius operam, et voluntatem Nobis, qui simus, ac semper fuerimus, vt decet omnes bonos Principes, pacis et tranquillitatis publicae amantissimi, singularem voluptatem attulisse, atque etiam eo gratiorem accidisse, quod inde non obscure appareat, ipsum Supremum Passam animo in Nos esse candido, rebusque nostris bene consultum cupere, de hac vero optima ipsius voluntate Nos illi benignas gratias agere. Et quoniam iuxta promissa nostra, quibus nunquam soliti simus deesse, ad Portam istam Serenissimi Imperatoris Turcharum, Domini sui, ipsos Oratores nostros ad tractandam eiusmodi pacem, et amicitiam, ad quam cum Serenitate illius ineundam, atque contrahendam Nos praeteritis mensibus semel,

quae extat pag. 6. in coaeuo Libro manuscripto Bibliothecae Regnicolaris sub titulo: *Status Camerae Hungaricae Saec. XVI.* folio.

atque iterum paratos fore, recepimus, iam expediuerimus, noluisse Nos, neque etiam potuisse praetermittere, quin ei grati, ac benigni nostri animi propensionem munusculo aliquo contestaremur, quod ei Oratores nostri, vel tunc, vel postea, quando magis opportunum fore indicauerint, offerre debebunt, videlicet quatuor millia Ducatorum, et quatuor Cuppas argenteas cum Horologio, postulando, ut id nostra causa beneuole accipere, idque non ex valore, sed benigna donantis mente aestimare velit, neque dubitet, si de caetero quoque hoc Pacificationis negotium sincere promouebit, et ad optatum finem perducet, ita, ut inter Nos, et Serenissimum ipsius Dominum mutua concordia, et amicitia firmetur, atque stabiliatur, Nobis deinceps etiam curae futurum, ut ne vspiam sibi benignam, atque propensam voluntatem nostram defuisse sentiat, sed labores eius beneficentia nostra Caesarea liberaliter compensaturos esse,

Itaque Oratores nostri illi, vel in eo ipso colloquio, vel postea, quando commodius videbitur, nomine nostro polliceri poterunt, atque debebunt, quod, pace ista honestis, et aequis conditionibus confecta, atque firmata, singulis annis, quamdiu Pax ista constabit, duo millia Ducatorum remunerationis ergo daturi, et misuri simus.

Atque his praemissis, Oratores nostri postulabunt sibi apud Principem Turcharum primo quoque tempore audientiam impetrari, quo possint ea, quae a Nobis in mandatis acceperunt, Serenitati eius coram exponere, et quod felix, aut faustum sit, huic Pacificationi principium dare. Neque abs re fuerit, tunc eidem Supremo Vesirio. *a)* summam quoque eorum, quae in prima Audientia Principi Turcharum dicturi sunt breuiter, vt fert Gentis illius consuetudo, exponere. Qui quidem *Mehmeth* Passa cum in prioribus, et proximis Litteris suis attingerit nonnulla, quae ad substantiam, et Conditiones tractandae Pacis spectant, vtpote de diruendis aliquibus Arcibus, et Castellis, et dimittendis quibusdam Sanziackis, ac Praefectis Turcicis, qui in proxime praeterito bello capti fuerunt, poterunt Oratores nostri, si necesse videbitur, illi de iis etiam benignam mentem nostram patefacere iuxta ea, quae inferius, vbi de Conditionibus Pacis agetur, significabimus.

Deducti vero in praesentiam Serenissimi Imperatoris Turcharum, Serenitati eius Litteras nostras credentiales iuxta morem, et consuetudinem illius Aulae reuerenter offerent, et ver-

a) *Großvezier*: nomen est primae inter Ministros in Aula Ottomanica Dignitatis: cuius signa distinctiua, iura, auctoritas, etc. bene adumbrata leguntur in *Neuen Zeitungslexikon* 2. Prag. 1788. pag. 54. Hungari quoque supremum belli Ducem *Fővezér* appellant.

bis salutem, prosperamque valetudinem, ac omnem felicitatem precabuntur, adiecta condecenti tesificatione integritatis, et sinceræ nostræ in Serenitatem eius benevolentiae.

Atque exinde Serenitati eius vltcrius referent, quamvis Oratori nostro in Porta Serenitatis eius residenti *Alberto de Wyss* antehac per Litteras iniunxerimus, vt Serenitati eius nomine nostro officiose congratularetur de Serenitatis eius ad amplissimum Imperii Turcici fastigium felici successione, quia tamen ille id officii coram præstare non potuit, noluisse Nos omittere, quin ad testandam integritatem nostram, id nunc ipsis etiam Oratoribus nostris simul vna apud Serenitatem eius exequendum demandaremus. Itaque Serenitati eius persuasissimum esse debere, quod Nobis valde iucundum acciderit, Serenitatem eius, posteaquam diuina voluntate, cui quouis loco, et tempore sit acquiescendum, Serenissimus, et potentissimus quondam Imperator Sulthanus, *Solymannus*, ex humanis sublatus est, Serenitatem illius, vti filium, ac haeredem tanto cum applausu, studio, et consensu exercituum, et populorum suorum tranquille, pacifice, ei quiete in paterno Imperio successisse, ideoque Nos Serenitati eius de hoc tam pacifico, et auspicato ad culmen paterni Solii ingressu iterum, atque iterum amanter gratulari, maximopere optare, vt aeternus Deus Serenitati eius hoc gubernium in futurum

etiam quietum, atque pacatum, diuturnumque esse velit.

Deinde Oratores nostri vltcrius etiam progrediantur, ac Serenissimo Imperatori Turcharum succincte quidem, sed tamen dilucide referant, Nos non dubitare, quin Serenitas eius iam dudum certior facta fuerit de sincero Nostro studio, et propensa ad tuendam, et conseruandam quietem, et tranquillitatem publicam voluntate, et quam candide, genuineque Nos obtulerimus statim post obitum Serenissimi, et Potentissimi quondam Imperatoris *Ferdinandi*, augustae memoriae Domini, ac Genitoris nostri obseruandissimi, ad continuandam cum praenominato Serenissimo quondam Imperatore Sulthano *Solymano* pacem, et amicitiam paternam vsque ad finem constituti octennii, sub iis conditionibus, quibus cum Diuo Domino Patre nostro inita fuerat, siquidem eiusmodi sincerum, et optimum animum nostrum non verbis duntaxat declarauerimus, sed re ipsa quoque comprobauerimus, transmissis videlicet ad Portam Serenitatis eius muneribus honorariis, qua edictus Dominus Genitor noster mittere decreuerat, non obstantibus etiam bellorum motibus, per Transsiluanum tunc temporis temere, et absque legitima causa excitatis, neque etiam attento, quod tunc etiam Praefectus Themesiensis sese cum copiis Imperatoris Turcharum ipsi Transsiluano in inuadenda, et opprimenda Ditione nostra, adiutorem prae-

buerit. atque in tota illa expeditione Anni millesimi quingentesimi sexagesimi quarti, ac sequenti millesimo quingentesimo *a)* quinto cum exercitu praesens extiterit.

Et quamvis postea Nos quoque necessitate compulsi arma ceperimus, pro tuenda non modo Ditione, sed maxime etiam existimatione, et dignitate nostra, quam utique non potuimus, neque debuimus negligere, non exspectato responso Serenissimi quondam Imperatoris Sulthan *Solymani*, quod diutius certe, quam sperabamus, differebatur, in eo tamen bello, ne palium quidem terrae, quae ad Serenitatem eius, immediate spectat, tangi, nedum infestari passi simus. Atque adeo licitam duntaxat omni diuino, humanoque iure defensionem suscepimus, et vim vi repulerimus, atque pro nostra parte nemini ullius inimicitiae, et hostilitatis causam praebuerimus.

Cum vero idem Transsiluanus paulo post, missis *Zathmarium* Commissariis, Oratoribus, ac Nunciis, pleno ad agendum, et concludendum mandato instructis, simulate, et fraudulenter a Supremis nostris Praefectis, et Capitaneis pacem petisset, et oblatas sibi condiciones acceptasset, atque etiam sub colore, et praetextu obtinendae a Nobis ratificationis Oratorem ad ad Nos misisset, ne tunc quidem voluisse Nos quietem publicam emolumentis nostris priuatis

a) Probabilibus scribendum erat *sexagesimo*.

anteponere, sed paratos fuisse, Tractatus illos Zathnarienses cum dictis Commissariis, Oratoribus, ac Nunciis Transsiluanicis virtute memorati pleni ipsorum Mandati initos, ac firmatos, ratos, gratosque habere, existimantes, Nobis id omnino esse integrum, vigore Conditionum Pacis paternae, ad quarum obseruationem, et Nos, et Serenissimus quondam Imperator Sulthanus *Solymanus* per Litteras Nos hinc inde astrinxerimus, postposita etiam pulcherrima occasione, quae tum Nobis oblata fuerat, iniurias, a dicto Transsiluano acceptas, vlciscendi, illumque magna Ditionis suae parte mulctandi.

Cum autem exinde turbatis per eundem Transsiluanum tractatibus pacis, Serenissimus Imperator Turcharum Sulthanus *Solymanus*, flagrante adhuc bello, Nobis scripsisset, et nunciasset, sese cupere, quod vtrunque ab armis discederetur, et exercitus reuocarentur, de componendis vero controuersiis exortis in Porta Serenitatis suae tractaretur, Nos ea quoque in re Serenitati eius beneuole gratificatos esse. Verum ex altera parte Nobis nequaquam fuisse responsum. Siquidem non modo Transsiluanus, neglectis, et contemtis mandatis ipsius Serenissimi Turcharum Imperatoris, nec vlla ratione habita, quod exercitus noster de mandato nostro recedendi initium fecerat, atque se a *Zathmario* ad rippam Tibisci receperat, coniunctis sibi Sangiako Zolnocense, et copiis eius, quae-

dam loca, et arces nostras, vltra Tibiscum sitas, infesto Marte oppugnauerit, et partim etiam ceperit, sed Beglerbegus Themesiensis, qui tum erat in officio, facto prius impetu, in nocturnas excubias praesidii nostri Zathmariensis, non dubitauerit etiam post allata Domini sui mandata illi per Chiaussium Budensem, praesente homine nostro ad id destinato, praesentata de armis ponendis, exercitum nostrum vsque ad Tibisci rippam hostiliter persequi, et ad castra vsque procurrere, captans occasionem, eidem exercitui nostro cladem aliquam infligendi, vel eum prorsus opprimendi, abutumque friuolis quibusdam, et ad ipsum minime spectantibus postulatis in plures dies ex industria protrahere. Vnde nec prius discesserit, quam cognouerit, se nostris nihil posse nocere. a).

Non obstantibus vero omnibus hisce, et aliis quoque grauissimis iniuriis, Nos haud ita multo post expediuisse ad excelsam istam Portam supra dictum Oratorem nostrum *Georgium Hozzuttotty*, cum honestissimo, et aequissimo responso, nihilque praetermisisse, quod ad redintegrandam, et aequis conditionibus constituendam Pacem pertinere existimauius, verum quemadmodum antea semper calumniis, et notoriis figmentis Transsiluani fides fuerat habita, nostris autem verissimis informationibus, optimisque iuribus, et rationibus, nec certa fides

a) Conf. ISTVÁNYI *Hist. de reb. vngaric.* Lib. XXII.

data, nec locus aliquis relictus, ita etiam tunc prorsus Nos in vanum laborasse, eaque legatione nihil plane profecisse, sed mox sequutam esse expeditionem istam aetatis praeteritae. a)


Et quo magis etiam perspiciat Serenissimus Imperator Turcharum, quomodo soliti sint abuti saepe dictus *Iohannes Sigismundus Dux*, atque etiam nonnulli eiusdem Principis Turcharum Praefecti limitanei, tum nostra aequanimitate, Pacisque studio, tum ipsiusmet Imperatoris Turcharum nimia indulgentia, non abs re fuerit Serenitati eius id quoque significare, cum proxime praeteritis mensibus, priusquam scilicet certo constaret de animo, et inclinatione Serenissimi Principis Turcharum, ad Pacem, et amicitiam Nobiscum ineundam, Supremus exercituum nostrorum in superioribus Regni nostri Hungariae Partibus Capitaneus *Lazarus de Schwendy b)*, reducta in nostram potestatem arce *Georgii Bebek c)* rebellis, et perfidi Subditi nostri *Zardvár d)* vocata, arcem *Munkács*, alias etiam antiquo, et optimo iure Nobis pertinentem oppugnasset, ne solitis Transsilvani arti-

a) Conf. ISTVÁNEI *Hist. de rer. ungar.* Lib. XXII.

b) Vid. *allgemein. historisch. Lexic.* IV. Th. pag. 465.

c) Prolixe huius gesta refert FR. BUDAI in *Magy. Orsz. hist. Lexic.* Tom. I. pag. 329. — 335.

d) Lege *Szadvár*, cuius expugnationem describit FORGÁCH *Commentar. Rer. Hungar. sui tempor.* Lib. XVII.



bus, qui, vt Nobis omnem rei bene gerendae occasionem, iniiciendo subinde spem concordiae, et transactionis redintegrandae, fraudulenter eriperet, vti etiam praeterita hyeme fecerat, diutius circumduceremur. Nos itaque commoda prorsus negligeremus, eademque opera Deo propitio intra paucos dies potuisset etiam expugnare arcem *Huszt*, a) Nos tamen cognito animo, ac desiderio Serenissimi Imperatoris Turcharum de armis vtrique deponendis, quoad in Porta Serenitatis eius de certa, firmaque pace transigatur, praefatum Supremum Capitaneum *Lazarum de Schwendy* abinstituta oppugnatione arcis *Huszt* illico reuocasse, et *Cassoviam* reuerti iussisse, induciasque passim per omnia Confinia Capitaneis, Praefectis, Militibus, et Subditis nostris firmissime demandasse (prout eiusmodi mandata iam iterum renouauimus). Sed dum Nos Paci studemus, Militesque, et Capitanei nostri Mandatis nostris obtemperant, et ab hostilitate abstinent, praeter omnem expectationem nostram ex vna parte Passam Themesiensem, coadunato magno exercitu, sub praetextu et colore defendendi dictum *Iohannem Sigismundum* Ducem, qui tunc nullo prorsus auxilio indigebat, cum nemo eum amplius oppugnaret, propter inducias promulgatas, arces quasdam nostras, et fi-

a) Lege *Huszt* WOLFG. BETHLEN *Hist. de reb. Transsiluanic.* Lib. V.

delium Subditorum nostrorum in superioribus Regni nostri Hungariae partibus ex improviso intercepisse, ex altera vero dictum *Iohannem Sigismundum* Ducem ultra Tibiscum arces *Ke-vár*, a) et *Banyam* b) occupare, non esse reueritum, quantumvis iam fuisset etiam admonitus de voluntate ipsius Turcharum Principis: quae quidem collusio eorundem Transsiluani, et Passae Themesiensis ex interceptis litteris, quas antehac Constantinopolim ad manus Oratoris nostri misimus, satis manifeste liquet. c)

Verum tamen utcumque ea se habeant, quae superstitute Serenissimo quondam Sulthano *Soly-manno* acciderunt, cum illa iam dudum prae-terierint, nunc vero Imperio Turcico praesit Serenissimus Sulthanus *Selymus*, cum quo Nobis huc usque priuatim nihil rei, nec vlla hostilitas fuit, eiusque Serenitas sese promptam, paratamque obtulerit ad ineundam, et contrahendam Nobiscum amicitiam, et pacem, quatenus eius rei causa Oratores nostros ad Por-

a) *Kövár*, *Couarinum* describitur a KRECKWITZ *Beschreib. des Königr. Ungarn* pag. 113.

b) Id est: *Nagy-Bánya* siue *Riuulus Dominarum*, quae ibidem an. 1565. et sequentibus annis gesta sint, enarrat breuiter idem KRECKWITZ *ibidem* pag. 467.

c) Conf. WOLFGAN. BETHLEN *Histor. de Reb. Transsil.* Lib. V.

tam Serenitatis eius ablegaturi essemus, Nos non obstantibus etiam vel antiquis, vel etiam recentioribus, et maxime iam enumeratis iniuriis, sub ista armorum suspensione, tam a Transilvano, quam Passa Themesiense acceptis, confisos Serenitatem eius, ne talia deinceps fiant, beneuole curaturam, voluisse omnino promissis nostris satisfacere, ipsosque Oratores nostros ad Serenitatem eius absque longiore dilatione expedire, qui cum Serenitate eius agant, tractent, et Deo volente transigant, et conueniant de certa, et firma pace, concordia, atque amicitia inter Nos, ac Serenissimos Principes *Ferdinandum*, et *Carolum*, Archiduces Austriae etc. fratres nostros Charissimos, ipsumque Serenissimum Turcharum Imperatorem, et vtriusque partis posteros, haeredes, et successores ad tempus praestituendum sub honestis, et aequis conditionibus, de quibus ipsi Oratores parati sint cum Supremo Serenitatis eius Consiliario *Mehmeth* Passa, vel cuicunque Serenitas illius id negotii dederit, colloqui, et tractare.

Necessarium autem fore, Oratores nostri dicant, quod interea temporis induciae firmae, et inuiolatae maneant, atque a Serenitatis eius Passis, Sanziakis, Begis, Praefectis, et Militibus sanctissime obseruentur, nulloque prorsus colore, seu praetextu quaesito violentur, usque dum hisce tractatibus finis imponatur, et Oratores nostri in Ditionem nostram reuersi fue-

fuerint: Qui vero deliquisse comperientur, graviter, et serio puniantur, quandoquidem nullus futurus sit finis, aut modus excursionum, iniuriarum, depredationum, caedium, et omne genus malorum, nisi turbulentorum, et inquietorum audacia, et temeritas seuerissime coerceatur. Idem Nos quoque vicissim diligentissime curaturos esse.

Exinde dicant Oratores nostri, quod ad contestandam Serenitati eius sinceram voluntatem nostram, qua affecti sumus in hoc pacis negotio, et declarandam laetitiam, quam ex Serenitatis eius felici, et tam pacata ad paternum Imperium successione cepimus, atque adeo beneuolae congratulationis ergo, et pro bono, auspicatoque futurae amicitiae nostrae initio voluerimus etiam Serenitatem eius condigno munere honorare. Quae amicitia, posteaquam, Deo dante, corroborata fuerit, Nos imposterum etiam Serenitati eius mutuis beneuolentiae, atque integritatis officiis nusquam esse defuturos. Itaque tunc Oratores nostri Serenitati eius munus illud *triginta millium Ducatorum* vna cum viginti inauratis *Scyphis*, seu *Cuppis* duplicatis, ac duobus, vel tribus *Horologiis*, vt moris est, in illa Aula reuerenter exhibere debebunt.

Et haec fortassis sufficient in primo congressu apud Principem Turcharum peregrisse. Si vero videretur opus esse, Grauiamina ista, et, quae statim a morte Diui quondam Domini Pa-

rentis nostri Imperatoris *Ferdinandi*, augustae memoriae, cum defuncto quondam Sulihano *Solimanno*, et dicto Transsiluano vltro, citroque acta, et gesta sunt, paulo latius, vel tunc in prima scilicet Audientia, siue postea, vel apud Principem ipsumet, vel apud Passas, et Consiliarios eius deducere, quemadmodum omnino necessarium esse arbitramur, vt Oratores nostri viam, et rationem aliquam inueniant, per quam Turcharum Imperator ipsemet de iis omnibus accuratissime edoceatur, siquidem etiam Parens eius Sulthanus *Solymannus* his plerumque celatus fuit, Oratores nostri copiosam habebunt materiam in iis informationibus, quas huic Instructioni adiungi iussimus, et antea quoque Constantinopolim misimus. Vnde eis, quae ad asserendam, et comprobendam causssae nostrae aequitatem, atque iustitiam, ac e diuerso ad patefaciendas, refellendasque calumnias Transsiluani, et aliorum aduersariorum, maleuolorumque nostrorum accommodata videbuntur, vel necessitate postulante, vel rerumstrarum vtilitate suadente, depromenda erunt.

Porro absoluta audientia prima apud Turcharum Imperatorem, vel etiam antea, si tempus, aut loci consuetudo tulerit, Oratores nostri debebunt quoque singulatim adire reliquos Passas, Vesirios omnes, et, redditis cuique Litteris nostris credentialibus, ac convenienti Salutatione, et benigni, atque propensi animi

nostri significatione praemissa, et exhibito denique in signum fauoris, et gratitudinis nostrae munere cuilibet deputato, nempe *Pertamo* Passae *duo millia Ducatorum* cum duabus *Cuppis* duplicatis deauratis, atque vno *Horologio*; pro *Ferrath* Passa *mille Ducatos* cum duobus *Scyphis* duplicatis; et pro reliquis tribus in singulos *millium Tallerorum*, eosdem verbis nostris magnoperè hortari, ex quo ad hosce Pacis Tractatus, cum Serenissimo Imperatore Turcharum suscipiendos, inducti fuerimus, singulari quodam instinctu beneuolentiae, qua erga Serenitatem eius afficimur, et publicae tranquillitatis studio, nec non commiseratione afflictae, et oppressae gentis Hungaricae, et praecipue miserimae plebeculae, quam non sine maximo animi nostri dolore cernimus, his bellorum fluctibus prorsus obrui, et funditus perire, cum ingenti vastitate amplissimi Regni, quod desolatum nec Nobis, nec Serenissimo Turcharum Principi vllam amplius vtilitatem adfere poterit, vt proinde ipsi quoque in iuuando, et promouendo tam pio, et laudabili nostro proposito, quod et Serenissimo ipsorum Principi honori, et vtriusque nostrum populis salutare futurum sit, operam, et partes suas interponere, omnemque diligentiam adhibere velint. Eam enim illorum tam egregiam operam Nos deinceps etiam munificentia nostra Caesarica recognituros esse, et confecta honesta, et aequa Pace, missuros illis annuatim, quamdiu pax ipsa,

et amicitia firma, et illaesa perstiterit, condigna munera, nempe *Pertamo* Passae mille ducatos annuos, et caeteris Passis, Vesiriis, cuilibet mille taleros, nisi fortassis Oratoribus nostris videretur consultum, Passas omnes tam supremum, quam inferiores aliquanto maioris etiam summae quoque ea, qua nominauimus, promissione inescandos esse, quod eorundem Oratorum nostrorum fidei, atque prudentiae committimus.

Et quoniam *Ebrahimus* Supremus Principis Turcharum Interpres dicitur plurimum pollere gratia tam apud ipsummet Principem, quam Supremum eius Consiliarum *Mehmeth* Passam, et is hucusque magnum ad promouendas res nostras studium semper praesetulerit, atque haud dubie possit etiam Nobis in hoc Pacis negotio bonam operam nauare, operae pretium duximus, illum quoque non solum bonis verbis, ac propensi, et benigni nostri in eum animi significatione (quae cura ipsorum Oratorum nostrorum erit, ut scilicet illum de gratiosa voluntate nostra edoceant) sed largitione quoque in isto egregio erga Nos studio confirmare. Itaque Oratores nostri illi dabunt nomine nostro *quingentos Ducatos*, pollicendo, si in hoc suo laudabili instituto deinceps perstiterit, et negotia nostra in posterum quoque candide, et diligenter iuuerit, ipsi vicissim gratitudinem, et beneficentiam nostram minime defuturam,

sed accepturum quotannis, constante Pace, munus *quingentorum Coronatorum*.

Est et alius Interpres in Porta Principis Turcharum, Germanus natione, nomine *Mahmut* Beg, Supremo Principis Turcharum Consiliario *Mehmeth* Passae, sicut intelleximus, satis gratus, et acceptus, qui et ipse sese rerum nostrarum studiosum ostendit, cuius voluntatem, et operam Oratores nostri similiter collaudabunt, et nomine nostro pro remuneratione laboris, quem sustinuit, hisce mensibus, quibus in Porta Principis Turcharum de pacis istius negotio ceptum est tractari, *trecentos Ducatos* nomine nostro praesentabunt.

Praeterea, cum dicantur esse nonnulli praecipui Officiarii Principis Turcharum, et qui Serenitati eius in primis sint grati, Nobisque in hoc negotio queant magno esse vsui, Oratoribus nostris, pro ipsorum singulari industria enitendum erit, ut et illos, si non dabitur facultas agendi cum illis coram, saltem per idoneas Personas in partes nostras pertrahantur, et ad promouendam hanc pacem tum spe largitionis, tum aliis quoque apposis rationibus inducantur, dato cuique ad praesens in signum grati animi munere, conditioni, et qualitati personae congruo, ex illis *duobus millibus Talorum*, qui ad id deputati sunt. Inter quos Officiarios potissimum quaerendum est de *Ioanne*

Migues, qui nunc *Naxi a)* Ducatum obtinet. Cum enim eum apud Imperatorem Turcharum etiam antehac gratia plurimum valuisse intellexerimus, confidimus rebus nostris multum posse commodare, et propterea Nobis eiusdem quoque, et aliorum, qui videbuntur per Serenitatem illius esse prae caeteris in pretio, studia omnino conciliari volumus.

Posteaquam autem ad tractationem principalem deuenietur, et de conditionibus hinc inde pro stabilitate, et certitudine pacis firmandis, et constituendis, siue scripto, siue etiam viua voce agi oportebit, Oratoribus nostris aduertendum erit, vt in primis statuatur, quod ex hoc tempore in futurum ad id vsque tempus, de quo vtrinque conuenerit, debeat esse, seruari, et coli inter Nos, et supra dictos Serenissimos, et charissimos fratres nostros *Ferdinandum*, et *Carolum* Archiduces Austriae, ex vna, ipsumque Serenissimum, et Potentissimum Sulthanum *Sely-mum*, Turcharum Imperatorem ex altera, et vtriusque partis haeredes, et successores, ac ambarum etiam Partium Regna, Principatus, Dominia, Ciuitates, Vrbes, Terras, Loca, siue terrestria, siue maritima, Subditos, ac Milites mutua, bona, vera, et firma pax, et amicitia, ad cuius obseruationem teneantur, et adstringantur seuerissimis mandatis, et sub poena

a) Insula in occidentali Archipelagi parte archiepiscopatu Latino, et Graeco illustris.

capitis, omnes et singuli ipsius Serenissimi Imperatoris Turcharum Passae, Beglerbegi, Sanziaki, Begi, Vaiuodae, et quilibet Capitanei, Officiales, Ministri, Milites, et Subditi, cuiuscunque gradus, et ordinis extiterint, vel quocunque nomine vocentur, vbicunque locorum, et gentium, et maxime in Hungaria, Dalmatia, Croatia, Sclauonia, Bosnia, et Transsilvania existentes, et nominatim etiam Dux *Iohannes Sigismundus* Serenissimi quondam Regis *Iohannis* filius, ac Moldauiensis, et Transalpinensis Vaiuodae, pro tempore existentes, et ipse quoque Tartarorum Princeps cum uniuersa gente, et militia sua, qui posthac nullo colore, ingenio, vel praetextu quaesito, audeant, nostris, ac praenominatorum charissimorum fratrum nostrorum Regnis, Prouinciis, eorundemque finibus, limitibus, et quibuslibet locis terrestribus, vel aquaticis quocunque modo, terra, mariue, arma, vim, vel hostilitatem aliquam inferre, vel nostros, dictorumque Serenissimorum fratrum nostrorum Duces, Capitaneos, Praefectos, Milites, aut Subditos ad arma lacessere, sed cum illis sinceram pacem, et bonam vicinitatem seruent, ac sancte colant, delinquentes autem serio, grauiterque puniantur; quemadmodum vice versa Nos quoque, et ante dicti charissimi fratres nostri, parati erimus, vniuersis, ac singulis nostris Capitaneis, Praefectis, Officialibus, Ministris, Militibus, ac Subditis limitaneis serio, et sub poena ca-

pitis mandare, vt hanc Pacem sancte, firmiter, et inuiolate obseruent, et, ne Passis, Begler-beis, Sanziakis, et quibuscunque demum Praefectis, Militibus, ac Subditis, Ditionibusque in Hungaria, Dalmatia, Croatia, Sclauonia, Bosnia, item Transsiluania, Moldauia, et Transalpina arma, vim, vel vllam hostilitatem inferant, nec eosdem ad arma lacesant, sed cum illis pacem, et bonam vicinitatem sancte colant, et in eos, qui deliquerint, serio, ac grauiter quoque animaduertemus.

De tempore huius pacis Oratores nostri agere, et laborare debent, vt Pax ista concludatur, et firmetur in octo annos continue sequentes, a die, qua solenniter fuerit conclusa, et stabilita. Et casu, quo Turcharum Princeps tot annos nollet admittere, ipsi Oratores e die eo connitentur, vt plures, quam fieri poterit, annos obtineant. Sin autem Turcharum Princeps cuperet ipsam Pacem longius etiam extendi, vt puta, in in decem annos, vel plures etiam, poterant, et debebunt Oratores nostri ea etiam in parte voluntati illius acquiescere.

Et casu, quo nollet Turcharum Imperator pacem ad haeredes, et successores transmitti, sed tantum ad vitam alterutrius extendi postularet, in eo quoque Oratores nostri Serenitati illius morem gerant.

Deinde expresse quoque paciscendum, et constituendum est, vt quaecunque Nos, et ante

dicti fratres nostri tenemus, ac possidemus in Hungaria vltra, citraque Danubium, et Tibiscum, item in Dalmatia, Croatia, et Sclauonia, caeterisque Regnis, Prouinciis, et Dominis, ea in futurum quoque cum vniuersis suis pertinentiis, castris, oppidis, redditibus, prouentibus, censibus, decimis, seruitiis, ac quibuscunque bonis, mobilibus, et immobilibus, quamdiu haec Pax durauerit, in potestate nostra libere, pacifice, et absque vlla Principis Turcharum, aut Officialium, Ministrorum, et Militum eius contradictione, molestatione, vel impedimento maneant, nec vlllo modo iura nostra, quae habemus, vna cum nominatis fratribus charissimis, subditisque nostris in iam dictis Regnis, atque Prouinciis nostris impediuntur, neque etiam licitum sit Turcharum Principis Praefectis, Officialibus, militibus, ac subditis, cuiuscunque gradus, status, ordinis, et conditionis extiterint, Nos, et charissimos fratres, subditosque nostros in eorum perceptione, possessione, ac fructu turbare, molestare, seu impedire, vllumue ius exactionis, vel alterius oneris in eisdem quaerere, seu praetendere, multo vero minus villas, pagos, et possessiones nostras, et fratrum, ac fidelium subditorum nostrorum, seu ipsosmet fideles subditos nostros, fratrumque nostrorum per vim, vel sinistras artes, et machinationes in suam potestatem, et ditionem redigere, occupare, seu comminatione-

ne mortis, incendii, depraedationis, siue captiuitatis ad deditionem sollicitare.

Quia vero *Mehmeth* Passa in Litteris suis, quas hucusque ad Nos dedit, semel atque iterum mentionem fecit de diruendis arcibus nonnullis, inter quas nominauit *Weszprimium*, et *Tatham*, et de eo cum Oratore nostro *Alberto de Wyss* coram latius etiam colloquutus est, quod responsum Nos ad tractationem principalem reiecimus, et veremur, ne istiusmodi demolitionem denuo vrgeat. Volumus proinde Oratores nostros pro sua duntaxat informatione clementer esse admonitos, quod ad destruendum, et demoliendum vllum locum, quem in nostra nunc potestate habemus, nedum restituendum, non admodum sumus inclinati, et cuperemus, quod eius vnquam fieri posset, ea Nos molestia prorsus subleuari, nisi vicissim ex parte Turcharum alia loca, quae non sint inferioris momenti, destruantur, atque sic vtriusque nostrum aequalis sit conditio. *Weszprimium* a) enim eo loco situm est, vt sine insigni iactura, et periculo Ditionis adiacentis desolari minime queat; id, quod praeteritorum annorum experientia satis compertum habemus.

a) *Weszprimium*, urbem episcopalem cum arce anno 1566. ab exercitu Caesareo occupatam, narrat *Ortelius rediuius*. I. Th. pag. 104.

De *Tatha* b) vero, et aliis nonnullis leuiusculis arcibus fortassis non ita acriter essemus reclamaturi, si vicissim etiam ex Imperatoris Turcharum parte similia loca, a Nobis nominanda, diruerentur, et propterea, si quando disputatio orietur de arcibus, et locis hinc inde in gratiam alterius partis demoliendis, diligenter certe inculcanda erit Serenissimo Turcharum Principi, ac Supremo, et caeteris eius Passis, Vesiriis aequabilitas, quam seruare decet inter eos, qui sinceram amicitiam inter se contrahere, et seruare cogitant. Siquidem nequaquam conuenit, vt amicus amicum conditionum inaequalitate praegrauare conetur, quin immo, si Turcharum Princeps in eo persistat, vt ex nostra parte arces, aut loca aliqua destruantur, necesse fore, quod Serenitas eius similiter sese erga Nos declaret, quae Loca Serenitas eius vice versa diruere velit. Et hoc loco Oratores nostri dextre captabunt occasionem, pertentandi animos Passarum, num spes aliqua sit, quod Turcae induci possint ad destruendas arces *Babolcham*, *Bersencz*, a) et alias, quae in illo Districtu sitae sunt? Verum tamen non debent Oratores nostri in hoc puncto certi quic-

a) *Tatha* iuris hodie Eszterháziáni aequé anno 1566. recipitur. *Ibidem* pag. 105.

b) Alias *Berzencze*; vnde familiae *Berzenczy*, et *Bornemisza de Berzencze* axioma trahunt. *VÁLY Magy. Orsz. Le-írás. Tom. I. pag. 193.*

quam nomine nostro concludere, vel polliceri, sed vbi animum Principis Turcharum penitus perspexerint, rem omnem cum opinione, et sententia sua integram ad Nos per Litteras referre, nostramque desuper resolutionem expectare.

Caussam, quam praetendit *Mehmeth* Passa, huiusmodi petitionis suae, quod scilicet Hajdones, et praedones in his locis receptum habere, et inde Ditionem Turcicam infestare soleant, Oratores nostri facile diluent, ostendendo, quod in hac parte non difficile erit prouidere, ne quis iustam de Praesidiariis illorum Locorum conquerendi caussam habere possit, siquidem Nobis non defuturæ sint rationes, quibus illi in officio contineantur, dummodo ex altera parte ad arma non prouocentur.

Aduertendam autem est Oratoribus nostris, Nos hoc loco non eam *Babolcham* duntaxat intelligere, quae antehac in manibus nostris fuit, et nouiter est per Turchas occupata, sed nouam etiam illam munitionem, quam Turcae aedificant in alio loco, vti Nobis relatum est, pro *Babolcha*, quam diruere cogitant, ne fortassis per acquivocationem prioris, atque posterioris Arcis aliquid in praedicium iurium nostrorum concedatur.

Et quamuis optimo iure possemus a Serenissimo Turcharum Imperatore repetere *Zigetum*, et *Giulam*, quandoquidem eius parens,

Nulla prorsus iniuria affectus, non attenta integritate nostra, qua Nos, ut dictum est, mox ab obitu Diui quondam Genitoris nostri ad observationem paternae pacis iisdem sub conditionibus tam amanter obtulimus, neque etiam ratione habita, quod iam alter alteri ultro citroque misisset pro stabilitate eiusmodi pacis litteras confirmatorias, grauissimam praeteritae aestatis expeditionem contra nos suscepit. Nolumus tamen ad praesens eiusmodi restitutionem, uti nimis odiosam, expressis verbis vrgeri. Atque idcirco non est, quod Oratores nostri apud Turcharum Principem de *Zigetto*, vel *Giula*, Nobis restituenda, ultro, et nominatim quicquam agant, vel proponant. Verum tamen, ne prorsus etiam silentio inuoluatur duorum istorum locorum iactura, non abs re fuerit, Oratores nostros (id quod ipsis iniunctum esse volumus) inter tractandum pro sua dexteritate occasionem quaerere, tanquam ex seipsis iniiciendi apud Passas mentionem aliquam de diruendis ante dictis duobus locis *Zigetto*, et *Giula*, vtpote, vel Passis denuo instantibus, pro demolitione *Weszprimii*, et *Tathae*, vel, quando agetur de diminuendo munere honorario, quotannis pendendo, vel quandocunque aliqua sese in tractatibus, et colloquiis commoditas obtulerit. Quam rem, si Passae plane explodere, vel surdis auribus praeterire videbuntur, Oratores nostri aduertere debent, ut, si eis offeretur occasio aliqua, saltem alia loca, vtpu-

ta, *Babolcham*, et quae sunt in illa regione sita, repetendi, ne eam quoque praetermittant.

Non dubitamus etiam, quin Serenissimi Turcharum Imperatoris Consiliarii statim in principio tractationis iniecturi mentionem sint muneris honorarii, in posterum, pace constan- te, annuatim praestandi. In eo casu Oratores nostri, qui suapte sponte non debent mentio- nem eius iniicere, interrogati respondebunt, quamvis iustissimas causas haberemus recusan- di, quod hoc loco petatur, Nos tamen amicitiae, et bonae vicinitatis causa, et pro salute, atque incolumitate miserimorum afflicti Regni Hungariae subditorum, hac quoque in parte de- siderio Serenissimi Imperatoris Turcharum non esse defuturos. Verum enimvero aequum esse, quod Serenissimus Turcharum Princeps bene- uole perpendat, ad quantam pauperiem redactum sit afflictum Hungariae Regnum propter bellicam expeditionem praeteritae aetatis, in qua *Zigeth*, et *Giula* cum magna reliquiarum eius Regni par- te distracta fuerint, ac minore summa, quam Dominus eius Parens accipere consueuerit, in futurum contentetur. Itaque, huiusmodi occasio- ne captata, Oratoribus nostris elaborandum erit, ut munus honorarium ad minorem sum- mam, ut puta, viginti millium Ducatorum redu- catur, neque facile se a proposito dimoueri pa- tiantur. Ad extremum tandem, ubi senserint Turcharum Principem triginta millibus omnino inhaerere, ipsi quoque gradatim procedendo,

ad vltimum, si aliter fieri nequiderit, promittant, quod Nos etiam, sicuti Diuus parens noster, deinceps annuatim, et sub finem cuiusque anni post conclusionem Pacis solitum honorarium munus *triginta millium Ducatorum* ad Portam Serenitatis eius missuri simus.

Si autem obtineri posset, vel restitutio, vel demolitio *Zigetti*, et *Iulæ*, tunc non opus foret agere de diminutione honorarii muneris, sed posset id integre, prout a Diuo Domino parente nostro datum fuit, offerri, et promitti. Quando vero maior summa peteretur, quam *triginta millium Ducatorum*, vel quod illud etiam de caeteris nostris, ac charissimorum fratrum nostrorum Prouinciis peteretur, Oratores nostri in id nullo modo consentiant.

Caeterum nihil est, quod magis ferme requiratur ad firmitatem pacis, Deo volente, concludendae, quam, vt diligentissime prouideatur, ne deinceps integrum sit Serenissimi quondam Regis *Iohannis* filio nouas discordias serere, turbasque pro libito concitare. Quare hac etiam in parte Oratoribus nostris sedulo, atque diligenter elaborandum erit, et siue ex parte Turcharum ea de re mentio aliqua iniiciatur, siue non, ineunda vtique erit, et inuenienda certa, et firma aliqua ratio, qua illius, et Consiliariorum, quos penes se habet, inquieti animi compescantur. Id, quod nostra sententia,

tum fieri poterit, cum ille intellexerit, calumniis suis ulterius in Porta Principis Turcharum non datum iri locum, nihilque sibi a Turcharum Principe expectandum fore subsidii, si quando aequitatis terminos excesserit, et intra fines suos, qui omnino videntur esse circumscribendi, sese non continuerit. Eaque propter, si Oratores nostri senserint, non esse consultum, quod nunc iterum postulemus, illum adstringi ad observationem illorum Pactorum, ad quae anno sexagesimo quinto in mense Martio Nuncii, et Commissarii illius, pleno ad id mandato instructi, ipsum obligauerant, et pro quorum ratificatione, et approbatione ille Oratorem suum *Stephanum Báthory de Somlyo a)*, etiamnum hic existentem, tunc temporis ad Nos expediuerat, (quarum pactionum, et conuentionum, quatenus ostendi possunt, Oratores nostri cum praesenti Instructione nostra copiam habebunt) et frustra etiam *Kewár* arcem, ab illo nouissime occupatam, repeti cognouerint, saltem non debebunt consentire in restitutionem alicuius loci, ad praesens in potestate nostra existentis, si forte Princeps Turcharum vellet illi vel *Baniam b)*, vel alium ex iis locis,

a) Ipsus est, qui per varios honorum gradus ad Solium Poloniae eluctatus est. Illustris Viri praeclare gesta in Compendium congegit FR. EYDAS *Magy. Orsz. hist. Lexic. Part. I. pag. 200.*

b). Intelligitur *Nagy Bánya.*

quos ipsi possidemus, restitui, sed constanter insistant retinendae possessioni tam Baniae, quam aliorum locorum, vltra, citraque Tibiscum in potestate nostra existentium, nisi forte id fieret per permutationem aliquam arcium, et locorum, in vtriusque potestate vltra, citraque Tibiscum existentium, praesertim *Baniae*, seu *Riuuli Dominarum* cum arce *Huzth*, a qua permutatione, si aequis conditionibus posset obtineri, fortassis non futuri essemus alieni; de qua tamen permutatione Oratores nostri certi nihil concludant, nisi re tota prius ad Nos relata, nostraque resolutione accepta. Alias tutissimum erit Oratores nostros, quod ipsis etiam virtute praesentis Instructionis clementer iniunctum esse volumus, quod illum in hac Pace comprehendere curent, eo, quo sequitur, modo, quo et antea fuit comprehensus. Videlicet quod Nos, quamdiu Pax ista, cum Turcharum Principe ineunda, firma, et valida permanse-rit (cui vtique Nos violandae nullam causam, vel materiam praebemus) ab inuadenda Transsilvania, et arcibus, castellis, vrbibus, ac locis, ad eam directe spectantibus, et ad praesens in potestate quondam Regis *Iohannis* filii existentibus, manus abstinebimus, nec vllam vim, aut hostilitatem contra ea suscipimus.

De Locis vero extra Transsiluaniam positis integrum Nobis sit, cum eodem quondam Regis *Iohannis* filio transigere, et concludere,



quae Loca ipse Nobis restituere, et Nos ipsi pacifice relinquere velimus, et debemus, dummodo, durante hac Pace, ad satisfaciendum Nobis de Locis extra Transsilvaniae fines in Hungariae partibus ultra, citraque Tibiscum sitis, armata manu non compellantur.

Hoc autem loco, vt accurate distinguantur, et specificentur, qui sint fines Transsilvaniae, et quod Loca illa trans Tibiscum sita, quae Turcae omnia intelligunt ad Hungariam, non ad Transsilvaniam, ne per hanc nimis generalem, Turcisque vsitatam Transsilvaniae nuncupationem iuribus nostris aliquid praeiudicii inferatur.

Item, vt vice versa idem quondam Sere-
nissimi Regis *Iohannis* filius tempore huius Pa-
cis, sine Induciarum ab omni hostilitate, et iniuria abstineat, ac Subditos nostros non affligat, villas non diripiat, nec excursions in Ditionem nostram faciat, neque Castella nostra, vel Subditorum nostrorum oppugnet, vel ipsa noua castella in detrimentum Ditionis nostrae, vel Subditorum nostrorum exstruat, neque etiam Bona mobilia, vel immobilia, contributiones, decimas, et prouentus, ad Nos, et Subditos nostros spectantes, inuadat, aut sibi vendicat, quin immo Pacem sancte, et in inuiolate obseruet, et per suos obseruari faciat, quemadmodum etiam Nos, vt idem nostra ex parte sancte obseruetur, et praestetur, diligenter curaturi sumus. Quod si secus ille fecerit, et in-

ducias violauerit, ac Nos, et Subditos nostros iniuria affecerit, et Nos eiusmodi iniuriam vindicandam duxerimus, Turcharum Imperator illum non suscipiat protegendum, vel iuuandum, sed omni prorsus auxilio destituat, neque etiam a Passis, Sangiackis, Praefectis, militibus suis iuuari permittat.

Item, vt quaecunque Nos extra propriam Transsiluaniam vltra citraque Tibiscum possidemus, siue per Nos ipsos, siue per nostros Subditos, et Vasallos in posterum quoque sine vlla controuersia possideamus, in quibus comprehensi etiam intelligantur Magnifici fideles nostri dilecti *Melchior Balassa, a)* et *Nicolaus de Báthor, b)* caeterique Barones, Nobiles, et cuiuscunque status homines, qui ad fidelitatem, et obedientiam nostram reuersi fuerunt, et reuertentur, vsque ad illam diem, qua Nobis constiterit, saepe dictum quondam Regis *Iohannis* filium pacem ad mandatum Serenissimi Imperatoris Turcharum sub his conditionibus acceptasse, et obseruare velle, cum omnibus eorum rebus, iuribus, ac bonis quaecunque possident, et tenent.

Praeterea tam nostri quam praedicti filii quondam Regis *Iohannis* subditi in vtriusque no-

a) Quis iste fuerit? cognosci potest ex FR. EYDAI *Magy. Orsz. hist. Lexic.* Tom. I. pag. 97.

b) Conf. EYDAI *Magy. Orsz. hist. Lex.* Tom. I. pag. 193.

strum obedientia et potestate constituti, qui in praesentibus turbis, et motibus, vel ob metum, vel aliam quaecunque causam vacillassent, siue suspectos se reddidissent, seu alterutrum quouis modo offendissent, hisce induciis comprehensi, earum ita participes reddantur, ut nulla in eos, quouis quaesito colore, vindicta institui, sed omnis in illos concepta indignatio, et persecutio vtrinque cessare debeat.

Quo quidem loco cum Passae procul dubio varias difficultates iniecturi sint, allegando, ut solent, Transsilvanum mancipium esse Turcicum, nec potestatem habere de alieno Dominio quicquam disponendi, Oratores nostri eas omnes pro sua prudentia, et rerum istarum omnium experientia, facile confutabunt, et quemadmodum supra monuimus, in eo omni conatu incumbent, ut in futurum Transsilvano omnem fidem abrogent, atque perficiant, ne friuolis, et continuis illius querelis, fragmentis, atque calumniis tam faciles aures praebeantur, sed si quando querulabitur, et clamitabit sibi factam esse iniuriam, seu violentiam aliquam contra Pacta, et condiciones Pacis, Deo dante incundae, ne quid desuper praepropere decernatur, sed prius ad Nos quoque res omnis referatur, nostrumque responsum expectetur, quod utique paucarum hebdomadarum spatio haberi queat.

Quodsi rursus peteretur restitui ad possessionem Bonorum suorum *Georgius Bebeck*, Oratores nostri nullo modo consentiant, sed opponant, *Bebeckum* eo tempore, quo caperetur, fuisse subditum, et Capitaneum nostrum, stipendio conductum, qui nullo modo potuerit, neque debuerit, a fidelitate, et obedientia nostra, vel ad Turchas, vel Transsiluanum deficere, et Nos quoque exempli caussa aliter facere non potuisse, quin illum, ut infidelem, et peridum Subditum, atque Ministrum nostrum pro demerito puniremus.

Porro intelleximus, quantopere postularit Supremus Principis Turcharum Consiliarius *Mehmeth* Passa constitui in Confiniis certos limites, quod quidem Nobis ipsis non potest improbari, quin immo existimamus, Pacem, vel Inducias nunquam fore firmas, nisi constituantur certi termini, et fines, quos neutrius partis militibus liceat armata manu transcendere. Sed, quia non videmus, quomodo id fieri possit aliter, quam in re praesenti. Operae pretium proinde fuerit, ex utraque parte deputare Commissarios pari numero, Viros probitate, integritate, Pacisque studio, ac rerum usu praestantes, qui circumeuntes Confinia, seruata aequalitate, et iustitia, statuunt certos, notabiles, et utrique parti tolerabiles limites, ac terminos, intra quos milites utriusque partis sese contineant, et ultra illos, praesertim armati, eua-

gari non ausint, ita tamen, vt illorum Commissariorum actio omnis ad ratificationem nostram, et ipsius Serenissimi Turcarum Imperatoris remittatur.

Verum enimvero quicumque Coloni, et Subditi, in alterutrius partis ditione existentes, hucusque ad vtramque partem seruitia, census, vel decimas praestiterunt, atque adhuc praestant, vbicumque illi siti sunt, ii deinceps etiam vtrique parti, vel subditis earum, seruitia, vel census, decimasque praestare debebunt, sine alterutrius partis impedimento.

Quodsi Turcharum Princeps, et Passae Consiliarii eius denno institerint pro diuisione eiusmodi villarum communium, et ad vtramque partem seruientium, Oratores nostri audiant, quo pacto cupiant, et velint fieri talem diuisionem, atque rem per litteras ad Nos referant, nostramque desuper resolutionem expectent, ipsi vero ea de re sponte nullam mentionem ingerant.

Quoniam autem compertum est, Turchas in finibus existentes ordinariis censuum, et tributorum solutionibus, et seruitiis, quae praestantur a communibus villis, non contentari, sed ea in dies magis, magisque augere, et multiplicare, ita, vt plerique iam triplo, et quadruplo, ac decuplo ferme plus extorqueant, quam coloni initio, cum facerent deditionem, pacti sunt, iisque praestandis Coloni amplius

pares esse nequeant, et non habentes, unde amplius soluant, tandem metu captiuitatis, relictis sedibus, aufugiant, eamque ob causam terra quotidie magis desoletur, et vtrique Parti inutilis reddatur. Agendum proinde est, ut Serenissimus Imperator Turcharum eiusmodi intolerandas violentias, et inexplabilem rapacitatem suorum Praefectorum, Officialium, et Militum serio coerceat, et quod in conditionibus futurae Pacis expresse constituatur, caueaturque, ne posthac milites Turcici, cuiuscunque nominis, ordinis, et gradus, Colonos ultra ordinarios prouentus, quos Dominis eorum soluere consueuerunt, et quibus Turcae initio contenti fuerunt, compellant, sed dimidiata parte eiusmodi ordinarii prouentus contententur, reliquam vero Colonorum Dominis relinquunt. Quod, cum non solum per se pium, iustum, et aequum sit, sed vtrique etiam parti commodum, confidimus, Serenissimum Imperatorem Turcharum in hoc nihil difficultatis facturum, idem ipsi quoque pro nostra parte sedulo curaturi sumus.

Caeterum, quamuis in tam amplo Regno, diuturnis bellis afflicto, et attrito, magni sit negotii, ac laboris, omnia praecauere, quae subinde solent contra Pacem, et quietem publicam attentari, et vagantes, atque errabundos passim Praedones, et plagiarios protinus coerceri, tamen omnino necessarium videtur, iniri

rationes, et vias, quibus turbulentorum, et inquietorum audacia, quantum fieri potest, reprimatur. Ideo expediet vtrique parti, liberum, et integrum relinqui, praedones, et raptores, etiamsi alterius partis sint subditi, quos in ditione sua deprehenderit, merito supplicio afficere. Qui, si deprehendi nequeant, mox Capitaneis, aut Praefectis eorum, sicubi eos latitare compertum fuerit, indicentur, iique illos puniendi mandatum habeant. Quodsi tunc ex nostra, et charissimorum fratrum postorum parte Capitanei, et Praefecti officio suo non satisfacient, Nos, fratresque nostri ea de re admoniti, illos pro demerito puniri faciemus, dummodo Serenissimus Turcharum Imperator ex sua parte idem fieri curet.

Adferet autem ad tuendam, et conseruandam in Confiniis tranquillitatem publicam multum momenti, si conuentum, et constitutum fuerit, ne liceat Praefectis, et Subditis amborum partium intertenere, et alere Haidones, seu Martalossos *a)* plagarios, atque id genus gregariorum hominum, qui non sunt alterutrius Principis stipendio conducti, sed rapto viuunt, et quicumque eos aluerit, vt is pro demerito puniatur. Quocirca Oratores nostri hanc

a) *Martalossorum* nomenclatio duntaxat in Diplomatica Hungarica vsuuenit, accepta a *Martalótz*, vel *Lelkek-martalóttzi*, id est: *Mangones Seruorum Seelenverkäufer*, *Skavenhändler*.

quoque conditionem praesenti Tractatui inseri studebunt.

Et, quo melius obuiam eatur temeritati, et audaciae improborum hominum, denuo quoque firmiter statuendum erit, vt, si contigerit Pacis tempore a Serenissimi Imperatoris Turcharum Praefectis, militibus, vel subditis, in quorum numero Transiluanum etiam, et quoscunque Passas, et Sanziackos intelligimus, Ciuitatem aliquam, vel Oppidum, Arcem, Castellum, Fortalitium, seu qualemcunque locum nostrum, vel charissimorum fratrum nostrorum, quocunque praetextu quaesito, siue per vim, et aperto Marte expugnari, aut furtim etiam, et per clandestinas machinationes intercipi, tunc locus ille absque vlla tergiuersione ad manus nostras, et fratrum nostrorum illico restituatur, ii vero, qui violentiam illam fecerint, capite plectantur. Et hoc intelligi, immo etiam expresse, et nominatim constitui debet non modo de ijs locis, qui Nobis, fratribusque nostris immediate sunt subiecti, sed de illis etiam, qui ad Subditos nostros pertinent, siue illi sint rebelles, siue fideles nostri, quia plane consentaneum est omni rationi, et aequitati, ac vtrique etiam parti valde commodum, et vtile, quod haec Constitutio non solum in castris, arcibus, ac locis, sed reliquis quoque rebus, et bonis rebellium locum habeat, prouti alias quoque Oratoribus nostris obseruandum erit, et quae

de nostris, et Serenissimorum, atque charissimorum fratrum nostrorum locis, rebus, et bonis ad Nos immediate pertinentibus tractabuntur, eadem etiam ad Subditos nostros, eorundemque fratrum nostrorum referantur.

Similiter iuxta priorem Diui quondam Domini Genitoris nostri, et nostram quoque Capitulationem, cum Serenissimo quondam Sulthano *Solymanno* initam, expressis verbis paciscendum est, ut quicumque, vel nostri, ac charissimorum fratrum nostrorum, ipsiusque Tarcharum Principis milites, ac subditi post publicationem huius pacis, et amicitiae ab altera parte capientur, mox ubicunque fuerint, libertati restituantur, et sine impedimento, vel alicuius pretii pactatione, siue solutione domum dimittantur, nec ullo modo, colore, vel ingenio quaesito, detineantur, mancipientur, vendantur, siue donentur.

Et, quia interdum vsuuenit, Captiuos effugere, atque etiam Subditos, Officiales, et stipendiarios milites ad alteram partem transire, existimamus ea in re similiter certam, et utrique parti aequabilem rationem pro coercenda inconstantia, atque perfidia militum, ambabus partibus stipendia facientium, constituendam esse. Itaque volumus, ut Oratores nostri elaborarent, et omnibus modis statui, et concludi studeant, ut, si quis Captiuus alterutrius par-

tis, perfractis vinculis, aut carcere, vel quocunque modo elapsus euaserit, fugaque sibi salutem quaesiverit, ne teneatur altera pars illum restituere, sed possit ille, adepta libertate, sine periculo illius, a quo profugit, apud suos potiri, atque gaudere, ita, vt pariter vtrinque admittantur, nempe Christiani apud Nos, et Turcae apud Turchas, secus vero obseruetur de transfugis illis, qui cum in alterutrius stipendio, atque seruitio existant, vel in Ditione eius habitent, ad alteram profugiant, atque desciscunt, vtpota, si subditi, officarii, vel milites Christiani ad Turchas, et rursus Turcae ad Christianos profugerent, tales nequaquam liceat hinc inde admitti, sed vtraque pars firmiter adstringatur ad restitutionem illorum. Etenim hac ratione non solum satisfiet religioni vtriusque partis, sed insuper quoque subditi, ac milites hinc inde tanto facilius in officio, fide, et obedientia continebuntur.

Praeterea cum ex duellis quoque, et prouocationibus saepenumero grauiiores discordiae, turbae, ac motus oriantur, plurimum etiam momenti adferet ad firmitatem, et conseruationem pacis, beneuolentiae, et quietis publicae, vt illa, durante pace, prorsus sint prohibita, et illicita, et quicumque alium ad singulare certamen ausus fuerit prouocare, is petente, et instante altera parte, grauissime puniatur. a)

b) Iudicio Duelli iam per MATH. Decr. VI. ar. 18. et VLAD- Decr. I. ar. 37. abolito, et Dehonestatio-

Et, quoniam constat, superioribus annis paci, et amicitiae, quae Diuo quondam Domino Genitori nostro cum Serenissimo quondam Sulthano *Solymano* intercessit, nonnunquam haud parum offecisse tam aedificationem novorum Castellorum, Arcium, et Munitionum, quam veterum instaurationem; ideo consultum est, nunc eiusmodi difficultates praecavere, et hac quoque in re modum statuere, cui vtraque pars se conformet. Itaque Oratoribus nostris enitendum est, vt in hac parte statuatur, et concludatur, quod vtrique parti liberum, et licitum esse debeat, pro arbitrio, commodo, et necessitate sua aedificare, reparare, munire, et fortificare quaevis loca, quae directe, immediate, et absque vlla controuersia in aedificantis Solo, Ditione, atque Districtu sita esse dignoscentur, neque ei in hoc ab altera parte quicquam impeditenti, siue negotii exhibeatur. In alieno vero Solo, Ditione, atque Districtu quemuis locum aedificare, reparare, munire, seu fortificare posthac, durante pace, minime liceat.

nis processu, ac poena per ar. 94. 1649. ar. 28. a 1715. ar. 57. a. 1723. stabilita, in Hungaria Duello, quod vel mutilationem corporis, vel necem post se trahit, sub nullo titulo locus esse potest. Quemadmodum enim iudicialiter amplius imponi nequit, ita tanto minus arbitrarie, et et sponte sine animaduersione a quopiam suscipi

Et quia vt antea quoque demonstratum est, in Regno tam amplo, et dilacerato, ac varias in partes distracto aegre praecaueri poterit, quin interdum vltro, citroque oriaturs aliquid discordiae, atque incommodi, non abs re fuerit, tempestiue prouidere, certamque rationem inire, ne forte aliquando ex parua discordia militum, subditorumque alterutrius partis maiores motus, et turbae nascantur, idcirco Oratores nostri agant, et procurent, hinc inde pactum, et conuentionem fieri, vt, si quando magnae, et arduae aliquae differentiae, vel super aliquo praemissorum articulorum, vel aliis quibuscunque de rebus orientur, quae matura prouisione, et remedio opus habeant, illae protinus referantur ad cognitionem Commissariorum, qui sint Viri graues, probi, prudentes, experti, atque pacifici, in hunc euentum primo quoque tempore, ex vtraque parte pari numero eligendorum, et hi loco opportuno conuenientes sine exercitu cum aequali Personarum numero, et comitiua, omnes et singulas eiusmodi controuersias emergentes audiant, cognoscant, decidant, et amicabiliter componant, et talis denique modus, et ordo constituatur, quo vtraque pars suos homines, et subditos citra omnem tergiuersionem, vel praetextum grauissimis poenis ad sinceram, et firmam pacis obseruationem compellat.

Quando vero negotia illa tanti forent momenti, quod per Commissarios vtriusque partis componi, et explicari non possent, tum illa ad Nos, et Serenissimum Imperatorem Turcharum remittantur, quo ipsimet de iisdem componendis, sedandis, et extinguendis viam, et rationem aliquam inire possimus.

Est et aliud, de quo in praesenti tractatu transigere oportebit, videlicet, ut homines nostri, quos posthac habituri sumus in Porta Serenissimi Imperatoris Turcharum, siue ii Oratoris, siue Agentis, siue Procuratoris a) munere fungentur, vel quemcunque titulum obtinebunt, ii Oratorum libertate etiam, ac privilegiis, immunitatibusque frui possint, ac debeant, quemadmodum aliorum Principum, qui Serenitati illius amici sunt, Procuratores frui solent, aut debent, habeantque liberam potestatem conduendi Dragomannos b) siue Interpretes, quos, et quocunque velint, et litteras mittendi, et recipiendi.

Similiter non impediuntur etiam homines, aut Nuncii nostri, qui interdum ad amplissi-

a) Hodie Aula Caesareo Regia Vindobonensis ad Portam Ottomanicam plerumque *Internuncios* tenet.

b) Istorum munus prae primis eminet, cum Legati apud Imperatorem se nomine Principalium suorum sistunt. Tum enim publice interpretantur Legationis puncta, atque causam. V. *Zeitungslaricon* pag. 34.

nam illam Portam, vel ad hominem nostrum, qui ibi residebit, aut etiam ab eo ad Nos per quamcunque viam mittentur, quin potius eisdem omnis fauor, et auxilium praestetur.

Casu vero, quo mentio incideret de Commercio, et mutua negotiatione, omnis generis mercium hinc inde inter subditos vtriusque partis instituenda, et dum Pax durauerit, exercenda, Oratores nostri poterunt, atque debebunt respondere, ex quo huc vsque obseruari consueuerit certus modus quoad negotiationem pecuariam, eundem modum posse, atque debere in futurum etiam obseruari, ita tamen, vt istiusmodi commercium pecuarium ad alias merces, cuiuscunque generis existant, de quibus huc vsque non solita sit fieri, et continuari negotiatio, non extendatur, sed in hac parte res omnis in eo, quo nunc est, statu permaneat.

Has vero Conditiones, et Articulos pro firmiore Pacis robore Serenissimus Turcharum Imperator, perinde ac Nos, sese firmiter, inuiolateque obseruaturum, sub fide, ac verbo suo promittere, necessariisque, et opportunis litteris, in quibus memoratae Conditiones omnes, prouti de iis conuentum, et transactum fuerit, ordine, atque perspicue contineantur, statim confirmare debbit. Idque, vt fiat, et vt tales Litterae quam primum ad Nos transmittantur,

Oratoribus nostris enixe postulandum erit, et vice versa promittendum, quod Nos quoque similes Litteras confirmatorias absque dilatione aliqua ad Serenitatem eius transmissuri simus.

Recordamur praeterea Illustrissimum, ac Magnificum *Mechmeth* Passam non solum in suis ad Nos Litteris postulasse, vt in gratiam Imperatoris sui, et pro contestanda integritate, et beneuolentia nostra vellemus etiam nunc statim manumittere, pristinaeque libertati restituere insignes aliquot Turchas captiuos, et nominatim Sanziackos Albensem, Fillekiensem, et Clissensem. Verum ea de re perquam accurate cum ipso *Alberto de Wyss* coram quoque egisse, pollicendo, Turcharum Principem Nobis vicissim in manumittendis aliquot captiuis Christianis haud grauatim gratificaturum esse, a quo, si dicti Oratores nunc iterum interpellabuntur, debent ei constanter affirmare, quod Sanziacki illi non sint amplius in potestate nostra, et quod non habeamus in usu, sicuti nequaquam etiam conueniat, eos e manibus eripere viris illis bene meritis, quibus semel donati sunt. Verum tamen non esse, quod *Mehmeth* Passa de illis sit multum sollicitus. siquidem illi alias breui sint libertatem consecuturi, numerato, quod pacti iam sunt, redemptionis pretio. Alios autem insignes Turchas, qui apud Nos capti essent, nullos sane Nos scire, vtrum vero ali-

qui sint in aliorum manibus, id similiter Nobis non constare. Et quamvis etiam adessent, tamen in tempore, et ante ipsorum Oratorum nostrorum discessum, qui hanc ob causam non fuerit differendus, non potuisse inuestigari, daturos tamen Nos operam, ut perquirantur per omnia Confinia, et quando aliqui fuerint inuenti digni tam praeclara Serenissimi Imperatoris intercessione, Nos etiam in hac parte Serenitatis eius, ut decet, candidum Amicum, bonumque Vicinum, rationem habituros, ac sinceræ benevolentiae officio minime defuturos esse, confidentes etiam Serenitatem eius, dictumque *Mehmeth* Passam Nobis, ut pollicentur, eodem officii genere responsuros.

Quod vero ad *Stephanum Báthory* attinet, quem itidem petiit *Mehmeth* Passa Principis sui nomine a Nobis dimitti, respondeant Oratores nostri, si de dimissione eius interrogabuntur, eum contra Ius Gentium non fuisse detentum, neque etiamnum captum teneri, sed iustis, et rationabilibus ex causis arrestatum fuisse usque ad exitum negotiorum, de quibus tunc temporis inter Nos, et Transsiluanum agebatur, quem huc usque nec Regis quondam *Iohannis* filius, nec quisquam alius repetierit, nisi quod antehac obiter mentio iniecta sit, si ipse *Báthory* dimitteretur, futurum, ut vicissim etiam vxor, et liberi *Melchioris Balassæ* dimitterentur. Verum tamen, posteaquam factus fuerit in hoc



pacis negotio bonus aliquis progressus, Nos in dimittendo illo, nullam etiam difficultatem esse facturos, sed illum praesertim respectu Serenissimi Imperatoris Turcharum libenter dimissuros.

Cumque Nobis relatum sit, vnum ex Interpretibus, qui inseruire solent Oratoribus nostris *Constantinopoli* residentibus, nomine *Dominicum Zeffy*, propter imputationes quasdam ipsi factas, quod notitiam habuerit de fuga vxoris *Michaelis Zernouicz Coffam* fuisse relegatum, Oratores nostri, legatione hac sua feliciter confecta, debebunt etiam pro illo intercedere, vt illi ignoscatur, et facultas redeundi *Constantinopolim*, ibique habitandi, a) et in futurum etiam, si voluerit, Oratoribus nostris inseruiendi, concedatur.

Similiter debebunt tunc Oratores nostri intercedere, nomine nostro, pro quodam Capitaneo *Hieronymo Fabiano de Sancto Remo*, qui Capitaneus fuit vnus triremis Principis *Andreae*

a) *Zeffy*, aut potius *Ceffi* origine Italus, plurimaeque linguarum, cum primis Turcicae gnarus, faciendi quaestus causa, *Constantinopoli* domicilium fixit, et nunquam non Oratoribus caesareo regiis in interpretando auxiliatus est. Quod Nobilis Serbliei *Csernovich* vxori, a Turcis captae, fugam aperuisse putaretur, *Coffam*, urbem in Crimea, a Russis hodie insigniter munitam, relegatus fuit.

ab *Auria* b) atque ad praesens prope *Constantinopolim* in turri maris nigri captus detineri dicitur, vt, si fieri queat, nostri intuitu libertatem recuperet, siquidem Nobis ab Oratore Serenissimi, et Catholici Hispaniarum Regis c) in Aula nostra residente, clementer gratificari cupimus, magnopere commendatus est.

Cum insuper fieri queat, vt Galli, atque Veneti apud Turcharum Principem laboraturi sint, quo et ipsi in hac Pace comprehendantur, Oratores nostri curare debent, vt, si quid tale in medium adferretur, ipsi artificio aliquo pro sua industria, et dexteritate eiusmodi desiderium, et conatus illorum eludant, efficiantque, quo possimus huiusmodi consortium effugere, ostendendo, se de praedictis, vel aliis Principibus, praeterquam Serenissimo, atque Catholico Hispaniarum Rege fratre, et Patruale nostro charissimo huic paci includendis, nihil in mandatis a Nobis accepisse.

Illud tamen post finem negotiorum nostrorum, factaque plena de suprascriptis Conditionibus omnibus transactione, poterunt, ac debebunt Oratores nostri, siue interrogati fuerint, siue non, de iam dicto Serenissimo fratre nostro Rege Catholico polliceri, si Serenissimus Turcharum Princeps

b) Alias etiam dictus *Dux Orensis* ex Galicia Hispaniae oriundus.

c) i. e. Philippi II.

cupiat etiam cum eodem Hispaniarum Rege, fratre nostro, amicitiam contrahere, pacemque colere, Nos haud grauatim partes nostras interposituros esse, nec dubitare, quin Serenitas illius pro mutua, et arctissima sanguinis coniunctione, quae Nobis, et Serenitati eius intercedit, et pro fraterno amore, quo Nos inuicem mutuo complectimur, in hac re, vt in aliis omnibus, voluntati nostrae haud grauatim sit satisfactorus. Itaque Oratores nostri desuper clarum, et certum responsum obtinere studebunt.

De Gallis autem, ac Venetis, aliisque Principibus Christianis in hac pace comprehendendis, si Turcharum Princeps, et Passae Consiliarii eius sponte nihil proposuerint, Oratores etiam nostri vltro nullam mentionem ingerant.

Atque haec quidem sunt, quae saepedictis Oratoribus nostris ad praesens iniungenda, et praescribenda duximus, ad quae in ista Legatione quouis loco, et tempore respiciant, ac sese per omnia, et in omnibus accommodent. Reliqua vero cum in eiusmodi arduis negotiis difficile sit omnia praeuidere, et coniectura assequi, nedum litteris, et Instructionibus praescribi, atque comprehendere, eorundem Oratorum nostrorum eximiae fidei, prudentiae, et industriae committimus, non dubitantes, quum in iis, quae ipsis quotidie occurrunt, probe diligenterque aduertent, ne quid fiat, quod dignitati,

atque existimationi nostrae labem aliquam aspergat, quin immo omnes ingenii vires eo conuersuri sint, vt negotium hoc ad honestum, felicem, et optatum finem primo quoque tempore perducatur.

Si quid tamen Oratoribus nostris offerretur tam graue, atque difficile, quod ipsi per se commode explicare non possent, tum illud ad Nos summa celeritate per specialem Veredarium referant, nostramque benignam Resolutionem expectent.

Tandem vero rebus omnibus confectis, Episcopus Agriensis, et *Christophorus a Tuffenpach*, a) impetrata a Serenissimo Turcharum Imperatore abeundi licentia, et valedictis, atque in suo erga Nos studio diligenter confirmatis Passis, et praecipue Illustrissimo, et Magnifico *Mehmeth* Passa, Supremo eiusdem Imperatoris Consiliario, ad Nos reuertantur, Nosque de omnibus, quae gesserint, humiliter, atque fideliter informent, *Albertus* vero *Wyss* in Porta eiusdem Turcharum Imperatoris deinceps etiam vsque ad aliam iussionem nostram

a) Cum suo ex Legatione reditu Supremus Capitaneus Partium superioris Hungariae creatus, ab excessibus in art. 33. an. 1596. et art. 44. an. 1597. notatur. Vxorem habuit *Euphrosinam Doczy*, contra quam, mortuo iam marito, Nobiles querelas suas prosequabantur. Indigenatu tamen eius Successores in Comitibus an. 1622. per art. 79. donati fuerunt.




permaneant, suaeque ordinariae Legationi solita fide, cura, et animi promptitudine incumbat, in quibus omnibus dicti Oratores nostri exequantur benignam, et expressam voluntatem nostram, omni gratia, et benignitate nostra Caesarea recognoscendam. Datum in Arce nostra regia *Posonii* die vigesima quinta mensis Iunii, Anno Domini millesimo quingentesimo sexagesimo septimo, Regnorum nostrorum, Romani quinto, Hungariae quarto, Bohemiae vero decimo nono.

Maximilianus m. p.

Ad mandatum Sacrae
Caesareae Maiestatis proprium.

(L. S.)

M. Singkhmoser m. p.



XXXII.

Ad Ant. Verantium.

Maximilianus Imperator pollicetur Antonio Verantio, Episcopo Agriensi, per tempus suae in Legatione Constantinopolitana absentiae, omnem fratrum, et nepotum suorum curam, et protectionem; quum publicis Litteris confirmat. Posonii d. 29. Iunii 1567.

Nos MAXIMILIANVS *Secundus*, Dei Gratia 29. Iun. 1567.
electus Romanorum Imperator, semper Augustus, ac Germaniae, Hungariae, Bohemiae, etc. Rex, Archidux Austriae, Dux Burgundiae, etc. Recognoscimus per praesentes: Quod Nos habentes respectum ad fidelia seruitia, et merita fidelis nostri Reuerendi *Anthonii Verantii*, Episcopi Agriensis, et Consiliarii nostri, quae ipse annis superioribus, viuentis Sacratissima olim Maiestate Caesarea, Domino, et parente nostro obseruandissimo, in Legatione sua Constantinopolitana a) Nobis, et Regno nostro Hun-

a) Successum suae ad *Solymanum* Legationis *Verantius* tam ad fratrem *Michaellem*, quam ad *Ferdinandum I.* Imp. genuine perscripsit. Vtramque Narrationem, ex autographo vulgavit M. GEORG. KOVÁCHICHICHIVS *Script. rer. Hung. minor. inedit.* Tom. II. Num. XVI. pag. 157. Num. XVII. pag. 177. et XVIII. pag. 180.

gariae praestitit: tum etiam, quod hoc quoque tempore iterum ad Turcarum Principem *Sely-mum* nostro nomine proficisci debebit. Quae Legatio cum dubia, et incerta, plenaque sit periculis, ut ipse eam alacrius, et minori cum cura rei familiaris, Nepotumque suorum subire, et perferre queat: Eundem in eo assecurandum esse duximus, quod Nos fratres nepotesque, et Consanguineos suos habebimus commendatos, a) eosque gratia, et clementia nostra Caesarea, et regia prosequemur, et si qui ex eis erunt habiles, et ad beneficia ecclesiastica apti, et idonei, Nos respectu seruitiorum, et fidelitatis dicti Episcopi de talibus beneficiis, quae vacauerint, et ad quae fratres, nepotes, et affines ipsius idonei videbuntur, eis conferendi non erimus iuvenes, aliisque etiam modis eos clementer, et benigne tueri, ac pro ratione, moribus, et conditione eos clementer, et benigne tueri, ac promouere, gratiamque nostram illis impertiri non negligemus. Immo assecuramus, et certificamus. Harum nostrarum vigore, et testimonio Litterarum. Datum *Posonii* die

a) Inter eius Cognatos praecipue *FAVSTVS* Regi a Secretis eminuit, qui Vitam *Antonii* adornauit, insertam *KOVÁCHICHII Script. min.* Tom. I. pag. 194. et *Dictionarium quinque Linguarum* 4. *Venetis* 1595. hodie perrarum.

vigesima nona mensis Iunii, Anno Domini Millesimo Quingentesimo Sexagesimo septimo.

Maximilianus m. p.

(L. S.)

Nicolaus Olahus

Strigonien. A. Ep. m. p.

Georgius Bochkay m. p. a).

a) Inconstantis ingenii hominem cognosce ex FR.
BVDAI *Magy. Orsz. hist. Lex.* Tom. I. pag. 445.

XXXIII.

Ad Ant. Verantium, et Christoph.
Teuffenpach.

Maximilianus Imp. committit Oratoribus suis Verantio, et Teuffenpachio, ut sinistros belli rumores Bassae Budensi referant, Turcarum Imperatori enarrandos, nisi homines suos ad quietem composuerit. Posonii d. 3. Iulii 1567.

Reuerendo, deuoto, ANTHONIO VERANTIO,
Episcopo Agriensi, ac Nobili, CHRISTOPHORO a
TEUFFENPACH in *Mairhofen*, Consiliariis, et
Oratoribus nostris Constantinopolim destinatis,
fidelibus Nobis dilectis.

(L. S.)

Redditae Comaromii 4. Iulii 1567.

MAXIMILIANVS *Secundus* Dei gratia electus Romanorum Imperator, semper Augustus, ac Germaniae, Hungariae, Bohemiaeque Rex.

Reuerende, deuote, ac Nobilis, Fideles Nobis dilecti. — Rumores e diuersis locis alatos, ex Scripto a) hisce nostris incluso cognoscetis, qui cum Induciis, ac mutuae tranquillitati inter Nos, ac Serenissimum Principem Turcarum stabiliendae consentanei minus esse videntur. Committimus vobis clementer, cum Dei benignitate *Budam* feliciter perueneritis, *Passae* ibidem existenti, eiusmodi rumores copiose referre, et quia suum esse illarum partium sui Principis Ministris imperare asseruerit, eundem admonere velitis, vt illos sui Principis Ministros statim, et de facto quiescere iubeat, secus enim vos aliud facere non posse, quin omnem rei statum ad eius Principem deferatis, sicuti hoc ipsum in eum finem *Passa*, ipse nihil egerit, vos facere volumus, atque mandamus, clementem in eo nostri voluntatem executuri. Datum in arce nostra Regali *Posonii* die tertia mensis Iulii Anno Domini Millesimo quingentesimo sexagesimo septimo, Re-

3. Iul.
1567.

a) Scriptum, ad quod hic prouocatur, autographo nostro adiectum non est.




gnorum nostrorum, Romani quinto, Hungariae
quarto, Bohemiae vero Decimo nono.

Maximilianus m. p.

Ad mandatum Domini
Augustiss. Imperatoris proprium

W. v. Sieringer m. p.



XXXIV.

Ad Eosdem.

Maximilianus Imperator iubet Oratores suos Verantium, et Teuffenpachium iter accelerare. Posonii 4. Iulii 1567.

Reuerendo, ac Nobili, fidelibus Nobis dilectis ANTHONIO Episcopo Agriensi, ac CHRISTOPHORO a TEUFFENPACH in *Mairhofen*, nostris Consiliariis, et Oratoribus ad Imperatorem Turcharum ablegatis

Cito
Cito
Citissime
Cito
Cito
Cito

(L. S.)

Comaromium

Redditae Comaromii 5. Iulii 1567.

MAXIMILIANVS *Secundus*, diuina fauente clementia electus Romanorum Imperator semper Augustus, etc.

4. Iulii. Reuerende, ac Nobilis, Fdeles Nobis di-
 1567. lecti. — Iniungimus vobis, vt profectionem vestram, quantum fieri potest, maturetis, nec *Comaromii* vllam moram faciatis. Haec enim est benigna et expressa mens, ac voluntas nostra. — Datum in arce nostra Regia *Posonii* die quarta Iulii Anno Domini Millesimo quingentesimo sexagesimo septimo, Regnorum nostrorum, Romani quinto, Hungariae quarto, Bohemiae vero decimo nono.

Maximilianus m. p.

Ad mandatum Sacrae
 Caesareae Maiestatis proprium

M. Singkhmoser m. p.



XXXV.

Ad Eosdem.

Maximilianus Imperator Verantii, et Teuffenpachii facta probat, utque Bassae Budensis in sua Statione mansionem vrgerent, commendat, et de Congregatione Capitaneorum pone Papam eosdem informat. Posonii d. 23. Iul. 1567.

Reuerendo, ac Nobili, fidelibus Nobis dilectis, ANTHONIO VERANTIO, Episcopo Agriensi, ac CHRISTOPHORO a TEUFFENPACH in *Mairhofen*, nostris Consiliariis, et Oratoribus ad Imperatorem Turcharum ablegatis.

(L. S.)

Redditae in Tatar Pazarchyth 7. Aug. 1567.

Reuerende, ac Nobilis, Fideles, Nobis dilecti. Redditae Nobis fuerunt binae Litterae vestrae, quas *Budae* duodecima die vertentis 23. Iul. 1567.

mensis ad Nos dedistis, a) unde cognouimus, quae vobis eousque in isto Legationis vestrae initio occurrerunt: neque potuimus committere, quin vobis super iisdem benignam mentem nostram per hasce Litteras significaremus.

Itaque imprimis gratiose probamus, ex quo Praefectus Strigoniensis vobis non fecit potestatem secum familiariter colloquendi, quod ei destinatum munus non dederitis, sed potius alteram Cuppam nomine nostro donaueritis Ministro illi primario Spectabilis, et Magnifici Passae Budensis, in Litteris vestris nominato, ut, qui Nobis in hoc Pacis negotio, et procuranda diligenti Induciarum observatione bonam videatur operam nauare posse.

Deinde probantur etiam Nobis perbenigne quaecumque vos cum dicto Passa egisse scripsistis, qui cum multis iam argumentis sese ostenderit humanum, tractabilem, et pacis, ac quietis valde studiosum, Nobis, sicuti nuper scripsimus e Consilio nostro bellico, gratum foret, quod in Praefectura illa Budensi, quam modo obtinet, in futurum quoque maneret, vobisque proinde nunc rursus benigne, et expresse iniungimus, ut quatenus vos etiam, et Collega vester, Nobilis, fidelis, Nobis dilectus *Albertus de Wyes*, id expediens, et consultum fore iudicaueritis, apud Serenissimum Impera-

a) Vide eas apud KATONA *Hist. crit. Reg. Hung.* Tom. XXIV. pag. 409.

torem Turcharum, et Illustrissimum, ac Magnificum *Mehmeth* Supremum Serenissimi Turcharum Imperatoris Consiliarium, vel ubicunque opportunum erit, verbis nostris instetis, et petatis, vt praefatus Bassa Budensis, vt cui confidamus observationem Induciarum, et Pacis maiori, quam cuipiam alteri, curae esse futuram, alio transferatur, sed in hac Praefectura in posterum etiam relinquatur-

Gratum itidem Nobis est, quod idem Budensis Passa Nuncium quendam ad Nos expedire decreuerit, ideoque pro illo per praesentem Postam, quas petiit, publicae fidei, seu Saluiconductus Litteras mittimus.

Quod autem allatum fuit, ad dictum Passam de congregatione quorundam Capitaneorum nostrorum cum non exiguo militum numero apud *Papam a)*, et apparatibus etiam, ac progressu Comitis *Georgii a Salmis b)* supremi nostri Capitanei Iauriensis, de eo vos scire volumus, Congregationem eiusmodi non fuisse offendendi gratia institutam, sed tantum propter defensionem, atque conseruationem Ditionis, et fidelium Subditorum nostrorum, siquidem

a) Intelligitur huius nominis Oppidum in Comitatu Veszprimiensi ad Comites *Eszterházy* pertinens, olim etiam arce munitum fuit, cuius fata legi queunt in KRECKWITZ *Beschreib. des Königr. Hung.* pag. 570.

b) Conf. *Uniuers. Lexic.* Tom. XXXIII. pag. 979.

constans fama percrebuerat, Sanziackum Albensem, contractis copiis, aliquid hostilitatis contra Ditionem nostram moliri, cuius conatibus, ut Comes ipse pro ratione officii sui obisteret, Ditionemque nostram, ubi opus esset, propugnaret, copiis coadunatis, egressus est, eademque opera tunc etiam *Wesprimium a)*, et *Falotham b)* diuertit, ut, quae in iis locis essent necessaria, curaret, atque disponderet. Inde pacifice, et sine offensione ad stationem suam reuersus. Equidem non patiemur, ut ex nostra parte quicquam moueatur, vel suscipiatur, quod Induciis, et amicitiae, ac bonae vicinitati repugnet, modo ex altera quoque parte idem fiat, et obseruetur. Quod in ista Porta nomine nostro firmiter polliceri poteritis.

Quod reliquum est, vobis Caesaream gratiam, et benignitatem nostram deferimus. Datum in arce nostra *Posonii* die vigesima tertia Iulii Anno Domini M. D. LXVII. Regnorum

a) Ciuitas episcopalis, de qua nonnulla adnotauit VÁLY Magy. Orsz. Le írás. Tom. III. pag. 628.

b) Oppidum iuris Zichiani in Comitatu Wespriuiensi, arce olim Vjlakianorum pollens. Eius vicissitudines describit KRECKWITZ Beschreib. des Königreichs Hung. pag. 568.



nostrorum, Romani V. Hungariae IIII. Bohe-
miae vero XIX.

Maximilianus m. p.

Ad mandatum Sacrae
Caesareae Maiestatis proprium

M. Singkmoser m. p.



XXXVI.

Ad Verantium, Wyss, et Teuffenbach:

Maximilianus Imperator Oratores suos Verantium, Wyss, et Teuffenbach, certiores facit de perceptis eorum Litteris, et Nuncio per Bassam Budensem ad se misso: tum vero iis significat, nec Transsiluanos, nec etiam Turcas in Hungaria, Croatia, et Sclauonia obseruare Inducias, eaque de caussa eosdem ab Imperatore Selymo monendos cupit. Viennae d. 29. Aug. 1567.

Reuerendo, Deuoto, ac Nobilibus, fidelibus Nobis dilectis ANTONIO Episcopo Agriensi, ac ALBERTO de Wyss, et CHRISTOPHORO a TEUFFENBACH in *Mairhofen*, Consiliariis nostris, ac Oratoribus ad Serenissimum Imperatorem Turcharum ablegatis.

(L. S.)

Redditae 12. Octob. 1567. Constantinopoli.

MAXIMILIANVS Secundus Diuina fauente 29. Aug.
clementia electus, Romanorum Imperator sem- 1567.
per Augustus etc.

Reuerende, Deuote, ac Nobiles, fideles
Nobis dilecti. — Accepimus Litteras, quas
tu Agriensis, et tu *Christophore a Teuffe npach Bel-*
grado decima nona Iulii, atque ex oppido *Ta-*
tár-Pasareyth octaua exeuntis iam mensis Au-
gusti a) ad Nos dedistis, et benigno, gratoque
animo intelleximus, quod iter vestrum tam gna-
uiter, ac sedulo promoueritis, confidimusque,
vos iam pridem *Constantinopolim* peruenisse,
atque tractationis vestrae bonum initium fecis-
se, de cuius statu, atque progressu cupimus
primo quoque tempore certam notitiam capere.

Quae vero Nobis ad vos rescribenda oc-
currunt, haec sunt: quod, sicuti per litteras ve-
stras ex *Buda* ad Nos datas ostenditis, Specta-
bilis, ac Magnus Passa Budensis ad Nos mi-
serit Nuncium suum *Kwrth Agam* b) cum mu-
neribus quibusdam pro auspicato amicitiae, et
bonae vicinitatis inter Nos, et Serenissimum Im-
peratorem Turcharum contrahendae signo, con-
testatus insuper sincerum, atque ad Inducias
seruandas, tuendamque, et fouendam hinc inde
concordiam, et quietem publicam propensum

a) Extant illae in RR. KATONA *Hist. crit. Reg. Hung.*
Tom. XXIV. pag. 416.

b) *Agá* Praefecti militaris appellatio, Generalibus no-
stris similis. *Zeitunge-Lex.* pag. 4.

animum suum, petendo, ex quo Hungari aegerrime possint ab exercendis rapinis contineri, vt, remotis ipsis, Loca finitima Praesidiis Germanicis firmaremus *a*). conquestus imprimis de Capitaneo nostro Agriensi, vt, qui Induciis nullo modo satisfaciat.

Ad quae nunciata illius respondimus, atque renunciauimus ea, quae in adiunctis Scriptis *b*) continentur. Cum autem incertum sit, vtrum dictus Passa, quamuis alias se ad observationem Induciarum, Pacemque, et tranquillitatem publicam hucusque satis propensum declarauerit, velit, aut possit eiusmodi postulatis nostris, quae non solum in Litteris nostris, quas nunc illi scribimus, continentur, sed antehac quoque ad eum perferri curauimus, per omnia satisfacere, et efficaciter prouidere in iis, quae Nos ex parte Turcharum contra indicias committi praetendimus, et praesertim, quae quotidie in finibus Croatiae, et Sclauoniae, nec non Transsilvaniae ab aduersa parte attentantur. Nolumus enim vos latere, quod Praefecti Transsiluani aperte profitentur, se a Domino suo in mandatis habere, vt Dominia *Banyam*,

a) En caussa, cur Miles germanus arcibus finitimis illocatus, vnde Statibus Regni frequentioribus in in Comitibus postulatum enatum est, eundem inde educendi, et contra eundem conquerendi.

b) Haec penes nostrum autographum non existunt.

Ohech, a) et *Erdeut* b) sibi vendicent. Id, quod proximis diebus reipsa quoque, nempe exactione Decimarum comprobarunt, quas cum Praefecti, et milites Transsiluani nuper violenter ex villis ad *Ehech*, pertinentibus auferrent, non obstante, quod a nostris placide requisiti fuissent, vt desisterent, quin etiam armis nostros repellere conarentur, ad manus ventum est, ita, vt ex Transsiluanis nonnulli capti, nonnulli vero vulnerati, et interfecti fuerint. Idcirco non abs re duximus vobis quoque haec omnia communicare, vt isthic etiam agatis, et instetis, quo ipsiusmet Serenissimi Turcharum Imperatoris autoritate talibus grauaminibus, ac innouationibus finis imponatur, nouaque mandata desuper a Serenissimo Turcharum Imperatore obtineatis, scilicet, vt Induciae sancte, et inuiolate obseruentur, ac interea dum isthic per vos de rebus omnibus iuxta Instructionem a Nobis acceptam transigetur, villae omnes, quae eo tempore, quo conuenit inter Nos, et Serenissimum Turcharum Imperatorem arma vtrinque deponi, et inducias hinc inde constitui, non fuerunt Turcis tributariae, nunc quo-

a) Scribendum *Etsed* in Comitatu Szathmariensi iuris hodie Karolyiani. De hac arce consulendus est ISTVÁNEFI *Hist. de reb. vngaric.* Lib. XXII.

b) Loze *Erdöd*, aequae iuris Karolyiani in Prouincia Szathmariensi. De hac arce videndus BETHLEM *Hist. de reb. Transsil.* Lib. V.

que nihil soluant, aut contribuant, neque metu, aut vi subiugentur, sicut multis in locis fieri consuevit. Item, ne noua subinde Castella extruantur, prout extrui feruntur in *Bathján a)* *Zeges b)*, et alibi, atque etiam ad *Zabadka c)* futurum perhibetur, qui locus per nostros in bello exustus fuit, et si modo repararetur, posthac receptum, vt antea, praedonibus, multisque dissensionibus, et difficultatibus materiam subinde subministraturus esset. Imprimis vero curandum, et elaborandum erit, vt Transsiluanus iubeatur prorsus abstinere a Dominiis nostris *Ehech*, *Erdeut*, et *Banyae*, siquidem *Banya* cum superioribus mensibus, quo tempore iam inter Nos, et Serenissimum Turcharum Imperatorem per Litteras conuenerat, de armis deponendis, Induciisque seruandis, Transsiluano eam oppugnante, incensis infortunato casu, prout etiam ad *Küewár d)* contingerat,

-
- a) Alias etiam *Csikvár* dicitur ad omnem *Sárvíz*, munimento olim gaudebat, quod bellis Turcicis euastatum est. M. BEL. *Comp. Hung. geographic*, in not. pag. 169.
- b) Lege *Segesd*. Loci vicissitudines memorat *ISTVÁNYFI Hist. de reb. vngaric*. Lib. XXIV.
- c) *Szabadka* castrum erat in Comitatu Hontensi, de cuius fati disserit *KRECKWITZ Beschreib. des R. Hung.* pag. 707.
- d) Conf. *WOLFFG. BETHLEN Hist. de reb. Trans.* Lib. V. Tom. II. pag. 170. et 173.

pulueribus tormentariis, ac disiecta, et euersa munitione, in manus illius incidisset, mox armata manu per copias nostras recuperata fuit, ita, vt neque huius, nec aliorum ante dictorum locorum, ac pertinentiarum possessionem vllam ipsi Transsiluano relinquere cogitemus.

Similiter Bosnensi quoque Sanziacko, et caeteris Sclauonicorum finium Praefectis, qui non cessant in partibus illis Ditionem nostram infestare, et depopulari, rursus firmissime mandari debet, vt quiescant, induciasque melius, quam hactenus obseruent, ne et illis par pari referendi necessitas nostris imponatur.

Quod porro in memoratis litteris vestris humiliter suasistis, vt denuo clementer mandemus promulgata Edicta nostra de Induciis non violandis strictissime, serioque obseruari, id scitote a Nobis iam factum esse, neque de caetero pro parte nostra quicquam praetermissuros, quod ad firmitatem Induciarum, et quietem publicam, cuius sumus studiosissimi, vispectare debetur, dummodo Nobis ex altera parte eadem sinceritate respondeatur. Id quod vobis ad memoratas Litteras vestras gratiose respondere volumus. Datum in Ciuitate nostra *Vienna* die penultima mensis Augusti, Anno Domini Millesimo Quingentesimo Sexagesimo Septimo,

Regnorum nostrorum, Romani Quinto, Hungariae Quarto, Bohemiae vero Decimo nono.

Maximilianus m. p.

Ad mandatum Sacrae
Caesareae Maiestatis proprium,

M. Singkhmoser m. p.

~~SECRET~~

XXXVII.

Ad Eosdem.

Maximilianus Imperator insinuat Oratoribus suis Verantio, Wyssio, et Teuffenbachio Inducias a Turcis denuo violatas esse. Viennae d. 1. Septemb. 1567.

Reuerendo, Deuoto, ac Nobilibus, Fidelibus Nobis dilectis, ANTHONIO, Episcopo Agriensi, ac ALBERTO de Wyss, et CHRISTOPHORO a TEUFFENBACH, Consiliariis nostris, ac Oratoribus ad Serenissimum Imperatorem Turcarum ablegatis.

(L. S.)

Redditae 12. Octob. 1567. Constantinopoli.

MAXIMILIANVS *Secundus* diuina fauente clementia electus Romanorum Imperator, semper Augustus.

1. Sept.

7.

Reuerende, Deuote, ac Nobiles, fideles, Nobis dilecti. — Scriptis iam, et obsignatis aliis Litteris nostris, allata sunt alia quoque Grauamina de violentiis, depraedationibus, et hostilibus factis Turcharum, quibus Inducias violare non desinunt. Quae praesentibus inclusa Vobis transmittimus, a) vt ea vna cum caeteris isthic proponatis, prouti eorum etiam Nuncio Passae Budensis, cras hinc discessuro, copiam fecimus. Datum in nostra Ciuitate *Vien-na* die prima Septembris Anno Domini Millesimo Quingentesimo Sexagesimo Septimo, Regnorum nostrorum, Romani Quinto, Hungariae Quarto, Bohemiae vero Decimo nono.

Maximilianus m. p.

Ad mandatum Sacrae
Caesareae Maiestatis proprium

M. Singkmoser m. p.

a) Acclusum deest.

XXXVIII.

Ad Eosdem.

Maximilianus Imperator, dubius, an Oratores Verantius, Wyss, et Teuffenbach, Litteras per Kwrth Agam transmissas perceperint, easdem illis se alia via transposuisse nunciat, Alberti vero de Wyss epistolam de 11. Iulii sibi redditam significat. Viennae d. 3 Septembr. 1567.

Reuerendo, deuoto, ac Nobilibus, fidelibus, Nobis dilectis, ANTONIO Episcopo Agriensi, ac ALBERTO de WYSS, et CHRISTOPHORO a TEVFFENPACH, Consiliaris nostris, ac Oratoribus ad Serenissimum Imperatorem Turcarum ablegatis.

(L. S.)

Redditae Constantinopoli XI. Decembr. 1567.

MAXIMILIANVS *Secundus* Diuina fauente clementia electus Romanorum Imperator, sēper Augustus, etc.

3. Sept.
1567.

Reuerende, deuote, ac Nobiles, fideles Nobis dilecti. — Quoniam incertum apud Nos est, vtrum Litterae nostrae, quas Passae Eudensi per Nuncium eius *Kwerth* Agam, vocatum ad vos misimus, fideliter, certoque vobis reddentur nec ne? operae pretium duximus vobis in omnem euentum exempla illarum per aliam quoque viam clementer communicare, tibi que *Alberto de Wyss* insuper significare, quod tuas etiā litteras, quas vndecimā Iulii ad Nos dedisti, acceperimus. Ad quas quidem non habemus, quod respondeamus, nisi, quod Nobis sint curae futura ea, de quibus Nos in iisdem humiliter, fideliterque admonuisti, et quod eiusmodi praeclara fides, ac diligentia tua Nobis sit gratissima, quam etiam propensi sumus omni gratia, et benignitate nostra Caesarea erga te quandoque recognoscere. Datum in Ciuitate nostra *Vienna* die tertia Septembris Anno Domini Millesimo quingentesimo sexagesimo septimo, Regnorum nostrorum Romani quinto, Hungariae quarto, Bohemiae vero decimo nono.

Maximilianus m. p.

Ad mandatum Sacrae
Caesareae Maiestatis proprium

M. Singhmoser. m. p.

XXXIX.

Ad Eosdem.

Maximilianus Imperator Oratores suos Verantium, Wyssium, et Teuffenbachium informat de caede Georgii Bethlen per Equites Onodienses patrata, et interceptis in Oppido Thur nonnullis Ottomannis cum Chiausio Imperatoris, quo Turcas coercerent, qui Inducias incessanter violare pergunt, nihilominus Captiuos a se continuo dimissos esse: quod in Porta referendum mandat, ne sinistris narrationibus maior fortassis fides habeatur. Viennae 19. Septembr. 1567

Reuerendo, deuoto, ac Nobilibus, Fidelibus, Nobis dilectis, ANTHONIO Episcopo Agriensi, ac ALBERTO de WYSS, et CHRISTOPHORO a TEUFFENPACH, Consiliariis nostris, ac Oratoribus ad Serenissimum Imperatorem Turcharum ablegatis.

(L. S.)

Redditae Constantinopoli 12. Decembr. 1567.

MAXIMILIANVS *Secundus* diuina fauente clementia electus Romanorum Imperator, semper Augustus etc.

19. Sept.
1567.

Reuerende, deuote, ac Nobiles, Fideles, Nobis dilecti. — Accidit his diebus, quod nonnulli Equites ex arce *Onod a)* egressi in absentia, vt Nobis quidem relatum est, Capitanei eius Arcis vltra Tibiscum profecti, impetum fecerint in oppidum *Thwr b)*, vbi tum pernoctabat Chiaussius quidam Serenissimi Imperatoris Turcharum, et Nuncius Illustrissimi Ducis *Ioannis Sigismundi*, Serenissimi quondam Regis *Ioannis* filii *Gregorius Bethlen c)*, interfecerint, Chiaussium vero cum aliis quibusdam Turcis viuum ceperint. Sicuti Nobis nunciatum est, primum a Nostro Consiliario, et Supremo Exercituum nostrorum in superioribus Regni nostri Hungariae Capiteano, *Lazaro de Schwendy*, et deinde a Spectabile, ac Magnifico Passa Budensi, qui opinatur id ab Agriensibus militibus nostris factum esse. Quod, simul atque intel-

a) Oppidum cum arce in Comitatu Borsodiensi iuris hodie Aspermontiani: quae illic euenerint olim, legi possunt in KRECKWITZ *Beschreib. des Rön. Sung.* pag. 564. quae item sub initium seculi XVIII. ibi acciderunt, huc non pertinent.

b) *Tur*, oppidum famigeratum est in Comitatu Heuesiensi iuris Orcziani.

c) Conf. FR. BVDAI *Magy. Orsz. Histor. Lex.* Part. I. pag. 396.

leximus, prout sane debuimus, vehementer commoti sumus. Quis enim inficias iret, haec, et Induciis, et promissis nostris prorsus repugnare? Quibus sane pro parte nostra tanto animi candore satisfacere studemus, quamvis Equites illi factum hoc excusare conantur, eo, quod proximis diebus etiam Castellanus Agriensis, non quidem in excursione, aut depredatione aliqua, sed in aucupio, dispositis ei per Turchas insidiis, non longe ab *Agria* cum aliis quibusdam Agriensibus militibus captus, et abductus fuit, et quod Turcae quoque nusquam Inducias recte seruent, sed passim in Confiniis incessanter, atque impune omne genus iniurias, violentias, rapinas, et caedes perpetrant. Nos tamen non contenti tali excusatione, omnino constituimus in milites illos, et praesertim auctorem huius facinoris, et Ductorem illorum serio animaduertere, iussimusque Chiaussium illum cum Concaptiuis eius illico eliberari, atque incolumes dimitti. Quia vero non dubitamus Aduersarios nostros, qui nihil magis optant, quam offerri sibi commoditatem disturbandae praesentis Pacificationis, hoc factam e vestigio, maxima cum vociferatione, et, quam fieri potuit, odiosissimis verbis ad Portam Serenissimi Imperatoris Turcharum nunciauisse, et solitis quoque calumniis exaggerasse, existimamus necessarium esse, vos etiam a Nobis hanc rem exacte cognoscere, ut, si quando vobiscum de hac violentia expostulari contigerit, possitis re-

spondere, et affirmare, nihil in hac parte nostro mandato, scitu, vel permissione factum esse, nec impune laturos, qui culpam sustinuerint, quin etiam Chiaussium illum cum suis concaptiuis absque mora, quamprimum scilicet mandata nostra ad dictum Supremum Capitaneum nostrum perlata fuerint, liberum, et incolumem dimissum iri, Nobisque in futurum quoque curae futurum, ut Induciae pro parte nostra sincere, ac firmiter obseruentur, et violatores earum pro demerito puniantur, dummodo idipsum etiam ex parte Turcharum eadem integritate fiat, sicuti futurum prorsus confidimus. Itaque procurare, et instare debebitis, ut si res aliter isthuc perferetur, eiusmodi obtreptatoribus a Serenissimo Turcharum Imperatore, et Illustrissimo, ac Magnifico *Mehmeth* Passa nulla fides habeatur, sed potius huic nostrae beneuolae informationi locus detur. Scripsimus etiam hac ipsa de re ad Passam Budensem, sicuti ex adiecto exemplo *a)* cognoscetis. Id quod vobis supra scriptam obcausam clementer significandum duximus, Vobis, quod superest, gratiam, et benignitatem nostram Caesaream deferentes. Datum in Ciuitate nostra *Vienna* die decima nona Septembris Anno Domini millesimo quingentesimo sexagesimo septimo, Regnorum nostrorum, Ro-

a) Hoc quoque desideratur.

~~procedit~~
mani quinto, Hungariae quarto, Bohemiae vero decimo nono.

Maximilianus m. p.

Ad mandatum Sacrae
Caesareae Maiestatis proprium

M. Singhmoser m. p.

XL.

Ad Eosdem.

*Maximilianus Imperator iubet Oratores suos adlabo-
rare, quo Franciscus Doczy e captiuitate Turcica
eliberetur. Viennae d. 28. Septemb. 1567.*

Reuerendo, deuoto, ac Nobilibus, fideli-
bus, Nobis dilectis, ANTONIO Episcopo Agrien-
si, ac ALBERTO de WYSS, et CHRISTOPHORO a
TEVFFENPACH in *Mairhofen* Consiliariis nostris,
ac Oratoribus ad Serenissimum Imperatorem
Turcharum ablegatis.

(L. S.)

MAXIMILIANVS *Secundus*, diuina fauente cle-
28. Sept. mentia electus Romanorum Imperator semper
1567. Augustus. etc.

Reuerende, deuote, ac Nobiles, fideles
dilecti. a) „ Conquestus est, Nobis Magnifi-

a) Quidquid in hac epistola asterisco signatum ha-
betur, cryptographicum est.

„ cus fidelis Nobis dilectus *Nicolaus Dotzy de*
„ *Nagduichia* simul cum fratre suo *Gabriele Do-*
„ *tzy*, a) qualiter filius ipsius *Nicolai Fran-*
„ *ciscus* a seruitiis nostris militando, nimirum
„ in exercitu Serenissimi Principis, Archiducis
„ *Caroli*, fratris nostri charissimi, anno prae-
„ terito in Turcicam inciderit captiuitatem,
„ quodque certo compererit, eundem esse mo-
„ do *Constantinopoli*, et captium degere apud
„ *Mechemetem* Passam, prout ex ipsiusmet di-
„ cti captiui filii sui deploratoriis constat litteris,
„ manu eiusdem propria exaratis, humillime
„ supplicando, quatenus pro liberatione eiusdem
„ ad vos, vt, qui ea in re multum praestare va-
„ leretis, clementer perscribere dignaremur.
„ Nos sane eiusmodi paterni animi erga filium,
„ vtpote naturae diuinitus inditam affectionem,
„ et solitudinem compatienter respicientes,
„ nec non fidelia vtriusque, adeoque totius fa-
„ miliae Nobis praestita, grataque semper ser-
„ uitia clementer perpendentes, Supplicantis pre-
„ cibus, omni ex parte pietati, et naturae consen-
„ taneis, deesse nequaquam potuimus, ac proinde
„ vobis clementer mandamus, vt quatenus si-
„ ne impsdimento, ac iactura negotiorum no-
„ strorum, et absque vestro periculo fieri po-
„ test, in supra dicto *Francisco Dotzy* elibe-

b) *Nicolaus* iste *Dotzy de Nagy-Lutse* memoratur in
FR. FORGÁCHII *Comment. rer. Hung.* Lib. II.
pag. 42.

„ rando idoneum aliquem modum, siue id pe-
 „ cuniis, siue gratis, siue Turci cuiusdam ca-
 „ ptiui posset fieri permutatione, faciendum sit,
 „ pro vestra prudentia, et dexteritate etiam,
 „ atque etiam inuestigetur, ipsumque redimatis,
 „ vel quacunque ratione eliberare, saluumque
 „ patris laribus restituere, et parentis sui gemi-
 „ tus tam pio officio subleuare studeatis, et nul-
 „ li curae, labori, vel impendio parcatis, quem-
 „ admodum vos diligentem operam adhibitu-
 „ ros esse non dubitamus, quandoquidem fa-
 „ cturi estis in eo bene gratam voluntatem no-
 „ stram. “ Datum in Ciuitate nostra *Vienna*
 die vigesima octaua Septembris Anno Domini
 Millesimo quingentesimo sexagesimo septimo,
 Regnorum nostrorum, Romani, et Hungarici
 quinto, Bohemiae vero decimo nono.

Maximilianus m. p.

Ad mandatum Sacrae
 Caesareae Maiestatis proprium

M. Singkhmoser m. p.

XLI.

Ad Eosdem.

Maximilianus Imperator committit Oratoribus suis, cumprimis Alberto de Wyss redemptionem Ladislai Gusilii et captiuitate Turcica, expensasque Tabellario persolutas esse annunciat. Viennae d. 4. Octobr. 1567.

Reuerendo, deuoto, ac Nobilibus, fidelibus, Nobis dilectis, ANTONIO Episcopo Agriensi, ac ALBERTO de WYSS, et CHRISTOPHORO a TEUFFENBACH in Mairhofen, Consiliariis nostris, ac Oratoribus ad Serenissimum Imperatorem Turcharum ablegatis.

(L. S.)

MAXIMILIANVS *Secundus* fauente diuina clementi electus Romanorum Imperator, semper Augustus etc.

Reuerende, deuote, ac Nobiles, fideles dilecti. — a) „ Exponi Nobis fecit *Catharina* 4. Oct. 1567.

a) Vti in praecedente, ita in hac epistola comate interclusa ziffria exarata sunt.

„ *Gutschitzen* viduā, qualiter ante sexennium
 „ mariti quondam sui agnatus quidam nomine
 „ *Ladislaus Gusith* a Turcis captus, et *Constan-*
 „ *tinopolim* abductus, adq̃ue *Triremes* vna
 „ cum aliis Christianis misere redactus sit, di-
 „ cti vero Captiui Capitaneus, Egregius, Fidelis
 „ Nobis dilectus *Iohanes Krusitha*) tibi *Alberto de*
 „ *Wyss* de suo proprio peculio centum triginta
 „ Ducatos ad eiusdem liberationem reliquerit
 „ Constantinopoli, pro quibus eiusdem eliberatio-
 „ nem te promoturum esse, memorato Capita-
 „ neo receperis, quod tamen, quia bellicorum
 „ motuum caussa hactenus forsā fieri non potuit,
 „ humiliter a Nobis supplicando petiit, vt eius
 „ promissi te clementer commonefacere digna-
 „ remur; id vero, quia, vt pium, et hone-
 „ stum petenti viduae denegare non potuimus,
 „ vobis simul et seorsim clementer mandamus,
 „ et iniungimus, vt quantum citra negotiorum
 „ nostrorum intermissionem, et iacturam licet,
 „ concessis, et legitimis modis, et rationibus,
 „ quibus poteritis, supradicti captiui eliberatio-
 „ nem suscipere, et procurare non intermitta-
 „ tis, sed e durissimis vinculis exemptum sal-
 „ uum, et incolumem reducat, facturi in hoc
 „ omnimode bene gratam, et expressam vo-
 „ luntatem nostram. “ Datum in Ciuitate no-

a) Conf. de isto FR. FORGÁCHII *Commentar. rer. Hun-*
garic. Lib. XII. pag. 288. Lib. XV. pag. 355. Lib.
 XVII. pag. 465.

stra *Vienna* die quarta Octobris Anno Domini millesimo quingentesimo sexagesimo septimo, Regnorum nostrorum, Romani, et Hungarici quinto, aliorum vero decimo nono.

Maximilianus m. p.

Ad mandatum Sacrae
Caesareae Maiestatis proprium

M. Singkhmoser m. p.

Eidem Epistolae annexum est folium perinde cryptographicum huius significationis:

„ Quae expensae datae sint Tabellario?
„ dixit ille accepisse isthic a Dominationibus
„ Vestris Reuerendissima, et Magnificis trigin-
„ ta Ducatos, a Capitaneo Segniensi accepit se-
„ decim Taleros. Sic cum nollet contentari
„ centum florenis, dati sunt ei Ducati viginti
„ vltra illos centum florenos.

Singkhmoser m. p.

XLII.

Ad Eosdem.

Maximilianus Imperator cupit per Oratores suos, & captiuitate Turcica Iuuenem Ioannem Gál liberari. d. 4. Octobr. 1567. Viennae.

Reuerendo deuoto, ac Nobilibus, fidelibus, Nobis dilectis, ANTONIO Episcopo Agriensi, ac ALBERTO *de Wyss*, et CHRISTOPHORO *a TEUFFENBACH* in *Mairhofen*, Consiliariis nostris, ac Oratoribus ad Serenissimum Imperatorem Turcharum ablegatis.

(L. S.)

MAXIMILIANVS *Secundus*, diuina fauente clementia electus Romanorum Imperator, semper Augustus etc.

4. Oct. 1567. Reuerende, deuote, ac Nobiles, fideles, dilecti. a) „ Conquēstus est Nobis fidelis noster „ dilectus *Adamus Gál* in *Losdorf* b) quod si-

a) Prouti anteriores duae, ita et haec epistola in verbis comate signatis cryptographica est.

b) Locus Comitatus Soproniensis.

„ lium suum *Iohannem* nomine, nouemdecim
 „ annorum Iuuenem apud Spectabilem, ac Ma-
 „ gnificum quondam *Nicolaum Zriny* Comitem
 „ per aliquot annos vt Alumnum habuerit, a)
 „ qui et apud eundem Comitem in praesidiis
 „ Castri *Zygethi* postmodum expugnati a Tur-
 „ cis captus sit, et (quemadmodum ab alio
 „ quodam dicti quondam Comitiss Seruitore,
 „ similiter capto, pro certo comperisset) *Budam*,
 „ et *Constantinopolim*, indeque ulterius ad no-
 „ uem Milliaria ultra mare in Ciuitatem *Bur-*
 „ „ *siam* b) nuncupatam abductus fuerit, vbi mo-
 „ do apud Praefectum, siue Beghum quemdam
 „ Turcicum nomine *Mehemet Tschelebi* in com-
 „ pedibus misere degat. Quapropter humillime
 „ supplicando a Nobis petiit, quatenus pro eli-
 „ beratione dicti captiui sui filij tentanda, et su-
 „ scipienda ad Vos perscribere etiam, atque etiam
 „ dignaremur. Nos sane eiusmodi a natura in-
 „ ditos paterni animi gemituosos affectus, et
 „ suspiria ob misere captiui filium clemen-
 „ ter exaudientes, singulari, et christiana com-
 „ passione moti, calamitosis hisce Supplicantis
 „ rebus, quem alioquin etiam ob eius diuturna
 „ fidelia, ac praeclara obsequia singulari gra-

a) Erat haec olim apud Hungaros laudabilis consue-
 tudo, vt Optimates in Aulis suis complures
 Nobiles Iuuenes experientiae capiendae causa
 alerent.

b) Alias *Prusa* vrbs Natoliae, sedes Praefecti, et
 Archiepiscopi vnus Graeci, alterius Armeni.

„ tia complectimur , ope nostra Caesarea dees-
 „ se noluimus , nec debuimus. Ac proinde vo-
 „ bis clementer mandamus , et iniungimus , vt
 „ de statu eiusce captiui filii sui , qui in reli-
 „ gionis , et christianae fidei nostrae professio-
 „ ne constanter (vt perhibetur) huc vsque per-
 „ seuerauit , diligenter perquiratis , omnesque ,
 „ quibus illum , citra tamen negotiorum nostro-
 „ rum dispendium redimere , et ad Nos saluum
 „ perducere , vel alioquin in Christianitatem
 „ remittere possitis , occasiones legitimas inue-
 „ stigetis , et arripiatis , quo afflictus idem *Ada-*
 „ *mus Gál* opem nostram caesaream nequaquam
 „ frustra implorasse , sed leuamen , et auxilium
 „ inde nostrum cum fructu percepisse , videri
 „ possit , quemadmodum vos pro singulari ve-
 „ stra discretione , et industria facturos esse ,
 „ nihil sane dubitamus , siquidem in eo facturi
 „ estis omni modo bene gratam voluntatem no-
 „ stram. “ Datum in Ciuitate nostra *Vienna*
 die quarta Octobris Anno Domini millesimo
 quingentesimo sexagesimo septimo , Regnorum
 nostrorum , Romani et Hungarici quinto , alio-
 rum vero decimo nono.

Maximilianus m. p.

Ad mandatum Sacrae
Caesareae Maiestatis proprium

M. Singhmoser m. p.

meminisse, quod antehac tibi commendaueramus eliberationem cuiusdam *Casparis Guspari*, qui ad *Gerbas* a) captus, et *Constantinopolim* ductus fuerat, vbi etiamnum detineri dicitur, pro quo, cum iam denuo fuerimus humiliter interpellati, et Nos afflictis istis hominibus, qui Nobis, et Domui nostrae fideliter seruierunt, et dum bonam Nobis operam praestare satagerent, duram quoque captiuitatem inciderunt, ex in-nata nostra benignitate opem nostram non pos-simus denegare, vobis iam semel eius eliberan-di curam demandandam duximus, iubentes, et mandantes, vt, si poteritis commode, et sine negotiorum nostrorum impedimento, libertatem eius apud Serenissimum Turcharum Imperato-rem, aut Illustrissimum, ac Magnificum *Meh-meth* Passam, vel alibi promouere, nomine nostro pro illo intercedatis, miserumque auxi-lio vestro non destituatis.

Similiter vobis etiam clementer commen-damus eliberationem cuiusdam Hispani *Lope-cotan Caravayal* vocati, qui sese, cum esset Capitaneus vnus Cohortis Peditum, ante no-uem annos in seruitiis Serenissimi, et Catholi-cissimi Hispaniarum Regis, fratris, et Patruelis nostri charissimi, in conflictu ad *Mostogan* b) habito, periisse, et cum octo annis fuisset

a) Insula est sub potestate Turcica in regno Tunc-tano.

b) Ciuitas cum portu, et castello in Regno Algeriae.

in potestate Viceregis Algirensis, tandem ab eo se Serenissimo Turcharum Imperatori isthuc dono adductum asserit, pro fraterno namque amore, qui Nobis, et dicto Serenissimo Regi inuicem intercedit, non grauate etiam alter alterius subditis, atque fidelibus, vbicunque possumus, opitulamur. Et in hoc exequemini benignam voluntatem nostram. Datum in Ciuitate nostra *Vienna* die decima septima Nouembris, Anno Domini millesimo quingentesimo sexagesimo septimo, Regnorum nostrorum, Romani, et Hungarici quinto, Bohemiae vero decimo nono.

Maximilianus m. p.

Ad mandatum Sacrae
Caesareae Maiestatis proprium.

M. Singkhmoser m. p.

XLIV.

Ad Eosdem.

Maximilianus responsurus Oratoribus suis ad eorum Relationes de progressu Legationis, vberiore iisdem dat super singulis Punctis Instructionem. Viennae d. 22. Nouemb. 1567.

Reuerendo, Deuoto, ac Nobilibus, fidelibus Nobis dilectis, ANTONIO Episcopo Agriensi, ac ALBERTO *de Wyss*, et CHRISTOPHORO a TEUFFENBACH in *Mairhofen*, Consiliariis nostris, ac Oratoribus ad Serenissimum Imperatorem Turcharum ablegatis.

Redditae sunt Hadrianopoli 13. Ian. 1568.

MAXIMILIANVS *Secundus* Diuina fauente clementia electus, Romanorum Imperator semper Augustus etc.

22. Nov.
1567.

Reuerende, Deuote, Nobiles, fideles Nobis dilecti. — Accepimus ab *Eduardo de Prouisional* Litteras vestras die septima proxime praeteriti mensis Octobris a) datas, vna cum cum exemplo earum, quas antea nem-

a) Vide eas apud KATONA *Hist. crit. Reg. Hung.* Tom. XXIV. pag. 432. — 456.

pe *decima octaua Septembris a) per viam Venetam b)* ad Nos dedistis, Nobis quidem in hunc vsque diem nondum redditas. Ex his autem cognouimus, quae vobis in ista vetra legatione a die, qua vos Episcopo, et *Christophore a Teuffenpach Constantinopolim* apulistis, eatenus quotidie occurrerunt, quatenus in demandata vobis Pacis tractatione progredi potuistis, in qua licet neque Nos tot, et tam graues difficultates expectabamus, quia tamen vos rem omnem ea, qua potuistis, fide, atque diligentia tractauistis, hos etiam vestros fideles conatus non improbamus, sed benigno animo suscipimus.

Et, quod ad rem ipsam attinet, animaduertimus plerisque conditionibus, quas in Instructione vobis data complexi fuimus, et vos primario Serenissimi Turcharum Imperatoris Consiliario Illustrissimo *Mehmeth Passae* descriptas obtulistis, datum fuisse locum, sed adhuc tria praecipua capita in controuersia esse posita, de quibus cum non fuerit vobis integrum certi quicquam polliceri, atque concedere, ad Nos humiliter referendum duxistis, vtputa: de diruendis arcibus, et castris *Tatha*, et *Veszprimio*, de positione limitum, diuisione villa-

a) Vide easdem in RR. KATONA *Hist. crit. Reg. Hung.* Tom. XXV. pag. 417. — 425.

b) Quae hic cursiue exprimuntur, in autographo ziffriis scripta sunt.

rum communium, quantumvis, sicut apparet ex Litteris vestris, Serenissimus Imperator Turcharum, et Passae Consilarii eius magna animorum obfirmatione conati sint super iisdem a vobis virtute Literarum vestrarum credentialium certum, et absolutum, ac desiderio, et voluntati ipsorum congruum responsum, et promissionem extorquere.

Quae quidem tria capita, cum valde sint ardua, et non modo statum, quietem, et permansionem Regnorum, et Dominiorum nostrorum, ac maxime afflictarum Hungariae reliquiarum concernant, sed dignitatem quoque, et existimationem nostram tangant, non potuimus ea ita perfunctorie, et obiter percurrere, sed matura, et accuratissima deliberatione opus habuimus, adeo, vt etiam plusculum in capienda resolutione temporis insumtum sit, et Cursor hic noster serius fortassis, quam sperabatis, ad vos recurrat.

Et quia in his tribus litigiosis articulis primus est ille, in quo petitur demolitio *Thatae*, et *Veszprimii*, ac vicissim offertur destructio *Babolchae*, et arcis *Persentz*, super eo etiam primo loco respondebimus, vobisque animum, et voluntatem nostram declarabimus.

Nimirum ,, a) non dubitamus, vos haud ob,, scure intellexisse ex ea, quae vobis data fuit,

a) Initiales (phorum voces cursiuis expressae litteris, quae autem comate interceptae sunt, ziffria scriptae habentur in autographo.

„ Instructione, Nos ad demoliendum, nedum
 „ restituendum vllum locum, quem in nostra
 „ nunc potestate habemus, non admodum es-
 „ se inclinatos, cupereque istiusmodi molestia,
 „ si vnquam fieri queat, prorsus leuari, nisi
 „ vicissim ex parte Turcharum alia loca, quae
 „ non sint inferioris momenti, destruerentur,
 „ atque sic vtriusque nostrum aequalis esset
 „ conditio. Vbi Nos quoque admonuimus, *Vesz-*
 „ *primium* absque insigni iactura, et periculo
 „ adiacentis Ditionis nostrae desolari minime
 „ posse, de *Thata* vero, et aliis nonnullis le-
 „ uiasculis Arcibus Nos forte non ita acriter re-
 „ clamaturos, si vicissim etiam ex *Selymi* par-
 „ te similia Loca a Nobis nominanda diruerentur.
 „ Ideoque volumus etiam oriente disputatione
 „ de arcibus, et locis hincinde demoliendis, Tur-
 „ cis diligenter inculcari aequabilitatem conditio-
 „ num inter amicos seruandam, atque ex ipsis
 „ Turcis intelligi, quaenam loca ipsi e diuerso
 „ sint demolituri, pertentando animos illorum,
 „ num spes aliqua sit, eos adduci posse, vt
 „ supra dictas arces *Babolcham*, et *Persentz*,
 „ quae alias in illo Districtu sitas diruerent,
 „ ita tamen, vt ne quid certi in hoc puncto,
 „ conluderetis, vel polliceremini, sed volunta-
 „ te *Selymi* penitus perspecta, rem omnem cum
 „ opinione, et sententia vestra integram ad Nos
 „ per Litteras referretis, nostramque desuper
 „ resolutionem expectaretis. “

In hac ,, sententia, et desiderio effugiendi,
 ,, scilicet, si vnquam fieri possit, hanc dicto-
 ,, rum duorum locorum destruendorum neces-
 ,, sitatem, et molestiam nunc quoque persisti-
 ,, mus, et quo magis de ea cogitamus, eo ma-
 ,, gis ab istiusmodi demolitione, vel maxime
 ,, *Veszprimii*, abhorremus. Nam licet *Selymus*,
 ,, et *Mehmeth* Passa ad instantiam vestram, et
 ,, spem ipsis super destructione *Thattae*, et
 ,, *Veszprimii* per vos factam vicissim obtulerint,
 ,, se demolituros *Babolcham*, et *Persentz*, ta-
 ,, men magna est inter nominata ista nostra, et
 ,, illorum Loca inaequalitas, et nulla pene fa-
 ,, cienda comparatio. Etenim Turcae, dirutis
 ,, *Babolcha*, et *Persentz*, nihil plane, et val-
 ,, de parum incommodi sentient, cum haec
 ,, propter angustiam non possit capere magnum
 ,, praesidium, nulliusque ferme Turcis sit vsus.
 ,, Alteram vero *Babolcham*, scilicet veluti rui-
 ,, nosam, et inualidam, collapsis duobus in lo-
 ,, cis moeniis, vt non possent, ita nec in ani-
 ,, mo habuerunt retinere. Sed quamuis id in
 ,, Porta ista negatur, e regione eius in vltorio-
 ,, re ripa fluuii *Rigna* oppidum *Babolcha* enixis-
 ,, se, et quatuor vicinis Saniacchis designata
 ,, vnicuique eorum sua portione demandasse
 ,, perhibentur non alium in finem, quam, vt
 ,, postularet necessitate non simplex tantum
 ,, Praesidium militum ibi interteneatur, sed quan-
 ,, docunque eis libitum fuerit, confluentibus il-
 ,, luc cum copiis suis dictis quatuor Saniacchis,

„ species iusti exercitus ad inuadendam Ditionem nostram illic alatur, habita commoditate Pontis in flumine illo sub ipsa noua *Babolcha*, quam etiam quod caussam, ut scilicet in euentum, quo destruenda foret aliquando *Babolcha*, sicuti iam dudum hanc demolitio- nem animo voluisse videntur, haberent similem, vel aliam magis idoneam opportunitatem; proxime praeterito usque anno castellum nouum in possessione *Barch a)* vocata, ad confluentem Rignae, et Draui erexerunt, ut ibidem non solum peditum, et equitum praesidium interteneant, sed classicum quoque apparatus Nazadarum, ac aliorum nauigiorum habeant, quorum opera, ac praesidio tum liberum in utroque flumine vadum habere, tum absque impedimento per Drauum aduerso flumine ascendere, et quacunque illis libitum fuerit, longe, lateque in ditionem nostram praedatum excurrere queant. E diuerso autem Nos, deletis *Veszprimio*, et *Thata*, longe grauiorem iacturam sumus facturi, siquidem solum *Veszprimium* ob situs opportunitatem multo maioris est momenti, quam *Babolcha*, et *Persentz*. Quapropter, si vel *Thata*, vel *Veszprimium* duntaxat, vel vtrumque simul pro parte nostra delendum foret, ipsi quoque deberent Turcae vice versa praeter *Babolcham* veterem, ac *Persentz*, nouam

a) In Comitatu Simeghiensi iuris hodie Széchényiani.

„ quoque illam munitionem, vt dictum est,
 „ vltra Rignam exstructam, vna cum praedicto
 „ nouo Castello in possessione *Barch* erecto
 „ diruere. “

Cum „ igitur plane persuasum habeamus,
 „ vos memores Instructionis vestrae, Turcis
 „ hanc spem, quam eis iniecistis, diruendi
 „ *Veszprimii*, et *Thatae*, non aliter, quam
 „ vestra parte sponte, atque sub ratificatione
 „ nostra dedisse, Nobisque rem omnem inte-
 „ gram conseruasse. Volumus proinde, et cle-
 „ menter iubemus, vt *Selymo*, seu *Mehmet*
 „ Passae, ac caeteris Passis Consiliariis eius
 „ iam memoratas difficultates, et maxime inae-
 „ qualitatem Locorum vtrunque diruendorum
 „ nostris multo maioris momenti existentibus,
 „ diligenter explicetis, et iterum, atque iterum
 „ inculcetis, ostendendo, quo magis Loca no-
 „ stra illorum commoditate, et opportunitate
 „ exsuperent, tanto plus etiam habere indigni-
 „ tatis, si iis tam facile cedamus, nostramque
 „ Ditionem, ac fideles Subditos dictorum Lo-
 „ corum praesidio, atque refugio denudatos in
 „ extremum discrimen coniiciamus, ac Turcis
 „ diripiendos, captiuandos, et opprimendos
 „ vltro obiciamus, aequitati vero, et rationi
 „ consentaneum esse, si *Selymus* sincere, et ex
 „ animo cupiat Nobiscum Pacem facere, et bonam,
 „ veramque amicitiam contrahere, sicuti sese
 „ velle, manifeste declarauit, et Nos huiusmo-
 „ di declaratione moti, et freti Oratores nostros

„ hanc ob causam ad Serenitatem eius ablegauimus, vt, quemadmodum decet, bonos amicos, condignam quoque rationem ducat dignitatis, et existimationis nostrae, cui voluntaria ista destructio Locorum nostrorum tanti momenti procul dubio aliquid tenebrarum offunderet, praesertim cum vltro videremur Serenitatis suae Praefectis, ac Militibus maximam commoditatem praebere, Ditionem nostram, Pace, vt solent, non curata, assiduis incursionibus, rapinis, et caedibus vastandi, et occupandi.

Itaque „ his, et aliis rationibus, quas secundum vestram eximiam solertiam, et industriam, pro qualitate Loci, et moribus Gentis, ad rem facere iudicaueritis, vltcrius omni studio laborare, et eniti, nihilque prorsus intentatum relinquere debebitis, vt *Selymus* ab hac petitione desistat, dictaque Loca nostra in futurum etiam erecta stare patiatur. Affirmando, non esse, quod dubitatur, Haedones, plagiarios, vel praedones in istis locis deinceps receptum habituros, seu ditionem Turcicam inde infestaturos esse, siquidem probe curaturi, et prospecturi simus, ne quisquam ex praesidiariis illorum duorum Locorum quicquam, quod Induciis, Paci, ac bonae vicinitati minus conueniat, moliri praesumat, sed potius, vt illi in sua statione pacifice contineant, nec quidpiam damni Ditioni Turcicae inferant; ita, vt plane

„ credamus, Serenitatem eius posthac non ha-
 „ bituram in hac parte iustam conquerendi caus-
 „ sam, dummodo nostri a Serenitatis suae
 „ Praefectis, et Militibus ad arma non prouo-
 „ centur. “

Sin autem „ *Selymus*, et *Passae* eius ab
 „ hac petitione, et sententia nullo modo pos-
 „ sent dimoueri, in quo tamen vobis omni cu-
 „ ra incumbendum, et facile nequaquam ce-
 „ dendum erit. Cum demum gradatim proce-
 „ dendo, imprimis nomine nostro concedatis
 „ solam *Thata* sub hac conditione, vt vicis-
 „ sim ex parte ipsorum *Turcharum Babolcha*
 „ vetus, et noua, ac *Persentz* prius diruan-
 „ tur. “

Quod „ si tunc *Selymus*, et eius *Passae*
 „ Consiliarii nec solius *Thatae* demolitione
 „ contentabuntur, sed *Veszprimium* quoque
 „ diruendum omnino contendent, nec aliter in
 „ tractatu Pacis vltcrius progredi volent, sed
 „ eos sese abrupturos, et ad arma redituros
 „ interminabuntur, quos tamen omnibus ratio-
 „ nibus placare, et a proposito isto remouere
 „ studebitis, tunc demum, si secus fieri ne-
 „ queat, ne propterea Tractatus isti disturben-
 „ tur, illis pro *Veszprimio* demolitionem arcis
 „ *Palotae* offeratis, ea tamen conditione, vt
 „ ipsi *Turcae* hoc casu non solum et nouam,
 „ et veterem *Babolcham*, ac arcem *Persentz*
 „ cum supra dicto Castello in possessione
 „ *Barch* erecto destruant, verum etiam castel-

„ lum *Kakath* a) in ripa Danubii e regione *Stri-*
„ *gonii* situm deleant, quoniam quidem ex eo
„ Turcae tum Pacis, et Induciarum, tum bel-
„ li tempore non desinunt in Ditionem no-
„ stram versus Ciuitates montanas, nostram, ac
„ totam circumiacentem illam regionem excur-
„ rere, omnesque illos Comitatus depopulatio-
„ nibus, inuasionibus, extorsionibus, et vio-
„ lentiis omnis generis vexare. “

Et quando „ etiam hanc oblationem diru-
„ endae *Palothae* pro *Vesprimio Selymus*, et
„ Passae eius acceptare nollent, sed *Vesprimii*
„ destructioni insisterent, eamque vrgere per-
„ gerent, vos e diuerso debebitis illis accerri-
„ me, posthabitis quibuslibet illorum conten-
„ tionibus, minis, et iactationibus, adeoque
„ ad extremum vsque conatum reniti, nihilque
„ intentatum relinquere, quo Nobis *Vesprimium* saluum, et incolume conseruetis. “

Verum „ si frustra moto omni lapide, ne-
„ que permutatio ista *Palothae* cum *Veszprimio*
„ obtineri poterit, quin immo certo constiterit,
„ Pacem, et concordiam aliter confici minime
„ posse, sed vel *Vesprimium* diruendum, vel
„ certissimi, grauissimique belli aleam Nobis
„ iam statim denuo subeundam fore, tum de-
„ nique, et non prius poteritis nomine nostro,
„ omissa iam dicta oblatione destructionis Pa-
„ lothensis, concedere demolitionem *Vesprimii*

a) Conf. BELII *Comp. geogr. Hung.* Part. II. pag. 164.

„ vna cum *Thata* potius, quam vniuersum Pa-
 „ cis Tractatum abrumpere. Ita tamen, vt vi-
 „ ce versa quoque Turcae supra nominata Lo-
 „ ca, vt puta: veterem, et nouam *Babolcham*,
 „ *Persentz*, et Castellum in *Barch* possessione an-
 „ no praeterito constructum vna cum castello
 „ *Kakath* e regione *Strigonii* sito diruant. “

Item vt „ vt pagi, qui iam possidentur, ad
 „ *Thatam*, et *Vesprimium*, vel *Palotam* nihil
 „ ominis in posterum etiam Nobis, ac fideli-
 „ bus Subditis nostris ad eas arces, et loca,
 „ ad quae deinceps deputabuntur, census, et
 „ seruitia sua praestent, neque eis in hoc a
 „ Praefectis, et Militibus Turcicis quidquam
 „ impediti, vel molestiae exhibeatur; ne-
 „ que etiam alias vlla eis vis, et iniuria quo-
 „ quo modo inferatur. Et hoc intelligendum
 „ est etiam de villis, et possessionibus, ad *Tha-*
 „ *tam* pertinentibus, in euentum, quo Turcae
 „ solius *Thatae* demolitioni acquieturi essent. “

Caeterum „ si forte *Selymus*, et *Passae*
 „ eius admitterent destructionem nouae *Babol-*
 „ *chae*, ac castelli in *Barch* possessione erecti, ex-
 „ pta munitione, quae iacet in opposito *Strigonii*,
 „ poteritis, posteaquam accuratissima, et in-
 „ stantissima tractatione praehabita, manifeste
 „ apparebit, amplius quicquam obtineri non
 „ posse, ab hac quoque petitione, destruendi
 „ videlicet dicti castelli *Kakath* desistere. “

Praeterea ,, hoc loco illud etiam conside-
,, randum est, vt expressis verbis, ac idonea
,, cautione, seu stipulatione interposita, dili-
,, genter prouidendum, ex quo Turcae, qui,
,, iudicantes fortassis Nos ex suo ingenio, no-
,, lunt in locis ex parte nostra diruendis post-
,, modum quidquam noui construi, et muniri,
,, vt ipsi quoque pro supra nominatis arcibus,
,, et castellis, quae ex ipsorum parte erunt de-
,, lendae, imposterum durante pace, nullam
,, faciant nouam munitionem, vel iisdem in lo-
,, cis, vbi nunc sunt ea, quae debent destrui,
,, vel in aliis, vbi parem, aut maiorem etiam
,, commoditatem inuadendi, et infestandi Di-
,, tionem nostram habere queant, sed absit
,, omnis fraus, et dolus, nec valeat hoc loco
,, praetextus articuli illius, in quo, sicut infe-
,, rius sequetur, vtrique parti conceditur libera
,, facultas in proprio solo, et territorio munien-
,, di, et aedificandi.

Porro ,, caeteri duo Articuli longe om-
,, nium sunt difficillimi. Quantum enim ad li-
,, mitationem in finibus faciendam attinet, ipsi-
,, met quidem non ignoramus, quod pro firmi-
,, tate Pacis valde sit necessarium constitui cer-
,, tos fines, et terminos, quos vetitum sit vtrius-
,, que partis militibus armata manu transcede-
,, re, sed modus istiusmodi limitationis grauis
,, est, ac multis difficultatibus implicitus. Quam
,, enim vobis proposuit limitum distinctionem
,, Supremus *Selymi* Consiliarius, a Nobis ac-

„ ceptari nullo modo potest. Tali namque leo-
 „ nina partitione facta, plures etiam arces cum
 „ maxima Ditionis nostrae in Hungaria parte,
 „ quae Nobis hucusque Diuina benignitate Bel-
 „ li tempore saluae, et incolumes remanserunt,
 „ ex manu, et potestate nostra, praetextu mo-
 „ mentanae, et incertae Pacis distraherentur,
 „ et sic paulatim sine armis vniuerso isto nostro
 „ Hungariae Regno exturbaremur, cum summo
 „ nostro, ac vniuersae familiae, et posteritatis
 „ nostrae dedecore, atque adeo irreparabili to-
 „ tius Christianitatis iactura. Id quod integri-
 „ tati nostrae, qua ad hosce Tractatus acces-
 „ simus, minime congruit, et propterea limi-
 „ tationem istam, cuius mentionem fecit Meh-
 „ meth Passa, salua dignitate, et tuta conscien-
 „ tia nostra acceptare nequaquam possumus.
 „ Et aequum sane est, ex quo *Selymus* postu-
 „ latis eius de destructione *Thatae*, et *Vespri-*
 „ *mii* religionem suam praetendit, vt a Nobis
 „ etiam nihil requirat, quod a nostra religione
 „ sit alienum.

Ad haec, non videmus, quomodo possit
 „ de hoc negotio aliter, quam in re praesenti
 „ agi, et tractari: antehac quoque tempore Di-
 „ ui quondam Domini Genitoris nostri, Augu-
 „ stae memoriae, ac Serenissimi Imperatoris
 „ *Solymani* iudicatum fuit, limites vtriusque
 „ partis rectius, commodiusque discerni non
 „ posse, quam per Commissarios ex vtraque
 „ parte ad id destinandos, Viros probos, gra-

„ ues, mansuetos, et rerum agendarum exper-
 „ tos, quam sententiam Nos quoque secuti, Vo-
 „ bis in Instructione nostra significauimus, ope-
 „ rae pretium fore, postulantibus *Selymo*, et
 „ *Mehmeth Passa*, in finibus certos vtrinque con-
 „ stitui limites, vt id negotii Commissariis ex
 „ vtraque parte pari numero deligendis deman-
 „ daretur, qui circumeuntes Confinia, seruata
 „ qualitate, et iustitia in re praesenti viderent,
 „ et cognoscerent, quomodo poni, et constitui
 „ queant certi, notabiles, et vtrique parti tol-
 „ lerabiles limites, ac termini, intra quos mi-
 „ lites vtriusque partis sese contineant, et vltra
 „ illos, praesertim armati euadere non ausint.
 „ Atque exinde rem omnem ad suos Principes
 „ referent, quo postmodum vterque nostrum,
 „ cognita eiusmodi relatione, Nos inuicem de
 „ sua quisque sententia, et voluntate, medio,
 „ et opera Oratorum, seu Nunciorum edocere,
 „ ac denique desuper transigere, et concor-
 „ dare possemus. Id quod vobis postulandum,
 „ et diligenter tractandum nunc iterum iniun-
 „ gimus, et mandamus.

Eadem „ ratio est de diuisione Villarum
 „ communium, in qua conatur etiam Nos
 „ *Selymus*, seu *Mehmeth Passa*, praetextu Libri
 „ illius sui, quem allegat, supra modum prae-
 „ grauare. Quid enim dici, vel cogitari po-
 „ test minus aequabile, quam, quod Serenitas
 „ eius nolit Subditos, et Colonos in sua Ditio-
 „ ne existentes, qui hactenus Nobis, ac fideli-

„ bus Subditis, Praefectis, ac Militibus nostris
„ perinde, ac Turcis censuales, et tributarii
„ extiterunt, imposterum quoque ad vtramque
„ partem, census, et seruitia pendere, Nostros
„ vero Subditos, et Colonos, qui, positis limiti-
„ bus, in nostro Territorio existere dignoscen-
„ tur, si hactenus ad vtramque partem seruiue-
„ rint, et census praestiterint, in futurum
„ etiam ad id nihilominus teneri. Haec est cer-
„ te differentia maximi ponderis, de qua non
„ poterit etiam rectius transigi, et concordari,
„ nisi ipsa quoque ad futuram transactionem
„ Commissariorum super positione limitum
„ vtrunque deputandorum reiiciatur. Itaque vo-
„ bis omni cura, ac studio connitendum erit,
„ vt *Selymus*, et Passae Consilarii eius conce-
„ dant, quod hoc quoque communium pago-
„ rum, et subditorum diuidendorum negotium
„ Commissariis vtrunque deputandis demande-
„ tur, qui nimirum situ, statu, et qualitate
„ omnium communium villarum, et possessio-
„ num, quae hucusque ad vtramque partem
„ seruire, censusque praestare consueuerunt,
„ cognito, perspecto, et considerato cogitent,
„ deliberent, et placide tractent inter se, abs-
„ que tamen alterutrius nostrum obligatione,
„ et praeiudicio. An, et quomodo diuisio ali-
„ qua honesta, iusta, et aequabilis talium lo-
„ corum, et colonorum possit in omnibus Re-
„ gni Confiniis fieri, atque institui, ita, vt neu-
„ tra pars grauetur, sed aequalis existat vtrius-

„ que nostrum conditio? Qui quidem Commis-
„ sarii postea hoc quoque negotium ad nostram,
„ et ipsius Selymi ratificationem, vel vltorio-
„ rem tractationem, et conclusionem refe-
„ rant. “

Donec „ autem ista omnia per Commissa-
„ rios illos fuerint acta, et gesta, atque a No-
„ bis, et a Serenissimo Imperatore Turcarum,
„ procedente vltiore tractatione, denique ra-
„ tificata, et approbata Pace, nihilominus
„ quoad reliqua concludatur, et hinc inde mu-
„ tuis confirmationis, et ratificationis litteris
„ firmetur, stabiliaturque. Hoc pacto expresse
„ adiecto, vt interim, quoad ista duo Puncta
„ eam definiendorum, et componendorum li-
„ mitum, quam villarum, et colonorum com-
„ munium diuidendorum, res omnis in eo ma-
„ neat statu, in quo nunc est, ac ditio, et
„ subditi, qui hactenus fuerunt communes,
„ imposterum etiam ita existant, cum praestan-
„ dis seruitiis, tum et soluendo iusto, ac eo,
„ qui tempore primae occupationis impositus
„ fuit, censu, iuxta ea, quae antea quoque in
„ hac parte conclusa, et declarata, atque par-
„ tim in prioribus etiam Litteris Pacis compre-
„ hensa esse dignoscuntur, ipsique subditi ad
„ nouas deditiones faciendas non sollicitentur,
„ neque cogantur, quin et certa poena consti-
„ tuatur in illos, qui miseram plebem nouis
„ subinde, et maioribus, quam ab initio factae
„ occupationis pendere soliti fuerunt, exactio-

„ nibus grauare praesumserint. Quoniam No-
 „ bis relatum est, in magnam summam excre-
 „ uisse census miserorum Colonorum post pri-
 „ mam illorum deditionem, ex quo Turcae
 „ contentari nolint ordinariis solutionibus, et
 „ seruitiis, ea in dies magis, magisque au-
 „ geant, et multiplicent, et maxime in muta-
 „ tionibus Praefectorum, Spahyorum, a) et
 „ Besliarum b). Quandoquidem omnes ferme,
 „ qui succedunt antecessoribus suis, nouas, et
 „ grauiores contributiones, census, et seruitia
 „ iniungere consueuerint, id quod fieri nequa-
 „ quam conuenit. “

Itaque „ agite iam, et omnem curam, at-
 „ que diligentiam adhibete non solum apud
 „ Mehmet Passam, et Collegas eius, sed alios
 „ quoque Officiales istius Portae, quos prae cae-
 „ teris apud *Selymum* gratia pollere cognoue-
 „ ritis, quo Serenitas eius matura sententia
 „ sua, quoad Articulos istos de limitibus, et
 „ possessionibus communibus hanc potius viam
 „ eligendorum Commissariorum Nobiscum ineat,
 „ rebus omnibus interea in hoc statu, quo nunc
 „ versantur, relictis. Et quo magis hoc *Mehe-*
 „ *met* Passae persuadeatis, operae pretium fue-

a) *Spahi* sunt equites nobiles ex opulentiore ciuium classe delecti.


b) *Bestis* dicuntur Seruitores Bassarum, si se singu-
 lari fortitudinis actu distinguant, inter Ianitaa-
 ros cooptandi.

„rit, illi saepius de nostra beneficentia, qua
„laborem, et studium illius haud dubie com-
„pensaturi simus, si huic negotio ex animo
„faueat, atque id ad optatum, et felicem fi-
„nem deducat, prolixè polliceri, prout vos
„haec omnia summa fide, cura, et sedulitate
„tractaturos esse, non ambigimus. “

In cæteris „conditionibus, quas *Mehmeti*
„Passae scriptis comprehensas obtulistis, iam
„etiam responso desuper accepto, parum No-
„bis occurrit difficultatis, sed plerasque bene-
„uole probamus, atque admittimus. “

Imprimis „enim placet Nobis Transsilua-
„num ea ratione in hac Pace comprehendì,
„ut in ea Regni Hungariae parte, quae Tibi-
„sco, et Transsilvaniae interiacet, alteruter
„nostrum, quicquid ad praesens possidet,
„deinceps etiam pacifice retineat una cum re-
„liquis conditionibus, quae huic articulo in
„Litteris vestris videntur esse adiectae. “

Similiter „probamus etiam illa, quae con-
„stituta sunt, ne quid ad quamlibet accusatio-
„nem hostiliter contra Nos decernatur, do-
„nec fuerint et nostrae rationes auditaе. Item
„de munitionibus in proprio alterius partis so-
„lo aedificandis (salua tamen conditione, et
„reseruatione, supra dicta) in euentum, quo
„hinc inde demolitionem supra dictorum
„Locorum deueniendum foret. Sic quoque
„placet declaratio facta super eo, ne scilicet
„paruae discordiae finitimorum totam Pacem



„perturbent. Item de libertate, et priuilegio
 „Oratorum nostrorum, maxime in tenendis
 „Interpretibus, ac recipiendis, mittendisque
 „Litteris. “

Quin „ et bene factum est, quod de dimi-
 „nutione muneris honorarii, posteaquam se-
 „mel negatum fuit, immo nec facultas data de
 „ea loquendi amplius, non restiteritis. “

Caeterum „ Pacis tempus consultum erit,
 „vt certo annorum numero omnino definitur,
 „tur, siue ea in octennium, vel decennium si-
 „ue longius extendatur, neque ad alterutrius
 „vitam duntaxat constituatur.

Quod „ autem scribitis, *Mehmet* Passam
 „miratum esse, quod non miserimus *Selymō*
 „dono Beghos captiuos, qui postulati fuerunt,
 „ac instare, vt quoniam *Mahomuth* Albensis
 „iam se ipsum redemerit, saltem *Achmat* Se-
 „cheianiensis a) dimittatur, et *Selymō* done-
 „tur, quod vos quoque fieri humiliter suade-
 „tis, et supplicatis. In eo certe consilium ve-
 „strum sequi non possumus. Intellexistis enim
 „iam antea, hunc Beghum Zechianiensem non
 „esse in potestate, aut manu nostra, sed Con-
 „siliarii nostri, et Exercitus in superioribus
 „Regni partibus Supremi Capitanei, *Lazari de*
 „*Schwendi*, qui eum aere suo a militibus mer-
 „catus est, vt eius permutatione *Christophorum*

a) Id est: Széchenyiensis Vid. VÁLY Magy. Orsz. Le-
 trás Tom. III. pag. 327.

„ a *Laubenberg* Capitaneum arcis *Erdewt*, et
 „ *Ioannem Villey* eliberaret, quod se perfectu-
 „ rum receperat. Pactus insuper vltra iam di-
 „ ctorum duorum captiuorum eliberationem
 „ pretium redemptionis aliquot millium floren-
 „ rum, quamuis conditionem hactenus istam
 „ adimplere nequiverit, eo, quod infelices illi
 „ duo captiui dicantur misere, et crudeliter fuis-
 „ se trucidati. Cum igitur rem alienam cuique
 „ donare non possumus, requirendus est omni
 „ studio *Mehemet* Passa, vt non ipse tantum
 „ acquiescat, et quod a Nobis praestari ne-
 „ queat, tam enixe non postulet, sed Impera-
 „ torem quoque suum de hac difficultate edo-
 „ ceat, atque, vt Serenitas eius similiter ac-
 „ quiescat, autoritate sua perficiat. Pollicen-
 „ do, quod alioquin, si quis esset Vir Turca
 „ praecipui alicuius nominis in potestate nostra,
 „ quod, firmata Pace, Serenitati eius dimissione
 „ illius gratificari minime grauaremur. “

Haec igitur „ accepta honesta, et aequis-
 „ sima declaratione nostra, super memoratis
 „ tribus grauissimis difficultatibus per *Mehemet*
 „ Passam in medium propositis, vestrum nunc
 „ erit, omnes prudentiae, diligentiae, et in-
 „ dustriae vestrae vires, ac neruos inten-
 „ dere, quo sublatis eiusmodi difficultatibus,
 „ ea, quam in praemissis commonstrauimus,
 „ via, et ratione hisce Tractatibus finis impo-
 „ natur, sedulo, et accurate explicando, ac
 „ iterum, iterumque inculcando, tum saepe

„ dicto *Mehmeth* Passae, tum Collegis eius,
 „ honestatem, et aequitatem huiusmodi respon-
 „ sionis, declarationis, et petitionis nostrae,
 „ iisdemque subinde sedulo suggerendo, et ob
 „ oculos statuendo spem largitionum, et com-
 „ modi, et emolumenti, quod ex hac Pace per-
 „ cepturi sint, nihilque eorum praetermittendo,
 „ quibus tandem animi illorum expugnari, at-
 „ que ad promouendum iuxta praemissa optatum
 „ huius Pacificationis exitum adduci posse vide-
 „ buntur. “

Et quoniam „ haud dubie Turcae in
 „ Tractatione, et quoad Articulos illos adhuc
 „ in controuersia existentes, respicient ad sta-
 „ tum rerum Persicarum, et, vt illae sese de-
 „ derint, ita ipsi erga Nos quoque sese faciles,
 „ vel difficiles exhibebunt. Proinde vobis itidem
 „ maximopere curandum est, vt illarum rerum
 „ statum exacte habeatis exploratum, et vos
 „ quoque ad eam actionem vestram, tum ce-
 „ dendo, tum acrius renitendo, conformetis. “

Ad haec „ diligenter mementote in con-
 „ clusione istius Pacis eorum, quae vobis man-
 „ dauimus de comprehendendo in hac amicitia
 „ Serenissimo, et Catholicissimo Rege Hispa-
 „ niarum, fratre, et Patruale nostro charissimo
 „ iuxta tenorem Instructionis vestrae, siquidem
 „ facile coniectura potestis assequi, quod pro
 „ mutua nostra arctissima coniunctione, rerum
 „ Serenitatis eius non abs re singularem curam
 „ gerimus. “

Postremum „ licet fortassis sit superuacuum, vos denuo admonere omnium eorum, quae continentur in vestra Instructione, quam utique arbitramur, vos dies, noctesque in manibus versare, et animis prorsus infixam tenere, tamen paterna cura, quam gerimus, pro omnibus fidelibus Subditis nostris, ac vniuersa Christianitate, quodam modo Nos cogit in hoc vniuersali negotio maximopere esse sollicitos. Itaque vos gratiose, et benigne requirimus, ut negotium hoc Pacificationis ita caute, et considerate tractetis, ut ne ubi vlllo in articulo videantur exclusi, vel silentio praeteriti fines Regnorum nostrorum Dalmatiae, Croatiae, et Sclauoniae, ac Prouinciarum Serenissimorum, atque charissimorum Fratrum nostrorum, siue ei sint in terra continenti, siue ad littus maris, siue alias vbilibet existentes. Sed quaecunque in praecedentibus continentur, generaliter ad omnem Hungariam cum annexis Regnis, et Prouinciis, et Serenissimorum Fratrum quae nostrorum Dominia terrestria, et aquatica referantur. Vti Nobis summa vestra fides, sollicitudo, industria, et prudentia plene pollicentur, quae in his omnibus executioni estis, bene gratam, et expressam voluntatem nostram omni gratia, et benignitate recognoscendam. “ Datum in Ciuitate nostra Vienna die vigesima secunda Nouembris Anno Domini Millesimo quingentesimo sexagesimo

septimo, Regnorum nostrorum, Romani, et Hungarici quinto, Bohemiae vero decimo nono.

Maximilianus m. p.

Ad mandatum Sacrae
Caesareae Maiestatis proprium

M. Singhmoser. m. p.

Postscripta: Vobis etiam clementer significandum duximus, interea, dum conscriberetur responsum hoc nostrum „allatas esse Litteras „vestras, quas simul vna omnes decima octava „Septembris die anni praesentis per viam „Venetam ad Nos dedistis. Paucis vero diebus „ante accepimus etiam illas, quas tu *Alberte* solus ante aduentum Collegarum tuorum vndecima Augusti scripsisti, vna cum „harum, et priorum quoque tuarum, scilicet „vndecima Iulii datarum Duplicato. Item, „quas vos duo Episcopo, et *Teuffenbach* ex „itineris quarta Augusti conscripsistis a) “ Datum vt in litteris.

a Extant apud KATONA in *Hist. crit. Reg. Hung.* Tom. XXIV. pag. 415.

Postpost-Scripta.

Vos etiam clementer admonemus, ne post-
habeatis curam „eliberandi Capitanei *Hierony-*
„*mi Fabiani*, de quo Vobis iam in Instructio-
„ne vestra itidem mandatum dedimus.

Sic quoque vos clementer admonemus
„eliberationis *Dominici Zeffy* “ de quo itidem
in Instruktionem vestram mandatum accepistis.

M. Singkhmoser m. p.



XLV.

Ad Ant. Verantium, et Christoph.
Teuffenpach.

Maximilianus Imperator Oratoribus suis, Antonio Verantio Episcopo, et Christophoro a Teuffenbach significat, iisdem certam summam pecuniarum iam assignatam esse. Viennae d. 25. Nouembr. 1567.

Reuerendo, ac Egregio ANTHONIO VERANTIO, Episcopo Ecclesiae Agriensis, ac perpetuo Comitatus Hewesiensis Comiti, et CHRISTOPHORO a TEUFFENPACH, Consiliariis, et apud Imperatorem Turcarum Oratoribus nostris destinatis, fidelibus Nobis dilectis.

(L. S.)

MAXIMILIANVS *Secundus* diuina fauente clementia electus Romanorum Imperator, ac Hungariae, Bohemiaeque Rex, etc.


25. Nov. 1567. Reuerende, ac Egregie, fideles Nobis dilecti, — Cum maiorem pecuniarum summam

per Cursorem nostrum praesentem *Eduardum* illuc vobis mittere non potuerimus, accipietis ab ipso mille Ducatos in auro, reliquum, quod vobis in sumtus quotidianos necessarium fuerit, propediem per Cambium Venetum vobis procuraturi sumus. Id quod vobis benigne significandum duximus. Datae in Ciuitate nostra *Vienna*, vigesimo quinto die Nouembris Anno millesimo quingentesimo sexagesimo septimo, Regnorum nostrorum, Romani sexto, Hungariae quinto, et Bohemiae decimo nono.

Maximilianus m. p.

Pastscripta: addimus superiori summae mille Ducatos, ita, vt duo millia per Cursorem sitis accepturi, ea conditione, vt *Alberto de Wyss* a) mille Thalleros de ea summa de-

a) Inuerit hoc loco adnotare; abscedentibus Constantinopoli *Verantio*, et *Teuffenbachio*, porro *Albertum de Wyss* ordinaria Legatione functum esse, sed a Barbaris contra Ius Gentium contumeliose exceptum, ex moerore animi, ingruescente aetate, et morbo ibidem an. 1569. decessisse. Conf. *ISTVÁNEFY Hist. de reb. Hung.* Lib. XXIV, pag. 512.



beatis assignare , reliquum, hoc est:
mille nongentos Coronatos per di-
ctum Cambium vobis curabitur.

Ad mandatum Domini
electi Imperatoris proprium

v. Steineberg m. p.

Hieronimus Beck
a Leopoldstorf m. p.

I. Hueber m. p.

Wird Ihnen durch den Wenedischen Wechsl al spadi rich-
tig übermacht werden.

XLVI.

Ad Verantium, Wyssium, et Teufbachium.

Maximilianus Imperator iubet Oratores suos in Tractatu Pacis praecauere, ne Turcae demolitis hic arcibus, alias alibi extruant: monet praeterea, ut Mehmetis Bassae asperitatem causa publicae salutis aequo ferant animo. Viennae d. 24 Decembr. 1567.

Reuerendo, Deuoto, ac Nobilibus, Fidelibus Nobis dilectis, ANTHONIO, Episcopo Agriensi, ac ALBERTO de Wyss, et CHRISTOPHORO a TEVFFENBACH, in *Mairhofen*, Consiliariis nostris, ac Oratoribus ad Serenissimum Imperatorem Turcharum ablegatis: simul, et separatim,

(L. S.)

Redditae Hadrianopoli 17. Martii 1568.

MAXIMILIANVS *Secundus* diuina fauente clementia electus Romanorum Imperator, semper Augustus, etc.

Reuerende, deuote, ac Nobiles, Fideles, Nobis dilecti. ,, a) Ad diem decimam septimam ^{24. Dec.} 1567.

a) Quidquid comate clauditur, in autographo cryptographicum est.

, vertentis mensis allatae fuerunt Nobis ex *Venerabilis* Litterae vestrae die vigesima quarta
 „ Octobris a) datae; unde cognouimus, quos
 „ Tractatus, et Sermones habuistis cum ipso
 „ Supremo Passa Vesirio, post expeditionem
 „ *Edouardi de Prouisional* super iis, quae vobis
 „ per Litteras nostras de penultima Augusti b) iniunxeramus, et in iisdem vestram
 „ eximiam fidem, et sollicitudinem perspeximus,
 „ quam et grato a vobis animo suscepimus. Quoniam autem per dictum *Edouardum*
 „ vos de benigna mente, et voluntate nostra satis diffuse, et clare instruximus, et
 „ mandatis illis nostris etiamnum clementer inhaereamus, iam parum, vel nihil ferme restat,
 „ ad vos perscribendum praeter hoc vnum videlicet: Ex quo adparet frustra vos
 „ laborare de omittenda vtrunque reparatione Căstellorum finitimorum sub praesentibus
 „ Induciis, et donec solida Pax concludetur, quod sanius fuerit id, quod Turcae nunquam
 „ facturi videntur, acrius etiam non vrgere, nisi quatenus id vobis demandabimus, praesertim
 „ cum Nos exemplo eorundem Turcharum idem facere decreuerimus, ac nuper primum
 „ Castellum nostrum *Patnak* a) instaura-

a) Lege eas in RR. KATONA *Hist. crit. Reg. Hung.* Tom. XXIV. pag. 457. — 465.

b) Vide eas Num. XXXVI.

„ri curauerimus, sed illud in futura conclusio-
 „ne Pacis diligentissime vrgeatur, et silentio
 „minime inuoluatur, quod proxime in Litte-
 „ris nostris monuimus cauendum, et expressis
 „verbis reseruandum, et constituendum esse,
 „nempe, si aliter omnino fieri nequeat, quin
 „ad petitam destructionem Locorum vltra ci-
 „traque deueniatur, vt, ne Turcae tum pro iis,
 „quae ipsi demolientur, vel eadem, vel alio
 „opportuniore loco nouas munitiones con-
 „struant. “

„Quod autem humiliter scribitis, vos in-
 „terdum a *Mehmeth* Passa asperioribus, atque
 „indignioribus verbis, quam deceat Oratorem
 „Caesareum tractari, id tribuendum est
 „tum immensae insolentiae Gentis istius,
 „tot victoriis, atque successibus, et virium
 „magnitudine elatae, tum peculiari ipsius *Me-*
 „*hemethis* rusticitati, atque superbiae, de qua
 „omnes loquuntur. Cum vero non videamus,
 „quid profecturi essetis, quando etiam vos ho-
 „mini acrius opponeretis, siquidem isti non
 „rationem, sed voluntatis affectus sequuntur.
 „Sanius proinde fuerit cedere loco, et tempo-
 „ri, et non curetis illius ineptias dissimulare,
 „quae mutari non possunt; pro vestra nam-

a) *Putnok* iuris hodie Szörényian in Comitatu Gömö-
 riensi situm est, improuidentia *Michaelis Temesy*
 an. 1567. a Turcis occupatum KRECKWITZ pag. 658.

„ que prudentia, et industria poteritis etiam
„ modeste, et sine exacerbatione, vel magna
„ offensione illius, aut Principis eius, dignitatem,
„ et existimationem nostram tueri. “

„ In caeteris fidelissimi, et prudentissimi
„ consilii vestri clementer memores erimus. “
Quod reliquum est, gratiam nostram Caesa-
ream vobis benigne deferimus. Datum in Ci-
uitate nostra *Vienna* die vigesima quarta De-
cembris Anno Domini Millesimo Quingentesi-
mo Sexagesimo Septimo, Regnorum nostro-
rum, Romani sexto, Hungariae quinto, Bohe-
mia vero Decimo nono.

Maximilianus m. p.

Ad mandatum Sacrae
Caesareae Maiestatis proprium.

M. Singkhmoser m. p.

XLVII.

Ad Eosdem.

Maximilianus Imperator notitiae dat Oratoribus suis falsos rumores de expugnanda arce Huszt per Sigismundum Transsilvaniae Ducem inter Turcas sparsos, quos, ut refellere studeant, impense commendat. Viennae d. 5. Ianuar. 1568.

Reuerendo, deuoto, ac Nobilibus, Fidelibus, Nobis dilectis, ANTHONIO Episcopo Agriensi, ac ALBERTO de WYSS, et CHRISTOPHORO a TEVFFENPACH, in *Mairhöfen*, Consiliariis nostris, ac Oratoribus ad Serenissimum Imperatorem Turcharum ablegatis.

(L. S.)

Redditae Hadrianopoli 13. Febr. 1568.

MAXIMILIANVS *Secundus*, diuina fauente clementia electus Romanorum Imperator, semper Augustus. etc.

Reuerende, Deuote, ac Nobiles, fideles, Nobis dilecti. Intelleximus non solum a stre-

5. Ian.
1568.

nuo nostro, et Sacri Imperii fidele dilecto *Lazaro de Schwendy* nostro Consiliario, et in superioribus Regni nostri Hungariae partibus Supremo exercituum Capitaneo, sed ex aliis quoque compluribus locis, emanasse haud ita pridem passim per Hungariam, et Transsiluaniam, tam apud Christianos, quam Turchas maximam famam (auctoribus procul dubio maleuolis nostris, et hominibus malignis, perditis, atque a publica pace, et tranquillitate alienis) praefatum Supremum Capitaneum nostrum ex improviso cum exercitu, ac tormentis bellicis, et necessariis apparatus mouisse ad oppugnandam arcem *Huszt*, vel aliud quidpiam contra Illustrissimum *Ioannem Sigismundam* Duce[m], Serenissimi quondam Regis *Ioannis* filium moliendum. Quam ob rem, idem Dux implorato Turcharum auxilio, se ad defensionem parabat, cum tamen ne in mentem quidem venerit, vel Nobis tale quidpiam in hoc Induciarum tempore, quo de pace potius, quam de bello cogitamus, vestraque opera cum Serenissimo Turcharum Imperatore tractamus, dicto Supremo nostro Capitaneo mandare, vel illi absque iussu, et mandato nostro suscipere, utroque nostrum in id maxime intento, ut interea, donec negotium hoc Pacis, Deo bene iuvante, feliciter concludetur, in Confiniis omnia sint quieta, et pacata, Induciaeque firmiter, et sincere observentur. Quos quidem falsos rumores, quum vereamur, ne isthuc quoque penetraverint

penetraverint, vos per praesentes clementer edocendos duximus, talia omnia contra veritatem temere, atque imprudenter esse conficta, et omnes nostros limitaneos Praefectos, et Capitaneos a Nobis in mandatis habere, ut Inducias strictissime, et inuiolate seruent, et si quid eiusmodi habuissemus in animo, utique non dimissemus tot Cataphractus Equites, et Pedites Germanos, quos spe futurae pacis dimisimus. Quocirca vobis benigne committimus, ut, si contigerit ea de re vos interpellari, aut vobis alias consultum videbitur ea ultro quoque fieri, constantissime asseueretis, ista omnia mera esse figmenta, postulando, ne vel ipsemet Serenissimus Turcharum Imperator, vel Passae Vesirii Consiliarii eius istiusmodi commentis, vel nunc, vel in posterum aures, et fidem adhibeant, sed in nostra integritate plane conquiescant. In quo exequimini benignam, et expressam voluntatem nostram. Datum in Ciuitate nostra *Vienna* die quinta Ianuarii Anno Domini Millesimo Quingentesimo Sexagesimo octauo, Regnorum nostrorum, Romani sexto, Hungariae quinto, Bohemiae vero Decimo nono.

Maximilianus m. p.

Ad mandatum Sacrae
Caesareae Maiestatis proprium

M. Singkmoser m. p.

XLVIII.

Ad Faustum Verantium.

Maximilianus Imperator significat Secretario suo Fausto Verantiō, quod fasciculum Litterarum ab Oratoribus Constantinopoli missarum perceperit, committitque eius dexteritati Responsum ad eosdem transponendum. Viennae d. 4. Mart. 1568.

MAXIMILIANVS *Secundus*, diuina fauente clementia electus Romanorum Imperator, semper Agustus etc.

4. Mart.
1568.

Egregie fidelis Nobis dilecte. — Litteras tuas vndecimo die proxime praeteriti mensis Februarii ex *Sibenico* a) datas vna cum fasciculo Litterarum fratris tui Reuerendi Episcopi Agriensis, et Collegarum eius Oratorum nostrorum ad te transmissio clementer accepimus, et fidelitatem, studium, ac operam tuam in transmittendo illo praestitam benigno, ac grato animo probamus, te benigne requirentes, vt adiunctas nostras, quas illis simul, et seorsim

a) Vrbs Dalmatiae maritima portu, Episcopatu, et propugnaclis instructa. Patria *Verantium*, e quibus *Faustus* se distinxit *Dictionario quinque nobilissimarum Europae Linguarum Lat. Ital. Germ. Dal. et Ung. 4. Veneius 1595.* quod Bibliotheca regnicolaris in theca Librorum rariorum asseruat.

nunc rescripsimus, eadem, fide, cura, ac diligentia per Tabellarium aliquem spectatae integritatis, vel eo, quo noueris, meliore modo, et via ad Portam Principis Turcharum quam primum expedias, praestiturus in eo officium Nobis pergratum, Caesarea nostra benignitate recognoscendum. Datum in Ciuitate nostra *Vienna* die quarta Martii Anno Domini M.D. LXVIII. Regnorum nostrorum, Romani sexto, Hungarici quinto, Bohemiae vero vicesimo.

Maximilianus m. p.

Ad mandatum Sacrae
Caesareae Maiestatis proprium.

M. Singkhmoser m. p.

XLVIII.

Ad Ant. Verantium, et Christ. Teuffenbachium.

Maximilianus Imperator edocet reduces Constantinopoli Oratores suos Antonium Verantium, et Christophorum a Teuffenbach. de Turcorum Imperatoris Legato Viennam adducendo. Viennae d. 5. April. 1568.

Reuerendo, deuoto, ac Nobili, fidelibus
Nobis dilectis, ANTONIO Episcopo Agriensi, ac
CHRISTOPHORO a TEUFFENPACH in *Mairhofen*,
nostris Consiliariis, et Oratoribus.

(L. S.)

Cito
Citissime
Cito

Accepimus Comaromii 6. Maii.

Comaromium, vel vbi fuerint.

MAXIMILIANVS *Secundus* diuina fauente clementia electus Romanorum Imperator, semper Augustus etc.


5. Apr. Reuerende, deuote, ac Nobilis, fideles No-
1568. bis dilecti. Litteras vestras *Comaromii* tertia

praesentis a) datas accepimus, et illico mandauimus promoueri, sicuti fideliter consulistis de sumtibus Oratoris Turcici, ne quid in hac parte, quod ad dignitatem, et existimationem nostram pertinere videbitur, negligatur, quin etiam scripsimus Supremo Capitano nostro Comaromiensi, qui hic est in propinquo, ut e vestigio isthuc se conferat, ne propter absentiam eius quidpiam deficiat, quantumuis nesciamus, an in tempore adesse poterit.

Quod ad deductionem Oratoris Turcici attinget, inhaeremus iis, quae heri per specialem Veredarium ad vos scripsimus, quarum Litterarum accipietis cum his exemplum, quo rectius vos benignae voluntati nostrae accommodetis. Nec opus erit, quod supra modum festinetis, sed itinera iuxta commoditatem Oratoris Turcici instituatis.

Id quod vobis super memoratis Litteris vestris clementer respondendum, et significandum duximus. Datum in Ciuitate nostra *Vienna* die quinta Aprilis Anno Domini Millesimo quingentesimo sexagesimo octauo, Regnorum no-

a) Videtur hic oscitantia Scribae vel in locum, vel in Datum error irrepsisse, quum Litterae Oratorum, quas RR. KATONA *Hist. crit. Reg. Hung.* Tom. XXIV. pag. 43. producit, scriptae sint Buda de 29. Aprilis.



strorum, Romani VI. Hungarici V. Bohemiae
vero XX.

Maximilianus m. p.

Ad mandatum Sacrae
Caesareae Maiestatis proprium

M. Singkhmoser m. p.



L.

Ad Eosdem.

Maximilianus Imperator demandat Verantio, et Teuffenbachio, ut Oratorem Turcicum ad Fischament deducant, ipsi vero Viennam festinent, causa consultationis de excipiendo Legato. Viennae d. 4. Maii 1568.

Reuerendo deuoto, ac Nobili, fidelibus,
Nobis dilectis, ANTONIO Episcopo Agriensi,
ac CHRISTOPHORO a TEUFFENBACH in Mairhofen,
nostris Consiliariis, et Oratoribus.

(L. S.)

Cito
Citissime
Cito

praesentatae 5. Maii.

Vbicunque fuerint Comaromii.

MAXIMILIANVS *Secundus*. diuina fauente
clementia electus Romanorum Imperator, ac Hungariae, et Bohemiae Rex.

Reuerende, deuote, ac Nobilis, Fideles No- 4. Maii.
bis dilecti. Accepimus Litteras vestras Budae 1568.
vigesima nona die proxime elapsi mensis Apri-

lis a) datas, libenterque intelleximus, vos saluos eo peruenisse, atque iam confidimus, vos iter vestrum eo, quo instituistis, modo, Deo propitio, ac sine impedimento, et obstaculo aliquo prosequutos esse. Itaque in dies aduentum vestrum expectabimus. Gratum quoque Nobis est, Oratorem Principis Turcarum vobiscum esse, quem volumus, vt *Vischamindam* b) vsque deducatis, eique persuadeatis, ne grauetur ibi vnum, atque alterum diem subsistere, donec illum aliquot ex vestro comitatu, qui illius, et familiae ipsius, nequid illis a quoquam exhibeatur molestiae, curam gerant, ex templo huc ad Nos aduoletis, quo possimus vobiscum deliberare, quomodo pro dignitate condecenter excipiendus, et in urbem hanc nostram introducendus sit, facturi in eo benignam voluntatem nostram. Datum in Ciuitate nostra *Vienna* die quarta Maii Anno Domini millesimo quingentesimo sexagesimo octauo, Regnorum nostrorum, Romani sexto, Hungarici quinto, Bohemiae vero vicesimo.

Maximilianus m. p.

Ad mandatum Sacrae
Caesareae Maiestatis proprium

M. Singkhmoser m. p.

a) Vide eas apud KATONA *Hist. crit.* Tom. XXIV
pag. 43.

b) l. c. *Vischament* vrbs Austriae pone Viennam.

LI.

Ad Antonium Verantium.

*Maximilianus Imperator Antonio Verantio Episcopo
Agriensi confert Archiepiscopatum Strigoniensem.
Posonii d. 17. Octobr. 1569.*

Nos MAXIMILIANVS *Secundus* diuina fauente clementia electus Romanorum Imperator, semper Augustus, ac Germaniae, Hungariae, Bohemiae, Dalmatiae, Croatiae, Sclauoniae, etc. Rex, Archidux Austriae, Dux Burgundiae, etc. Marchio Morauiae, Comes Tyrolis, etc. etc.

Memoriae commendamus tenore praesentium, significantes, quibus expedit, vniuersis, Quod, quum diligenti cogitatione in animo reuolueremus inter alia, quae culmini nostro Imperiali, Dignitatie Regiae varia incumbunt munia, praecipuum esse, quod honorem, cultumque concernit Diuinum, ipsaque Dei Optimi Maximi Maiestas non nisi fide, et religione, quam Sancta profitetur, et docet Ecclesia, coli, venerarique soleat, et possit: cum primis elaborandum Nobis iudicauimus, vt in Regnis, et Prouinciis, adeoque vniuerso nostri Imperii circulo, Dei benignitate nostro Regimini, iurique tradito, Ecclesiae Dei piis, et idoneis Guber-

17. Oct.
1569.

natoribus, atque Ministris tanquam cultus ipsius Diuini necessariis Instrumentis quouis tempore habeantur rite prouisae. Vacante itaque in praesentiarum Metropolitana, et Primaria Regni nostri Hungariae Ecclesia Strigoniensi, legitimoque Pastore orbata, haud differre volumus, quin illi de idoneo Praelato, et Rectore quamprimum prospiceremus. Et propterea debitum habentes respectum ad praelaram eruditionem, et doctrinam, vitaeque, et morum integritatem fideles nostri, Nobis dilecti, Reuerendi *Antonii Verantii*, Episcopi Agriensis, et Consilarii nostri, quibus ipsum munere Diuino ornatum ab annis non paucis propria nostra experientia comperimus. Confisi etiam de solerti, et attentissima cura, atque sollicitudine, quam ipse in administranda hac Ecclesia, tuendaque, et propaganda vera fide, et religione more boni Pastoris, et Praelati summo conatu adhibiturus sit. Non immemores denique haud vulgarium illius meritorum, quibus sese quondam Diuo Genitori nostro, et Nobis quoque commendatum reddidit, a) Eundem ab Episcopatu Ecclesiae suae Agriensis ad Archiepiscopatum Ecclesiae Metropolitanae Strigoniensis, nunc per mortem, et decessum Reuerendissimi quondam Domini *Nicolai Olahi*, eiusdem Archiepiscopatus vltimi, veri, et legitimi Possessoris,

a) Res omnino mira, binas eius difficiles in Turciam Legationes Collationalibus istis haud memorari.

de iure, et de facto vacantem, transferendum, nominandum, et praesentandum, ac eundem Archiepiscopatum Strigoniensem eidem auctoritate Iuris Patronatus nostri Regii, quod in omnibus dicti nostri Hungariae Regni Ecclesiis, et Beneficiis ecclesiasticis more Diuorum quondam Hungariae Regum, Praedecessorum nostrorum, felicis memoriae, optimo iure habemus, simul cum omnibus Castris, Castellis, Ciuitatibus, Oppidis, Villis, Possessionibus, Praediis, ac aliis cunctis Pertinentiis, et Iuribus possessionariis vbiuis, et in quibuscunque Regni nostri Hungariae, et Partium subiectarum Comitatibus existentibus habitis, ad eundem Archiepiscopatum Strigoniensem de iure, et ab antiquo spectantibus, et pertinere debentibus, pariter cum omnibus eiusdem Iuribus, Libertatibus, Praerogatiuis, Prouentibus, et aliis quibusuis emolumentis, quouis nominis vocabulo vocitatis dandum, et conferendum, immo transferimus, nominamus, et praesentamus, damusque, et conferimus praesentium per vigorem. Quocirca vobis fidelibus, nostris honorabilibus Praeposito, Vicario, Lectori, Cantori, Custodi, caeterisque Canonicis, et Beneficiatis tam dictae Ecclesiae Strigoniensis, quam aliarum collegiatarum Ecclesiarum ad eandem pertinentium, harum serie committimus, et mandamus, quatenus a modo imposterum praefatum *Antonium Verantium* pro vestro legitimo, et indubitato Archiepiscopo habere, tenere, et recognoscere, eidem debi-

tam reuerentiam, honorem, et obedientiam praestare, ac in omnibus negotiis, et consuetis rebus iurisdictioni ipsius parere, et obtemperare modis omnibus debeatis, et teneamini, secus non facturi. Praesentibus perlectis, exhibenti restitutis. Datum in arce nostra Regia *Posoniensi* a) Decima septima Die mensis Octobris Anno Domini millesimo quingentesimo sexagesimo nono, Regnorum nostrorum, Romani, et Hungariae septimo, Bohemiae vero vigesimo primo.

Maximilianus m. p.

(L. S.)

Ioannes Listhius b)

Episcopus Vesprimiensis m. p.


- a) *Verantius* itaque denominatus est Archiepiscopus sub finem Diaetae hoc anno Posonii celebratae.
- b) Subscripsit hasce Collationales *Listhius*, qua Cancellarius Regis, cui antea a Secretis fuit. Conf. FR. BUDAI *Magy. Orsz. Histor. Lex.* Part. II, pag. 531.

LII.

Ad Eundem.

*Maximilianus Imperator indulget Antonio Verantio
Archiepiscopo Strigoniensi exercitium Iuris Patronatus. Posonii de 17. Octobr. 1569.*

Nos MAXIMILIANVS *Secundus*, Dei gratia 17 Oct.
1569.
electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Sclauoniaeque, etc. Rex. Archidux Austriae, Dux Burgundiae, etc. Marchio Moraviae, Comes Tyrolis, etc. memoriae commendamus tenore praesentium significantes, quibus expedit, vniuersis: Quod Nos debitum habentes respectum ad praecellam eruditionem, et doctrinam, aliasque animi dotes, ac circa Ecclesias Dei, et eligendos earum Ministros diligentem curam fidelis nostri Reuerendissimi in Christo Patris, Domini *Antonii Verantii*, Archiepiscopi Ecclesiae Strigoniensis, Primatis Hungariae, Legati nati, Summi, et Secretarii, Cancellarii, et Consiliarii nostri, quibus ipsum diuino munere praeditum, non alieno saltem testimonio, verum etiam propria nostra experientia cognouimus, Ius Patronatus nostrum Regium, quod in eadem Ecclesia Strigoniensi, aliisque collegiatis Ec-



clesiis ad eamdem pertinentibus, sicut in caeteris Regni nostri Hungariae Ecclesiis, instar Praedecessorum nostrorum Diuorum quondam Hungariae Regum felicitis memoriae optimo iure habere dinoscimur, ex certa nostra scientia, animoque deliberato, eidem Domino *Antonio Verantio*, Archiepiscopo dandum, et conferendum, immo damus, et conferimus, ac in illum transferimus praesentium per vigorem: annuentes, et concedentes, vt ipse omnia Beneficia ecclesiastica, vtputa: Praeposituras, Lectoratum, Cantoratum, Custodiatum, Canonatus, et Praebendas, quae a modo deincepstam in dicta Strigoniensi, quam aliis collegiatis Ecclesiis, ad illam pertinentibus, quocunque nomine, et titulo legitime vacare contigerit, dicti Iuris nostri regii auctoritate per Nos sibi hic in parte concessa, a) personis idoneis, et bene meritis, ecclesiasticaque functione dignis, fide praeterea, vita, moribus, et honesta conuersatione, eruditioneque commendatis, Hungaris

a) Quemadmodum Ius Patronatus Ecclesiarum penes Regem esse *Tit. 11. Part. I. et ar. 9. an. 1553.* comprobatur: ita vehementer eos errare exploratum est, qui existimant exercitium Iuris Patronatus in conferendis Beneficiis immediate Iurisdictioni Dignitatis episcopalis annexum esse. Nisi enim Praesules Hungariae speciali (quale istud est) Priuilegio a Rege donati sint, illud exercere prohibentur. Collatum vero nec suo, nec Ecclesiae nomine, sed *auctoritate regis*, quae in omni re salua esse debet, exercent.

tamen, et non alienigenis *b)* dare, et conferre, ipsisque de eisdem disponere, ordinare, et providere valeat, atque possit, immo damus, et conferimus harum nostrarum vigore, et testimonio Litterarum. Datum in Arce nostra Regia *Posoniensi* decima septima die mensis Octobris Anno Domini millesimo quingentesimo sexagesimo nono, Regnorum nostrorum, Romani, et Hungariae septimo, Bohemiae vero vigesimo primo.

Maximilianus Imperator m. p.

(L. S.)

Ioannes Listhius m. p.
Episcopus Vesprimiensis.

a) Conf. VLAD. Decr. II. ar. 30. 31. et 32. Decr. III. art. 67. Art. 27. an. 1621. Art. 55. an. 1723. Art. 15. an. 1741.

LIII.

Ad Eundem.

Maximilianus Imperator pro copulatione filiae, Annae Principissae cum Philippo Hispaniarum Regis Archiepiscopum Strigoniensem Antonium Verantium inuitat. Viennae d. 15. April. 1570.

Reuerendissimo in Christo Patri, Domino ANTHONIO VERANTIO, electo Archiepiscopo Ecclesiae Metropolitanae Strigoniensis, Locique eiusdem, et Comitatus Honthensis a) Comiti Perpetuo, Primati Hungariae, Sedis Apostolicae Legato nato, Summo Secretario, Cancellario, et Consiliario nostro, etc. fidei sincere Nobis dilecto.

(L. S.)

Redditae Posonii 17. April. 1570.

MAXIMILIANVS *Secundus* Diuina fauente clementia electus Romanorum Imperator, semper Augustus etc.

15. April. Reuerendissime in Christo Pater, fidelis
1570. Nobis dilecte. Cum ad festum Ascensionis Do-

a) Comitis Honthensis honore etiam Nic. Olahum Archiepiscopum Strigoniensem condecoratam fuisse.

mini proxime venturum Desponsationis actum loco, et nomine Serenissimi Principis, Domini *Philippi* Hispaniarum Regis Catholici, etc. per Serenissimum *Carolus*, Archiducem Austriae, Fratrem, et Principem nostrum charissimum, vigore Mandati procuratorii a Serenitate sua accepti, cum Serenissima Principissa *Anna a)* filia nostra dilectissima peragendum, celebrare constituerimus, ac Desponsationem huiusmodi Deuotionis tuae, tanquam Inclyti nostri Regni Hungariae Primatis, adeoque primi in Regnis, ac Prouinciis nostris haereditariis Praelati *b)* manu fieri cupiamus, et velimus, Deuotionem tuam benigne hortamur, et requirimus, vt, acceptis his nostris Litteris, protinus, ac ea quidem celeritate se huc conferat, quo ad minimum biduo ante hic adesse, ac de iis Caeremoniis, et solennitatibus, quae ad actum hunc

se, notum est ex PRAY *Specim. Hierarch Hung.* Part. I. pag. 181. In illa perturbatione, cui a temporibus Ferdinandi I. Comitatus iste obnoxius fuit, etiam *Verantius* prouinciam Supremi Comitatus ibidem sustinuit, quam tamen postea deprecatum fuisse, docent eius ad *Maximilianum* Litterae KATONA *Hist. crit. Reg. Hungar.* Tom. XXV. pag. 335.

a) Conf. RR. KATONA *Epit. chronol. Rer. Hungaric.* Part. III. pag. 83.

b) En testimonium authenticum super proedria Primatum Hungariae, a nonnullis Scriptoribus exteris disputata.

pertinebunt, cum Deuotione tua conferri possit. Sin vero Deuotio tua aduersa forte valetudine (quod sane haud libenter intellecturi essemus) distineatur, ita, vt hanc profectionem omnino nequeat, tunc Nos eius quam primum per Veredarium, ea de re expresse ad Nos ablegandum, certiores reddat. Factura in eo Deuotio tua rem Nobis longe gratissimam, ac Regia Benignitate nostra quauis occasione compensandam. Datum in arce nostra Regia *Pragae* die decima quinta mensis Aprilis Anno Domini Millesimo quingentesimo Septuagesimo, Regnorum nostrorum, Romani octauo, Hungarici septimo, Bohemici vero vigesimo secundo.

Maximilianus m. p.

Ad mandatum Sacrae
Caesareae Maiestatis proprium.

P. Bernburger m. p.

LIII.

Ad Eundem.

Carolus Archidux Austriae Archiepiscopus Strigoniensis Antonii Verantii consilium deposcit quoad machinationes Turcarum secrete, et celeriter rescindas. Neostadii d. 1. Septembr. 1570.

Reuerendissimo Nobis sincere dilecto ANTONIO VERANTIO, Archiepiscopo, et Comiti perpetuo Comitatus Strigoniensis, Primati Hungariae, Legato nato, Supremo Regni Cancellario, et Consiliario Sacrae Caesareae Maiestatis, etc. Amico Nobis charissimo.

(L. S.)

Presburg

Cito
Citissime
Cito


Redditae Vjvárini 5. Septembr. 1570.

CAROLVS a) Dei gratia Archidux Austriae, Dux Burgundiae, Comes Tyrolis, etc.

Reuerendissime Nobis sincere dilecte, Amice charissime. Sacra Romanorum Caesarea

^{1. Sept.}
^{1570.}

a) *Carolus* Heros aevi sui fortissimus, anno 1571. in Croatia munimenium posuit, ab ipsius nomine *Carolostadium* adpellatum. KERCHELICH *Hist. Episcop. Zagrab.* pag. 329.



Maiestas, Dominus, et frater noster colendissimus, longo nunc usu experta est, quam inutilis sumtus incurrerit aliquoties propter incertos, et dubios hinc inde de Thurcarum machinationibus illatos rumores, et perperam dispositos exploratores. Vt autem in posterum hoc praecaueatur, sua Maiestas deinceps meliorem superinde ordinem instituere, neque vllis propterea sumtibus parcere decreuit. Qua vero optima ratione, quibus mediis id fieri debeat, vt non solum hic in propinquis, sed in interioribus Hungariae Locis, et in ipsa etiam *Constantinopoli* certior habeatur exploratio, Maiestas Caesarea vestram, et aliorum peritorum rei sententiam proinde exquirere mandauit. Itaque nomine Caesareae Maiestatis vos benigne requirimus, vt negotium sicuti magni est momenti, accurate perpendatis, et qua via, quibus mediis ad certitudinem meliorem rerum Thurcicarum perueniri possit, Nobisque secretissime opinionem vestram declaretis, vt eam, et aliorum etiam sententiam, in vltiorem deliberationem desumere, Caesareaque Maiestati significare possimus. Quo modo suae Maiestatis benignae satisfiet voluntati, nostram vobis simul beneuolentiam deferentes. Datum ex *noua Ciuitate a)* in Austria, die primo mensis

a) Id est *Neostadium Wienerisch Neustadt*

~~Septembris~~
Septembris, anno Domini millesimo quingentesimo septuagesimo.

Carolus m. p.

Ad mandatum Domini
Archiducis proprium.

S. v. Fieringer m. p.

LV.

Ad Eundem.

*Maximilianus Imperator Archiepiscopum Verantium,
Locumtenentem Regium in Hungaria constituit.
Viennae 24. Iunii 1572.*

24. Iunii
1572.

Nos Maximilianus *Secundus* Dei Gratia electus Romanorum Imperator, semper Augustus, et Germaniae, Hungariae, Bohemiae, Dalmatiae, Croatiae, Sclavoniae, Ramae, Servinae, Gallitiae, Lodomeriae, Cumaniae, Bulgariaeque Rex, Archidux Austriae, Dux Burgundiae, etc. Marchio Moraviae, Comes Tyrolis, etc. — Recognoscimus, et notum facimus omnibus, quorum interest, per praesentes. Quod Nos perspecta iam pridem, et cognita fide, diligentia, et in rebus tractandis solertia, et integritate, multiplicibusque, et gratis servitiis Sacrae quondam Caesareae, et Regiae Maiestati Domino *Ferdinando* Genitori nostro charissimo felicis memoriae, et Nobis quoque, ac Regno nostro multifariam praestitis, fidelis nostri Reuerendissimi in Christo Patris, Domini, *Antonii Werantii*, Archiepiscopi Ecclesiae Strigoniensis, Primatis Hungariae, Legati nati, Summi, et Secretarii, per Hungariam Cancellarii, et Consiliarii nostri, Eundem in absentia nostra praefecimus, et constituimus in nostrum

praedicto in Regno nostro Hungarie, et Partibus ei subiectis *Locumtenentem*, a) durante nostro beneplacito, conditionibus infrascriptis: Et in primis, vt omni illa auctoritate, et facultate fungatur, qua tum aliorum Praedecessorum nostrorum, cum etiam charissimi olim Genitoris nostri tempore caeteri Locumtenentes, ad tempus constituti, vsi sunt. Videlicet: quod habeat facultatem legitime mandandi fidelibus Regnicolis nostris in omni publica Regni nostri administratione, et defensione. Quod possit indicare pro commodo nostro, et Regni nostri Conuentum particularem eisdem Regnicolis nostris necessitate requirente, praescitu tamen nostro, aut Nobis, rebus maxime difficilibus vrgentibus, ab ipso Regno nostro remotius existentibus, in negotiis, quae moram vltiorem non admitterent, emergentibus, cum consilio fidelium Consiliariorum nostrorum, quorum scilicet similiter consilio, Regni nostri Hungariae, et Partium ei subiectarum negotia gerat, et administret, pro temporis, et rerum nostrarum necessitate, dum per eum nostro nomine vocati, et requisiti, ipsum accesserint: item, quod teneatur, et debeat in absentia nostra, per nos Ecclesias Dei, ac Iura, et Libertates Praelatorum, ac aliarum ecclesiastica-

a) Successit *Pavlo Barnemirza* Episcopo Transilvaniae. Conf. *Palutin. Reg. Hung. fol. Iyn. 1760. pag. 115.*

rum Personarum manutenerere, ac contra omnes defendere. *a)* Similiter etiam Barones, Proceres, Nobiles Ciuitates, et vniuersos Status, et Ordines in suis Iuribus, et Libertatibus post Maiestatem nostram iusta sui exigentia, et sua possibilitate conseruet. Quod habeat in absentia nostra ius conferendi Personis dignis Bona, et Iura possessionaria vsque ad tringenta duos Colonos, et Iobagiones sessionatos se extendentia, *b)* quae non maiori, sed in eo numero, vel infra, siue per notam infidelitatis, siue per defectum seminis, aut alio quocunque iure, et titulo ad Sacram Regni nostri Hungariae Coronam, et collationem nostram Regiam legitime spectarent, ita tamen, vt talis Donatio prius non fiat, quam Nos per eundem Locumtenentem nostrum de qualitate, et quantitate Bonorum, de meritis, et conditione Personarum fuerimus edocti, idemque a Nobis hac de re acceperit responsum, et commissionem: quod habeat ius conferendi (praescitu tamen similiter nostro) beneficia ecclesiastica, Presbyteris catholicis, idoneis, et bene meritis, in omnibus Ecclesiis, in manu nostra non existentibus, ac etiam in illis, in quibus Domini Praelati Ius Patronatus a Nobis non habent, exceptis tamen

a) Videtur hoc insertum haberi propter Protestantismum tunc acrius in Hungaria dominantem.

b) Autoritate art. XXVI. an. 1567. sub Maximiliano conditi.

Praepositis, et Abbatis infularibus, et maioribus: a) quod habeat facultatem omnibus, tenuioribus scilicet hominibus, Nobilibus, non ultra triginta duos Colonos habentibus, scilicet malefactoribus, furibus casualia homicidia perpetrantibus, et similibus iure conuictis, nostra Regia auctoritate, gratiam faciendi, exceptis illis, qui contra personam nostram, vel auctoritatem aliquid facerent, aut alioquin enormia nimis facinora committerent, de quibus Nos prius requirere, et nostram deliberationem expectare debeat b). Immo praeficimus, constituimus, et annuimus harum nostrarum vigore, et testimonio Litterarum mediante c). Datum in Ciuitate nostra *Vienna* Austriae vigesima quarta die mensis Iunii anno Domini millesimo quingentesimo septuagesimo secundo, Regnorum nostrorum, Romani decimo, Hungariae, et aliorum nono, Bohemiae vero vigesimo quarto.

Maximilianus Imperator m. p.

(L. S.)

Ioannes Listhius m. p.
Episcopus Vesprimiensis.

-
- a) Hoc Priuilegium *Verantio* ultra Iura Locumtenentiae concessum est.
- b) Ius istud aggratiandi ex *art. 5. an. 1536.* derivatum, alias solis Regibus competere innuit *art. XLVIII. an. 1715.*
- c) Hoc Diploma producit etiam RR. KATONA *Hist. crit. Reg. Hung. Tom. XXV. pag. 323.*

LVI.

Ad Eundem.

Maximilianus Imperator Verantio Archiepiscopo Strigoniensi, Primati et Locumtenenti Hungariae respondet ad transmissum nuncium de rebus Turcicis, petitque ultro informari de modo reprimendi hostium conatus. Viennae d. 16. Decembr. 1572.

Reuerendissimo in Christo Patri ANTHONIO VERANTIO, Archiepiscopo Strigoniensi, Lecique eiusdem Comiti, Primati Hungariae, Legato nato, nostro Consiliario, ac summo per Regnum nostrum Hungariae Cancellario a), Deuoto fideli sincere Nobis dilecto.

(L. S.)

Redditae sunt Tyrnauiæ 25. Decembr. 1572.

MAXIMILIANVS *Secundus* diuina fauente clementia electus Romanorum Imperator, semper Augustus, etc.

16. Dec. 1572. Reuerendissime in Christo Pater, deuote, fidelis, sincere Nobis dilecte! — Redditae, et pergratae Nobis fuerunt Deuotionis tuae Litterae die sexta praesentis mensis ad Nos, vt ar-

a) Titulus Locumtenentis Regii exmissus est.

duis de rebus ita grauitè, modeste, et sapienter scriptae, singularemque Deuotionis tuae, quam non solum de priuatis nostris, sed publicis etiam de rebus, atque commodis gerit curam, et solitudinem plurimum probamus, ac singulariter gratam habemus.

Et cum illa, de quibus Nos obsequenter submonet, neutiquam videbantur negligenda, Nos ea, quae ad primum Articulum spectant, Consilio bellico statim communicanda curauimus, eaque de re tum apud Supremos nostros Partium Regni vltra Danubium, et *Comaromii* Capitaneos, tum apud Comitatus vicinos debitam iam prouisionem adhibitam esse accepimus.

Ad alterum autem Articulum quod attinet: Nos illa etiam, quae Deuotio tua in eodem Nobis ob oculos posuit, in deliberationem diligenter vocaturi, ac sedulo aduigilaturi sumus, ne quid eorum praetermisisse videamur, quae rebus ad meliorem finem dirigendis vsui esse possint.

Gratum autem Nobis est futurum, vt Deuotio tua, si quid in medium adferre possit, quod vel Turcicis conatibus, quorum in primo Litterarum suarum capite mentio fit, reprimendis, vel alienis aemulorum machinationibus in secundo Article propositis dextre anteuertendis conducere videbitur, de eo, omnibusque aliis, quae porro cognouerit, et scitu digna indicauerit, Nos citra moram accurate edoceat.

Id, quod Deuotioni tuae pro nostra in eandem affectione ad memoratas Litteras clementer rescribere volumus, cui quod superest, Caesaream, ac Regiam benignitatem nostram omnibus modis cognitam, et testatam reddere, ac, quae ad tranquillitatem publicam, et nostram, ac nostrorum incolumitatem pertinent, deinceps similiter curae esse cupimus. Datum in Ciuitate nostra *Vienna* die decima sexta mensis Decembris Anno Domini Millesimo quingentesimo septuagesimo secundo, Regnorum nostrorum, Romani vndecimo, Hungarici decimo, Bohemici vero XXIV.

Maximilianus m. p.

V. Io. Bap. Weber m. pr.

Ad mandatum Sacrae
Caesareae Maiestatis proprium

P. Bernburger. m. p.

AVCTARIVM ACTORVM PVBLICORVM

I N

PRAEMISSIS EPISTOLIS MEMORATORVM.

A.

Tabulae Pacis inter Isabellam Reginam, et Ferdinandum Regem Die XI. Julii anno MD. LI. conclusae.

NOS ISABELLA Dei Gratia Regina Hungariae, Dalmatiae, Croatiae, etc. — Recognoscimus per praesentes Litteras nostras. Quod, cum post mortem Serenissimi quondam Principis, Domini *Ioannis*, Regis Hungariae, Dalmatiae, Croatiae, etc. Domini, et Mariti nostri charissimi, piaem memoriae, Regnum Hungariae sub Turcico adhuc Imperio constitutum ex defectione eorum, in quos Princeps ille magna Beneficia contulerat, maximi motus subsequuti

exitissent, soloque vna cum vagiente adhuc Filiolo, et paucis quibusdam, in quibus aliqua acceptorum beneficiorum memoria resederat, *Budae* in Sede illa Regia omnibus periculis, perfidia Principis Turcarum, dum magnam partem Regni Nobis adimeret, expositae essemus, Serenissimi ipsius Principis, Domini, et Mariti nostri charissimi studiorum, quibus tum se (si Deus illum diutius superstitem esse voluisset) tum Regnum Hungariae, Partesque eidem subiectas, paulatim a Turcarum tyrannide eripere, in pristinamque libertatem praesidio Principum Christianorum asserere contendebat, memores, nihil prius in omni actione nostra habuimus, quam, vt vestigiis illius Serenissimi Principis ingressae, salutem Regni istius, nostramque, et filii nostri charissimi incolumitatem, tum multorum aliorum quietem nostra sedulitate quaereremus. Cumque multae res gestae Turcarum aperte declararent, illos nunquam aliis, sed sibi semper imperium quaesivisse, nihil prorsus magis indecorum esse videbatur, tanta ab illis calamitate accepta, quanta simulata Turcarum amicitia, quae quidem non tam expetenda a Nobis fuit, quam necessario suscepta in Regni, nostramque, et filii nostri Illustrissimi perniciem, diutius vteremur. Quapropter, cum *Buda* egressae, et solutione Tributi, et magnis munerum largitionibus immanem Principis Turcarum animum placare non desisteremus, omniaque, quantum in No-

bis esset , ad illius natum , et voluntatem fieri curaremus , nec tamen ille unquam a suo instituto discederet , pium illud , Deoque gratissimum esse iudicans , si quid in Nos a sua religione alienam , totamque Rempublicam christianam durius statueret. Quamvis post cladem illam Budensem conditionem benignitate Dei eam in Transsilvania eramus consequutae , quae pro nostra , et Filii nostri Dignitate sufficere videbatur , tamen cum ardentissimis semper votis Imperium Christianorum Principum optassemus , ac de pio , clementi , et paterno tum Sacratissimae , et Catholicae Caesareae , tum Sacrae Regiae Maiestatis Romanorum , ac Hungariae , Bohemiae , Dalmatiae , Croatiae , etc. Regis , Consanguinei nostri colendissimi certiores factae fuissetus , oblatae Dignitatis nostrae , oblatae etiam commodorum omnium , quibus publicae res semper anteponendae sunt , in fidem , et tutelam Christianorum Principum Nos una cum Filio nostro charissimo committere maluimus , quam eorum voces audire , qui dicerent , Regnum istud antemurale totius Reipublicae Christianae nostra opera in potestatem Turcicam incidisse. Sane igitur cum iamdiu in ea cogitatione fuissetus , quibus modis , et rationibus tam sanctum animi nostri propositum erga Rempublicam christianam declarare , ac de sinceritate animi nostri Sacratissimos Reges , Principes securos reddere possemus , honesta , ac salutari occasione oblata , cum Illu-

strissimo, ac Spectabilibus, et Magnificis Dominis *Ioanne Baptista Castaldo* Marchione de Cassano, Serenissimi Principis Domini *Maximiliani* Regis Bohemiae, in Rebus bellicis Locumtenente, Capitaneo Generale, *Thoma de Nádasd*, Libero Domino Terrae Fogarás, Comiti Comitatus Castri Ferrei, Iudice Curiae, et *Andrea de Báthor*, Comite Comitatum Zathmar, et Zabolch, Tauernicorum Regalium Magistro, Capitaneis Supremis, et Commissariis ipsius Sacratissimae Regiae Maiestatis Romanorum, in caussa Illustrissimi *Ioannis*, Ducis, filii nostri charissimi Conditionibus infrascriptis, virtute, et auctoritate plena Mandati in transigendis nostris, et Filii nostri rebus, et negotiis per ipsam Sacratissimam Regiam Maiestatem eisdem dati, et concessi conuenimus.

Primo: Quod Maiestas Regia Ducatum Oppoliensem, in Silesia habitum, simul cum vniuersis Arcibus, Castellis, Ciuitatibus, Oppidis, Villis, Possessionibus, Praediis, Piscinis, aliisque Bonis, et Iuribus possessionariis omnibus, quocunque nomine, et titulo censeantur, ac pariter cum cunctis suis vtilitatibus, et pertinentiis quibuslibet de iure, et ab antiquo ad dictum Ducatum pertinentibus cum redditibus viginti millium florenorum hungaricalium Illustrissimo *Ioanni* Duci, filio nostro charissimo, suisque haeredibus, et posteritatibus, Successoribusque vniuersis dedit, contulit, et assignauit, iure perpetuo, et irreuocabiliter tenendum, vtendum

utendum, et possidendum ea conditione, ut, si praescripta Summa viginti quinque millium florenorum ex prouentibus dicti Ducatus compleri non posset, Maiestas Regia alia Bona, et Iura possessionaria ipsi Ducatui addat, ex quibus tamen dicta summa in integrum compleri possit.

Item: quemadmodum Serenissimus quondam Princeps Dominus *Ioannes* Rex Hungariae, Dominus, et Maritus noster piae memoriae, adhuc viuens, totum, et omne ius suum, quod in Regno Hungariae, Partibusque ei subiectis habuit, per Transactionem, iuramento firmam, in Sacratissimam, ac Catholicam Caesaream, ac Regiam Maiestatem, ipsorumque haeredes, et Successores contulerat, ita Illustrissimus quoque *Ioannes* Dux, Filius noster Iura paterna sequutus, cessit ex nunc omnibus Iuribus, quae in Regno Hungariae, et Transsilvaniae, Bonisque paternis, et haereditariis habet, totumque illud in Sacratissimam, et Catholicam Caesaream, ac Maiestatem regiam, suosque Haeredes pleno iure transtulit.

Item: ut Maiestas regia, suiique haeredes, et Successores, Reges Hungariae, et Bohemiae ipsum *Iohannem* Ducem, filium nostrum in Dominio, et pacifica possessione ipsius Ducatus Oppoliensis contra quoslibet legitimos, et illegitimos impeditores, turbatores, et actores propriis suis laboribus, et expensis tueri, et defendere debeant.

Item: vt deinceps Illustrissimus ipse filius noster ratione ipsius Ducatus Oppoliensis pro vero, et legitimo Duce dicti Ducatus ab omnibus habeatur, ac in eo ipso Ducatu per Sacratissimam, et Catholicam Caesaream Maiestatem confirmetur, in vtrumque Ducem erigatur, et consecratur, hac tamen facta reseruatione, quod ipse Illustrissimus *Ioannes* Dux filius noster Maiestati Regiae, suisque haeredibus, et successoribus Regibus Bohemiae omnia illa facere, et praestare debeat, et teneatur, quae hactenus alii Principes, et Duces antecessoribus Maiestatis Regiae, et ipsi quoque Regiae Maiestati de iure, vel consuetudine praestiterunt, vel hodie etiam facere, et praestare tenentur, hoc tamen per expressum declarato, vt, si Sacratissimam, et Catholicam Caesaream, ac Maiestatem Regiam (quod Deus auertat) interim mori contingeret, Haeredesque, et Successores ipsarum Maiestatum tam Nobis, quam Illustrissimo Filio nostro de Ducatibus ipsis effectiue respondere, Nosque, et Filium nostrum in eisdem manutene-
re debeant, et teneantur. Quod ipsum etiam de Dote Maiestatis nostrae intelligendum erit.

Item: cum Ducatus ipse Oppoliensis propter illam pignoris obligationem, in qua nunc est, Illustrissimo Duci *Ioanni* Filio nostro statim, et ex promptu vsque ad festum natiuitatis Domini proxime futurum reddi, et restitui non possit, Maiestas regia annuit, vt Nos vna cum Illustrissimo filio nostro infra praescriptum tem-

pus natiuitatis Domini, quo Ducatus ipse redimi, ac ipsi *Ioanni* Duci, Filio nostro pure, et simpliciter reddi, et assignari debet, cui nihilominus ex viginti quinque millibus florenorum ad eam summam, quae id tempus cederet, soluat. Cuius quidem temporis, seu anni initium computetur ab hodierno die.

Item: quod Nos, et Filius ipse noster Illustrissimus vniuersas Arces, munitiones, Castella, Ciuitates, Oppida, Villas, Praedia, Possessiones, generaliter vero omnia ea, quae hactenus in Regno Hungariae, et Transsilvaniae quocunque titulo, seu nomine tenuimus, habuimus; vt possedimus, vna cum Sacra Regni Hungariae Corona constituto die in manus hominum Maiestatis Regiae dare, concedere, et assignare teneamur, ac per Officiales nostros, et Praefectos dari, et assignari iubeamus.

Item: cum Nobis sit ex Transsilvania abeundum, Decimasque istius anni praesentis in Transsilvania habeamus, Maiestas Regia ad vsum nostrum, et Filii nostri tamdiu, quousque Cassouiae erimus, vt ex Decimis Archiepiscopatus Strigoniensis, vel Episcopatus Agriensis, etiamsi aliis in arendam illae locatae essent, quibus aliunde pro illis satisfieri debet, teneatur dare Decimas trium millium florenorum, quarum loco cedant Maiestati Regiae Decimae nostrae, quas in Transsilvania habemus.

Item: vt pro Bombardis, et ingeniis illis, quas Nos, et Illustrissimus Filius noster in arci-

bus tam Hungaricis, quam Transsiluanensibus Maiestati Regiae traditis, et assignatis relinquimus, Maiestas Regia alias similes, vel aequivalentes Bombardas, vel earum pretia Illustrissimo Filio nostro *Ioanni* Duci in ipso Ducatu Oppoliensi dare, et soluere sit obligata.

Item: quod in casu, quo Sacratissimam, et Catholicam Caesaream Maiestatem, et Regiam (quod Deus auertat) in semine masculino deficere contingeret, eo tunc successio regni Hungariae reuoluatur in ipsum Illustrissimum filium nostrum, et suos haeredes, si, Deo fauente, superstites erunt; Illis vero non existentibus, libera Regum electio rursus apud Gentem Hungaricam maneat. E conuerso vero, si Illustrissimus ipse *Ioannes* Dux, filius noster in Semine masculino deficeret, Ducatus Oppoliensis iterum in ipsam Maiestatem Regiam, Haeredesque, et Successores suos Reges Bohemiae deuoluatur.

Item: si interea, dum Nos, et Illustrissimus Filius noster *Cassouiae* erimus, aliquod periculum (quod Deus auertat) Regno huic contingeret, nihilominus Maiestas Regia, sui que Haeredes, et Successores teneantur iuxta promissionem, et obligationem Maiestatis Regiae de Ducatibus ipsis tam Oppoliensi, quam Munsterbergensi, vel Frankenstaniensi, aut simul de duobus postremis Nobis, et Illustrissimo Filio nostro prospicere, Nobisque illos reddere et restituere.


Item: vt Litteras omnes super huiusmodi Transactionibus confectas, et emanatas, interim, dum Nos, et Illustrissimus filius noster *Cassouiae* erimus, quo citius fieri potest, Sacratissima, et Catholica Maiestas Caesarea, et Maiestas Regia, ipsorumque Haeredes, et Successores renouari, ex integroque eas conscribi, et confirmari curent, et debeant.

Item: quod quamuis Nos conditionem Illustrissimi Filii nostri a Maiestate Regia oblatam boni consulimus, et acceptauimus, ea tamen spe, quod Sacratissima, et Catholica Caesarea Maiestas statum Filii nostri augebit; melioremque reddet, in cuius arbitrium omnem nostram, et Filii nostri causam remisimus.

Cum igitur Nos, tum ad clementissima monita Sacratissimae, et Catholicae Caesareae Maiestatis, tum ad oblationes pias, et paternas Sacratissimae Regiae Maiestatis annuissemus, praesentes Litteras nostras super ipsis Articulis, et rebus in Transactione cum Dominis Commissariis ipsius Maiestatis Regiae Nobiscum inita, conclusis, statutis, et decretis, eisdem Dominis Commissariis in testimonium omnium praemissorum Sigillo nostro, manusque nostrae subscriptione munitas, dandas duximus, et concedendas. Datum in Ciuitate *Albae Iuliae* decima nona Die mensis Iulii Anno Domini millesimo quingentesimo quinquagesimo primo.

(L. S.)

Isabella Regina m. p.



B.

SPECIFICATIO

munerum honorariorum Constantinopoli distribuendorum Anno 1555.

Summa pecuniae, Scyphorum argenteorum Horologiorumque, quae per me *Andream Schnatterl* Caes. Solutorem Bellic. ad Turcarum Imperatorem Dominis Oratoribus suae Maiestatis nomine tradita sunt:

Primo: in decem Doliolis, quorum singulum continet sexaginta millia Thallerorum, id est: - - - - 60000. Taller.

Item: in Sacco vno quingenti, et Septuaginta Thalleri, id est: 570. Taller.

Postremo: in Sacco vno viginti millia quadringenti, et viginti Ducati aurei. Id est: - 5420. Duc.

Numerus Scyphorum, Pondus, et Valor eorundem.

Primus ponderat cum operculo marcas viginti quinque, uncias tredecim cum dimidia. Aestimatio Marcae extenditur ad sedecim florenos: facit - - - - 413. fl. 30. x.

Secundus est duplex, ponderat Marcas 17. Uncias 12. 9. 3.

Aestim. Marc. 18. flor. facit. - - - 320. fl. 20. x.

Tertius est simplex, ponderat
Marc. 17. Vncias 14. Aest.
Mar. 18. flor. facit. - 321. fl. 45. x.

Quartus est duplex, ponderat
Marc. 13. Vncias 13. $\frac{1}{2}$ Aestim.
Marc. 15. flor. 45. Cruc.
cif. facit. - - - 206. fl. 13.

Quintus item duplex, ponderat
Marc. 12. Vnc. 15 $\frac{1}{2}$ Aestim.
Marc. 15. flor. 45. Cruc. fac. 204. fl. 15. x.

Sextus simplex cum operculo
ponderat Marc. 7. Vnc.
3qtt. 3. Aestimatio Mar. 17.
flor. facit - - - 123. fl.

Septimus ponderat Marc. 6. Vnc.
qt. $\frac{1}{2}$ Aestim. Marc. 15. flor.
15. Cruc. facit. - - 103. fl. 29. x.

Octauus superioris ponderis, et
aestimationis. - - 103. fl. 29. x.

Nonus ponderat Marc. 9. Vn.
 $\frac{1}{2}$ Aestim. Marc. 20. fl. facit. 191. fl. 52. x. 2. d.

Decimus ponderat Marc. 8. Vn.
10. Aest. Mar. 20. fl. facit. 166. fl. 52. x. 2. d.

Vndecimus ponderat Marc. 8. Vn.
10. Aest. Mar. 20. fl. facit. 172. fl. 30. x.

Duodecimus ponderat Marc. 9.
Vn. $\frac{1}{2}$ Aestim. Mar. 20. fl. fac. 180. fl. 37. x. 3. d.

Decimus tertius ponderat M. 8.
Aestim. Mar. 20 flor. facit. 160. fl.

Decimus quartus superioris
ponderis, et aestimationis. 160. fl.

Decimus quintus cum operculo
ponderat Marc. 7. Vn. $\frac{1}{2}$
Aest. Marc. 20, fl. facit. 140. fl. 37. x. 2. d.

Decimus sextus ponderat Marc.
16. Vn. 4. q. 1. Aestim. Marc.
18. flor. facit. - - 292. fl. 46. x. 2. d.

Decimus septimus ponderat
Marc. 14. Vnc. 11. Aestim.
Marc. 16. flor. facit. - 235. flor.

Decimus octauus ponderat Mar.
6. Vnc. 5. qt. 2. Aestim.
Marc. 15. fl. 45. Cr. facit. 99. fl. 33. x.

Decimus nonus ponderat Marc.
7. Vnc. 1. qt. 3. Aestim.
Marc. 15. fl. 45. x. facit. 111. fl. 27. x.


Vigesimus ponderat Marc. 12.
Vn. 7. qt. $\frac{1}{2}$ Aestim. Marc.
15. fl. 45. x. facit. - 196. fl. 1. x.

Vigesimus primus ponderat
Marc. 10. Vnc. 7. Aestim.
Marc. 20. fl. facit. - 200. fl. 37 x. 2. d.

Vigesimus secundus ponderat
Marc. 8. Vnc. 7. Aestim. Marc.
20. fl. facit. - - - 168. fl. 45 x. 2. d.

Vigesimus tertius ponderat
Marc. 8. Vnc. 5 $\frac{1}{2}$ Aestim.
Marc. 20. flor. facit. - 166. fl. 52. x. 2. d.

Vigesimus quartus ponderat
Marc. 6. Aestim. Marc. 20.
flor. facit. - - - 120. fl.



Vigesimus quintus ponderat		
Marc. 7. Vnc. 8. Aestim.		
Marc. 20. fl. facit.	-	150. fl.
Vigesimus sextus ponderat		
Marc. 7. Vnc. 15. Aestim.		
Marc. 20. flor. facit.	-	158. fl. 45. x.
Vigesimus septimus ponderat		
Marc. 6. Vnc. 18 Aestim.		
Marc. 20. fl. facit.	-	132. fl. 48. x. 3. d.
Vigesimus octauus ponderat		
Marc. 6. Vnc. 8. Aestim.		
Marc. 20. flor. facit.	-	130. fl.
Vigesimus nonus Marc 6. Vnc.		
5. Aest. Marc. 20. fl. facit.		126. fl. 33. x.
Trigesimus ponderat Marc. 10.		
Vnc. 5. Aestim. Marc. 15.		
fl. 45. x. facit.	-	162. fl. 33. x.
Vltimus ponderat Marc. 10.		
8. qt. 1. Aestim. Marc. 15.		
flor. 45. x. facit.	-	165. fl. 40. x.
Numerus Horologiorum cum		
cum Aestimatione Eorundem.		
Primi Horologii Aestimatio est Ducento-		
torum quinquaginta florenorum		
Rhenens. id est:	-	200. fl.
Secundi, quae speculum continet,		
aestimatio est	-	166. fl.
Tertii aestimatio est	-	145. fl.
Vltimi aestimatio est	-	160. fl.



C.

INSTRVMENTVM

Ratificatorium Pacis cum Imperatore Turcarum anno 1562. et 1564. initae.

MAXIMILIANVS *Secundus*, diuina fauente clementia electus Romanorum Imperator, semper Augustus. etc.

Recognoscimus, et notum facimus tenore praesentium vniuersis. Quod cum proximis annis pro quiete, et tranquillitate publica totius orbis, et praesertim pro afflicti regni nostri Hungariae, continuis bellorum calamitatibus ferme penitus exhausti, oppressi, et desolati beneficio, et vt iam tandem ab effundendo humano sanguine cessaretur, inter Serenissimum, et Potentissimum quondam Principem Dominum *Ferdinandum* electum Romanorum Imperatorem, Augustae memoriae Dominum, et Genitorem nostrum obseruandissimum ex vna, et Serenissimum quoque, ac Potentissimum Principem Dominum Sulthanum *Solymannum* Imperatorem Turcarum, ac Asiae, et Graeciae, etc. ex altera, post multos, difficiles, atque diuturnos Tractatus hinc inde medio Oratoris, a praelibato Diuo Genitore nostro destinati, et pleno, ac sufficienti ad id mandato instructi, agitados, ad octo annorum spatium, a die prima Iunii Anno Domini Millesimo Quingentesimo Sexagesimo secundo proxime, et immediate sequen-

tium numerandorum, redintegrata, conclusa, et Litteris confirmatoriis, vltro, citroque exhibitis, firmata, et constabilita fuerit, iuxta certas quasdam Conditiones in Litteris confirmatoriis dicti Serenissimi quondam, et obseruandissimi Domini Patris nostri descriptas, et comprehensas, quarum Litterarum tenor sequitur, et est talis:

NOS FERDINANDVS, etc. Recognoscimus, et notum facimus tenore Praesentium vniuersis: Quod cum superioribus annis post multos, et diuturnos Tractatus inter Nos, et Serenissimum, ac Potentissimum Principem, et Dominum Sulthanum *Solymannum* Imperatorem Turcharum, ac Asiae, et Graeciae, etc. interueniente pro Nobis Nobile, fidele, Nobis dilecto, *Augerio a Busbeck*, Consiliario, et Oratore nostro, ad id pleno, et sufficienti mandato instructo, inita, et conclusa fuisset firma pax, et amicitia, ad octo annos duratura, et Nos huiusmodi pacis, et amicitiae conclusionem pro nostra parte ratam, gratamque habuissemus; et Litteris nostris in patenti, et opportuna forma expeditis confirmassemus sub certis quibusdam conditionibus, quas idem Orator noster descriptas, et Sigillo suo munitas, adhibita protestatione, Consiliariis, et Passis praefati Serenissimi Turcharum Imperatoris tunc exhibuerit, prout in dictis Litteris nostris confirmatoriis latius apparet, quae datae sunt in nostra Imperiali Ciuitate *Augustae Vindeli-*

corum die vigesima nona mensis Aprilis Anno Millesimo Quingentesimo Quinquagesimo nono. Exhibitis vero per dictum Oratorem nostrum iisdem Litteris nostris confirmatoriis diuersae difficultates intercidissent, ita, quod nec Litterae confirmatoriae nostris per omnia similes, et congruentes in hanc vsque diem a dicto Serenissimo Turcharum Imperatore Nobis allatae fuerint, adeoque eiusmodi Pax octennalis realem suum effectum hactenus sortiri nequieuit, et tandem, cum ob talem Pacis, seu Induciarum incertitudinem in finibus Regni nostri Hungariae, ac Partium ei subiectarum, et praecipue in Confiniis Croatiae multa contra Inducias euenissent, quin insuper etiam ex alia parte inter Nos, et Illustrissimum *Ioannem Sigismundum* Ducem, Serenissimi quondam Regis *Iohannis* filium grauissimae turbae, ac motus bellici exorti essent, rursus de redintegranda, et stabilienda memorata octennali Pace inter saepe fatum Oratorem nostrum, dictosque Serenissimi Turcharum Imperatoris Passas, et Consiliarios agi ceptum esset, atque idem Orator noster sub spe nostrae ratificationis iterum proposuisset quasdam Conditiones, sub quibus optata Pax, sublatis difficultatibus, demum coalesceret, atque in effectum deduceretur, quin etiam Serenissimo Turcarum Imperatori visum esset, mentem, ac voluntatem nostram de istiusmodi Pacis redintegratione, et conglutinatione cognoscere, misso ad Nos hanc ob caus-

zam egregio Viro *Chassan* Chaussio cum Serenitatis suae Litteris. Nos sane cupientes, quantum in Nobis est, consultum esse quieti, et tranquillitati publicae totius Orbis, et praesertim afflicti Regni nostri Hungariae, continuis, maximisque bellis funditus pene exhausti, et desolati, atque iam tandem pacem antehac, ut praefertur, conclusam, sed nondum ad effectum deductam, debitum suum vigorem obtinere, dictos Tractatus per Oratorem nostrum cum dictis Passis nomine, et loco Serenissimi Turcharum Imperatoris agitados, ratos, gratosque habuimus, Litterisque his nostris corroborauimus, et confirmauimus, et in eadem Pace ipsum quoque filium quondam Regis *Ioannis* cum Transilvania comprehendi consensimus, prout per praesentes ex certa nostra scientia, animoque bene deliberato, et omni meliori modo, et forma, quibus possumus, ac debemus, ratificamus, approbamus, corroboramus, et confirmamus, declarantes, et pollicentes, Nos non solum cum praefato Serenissimo Turcharum Imperatore, verum etiam cum dicto quondam Regis *Ioannis* filio facere, et seruare bonam, ac sinceram amicitiam, et pacem ad octo annos proxime sequentes, et a die, qua datae sunt praesentes Litterae, numerandos, quatenus Nobis Serenitas eius, dictusque quondam Regis *Ioannis* filius mutua sinceritate, et integritate corresponderent, ita, ut quilibet nostrum aequaliter ad

huius Pacis obseruationem adstrictus, et obligatus sit iuxta has infrascriptas Conditiones.

Primo igitur vniuersis, et singulis nostris Capitaneis, Praefectis, Officialibus, Ministris, Militibus, ac subditis serio, et sub poena capitis mandabimus, vt hanc Pacem sancte, firmiter, et inuiolate obseruent, et, ne Militibus, aut subditis Serenissimi Imperatoris Turcharum, ac praefati filii quondam Regis *Ioannis* arma, vim, et vllam hostilitatem inferant, nec eosdem ad arma lacessant, sed cum illo pacem, et bonam vicinitatem foueant.

Quodsi quis Capitaneus, miles, aut Subditus noster locum aliquem Serenissimi Imperatoris Turcharum occupauerit, ceperit, expugnauerit, aut attentauerit, statim illum pro demerito capite puniri, ac locum illum sine dilatione restitui faciemus.

Item, si post publicationem istius pacis, et amicitiae contigerit a militibus, aut Subditis nostris aliquos Subditos Serenissimi Imperatoris Turcarum capi, ii quoque vbicunque fuerint, liberi esse, et sine impedimento, aut alicuius pretii pactatione, vel solutione demum dimitti debebunt, modo idem quoque ex parte Turcharum fiat.

Et quoniam in Tractatibus illis Pacis quinquennalis, quam cum praefato Serenissimo Turcharum Imperatore Anno Domini millesimo, quingentesimo, quadragesimo septimo, iniuimus, ac firmauimus, conclusum, pactum, et

conuentum fuerat, vt annuatim mitteremus ad Portam Serenissimi Turcharum Imperatoris munus honorarium triginta millium Ducatorum, Nos sane iuxta dictam pactionem, et conuentionem quinquennalis illius Pacis, et afflicto Hungariae Regno, miserorumque Colonorum, et Subditorum quieti, et incolumitati consultum sit, in posteram quoque singulis annis, durante ista octennali Pace, ad Portam Serenitatis eius triginta illa Ducatorum hungaricalium millia transmittemus.

Deinde licet nullo iure obligati simus ad soluendum munera, quae a Nobis in Tractatibus, antehac habitis, ex parte Serenissimi Turcharum Imperatoris pro duobus vltimis annis praematurae Pacis quinquennalis anno Domini millesimo quingentesimo quadragesimo septimo conclusae, et initae petita fuerunt. Volentes tamen ipsi Serenissimo Imperatori Turcharum sinceræ amicitiae, et beneuolentiae studium nostrum hac quoque in parte testatum reddere, ex duorum illorum annorum intermissis muneribus Serenitati illius vnum scilicet triginta millia Ducatorum transmittemus.

Similiter ab Arcibus quoque, et Castellis, Urbibus, ac Locis Transilvaniae omnem vim, atque hostilitatem abstinebimus. De locis vero extra Transiluaniam positis, quorum longe alia est ratio, quam Transilvaniae, respectu dicti Serenissimi Turcharum Imperatoris, ac praesentis concordiae, et pacis caussa non recusa-

mus cum Illustrissimo *Ioanne Sigismundo* Duce, Serenissimi quondam Regis *Ioannis* filio, concordare, quæ loca Nobis restitui, et quæ ipsi pacifice relinquere velimus, ita tamen, vt dictum quondam Regis *Ioannis* filium, durante hac octennali Pace, ad satisfaciendum Nobis de locis extra Transilvaniae fines in Hungariae partibus, citra, et vltra Tibiscum sitis, armata manu non compellere possimus, aut debeamus, saluo tamen, et reseruato Nobis nihilominus omni iure, et actione, quam contra illum praetendimus.

At vniuersim idem quondam Serenissimi Regis *Ioannis* filius tempore huius Pacis, siue Induciarum ab omni hostilitate, et iniuria abstineat, aut Subditos nostros non affligat, villas non diripiat, nec excursions in Ditionem nostram faciat, neque Castella nostra, vel Subditorum nestrorum oppugnet, vel ipse noua Castella in detrimentum Ditionis nostrae, vel Subditorum nostrorum extruat, neque etiam bona mobilia, vel immobilia, contributiones, dicas, decimas, et prouentus ad Nos, et Subditos nostros spectantes, inuadat, aut sibi vendicet, quin immo Inducias sancte, et inuiolate obseruet, et per suos obseruari faciat, quemadmodum etiam Nos, vt idem nostra ex parte sancte obseruetur, et praestetur, diligenter curaturi sumus. Quod si secus fuerit, et Inducias violauerit, ac Nos, aut Subditos nostros iniuria affecerit, Nos idipsum impune ferre non patiemur.

Item,

Item, vt quaecunque Nos extra propriam Transiluaniam possidemus, siue per Nos ipsos, siue per nostros Subditos, et Vasallos, in posterum quoque sine vlla controuersia possideamus, in quibus comprehensi etiam intelliguntur Magnifici, fideles, Nobis dilecti, *Melchior Balassa*, et *Nicolaus de Báthor*, caeterique Barones, Nobiles, et cuiuscunque Status homines, qui ad fidelitatem, et obedientiam nostram reuersi fuerunt, et reuertentur, vsque ad illam diem, qua Nobis constiterit, supradictum quondam Regis *Ioannis* filium Inducias ad mandatum Serenissimi Imperatoris Turcharum, sub his conditionibus acceptasse, et obseruare velle, cum omnibus eorum rebus, iuribus, ac bonis, quaecunque possident, et tenent.

Praeterea tam nostri, quam praedicti filii quondam Regis *Ioannis* Subditi, in vtriusque nostrum obedientia, et potestate constituti, qui in praesentibus turbis, et motibus, vel ob metum, vel aliam quancunque caussam vacillassent, siue suspectos se reddidissent, seu alterutrum quouis modo offendissent, hisce Induciis comprehensi, earum ita participes reddantur, vt nulla in eos quouis quaesito colore vindicta, institui, sed omnis in illos concepta indignatio, et persecutio vtrinque cessare debeat.

Et quia, vt dictum est, in honorem, et gratiam Serenitatis suae consensimus sub his Induciis filium quondam Regis *Ioannis* ad satisfaciendum Nobis, ratione locorum extra Tran-



siluaniam sitorum, armis non compellere, confidimus, vti par est, Serenissimum Turcharum Imperatorem, habita ratione, quod non ita faciles, et benignos erga dictum quondam Regis *Ioannis* filium exhibeamus, Nobis aliquos captiuos haud grauatim concessurum esse.

Caeterum, quod attinet ad ipsummet Serenissimum Turcharum Imperatorem, mens, et voluntas nostra est, prout et ipsa ratio, et aequitas postulat, vt eius quoque Serenitas Literis suis confirmatoriis ad has sequentes Conditiones adstringatur.

Imprimis, vt Serenitas sua bonam, et sinceram Pacem, atque amicitiam Nobiscum ad supradictos octo annos a die datarum praesentium Literarum incipientes colat, et seruet.

Item: vt omnibus, ac singulis suis Passis, Beglerbeghis, Sanziackis, Vaiuodis, et quibuslibet Capitaneis, Officialibus, Ministris, Militibus, et Subditis mandet sub poena capitis, vt hanc Pacem firmiter, et sancte obseruent, et ne militibus, seu subditis nostris arma, vim, vel vllam hostilitatem inferant, nec eosdem ad arma laccessant, sed cum illis pacem, et bonam vicinitatem seruent, inter quos Serenitatis suae militares Praefectos etiam Transalpinus, et Moldauus Vaiuodae comprehensi intelligantur.

Item, vt Pax ista pro Hungaria, Croatia, Dalmatia, Sclauonia, et pro reliquis vniuersis nostris Regnis, Dominiis, et Prouinciis, eorundemque finibus, limitibus, et locis quibuslibet

tam terrestribus, quam maritimis, et aquaticis confecta, et confirmata intelligatur, habeantque haec ita vniuersaliter comprehensa eandem vim, ac si singula essent expressa.

Quodsi vero tempore huius Pacis a Serenissimi Imperatoris Turcharum Praefectis, Militibus, aut Subditis, arx, oppidum, vrbs, castellum, fortalitium, seu qualiscunque locus noster vlllo praetextu occupatus, captus, expugnatus, aut attentatus fuerit, quicunque id fecerit, statim capite plectatur, et talis locus sine dilatione restituatur.

Idque intelligatur, siue locus immediate noster fuerit, siue Subditi nostri, nec referat, vtrum talis Subditus rebellis fuerit, siue non, quia, si rebellis fuerit, talis locus Nobis restitui debet, idque in reliquis rebellium rebus, ac bonis similiter locum habeat.

Simili modo quaecunque in his Litteris comprehenduntur, de nulla iniuria, aut damno inferendo, ea semper ad res, et iura subditorum cuiuscunque illi gradus sint, aut conditionis, quam de rebus, immediate ad me pertinentibus, intelligantur.

Item, vt liberum sit pro arbitrio, et libito aedificare, reparare, munire, et fortificare quaeuis loca, quae directe in aedificantis potestate, et ditione existere dignoscentur, ita, quod in hoc turbari, vel impediri non possint, aut debeant.

In solo vero, in aliena Ditione, aut Dominio sito, aedificare, reparare, munire, aut for-

tificare aliquem locum posthac durante Pace non sit licitum.

Et quoniam non restituitur *Tata* contra omnem aequitatem, interceptae saltem villae, et possessiones, vltra Danubium sitae, non inquietentur, sed *Comaromio*, sicuti fuerant a principio, subiectae maneant. Quia *Tata* non fuit tale Castrum, quod propriam iurisdictionem haberet, sed *Comaromio*, submissum, adeoque Praefectus illius tantummodo Castellani officium gerebat, ibi collocatus, vt huiusmodi villas, ad *Comaromium* pertinentes, quae per *Comaromiense* Praesidium non satis commode tempore bellorum regi poterant, neque ab illis, qui erunt in *Tata*, aut aliis quibuscunque Turcicis militibus inquietentur.

Item, vt sub hac Pace nullo modo nostra iura in Hungaria impediri, neque nostris Colonis, ac subditis quocunque praetextu, vel colore quaesito, exactiones, aut onera vlla imponi debeant, ita, quod omnia illa loca, quae in praesentiarum in nostra ditioe, et potestate sita sunt, cum vniuersis suis pertinentiis, castris, et oppidis, redditibus, ac quibuscunque bonis, tam mobilibus, quam immobilibus in eadem nostra potestate sint, ac maneant, nec in illis vllum ius exactionis, vel alterius oneris subditi, vel milites, vel officiales Turcici quaerant, seu praetendant, multo vero minus villas nostras subinde occupent, aut, missis Litteris, comminatione incendii, depredationis, seu

captiuitatis Subditos nostros ad deditiōem sollicitent. Et quicumque Coloni hactenus ad vtramque partem seruitia, census, vel decimas praestiterant, vbicumque illi siti sunt, in posterum quoque Nobis, vel subditis nostris seruitia, vel census praestent.

Et quoniam Turcae, quando primum occupauerunt dedititias villas, contenti fuerunt solitis, et ordinariis Colonorum prouentibus, progressu vero temporis maiores in dies exactiones illis imposuerunt in tantum, vt nunc decuplo plus exigant ab aliquibus, adeo, quod pauperes non habentes vnde amplius soluant, tandem metu captiuitatis, relictis sedibus, aufugiant, et postea neque Nobis, neque Serenissimo Turcharum Imperatori, eiusue subditis vllam amplius vtilitatem praestent; mandet proinde Serenitas eius, ne praefati milites, et Spahiae sui Colonos ipsos vltra eorum ordinarios prouentus, quos Dominis eorum soluere consueuerunt, et quibus Turcae initio contenti fuerunt, compellant, sed dimidia parte eiusmodi ordinarii prouentus contententur, reliquam vero Colonorum Dominis relinquunt, vt hoc modo pauperes, miserieque Coloni nimis, et intolerabilibus extraordinariis exactionibus liberati, non aufugiant, sed maneant, et vtrique parti diutius vtilis sint.

Praeterea deinceps a publicata Pace ista nulli Subditi nostri, siue sint Hungari, siue alterius cuiuscunque nationis, captiuntur: quod-

si tamen factum erit, ii vbicunque detinebuntur, mox liberati restituantur, et tuto, atque pacifice sine vlla pactatione, seu pretii redemptorii exactione domum redire permittantur, neque tales captiui vllo modo, colore, vel ingenio quaesito, detineantur, mancipientur, vendantur, siue donentur.

Porro, si Nobis in futurum etiam videbitur, aliquis homo in excelsa Porta saepedicti Serenissimi Turcharum Imperatoris intertenendus, siue Oratoris, siue Agentis, siue Procuratoris, siue quocunque titulo, is Oratoris libertate etiam, ac priuilegiis, immunitatibusque frui debebit, quemadmodum aliorum Principum, qui Serenitati illius amici sunt, Procuratores frui solent, aut debent, habeatque liberam potestatem, conducendi Dragomanum, siue Interpretem quos, et quocunque velit.

Similiter non impediuntur etiam homines, aut Nuncii nostri, qui interdum ad amplissimam illam Portam, vel ad hominem nostrum, qui ibi residebit, aut etiam ab eo ad Nos mittentur, quin potius eisdem omnis fauor, et auxilium praestetur.

Quas quidem Conditiones, et Articulos pro firmiore Pacis robore Serenissimus Turcharum Imperator, perinde, ac Nos, sese firmiter, inuiolateque obseruaturum sub fide, et verbo promittat, necessariisque, et opportunis litteris statim confirmet.

Cum vero ad Pacis firmitatem plurimum pertineat, omnem dissidiorum, et motuum causam in Confiniis tolli, et ad hoc valde expediat certos limites statui, vtrique parti tolerabiles, quos alterius partis militibus hostiliter transgredi non liceat, optimum erit id negotii Commissariis, ex vtraque parte pari numero deligendis, Viris probis, pacificis, et rerum agendarum peritis, qui quidem pari autoritate praediti, iustitiae, et vtriusque partis, habitatione, tales limites statuunt.

Similiter, si magnae aliquae, et arduae differentiae orirentur, quae prorsus celerem compositionem requirerent, ad tales Commissarios constituendos refugiendum erit, qui loco opportuno conuenientes sine exercitu, atque aequali personarum numero, et comitiua, omnes, et singulos huiusmodi controuersias emergentes decident, et amicabiliter componant, et talis denique ordo, ac modus constituatur, ut vtraque pars suos homines, et subditos citra omnem tergiuersionem, vel praetextum gravissimis poenis ad integre, firmiter, et inconcusse obseruandam Pacem compellat.

Quoniam vero in tam amplo Regno, tam diuturnis bellis afflicto, fieri non potest, quin multi latrones, et malefici homines passim diuagentur, propter talium hominum Subditos, et improuisos incursus Pax violata non debet intelligi, neque si, vel Subditi, vel milites alterius partis contra Pacem aliquid attentarint,

vel alias aliqua controuersia, aut differentia ex vtraque, vel altera parte emergat, vt interdum accidere solet, neque omnia semper praecaueri possunt, ideo Pax violata intelligatur. Sed vtraque Pars sedulo operam dare debebit, vt tales Praedones, et damnificatores, et Pacis perturbatores debitis poenis afficiantur; in grauioribus vero casibus (vt dictum est supra) ad Commissarios confugere expedit.

Licitum sit etiam Turcis, si tales Praedones, aut raptores in sua Ditione deprehenderint, illos supplicio afficere, si vero illos deprehendere non potuerint, Capitaneis, aut Officialibus nostris, sicubi eos esse, compere-rint; indicent, qui eos punire a Nobis mandatum habebunt; si vero ab illis non punientur, Nos ea de re informati, probe pro demerito puniendos curabimus, modo idem ex altera quoque parte fiat.

Sed et Duella, quoniam multorum motuum, ac dissidiorum caussam saepe subministrare solent, optimum erit tempore huius Pacis inhibere, quin immo ii, qui alios ad huiusmodi singularia certamina prouocare ausi fuerint, ad alterius Partis instantiam, et requisitionem puniantur.

Quae quidem omnia, si Serenissimus Turcharum Imperator rata, grataque habuerit, ac Litteris suis corroborauerit, et confirmauerit, pollicemur in verbo nostro Caesareo, Nos quoque candide, et firmiter obseruatu-ros, et ad-

impleturos esse, pecuniasque supradictas ad Portam eiusdem Serenissimi Turcharum Imperatoris missuros, et quaecunque Nobis vigore conditionum, et pactorum suprascriptorum incumbunt, executuros esse, nec eis vlllo quaesito colore per directum, vel indirectum contrahenturos, indubitata spem, et fiduciam in Serenitate eius ponentes, omnia vicissim bona, et integra fide agi, nec Ministros, et Subditos, Militesque Serenitatis suae iis, quae iuxta praemissa tractata, et conclusa fuerint, directe, vel indirecte, quouis quaesito colore, contrahenturos, quemadmodum et Nos, omni dolo, et machinatione remotis, iubebimus, et mandabimus Ministris nostris, vt Pax, et quies a nostra parte integre obseruetur, vt dignum est, fide, et magnanimitate nostra, harum testimonio Litterarum manu nostra propria subscriptarum, ac Sigilli nostri appensione munitarum. Datum in arce nostra Regia *Pragae* Die prima Iunii Anno Domini Millesimo Quingentesimo Sexagesimo Secundo, Regnorum nostrorum, Romani Trigesimo Secundo, aliorum vero Tricesimo Sexto.

Ferdinandus m. p.

(L. S.)

Defuncto vero Diuo Genitore nostro, prae-
fatus Serenissimus Turcharum Imperator per
Litteras a Nobis petierat intelligere, vtrum et
Nos Pacem, et amicitiam paternam cum Sere-
nitate eius seruare vellemus. Nos sane intel-
lecta, et considerata eiusmodi propensa, et
sincera voluntate, quam Serenitas eius erga
Nos praeseferre videtur, cupientes etiam bene-
ficio, et quieti publicae, et praesertim com-
modis oppressi Regni nostri Hungariae consul-
tum esse, vestigiis Diui Domini Parentis no-
stri in seruanda, et continuanda huiusmodi Pa-
ce, et amicitia insistendum duximus. Itaque
non solum nostro, verum etiam Serenissimo-
rum Principum, *Ferdinandi*, et *Caroli*, Archi-
ducum Austriae, etc. fratrum nostrorum cha-
rissimorum nomine, praeinsertas Serenissimi,
et Potentissimi quondam Domini Genitoris no-
stri Litteras, ex certa nostra scientia, animo-
que bene deliberato, et omni meliori modo, et
forma, quibus potuimus, atque debuimus, ap-
probauimus, ratificauimus, et corroborauimus,
prout vigore praesentium approbamus, ratifi-
camus, et corroboramus, declarantes, et in
verbo nostro Caesareo pollicentes pro Nobis,
et iam nominatis Serenissimis, ac charissimis
Fratribus nostris, quod ceptam inter saepedi-
ctos Diuum Genitorem nostrum, et Serenissi-
mum Turcharum Imperatorem pacem, et con-
cordiam vsque ad finem constituti octennii can-
dide, ac sincere obseruabimus, munusque ho-

norarium posthac etiam quolibet anno, Deo dante, mittemus, omniaque, et singula, quae Nobis praestanda incumbunt, exequemur, et adimplebimus, nec eis vlllo quaesito colore per directum, vel indirectum contraueniemus, ac demum, omni dolo, et machinatione remota, curabimus, et iubebimus, vt etiam a Praefectis, Ministris, Officiariis, Militibus, et Subditis nostris Pax, et Quies intégrè obseruetur, sicuti dignum est, fide, et magnanimitate nostra, dummodo similiter Serenissimus quoque Turcharum Imperator haec omnia rata, grataque habuerit, obseruauerit, adimpleuerit, ac Litteris suis corroborauerit, et confirmauerit, quemadmodum non diffidimus, ex parte Serenitatis suae perinde bona, et integra fide omnia agi, nec Serenitatis suae Ministros, Subditos, et Milites iis, quae iuxta praemissa tractata, et conclusa fuerunt, directe, vel indirecte, quouis praetextu quaesito, contrauenturos esse. Harum testimonio Litterarum manu nostra subscriptarum, et Sigilli nostri appensione munitarum. — Datum *Viennae* Die vigesima septima mensis Octobris, Anno Domini Millesimo Quingentesimo Sexagesimo Quarto.

Maximilianus m. p.

(L. S.)

D.

ARTICVLI PACIS

conclusi inter Supremos Commissarios, et Capitaneos Caesaræ Maiestatis, et Oratores Transsilvani, Zathmarii in mense Martio.

1565.

Primum, quod Illustrissimus Dux Transsilvaniæ, et legitimi illius posteri, ac descendentes ex eodem sexus masculi, Transsilvaniam, sicuti intra limites suos constituta est, retineat suis certis quibusdam Conditionibus, de quibus postmodum Oratores, seu Nuncii ad Cesaream Maiestatem profecturi, cum Maiestate sua latius tractabunt, et concludent. Reliquam vero Ditionem, in Hungaria existentem, Cesareæ, ac Regiæ Maiestati, et eius Haeredibus, ac Successoribus, legitimis Hungariæ Regibus, pro se, et suis Haeredibus libere cedat, ac remittat, excepto Comitatu præfato Byhoriensi cum castro Varadiense, suisque pertinentiis, quæ ex speciali suæ Maiestatis concessione, et gratia ad dies vitæ Illustrissimus Dux possidere, et frui debet, ea tamen conditione, ut post mortem illius ea omnia reliquo corpori Hungariæ Regni statim de facto uniantur, et suæ Maie-

stati Caesareae, vel suis Successoribus, Regibus Hungariae restituantur.


Deinde, quod posthac, deposito titulo electi Regis, vocentur Duces Transsilvaniae.

Quod sua Caesarea Maiestas libere retineat iure belli castrum *Tokay*, et arcem *Zerench*, ac alia Loca, ab exercitu suae Caesariae Maiestatis occupata, cum vniuerso territorio, atque Districtu ad ea spectante, nisi specialem gratiam aliquibus, quorum interest, ad intercessionem Illustrissimi Ducis Transsilvaniae facere, sua Maiestas sponte velit.

Quod specialiter Dux Transsilvaniae libere cedere, atque suae Caesariae Maiestati resignare teneatur castra *Munkatch*, et *Hwzt* cum omnibus, et singulis eorum pertinentiis, ac iuribus, vbicunque locorum existentibus, quemadmodum nunc ab ipso Transsilvano Duce, vel saltem nomine, et loco ipsius possidentur, et quod interim etiam horum Castrorum oppugnatione ommittatur.

Quod omnes Captiui, qui adhuc detinentur, libere, et sine impedimento dimittantur.

Praeterea Subditis vtriusque Partis nihil impedimenti inferri debet, quo minus deinceps quoque Bona, Prouentus, et Redditus, quos vel Hungari in Transsilvania, vel Transsilvani in Hungaria habent, libere, et pacifice tenere, percipere, et eis vti, frui, gaudere, atque potiri queant.



E.

PASSVALES, ET CREDENTIALIALES

Mustaphae Bassae Budensis pro Crateribus Caesareis Constantinopolim profecturis de 4. Jun. an. 1567.

Mi muztafa pasa Budán' az Hatalmas csaszarnak feő hel tartoya, és gond uiselőye ez orzagban etc.

Tekenteteős es N. vr nekünk szerelmes barátunk kefzenetünket, es baracsagunkat Ayanliuk ti nőktek.

Megh adak my nekünk az Kd leuelet, melliet irot te Kd az Romay csaszar akaratia szerent 4. die Jun. kiben jelente te Kd az tisztességes Ayandeknak be kiüldeseit jeles fő köuetek által, az ægry pispektüil Antal pispektüil, es Teuffenbach Christophtül, Jelente esztöt Kd, hogy az my kegielmes vrunknak az hatalmas csaszarnak hit leuele cő fölsegeuel my kislönk ys Vgian aszon Hatalmas csaszarnak hit Leuele szerint kiuanna Kd es szemelieknek hit leueleit, mel Hit leueleük mellet minden kefzeöleteket, eön magok louok jofzagok szolgayok békéuel jarhatnanak;

Mostan aszerint fogaziuk az my Hitönkre tyfztessegiükre hogy senkytuel semmy bantasok

nem lefzen , sem eön magoknak sem marhaiok-
nak sem Izolgayoknak semmieknek , es min-
denneöt nagy tilztessegei jo embyrynk által ke-
sertetiük : ebben te Kd semmy ne ketelkegiék
— ennek bilzonsagara agiuk az my pecseteles
hit leuelenket , Ystentarcsa megh Kdt. Datum
bude 4. die Juny Ad A. dni 1567.

(L. S.)

Jeüveünek és meneünek.

In Dors o.

Az nagy trautson Janosnak az Romay tsa-
szarnak fö köüetinek Oratorinak.

F.

SPECIFICATIO.

Honorariorum de 26. Iunii Anno Dom. 1567.

Verzeichnuß wie hoch sich die Türkisch Vererung
und Fertigung , welche anjezo hinein nach Constans-
dinopl durch Herrn Bischoff von Erla und dem von
Teuffenbach vererad sol werden , erstreckgen wierdet ,
und was dem Türkischen K Kaiser , und den Wascha
underschidlich überantwort sol werden.

Erstlichen bringt des Türkis-
schen K Kaiser Vererung dreissig Taus

fent Ducaten, oder für ain Ducaten
ander halben Taller geraiten. Et. 45000 Taler.

Mer Ime funfzehn Schöne Pö-
cher. Inwendig, und aussen vergoldt:

Über gemelten Türtchischen Khas
ser zwo Uren.

Dem Mehemete Wascha vier
Tausendt Ducaten in Gold. Die
machen auf Taller gerait. = 6000. Taler.

Mer bemelten Mehemeth Wa-
scha vir doplt Pöcher.

Noch Ime ain Ur.

Dem Perthaw Wascha zwai
tausendt Ducaten in Goldt, machen
in Taller = = = = 3000. Stuetk.

Noch Ime zwen doplt Pöcher.

Mer gemelten Wascha ain Ur.

Dem Ferrato Wascha ain Tau-
sendt Ducaten, die bringen auf Tal-
ler gerait = = = 1500 Taler.

Noch Ime zree Pöcher.

Den andern Dreien Wesirriß,
jeden ain Tausendt, macht drey
Tausendt Taller = id est 3000. Taler.

Mer auf die fürneimbste Of-
ficiar, unnd andere Diener Vere-
rung wierdet Zwaitausendt Taller
verorndt, welche aber die Dratoretz
nach Gelegenhait der Personen, unnd
mit beschaidenhait Irren guet ach-
ten nach außthailen sollen, id est: 2000 Taler.

Dem

Dem Wascha zu Offen sollen
Zwaitausend Taler verert werden
id est: = = = =

2000. Taler.

Noch Ime Zmee dopelt vergult
Silberne Thöpf, oder Pecher.

Den Zwaien Türckischen Tuls
matschen, als Raimblichen dem Er-
hribimb fünf Hundert Ducaten, unnd
dann dem anderen Drey Hundert
Ducaten: machen bede Posten auf
Taler gerait: = = =

1200. Taler.

Alberten de Wyss Drator zu
Constandinopl wiert anjeko über die
Zwaitausend Ducaten, so Ime
jüngstlich von Wenedig auß riehtig
gemacht worden, mitgeschiekt fünf
Tausend Taler = = id est:

5000. Taler.

Vor erst wierdet den Herrn
Gesandten auf allerlai fürsal, unndt
extraordinari außgaben, unndt not-
durffen miteinander überantwort;
unndt zugestellt ain Tausend Taler
id est: = = = =


1000. Taler.

I n D o r s o.

Rmo. D. Episcopo Agriensi exhibendum

(L. S.)

Percepta 26. Iunii Posonii 1567:



G.

M A N V A L E S

Maximiliani Imperatoris, et Regis ad Antonium Verantium, Episcopum Agriensem.

Auf des Herrn Bischofs von Erla ratlich Guts bedunkhen wolle er also denen vier Wisser Bascha, über die ain thausent Thaller noch zwey Trinckgeschir vereren lassen.

Und nachdem der Herr Bischof rat, daß dem Bascha von Temeschwar, auch ein Vererung geschickt werden solle, so wollen Ime Er also zwey Trinckgeschir vereren. Was man Ime aber für selbe noch daneben geben solle, werden wolgedacht Herr Bischof sein Gutbedunken darüber zu geben wissen.

H.

C O N S I G N A T I O.

munerum honorariorum, in quantum nimirum se extendant, iam Constantinopolim ad Turcicum Imperatorem, et Bassas per Dominum Agriensem Episcopum, et Dominum de Teuffenbach ferendorum, ac discrete Turca-

rum Imperatori, et Bassis per eorundem Legatos administrandorum An. D. 1567.

Primum afferent eo Turcarum Imperatori munus honorarium, cuius pecuniaria substantia constituit triginta millia Ducatorum, aut, si Ducatus pro talero vno, et dimidio computetur, quadraginta quinque millia Talerorum.

Item quindecim elegantia, et fabre facta pocula, interius, et exterius inaurata.

Praeterea eidem Turcico Caesari duo Horologia summi artificii.

Mahometi vero Bassae quatuor millia Ducatorum aureae monetae, quibus ad Talerorum valorem computatis, prouenit summa sex millium Talerorum.

Eidem Bassae quatuor Pocula duplicata.

Item Horologium.

Perthau vero Bassae duo millia Ducatorum, similiter aureae monetae, qui constituunt tria millia Talerorum.

Item Pocula duplicata duo.

Nec non Horologium.

Ferrati vero Bassae mille Ducatos, quibus in Talleros redactis, fiunt mille, et quingenti Taleri.

Ad haec duo Pocula.

Reliquis tribus Visir, singulis eorum mille nos Ducatos, qui faciunt simul connummerati, tria millia Talerorum.

Porro ad Donaria praecipuis Turcicae Aulae Officialibus, et aliis Ministris assignanda,

et offerenda deputantur duo millia Talerorum, quos tamen Oratores, habito inter Personas discrimine, ac harum qualitate observata, pro suo arbitrio, vti ipsis videbitur, distribuent.

Bassae Budensi duo millia destinantur Talerorum.

Insuper, ex argento quidem conflata, sed inaurata duo Pocula.

Turcicis autem duobus Interpretibus, quippe Hebraimo quingenti Ducati attribuuntur, alteri trecenti; qui vna computati faciunt mille, et ducentos Talleros.

Alberto de Wyss, Oratori Constantinopolitano iam supra duo illa millia Ducatorum ipsi Venetiis Constantinopolim ordinatorum, vna mittuntur quinque millia Talerorum.

Praeter haec omnia ad omnes ingruentes extraordinarias erogationes, et necessitates Dominis Oratoribus traduntur, et offeruntur mille Talleri.

Ad opinionem vero Domini Episcopi Agriensis constituit Sacra Caesarea Maiestas etiam quartum ex Visir Bassam supra mille Taleros duorum Poculorum munere afficiendum.

Si vero Domino Episcopo videbitur, vt etiam Bassae Temesuariensi munera offerantur, Sacra Maiestas Caesarea ipsi duo Pocula missura est. Quantum autem pecuniae eidem assignandum, praefatus Dominus Episcopus censeat, opinionem suam superinde explanabit.

I.

C O N S I G N A T I O

Pecuniae paratae, Vasorum argenteorum, et Horologiorum Reuerendissimo Domino Antonio Verantio, Episcopo Agriensi, atque Nobili strenuoque Domino Christophoro a Teuffenpach, ambobus Consiliariis Sacratissimae Caesareae Maiestatis, ex eiusdem Decreto, et Commissione ad institutam in Turcicum Imperium Legationem per me Andream Schnätterl Solutionum bellicarum, Hungariae Regnum attinentium, Magistrum administratorum, et traditorum, contestante subsequenter seriei tenore. Actum Posonii vigesima octaua die Iunii Anno supra millesimum, et quingentesimum sexagesimo septimo.

Primum Turcarum Imperatori muneris vice offerenda quadraginta quinque millia Talerorum, quorum duodecim millia, centum et septuaginta sex, singuli cruciferis sexaginta et octo; decem et octo millia quingenti, septuaginta et vnus, singuli quidem horum cruciferis etiam sexaginta, et octo, et denario vno nigro: Item mille, trecenti, et triginta cruciferis sexaginta et octo, atque duobus denariis (vbi vocantur)

nigris: demum duodecim millia, noningenti viginti tres singuli cruciferis sexaginta nouem valeant. Sic sane vna summa his omnibus connumeratis constituunt, vnum et quinquaginta millia trecentos decem et septem florenos, cruciferum vnum

(Id est: 51317. flor. 1. crucifer.)

Insuper quindecim artificiosa Pocula, quippe; primum habens operculum, et constans pondere viginti quinque Marcarum, lotorum tredecim, quintarum duarum. Marca quidem florenis sedecim aestimata

Fiunt (413. flor. 30. crucifer.)

Item duplicatum Poculum (cuius similia genera Cupae vocantur) pondere marcarum septendecim, lotorum duodecim, Quintarum trium. Marcae vnus valore decem et octo florenorum Rhenensium existente

Proueniunt (320. flor. 20. crucifer.)

Item simile pondere Marcarum septendecim, Lotorum quatuordecim. Marcae aestimatione decem, et octo flor. consummante.

Fiunt (321. flor. 45. crucifer.)

Item simile, quo ponderato Marcae tredecim, Lotum vnum cum dimidio deprehenditur. Marca quindecim flor. et quadraginta quinque cruciferis soluta

Computatur (206. flor. 12. crucif.)

Item aliud simile, cuius ponderatio duodecim Marcae, Lota quindecim cum dimidio adaequat. Marcae pretio quindecim florenis,

et quadraginta quinque cruciferis putato,
Summa

emergit (204. flor. 15. Crucifer.)

Item Poculum coopertum pondere septem
marcarum (singulis horum septendecim florenis
Rhenensibus valentibus) lotorum trium, Quin-
tarum totidem

fiunt (123. flor.)

Item simile, cuius pondus marcas sex Lota
nouem, quintam dimidiam praestat. Marca
constante quindecim florenis, et quadraginta
quinque cruciferis

Conficiuntur (103. flor. 29. crucifer.)

Item simile eiusdem ponderis, et marca
eiusdem valoris, summaque eadem

scilicet (103. flor. 29. crucifer.)

Item duplicatum Viennensi ponderi marca-
rum nouem, Lotorum nouem cum dimidio.
Marca einta duodecim florenis

constituuntur (191. flor. 52. cruc. 2. d.

Item simile marcarum octo, lotorum quin-
que cum dimidio. Marca paris pretii cum supe-
riori

facit (166. flor. 52. crucif. e. 2. d.

Item simile marcarum octo, lotorum decem.
Marca viginti florenis aestimata

fiunt (172. flor. 30. crucifer.)

Porro *Ferratae* Bassae mille et quingenti
Taleri, singuli sexaginta nouem cruciferis va-
lentes

faciunt (1725. Rh. flor.)

Item duo duplicata Pocula pondere sedecim marcarum, duodecim cum dimidio Lotorum. Marca viginti floren. /

funt (335. flor. 38. crucifer.)

Item reliquis tribus Visir, singulis in parata pecunia mille Taleri, qui simul valore sexaginta nouem cruciferorum, connumerati

efficiunt (3450. flor. 38. crucifer.)

Item reliquis tribus iisdem Visir, cuius eorum duo pocula, quae simul constituunt numerum poculorum sex. Primum continet pondus marcarum sex. Marca viginti florenis constante

funt (120. floren.)

Secundum septem marcarum, et octo lotorum. Marca eiusdem valoris cum superiori

funt (150. flor.)

Tertium duplicatum marcarum septem, et quindecim lotorum

constat (158. flor. 45. crucifer.)

Quartum simile sex marcarum, lotorum decem, vnus Quintae

vdlet (132. flor. 48. crucifer. 3. d.)

Quintum sex marcarum, et octo lotorum, comparatum

a (130. flor.)

Sextum totidem marcarum, lotorum vero quinque. Marcae horum omnium cum primo idem valor, videlicet viginti floreni

hoc constat (126. flor. 15. crucifer.)

Item tradita sunt Dominis Oratoribus pro muneribus praecipuis Officialibus, et aliis Ministris Aulae Turcicae cessura duo millia Talerorum: quos tamen praememorati Domini Oratores pro qualitate, et differentia Personarum inter ipsas distribuent. Singuli Taleri valent sexaginta nouem cruciferis, simul

faciunt (2300. flor.)

Pro munere Bassae Budensis mille Ducati, et quingenti Taleri, qui computati faciunt duo millia Talerorum, inter quos Ducenti nonaginta Ducati Cruciferis centum et septem., ducenti vero et sexaginta ducati centum et octo, denique Taleri sexaginta nouem cruciferis valentes, Rhenenses florenos

pariunt (2353. flor.)

Item duplicata duo Pocula pondere viginti marcarum, Lotorum quinque, et dimidia Quintae. Marca valet florenis quindecim, cruciferis vero quadraginta quinque, summa

fit (328. flor. 13. crucifer.)

Postremo duobus Interpretibus Turcicis, *Ebrahimo*, nimirum quingenti Ducati, et alteri trecenti dentur, quorum singulis cruciferis centum et septem valentibus,

conficitur summa (1426. flor. 13. crucifer.)

Item aliud simile pondere marcarum nouem, Loti dimidii. Marca viginti florenos merente

sunt (180. fl. 37. crucif. 2. d.

Item poculum coopertum Marcarum octo.
 Marca viginti florenis soluta

fit Summa (160. flor.)

Item simile eiusdem ponderis, et pretii, et
 summae

(160. floren.)

Denique simile pondere marcarum septem,
 Loti dimidii. Marca viginti florenis comparata
 fiunt (140 flor. 37. crucifer. 2. d.)

Post haec duo Horologia, vnum ducentis,
 et quinquaginta floren. et alterum speculo orna-
 tum, centum et sexaginta sex florenis compara-
 tum, simul

faciunt (416. flor.)

Porro iisdem Dominis Oratoribus supra me-
 moratis pro munere *Mahometi* Bassae assignan-
 do, in parata pecunia duorum millium Ducato-
 rum summa, singulis quidem centum, et quin-
 que cruciferis, vniuersis vero tribus millibus
 Talerorum, et horum singulis sexaginta nouem
 cruciferis valentibus, tradita. Ducatis ergo in
 florenos computatis

proueniunt (6950. floren.)

Praeterea poculum duplicatum praedicto
Mahometi Bassae muneris loco cessurum pon-
 dere sedecim marcarum, quatuor lotorum,
 vnus quintae. Marca decem, et octo floren.
 constantur (292. flor. 46. crucif.) cum dimidio.

Item simile poculum pondere marcarum
 quatuordecim, lotorum vndecim. Marca valen-
 te sedecim florenis

conficiuntur (235. floren.)

Item aliud simile pondere marcarum quinque lotorum duorum. Marca pretio quindecim florenorum, et quadraginta quinque cruciferorum fiunt (99. flor. 33. crucifer.)

Item aliud simile pondere marcarum septem, lotorum trium. Marca valore quindecim, et quadraginta quinque cruciferorum constituuntur (111. flor. 33. crucifer.)

Item Horologium centum et quadraginta quinque florenis Rhenensibus emptum, et eidem *Mahometi Bassae* deputatum, sunt (145. floren.)

Item pro munere *Perthau Bassae* mille, sexingenti, et viginti ducati (ex quibus mille centum et octoginta, singuli nimirum centum et quinque Cruciferi, reliqui vero quadringenti quatuor, singuli cruciferis centum, et septem valent) et quingenti septuaginta Taleri, qui valent octo, et sexaginta cruciferis

fiunt (3495. floren. 40. crucif.)

Item duplicatum poculum pondere marcarum duodecim, lotorum septem, quintae dimidia, Marca decem, et quinque florenis, et quadraginta quinque cruciferis constante

proueniunt (196. flor. 1. crucifer.)

Item aliud pondere Viennensi marcarum decem, Loti dimidii. Marca viginti florenis aestimata

efficit (200 fl. 37. crucif. 2. d.)

Item Horologium valore centum, et sexaginta Rhenensium

Id est (160. floren)

Summa paratae pecuniae, et pretium Vasorum argenteorum, et Horologiorum comprehensum constituit nonaginta septem millia, trecentos, et viginti tres Rhenenses florenos, Cruciferos vero quinquaginta sex, et tres Denarios.

K.

Q V E R E L A E

Ad Sacratissimam Romanorum Imperatoriam, ac Hungariae, et Bohemiae, etc. Regiam Maiestatem perlatae de variis iniuriis, ac violentiis, quae Subditis, atque Militibus Caesareae Maiestatis tempore praesentium Induciarum illatae fuisse, perhibentur. 1567.

Primum: Quod Turcici Praefecti variis in locis dicuntur extruere noua Castella in detrimentum, ac diminutionem Ditionis Caesareae suae Maiestatis, vtpota: in *Batyán*, *Zegesd*, et pluribus locis circa *Agriam*. Idem fertur, eos in animo habere de *Zabadtká* castello, per milites Sacratissimae Romanorum Imperatoriae Maiestatis combusto, et diruto, non obstante, quod iuxta conuentionem, et conclusionem vtriusque potentissimi Imperatoris sub praesentibus Induciis omnia in pristino statu manere, et tales innovationes minime fieri debeant.

Secundo: Deinde, quod Sanziacki, et Praefecti Turcici passim in Regno conantur ad deditionem, et solutionem censuum, ac servitiorum cogere villas, quae illis nec tempore, quo praesentes Induciae initae sunt, nec antea tributariae fuerunt; sic nuper *Achyan* Bassa Kathiensis Litteras dedit ad Possessiones arcis *Ghymes*, *Kolony*, et *Syrák* vocatas, quibus illas ad deditionem sollicitat cum grauissima comminatione.

Tertio: Beghus autem Hathwaniensis mense praeterito villam *Tárkany* ad *Agriam* pertinentem, quamvis Turcis tributaria non sit, bis tamen inuasisse perhibetur.

Quarto: Idem Beghus Hathwaniensis euectionem vini Sacratissimae Romanorum Imperatoriae Maiestatis pro educillatione, et laborum ad *Agriam* praestationem omnibus villis circum *Hathwan* existentibus admodum serio interdixit.

Quinto: Idem ipse Beghus Hathwaniensis crudelitate sua Oppidum *Heves*, et Possessiones *Peel*, *Wezeken*, *Beö*, *Hun*, ac alias complures desertas reddidit.

Sexto: Praeterea de Begho Zolnociensi alatum est, quod duos Seruitores Officialium Cumanorum pro falcatoribus missos in captiuitatem abduci fecerit, et omnibus Vltratibiscanis educillationem vinorum, et laborum ad *Agriam* praestationem interdixerit.

Septimo: Porro de *Hazambego* Strigoniensi Praefecto querimonia est, quod licentiam dederit Peditibus suis in ditionem Romanorum Imperatoriae Maiestatis excurrendi, qui quidem milites Strigonienses ad diem quintum huius mensis Augusti ex possessione *Pagrany*, *Nitriae* vicina, quinque pueros masculos *Strigonium* abduxerint.

Octauo: Alios Strigonienses milites inde sinenter quoque prouocant milites Comaromienses ad Duellum, dicentes, id sibi a Spectabile, et Magnifico Bassa Budensi permissum esse.

Nono: Proxime praeteritis diebus Albenses filium *Christophori Mager*, militis Palothensis, ante portam arcis ceperunt, et abduxerunt.

Decimo: Et quidam *Iztram Kwrth*, Albensis, hisce diebus inter *Papam*, et *Vesprium* prope *Eseghwar* duos Seruitores, et sex equos *Petri Ormandy*, Vice-Capitanei Palothensis, duasque mulieres ex insidiis adortus cepit, et captiuos abduxit.

Vndecimo: Begus Kopaniensis die 13-tia Augusti ex Letha dedititia possessione tredecim personas abduxisse fertur.

Duodecimo: Aiunt etiam apud fortalitium *Chyakan* adhuc frequentissimas fieri excursions.

Decimotertio: Alibegh Zigethiensis Praefectus ad Comitem *Georgium de Zrinio*, et sub-

ditos eius Insulanos binas Litteras dedit, quibus eos ad deditionem sollicitat.

Decimoquarto: Prohibent insuper Turcae Colonos vltra fluuium *Rymiae* habitantes Sacratissimae Romanorum Imperatoris Maiestati census praestare.

Decimoquinto: In Partibus Sclauoniae, et Croatiae similiter multa quotidie a Turcis contra Inducias fieri dicuntur, et in festo beatae Mariae Magdalenae numero mille Equitum, et amplius congregati sub *Gora* excursionē facta, decem Personas, et septuaginta capita pecoris abduxerunt.

2.

RESPONSVM

Magnifici Simonis Forgách, Capitanei Agriensis super querelis, et grauaminibus Turcarum ipsi obiectis.

Fatetur se animaduertisse in quosdam coctores Salis nitri, sed iure id fecisse, quandoquidem noluerint, vt debebant, dimidiam nitri illius partem ad *Agriam* conuehere, quod si in posterum fuerint obsequentes, sicuti tenentur, eis ex *Agria* nihil periculi fore metuendum.

De Nazadae submersione, et octingentis pecoribus *Pestho* abactis, id sub Capitaneatu *Simonis Forgach* non accidisse.

Tabellarium Beghi Moháchiensis per Agriensem interceptum esse, quia Bégus Hathwaniensis ex non tributaria possessione *Ozthoros*, dimidio milliari ab *Agria* distante, decem, et nouem Personas, vnum agasonem cum aliquot militibus abduxerit.

3.

Aliae Querelae de 1. Septembris anno 1567.

In proxime praeterito mense Augusto ascenderunt Turcae per Danubium cum aliquot nauibus, animo opprimendi, et capiendi operarios Sacratissimae Caesareae Maiestatis in lapicidina quadam laborantes, sed propter milites, qui operarios custodierunt, non ausi sunt, institutum prosecui.

Eodem tempore alii quidem Turcae adepti nauiculam, sumtis pileis Hungaricis, ne pro Turcis agnoscerentur, insidias posuerunt nauigantibus in Danubio inter *Iaurinum*, et *Comaromium*, factoque impetu in nauim quamdam frumentariam, et occiso vno ex nautis, reliquos sex in suam nauiculam transposuerunt, atque captiuos abduxerunt, naui frumentaria deserta.

Ex partibus *Canysae* nunciatum est Maiestati suae, quod Turcae in iis locis pessime obseruarent Inducias, sed Fortalitia combusta, et desolata sedulo instaurare, ac Ditionem Maiestatis



L.

RATIOCINIVM

Oratorum Caesareorum super dispensatione pecuniarum, et munerum honorariorum Constantinopoli.

Anno 1567. 28. Augusti.

Dati sunt Supremo Passae, Mehmeth

Ducati aurei	-	-	-	4000.
Cuppaee duplicatae	-	-	-	4.
Horologium	-	-	-	1.
Ianitori huius Passae dati sunt Taleri	-	-	-	40.
<i>Eodem.</i> dati sunt <i>Pertaw</i> Passae Tall.	-	-	-	2000.
Cuppaee dupp.	-	-	-	2.
Horologium	-	-	-	1.
Ianitori huius Tall.	-	-	-	30.
<i>Eodem.</i> dati sunt <i>Ferhat</i> Passae Tall.	-	-	-	1500.
Cuppaee dupp.	-	-	-	2.
Ianitori huius Tall.	-	-	-	30.
<i>Eodem.</i> dati sunt <i>Ahmat</i> Passae Tall.	-	-	-	1000.
Cuppaee dupp.	-	-	-	2.
Ianitori eius Tall.	-	-	-	25.

Die 29. August.

Dati sunt <i>Pialy</i> Passae Tall.	-	-	-	1000.
Cuppaee dupp.	-	-	-	2.
Ianitori eius Tall.	-	-	-	25.
<i>Eodem.</i> dati sunt <i>Mahmuto</i> Passae Tall.	-	-	-	1000.
Cuppaee dupp.	-	-	-	2.
Ianitori eius Tall.	-	-	-	25.

Eodem. dati Magnifico Domino *Alberto*
Collegae nostro de ordinatione
Caesareae Maiestatis. Tall. - 5000.

Die 30. August.

Domino *Tychaie* Magnifico Domino *Meh-*
met Passae dati sunt dono Tall. 150.
Cuppae dupp. - - - 1.

Eodem. Domino *Ibraimo* Interpreti dati
sunt dono. Tall. - - - 750.

Eodem. Domino *Mahmutto* Interpreti da-
ti sunt dono. Tall. - - 450.

Eodem. Quibusdam minoribus Ianitori-
bus Passae Supremi, qui eius
nomine nobis attulerunt fructus,
et pisces, dati sunt. Tall. - 12.

Eodem. *Chiaus* Passy Caesaris dati sunt
pro vna veste de velato Car-
mesinae vlnae 12. Tall. - 75.

Eodem. Ciausis Caesareis viginti quinque,
qui nobis obuam venerunt extra
Vrbem, dati sunt. Tall. - 25.

Eodem. Capitaneo Vlufegiarum, qui no-
bis obuam extra Vrbem ve-
nit. Tall. - - - 50.
Et militibus eius. Tall. - - 25.

Eodem. Ciausis Budensibus sex, et toti-
dem Ianizeris, qui nos Con-
stantinopolim deduxerunt. Tall. 100.

Eiusdem Aug. 28.

Agriensis exemit de voluntate Domini
 Collegae ex Talleris, qui sunt
 in sua capsula, qui Ianitoribus
 Passarum *Pertaw*, et *Ferhat* di-
 tributi sunt. Tall. - - 60.

Idem Agriensis ex iisdem Talleris exe-
 mit pro Ianitoribus Passarum
Mahmut, *Ahmat*. et *Piaty*, si-
 militer de voluntate Domini
 Collegae. Tall. - - - 75.

1. *Septembr.*

Distributi sunt Officialibus Aulae prin-
 cipalioribus, tempore nostrae
 primae apud Principem Audien-
 tia. Tall. - - - 280.

2. *Septembr.*

Secretario Passae *Mehmet* dati. Tall. - 100.
 et Cuppa duplex valens 74. Tall.
 Asp. 23. qui Talleri 74. et Asp.
 23. tunc soluti sunt pro Cuppa,
 quia paratae non habebantur,
 et eam emere oportuit.

Eodem. Abrahamo. Tall. - - - 60.

6. *Septembr.*

Defectum centum viginti Tallerorum re-
 pertum in vno sacco, iuxta
 Schedas alligatas, quas reserua-

uimus, ex aliis pecuniarum saccis
supplenimus, Tallerorum vide-
licet 120. defectum.

Eodem. Pro saccis coriaceis, quibus pe-
cunia delata est ad Turcarum
Principem, et ad alios Vesirios,
dedimus. Tall. - - - 16.

Eodem. Donati Chiausio nostrae custo-
diae deputato. Tall. - - 32.

Eodem. Thihaiae Passae Budensis, qui
Nos deduxit Constantinopolim. Tall. 50.

9. Septembr.

Alium defectum centum duodecim Tall. 112.
inuenimus in quodam sacco, quem
defectum suppleuimus ex aliis
restantiis pecuniarum.

Eodem. Cuidam Amico nostro bene me-
rito dedimus munus. Tall. - 150.

14. Septembr.

Numerati sunt duodecim certi alii sacci,
in quorum altero repertus est de-
fectus. Tall. - - - 114.

In alio vero. Tall. - - 102 $\frac{1}{4}$.

Eodem. Numeratus est vnus saccus, in
quo defectus repertus est. Tall. 99 $\frac{1}{4}$.

16. Septembr.

Ego Agriensis excepi ex Aureis, qui
sunt in mea capsula, *quinque*, et re-
posui. Tall. - - - 7.

~~XXXXXXXXXX~~
7. Octobris.


Expeditus est *Eduardus* ad Caesaream
Maiestatem cum Litteris, eique
dati sunt pro sumtibus ex sacco;
qui erat in capsâ Episcopi, pec-
unia suae Maiestatis de volun-
tate communi Dominorum Colle-
garum. Tall. - - - 50.
Ciauso vero, qui cum illo
missus est. Tall. - - - 10.

20. Octobris.

Ex saccois, qui fuerunt in capsâ Agrien-
sis, dati sunt Dragonianis dome-
sticis *Antonio*, et *Matthiae*. Tall. 150.
Eodem. Quod reliquum fuit eorum sac-
corum apud Agriensem, Aurei
quadraginta duo. Idem Agrien-
sis de consensu Dominorum Col-
legarum accepit mutuo, eosdem
aureos restituendos. - - 42.

29. Decembr.

Conduximus hominem, qui Litteras no-
stras ad Caesaream Maiestatem
datas deportauit *Sibenicum*, Au-
reis ducatis triginta sex, qui fa-
ciunt. Tall. - - - 54.
Et hi desumpti sunt ex pecunia
suae Maiestatis, quae seruatur
in corbe.



1508.

Die 16. Ian.

Ex eadem pecunia dati sunt Ciausis circiter viginti, qui nobis obuiam venerunt ex <i>Hadrianopoli</i> . Tall.	25.
Similiter vni Buliuk Passae, qui deduxit nos Constantinopoli Hadrianopolim, <i>Mehmet</i> Passae mandato. Tall.	15.
Et Ciausio nostro pro vna veste anni noui. Tall.	35.
Ex eadem Caesareae Maiestatis pecunia persolutae sunt tres vestes sericeae, quas adhuc initio aduentus nostri Ciausi videlicet <i>Murt</i> eidem donauimus. Tall.	75.

3. *Martii.*

Ex eadem pecunia Maiestatis Caesareae, quae fuit in capsula Episcopi, dati sunt Ciauspassi Ciausis, Aggae, Idufegziarum Tympanistis, ac Tubicinibus, et Zolakis, Seimenis, Turnagiis, Curciis, et Saloggiis, qui nobis associati sunt in valedictione Turcarum Imperatoris, eundo ad Curiam, et inde redeundo. Tall.	108.
qui faciant Ducatos in auro. 72.	

9. *Martii.*

Ex eadem pecunia Caesareae Maiestatis
 dedimus quinque Ianizeris E-
 piscopi, et Domini Teuffen-
 pach ad vestes. ordinarii Tall. 38.
 Asper, - - - - - 30.

10. *Martii.*

Ex eadem pecunia Caesareae Maiestatis
 dedimus Cancellario ad duas
 vestes, qui scripsit in gratiam
 nostram, quantum fieri potuit,
 Ratificatorias Principis Turca-
 rum. Tall, - - - - - 55.


17. *Martii.*

Pro Aureis quadraginta, quos Agrien-
 sis de suo dedit, ad Officiales
 quosdam omnium Passarum in
 valedictione, qui faciunt. Tall. 60.
 Eos excepit ex praefata pecunia
 Caesareae Maiestatis de volun-
 tate Dominorum Collegarum,
 quae fuit in sua capsula. —

M.

*Foedus Maximiliani cum Selymo ex Fragmento
autographo Verantii.*

Maximilianus Secundus, etc. Recognoscimus, et notum facimus tenore praesentium Vniuersis. Quod, quum Nos ab ineunte aetate nostra summa sedulitate, ac summo studio, imprimis salutem, et conseruationem, deinde quietem, et tranquillitatem non solum publicam, Diuina adiuti Bonitate, sed etiam afflicti, oppressi, et prope iam penitus euastati, redactique ad extrema Regni nostri Hungariae continuis bellorum aequae intestinorum, atque externorum calamitatibus procurauerimus, nec quidquam nunc etiam habeamus antiquius, magisque animo versemus, quam, vt et priuatis Regnis, ac Prouinciis nostris prodesse, et publicis Statibus totius Christianitatis, quoad sese extendunt nostrae vires, beneficio per omnem aetatem nostram more Maiorum nostrorum esse possemus. Sed interim, qua domesticarum, quaque publicarum discordiarum pertinacia impediti, ac distracti, factum est, ne ea consilia, atque conatus prosequeremur, quos non dubitaremus diuinae mentis ope accedente, fore omnibus proficuos, si vniuersaliter tota Respublica Christiana, magis de communi pace, utilitate, atque concordia, inter sese concilian-



da, cogitaret. De his tamen utcumque alii apud se opinabuntur, et studium super hoc ex aequo statuent, sibi esse suscipiendum. Nos nihilominus Imperiali nostro muneri tota mente interim intenti, eam quietis, tranquillitatisque, et salutis omnium illorum, ad quorum gubernationem vocati sumus, geremus curam, quae, et a conditione temporum haberi poterit, et ratio Christianorum Statuum, non ita interesset, ut oparemur, cohaerentium. Itaque habita consideratione caussarum Pacis octennalis, quam Serenissimus quondam Princeps Dominus *Ferdinandus* Romanorum Imperator Augustae recordationis, Genitor noster charissimus, et observandissimus cum Serenissimo Principe, et Sultano *Solymano*, Imperatore Turcarum, ac Asiae, Graeciae, etc. post multas, difficiles, et diuturnas bellorum concertationes, per varios similiter, et longos Tractatus, hinc inde Oratoribus destinatis, transegerat, sic temporibus illis exigentibus. Nos quoque iisdem moti, atque inducti caussis, quas pari ratione haec etiam praesentia tempora, nihil ab illis discrepantia, eadem via, et Hungariae, et caeteris Regnis, ac Prouinciis nostris prospicere volentes, accidit, ut mox ab obitu eiusdem Serenissimi quondam Imperatoris, Domini Genitoris nostri charissimi, et observandissimi per Nobilem, fidelem, et dilectum *Albertum de Wyss*, Consiliarium, et Oratorem nostrum *Constantinopoli* residentem edoceremur, Serenissimum

Principem *Solymanum* Imperatorem Turcarum iam defunctum, ad amicitiam, et pacem Nobiscum faciendam, esse inclinatum; cupereque, vt ad felicem eius Portam Oratores nostros mitteremus, Nos quoque, vt eadem Regna, et Prouinciæ nostræ, maxime vero ipsa Hungaria, quiete, tranquillitateque fuerentur, cessarentque aliquando in miseris earum populis depredationes, captiuationes, caedes, et multiplices aliae Terrarum illarum vastitates, atque aerumnæ, non dissimili voluntate animum induximus, sicuti eidem charissimo et Genitori nostro in Imperium, et in reliqua Regna, ac Prouincias Domus nostræ successimus, ita et in amicitiam, et pacem, quam idem et Genitor noster cum praenotato Serenissimo quondam Imperatore *Solymanno* tenuerat, succederemus, eamque sinceritatem, verumque ad finem constituti iam antea octennii sub iisdem conditionibus, quibus cum Serenissimo quondam et Genitore nostro inita fuerat, continuaremus. Ea-que Transactione redintegrata, inter Nos paternæ pacis confirmata, ac ratificata, mutuis, et authenticis Litteris, Nos haud dubio pro nostra parte clare comprobauimus, quod eandem Pacem, re ipsa aggressi, obseruare, optimo etiam, ac sincero animo iniueramus. Quia mox ab altera, nimirum hinc a *Ioannis* Regis filio, inde a Temesiensi Beglerbego perturbati, vexati, ac lacessiti bellicis tumultibus, et per duos annos sexagesimum



quartum, et sexagesimum quintum Bona nostra, ac eorum Praesidia cum armatis insectati, omnia, quae illis in Partibus nostri iuris sunt, hostilitate compleuerant, vicissim Nos quoque sic inopinate circumuenti, occupatique sollicitudine non exigua, etsi eo nunc necessitate compulsi arma caperemus, partim pro tuenda dignitate, vt existimationem nostram, cui deesse nec potuimus, nec debuimus, partim etiam ad inhibendam talium grassatorum in Ditiones nostras, memorata pace violata, irruptionem, illud tamen sedulo curauimus, vt Serenissimi Turcarum Principis, confoederati nostri nulla vsquam terrarum pars armis nostris, vel infestaretur, vel attingeretur hostiliter, verum, qui in nostras fecerunt impetum, propulsarentur, Nos illaesa Pacem seruauimus. Suscepta, interim pro diuino, et humano iure duntaxat defensione nostri Regni vim vi repellendam, nec cuiquam hostilitatis, aut inimicitiae ansa praebita. His caussis impedito cursu, et obseruantia pacis, latius eiusdem Transsiluani, et Themessiensis Beglerbeghi turbulentis bellum contra Nos exarsit. Protestati quidem eorum, et ipsis duobus omnium huiusmodi barbarum authoribus, et Imperatori *Solymano* eorum Principi, Nos quoque coacti sumus, copias hostibus opponere, et eorum vim inhibere, tuerique, quantum potuimus, ne Terrae, ac Subditi nostri damnificarentur. Sic flagrante inter Nos hunc in modum bello, minime expectato, Nobisque non of-

defensiue, sed tantummodo defensiue arma agitantibus, et animis multorum hinc et inde acerbiora meditantibus, quos indignitas rei incenderat, Serenissimus idem Turcarum Imperator, quem hi motus non latuerant, et scripsit, et nunciauit Nobis, cupere se, vt vtrunque ab armis discederetur, et reuocarentur exercitus, inireturque ratio, vt controuersiae huiusmodi compositione sedarentur. Tunc quoque Nos Serenitati eius, cuius voluntatem semper magnificimus, beneuolentè gratificati sumus, esto, quod per eos tumultus pulcherrimas occasiones vlciscendi iniurias, a Transsiluano acceptas, illumque bona ex parte eorum, quod possidet, mulctandi, prudenter praetermisimus, vt eidem Serenissimo Imperatori *Solymano* declararemus, quo animo, et amicitiam eius, et foedus, quod Nobis cum eo intercedit, amplecteremur, nempe, et commoda nostra intermittendo, et ad tales iniurias, damnaque conuiuendo. Dumque Nos omni constantia, et sinceritate Paci studeamus, cauemusque, ne quid a nostris committatur, quo de Nobis queri posset, si vel arma deposita resumerentur, vel controuersiarum compositio, ad quam eramus inuitati, impediretur, haud quaquam Nobis pari studio, atque officio responsum est ab eodem Transsiluano, cui, quum imperatum fuisset, mandatis eiusdem Principis, vt ipse quoque manus ab armis contineret, et sese controuersiis componendis accommodaret, conquiesceretque, non paruit,

sed potius neglectis, ac plane contemptis mandatis, atque imperio tanti Principis, denuo mox exercitu conscripto, Ditionem nostram, ultra Tibiscum sitam, aperto Marte inuasit, et oppugnauit, plures eius Arces, quasdam vero etiam cepit, es solo aequauit. Atque eodem Transsiluano cum finitimis Turcarum copiis contra Nos, contra foedus Pacis, et contra Turcarum Principis Imperium, perpetrante huiusmodi conatu, quanto maximo potuit, Nos ne hic quoque recessimus a studio gratificandi eidem Principi, missoque ad eum per eosdem dies Egregio, fideli, et dilecto *Georgio Hozzwothy*, Oratore nostro, nihil eorum praetermittentes, quae ad redintegrandam, solidandamque cum eodem tum pacem, tum amicitiam, ad edocendam, quod quantas iniurias, damnaque per eius Serenitatis indulgentiam sustinemus, qua et Transsiluanus, et Themesiensis Beglerbegus insolescebat, qui viribus suis Transsiluanum ipsum adiuuabat, et cum illo pari ferocia, ac fiducia audebat et Nos, et fines nostros populari, ac vastare, Locaque alia, atque alia oppugnare, et ad deditionem sollicitare, variis quoque accusationum figmentis excogitatis, ipsum insuper Imperatorem *Solymannum* contra Nos per-mouere conabantur, quo primum ea Pax inter Nos non coalesceret, deinde, ut armatus quoque Nos, et Regnum nostrum inuaderet. Unde et factum est, quod ea nostra Legatio nec excepta, nec exaudita, neque etiam ha-

bita sit. quemadmodum merito debebat, quia sinceritatem animi nostri erga eundem Principem testabatur, nec omnino progressus memoratae Pacis succedere, consequutaque in Hungaria expeditione anno sexagesimo sexto, cui ipse met Princeps praefuit, et affecit Regnum nostrum vastitate prope extrema, prorsus tandem de spe eiusdem pacis continuatione actum est. Quia his bellorum difficultatibus, culpa Transilvani suscitatis, et in medium productis, eadem Pax nec realem effectum ullum sortiri, atque obtinere, nec ipse etiam Turcarum Princeps ab aduersa parte nimis de his persuasus, quibus apud eundem deferebamur, ad aequitatem nostram vlla ratione conuerti potuit. Verum eodem videlicet Imperatore, in ea ipsa expeditione ad *Zigethum* rebus humanis exempto, et immediate ad Imperium eius Serenissimo filio suo Sulthano *Selymo* euecto, utcunque ista sese habuerint, et fuerint Nobiscum agitata, illius Patre superstite, quae praeterierunt, et sic acciderunt, ut Diuinae visum est Maiestati. Nunc tamen, quum idem Sulthanus *Selymus* iam paternum arripuisset Imperium, et feliciter imperaret, seque promptum, paratumque esse ad ineundam, contrahendamque Nobiscum amicitiam, et Pacem declarasset, et quae est eius humanitas, etiam obtulisset, quatenus Oratores nostros ad Serenitatem eius mисissemus. Nos etsi tam antiquarum, quam veterum, earumque etiam, quas iam enumerauimus, iniu-

riarum, damnorumque a Transsilvano, et a Themesiensi Beglerbegosub ista octennali Pace acceptorum, vel memoria ipsa turbabamur, tamen considerantes famam de illius virtutibus, quae iam latissime praedicantur, quam, quod ad hoc tempus cum eodem nihil vnquam rei, nihil inimicitiarum habuerimus, fidentesque propterea, quod Serenitas eius nec relationes commentitias admittet ad suas aures, nec vlllo modo patietur, vt foedera, quae cum vicinis Principibus percusserit, a suis siue beneficiariis, siue subditis, quoad superstes fuerit, violentur, aut quouis modo, seu colore transgrediantur, vt non ita pridem concessimus, simul cum Serenissimis, et charissimis fratribus nostris *Ferdinando*, *Carolo*que Archiducibus beneuolenti animo in eandem voluntatem de Pace cum ipso Serenissimo Imperatore *Selymo* ineunda, et contrahenda, Nosque obtulimus, quod primo quoque tempore mitteremus Oratores nostros, ad eam tractandam in excelsa Porta eius, volentesque omnino promissis nostris satisfacere, die vigesima quinta mensis Iunii, anni praesentis millesimi quingentesimi sexagesimi septimi ex arce nostra Posoniensi ad eundem *Constantinopolim* misimus Reuerendum *Antonium Verantium*, Episcopum Agriensem, et Nobilem *Albertum de Wyss*, et *Christophorum a Teufsenpach in Maithofen*, Consiliarios, et Oratores nostros, fideles Nobis dilectos, pleno, et sufficienti cum mandato, ad eandem Pacem certo

certo, firmo, et constanti aliquo cum effectu tractandam, ineundam, et concludendam aequis, ac honestis conditionibus pro vtraque parte. His tamen attentis cautionibus, quas in Instructione praescriptas a Nobis acceperunt. Post itaque Tractatum longiorem aliquanto, quam sperabamus, ob quasdam difficultates grauiiores hinc inde caussatas, quem iidem Oratores nostri cum Magnificis Passis, eiusdem Principis summis Consiliariis habuerant, Pacem quoque memoratam ad annos octo proxime sequentes, et a die, qua datae sunt patentes nostrae Litterae, partisque alterius confirmatoriae numerandos, sub certis quibusdam vtrique parti examinatis, approbatis, decretisque conditionibus, hic inferius expositis, perfecerunt. Nos vero eiusdem pacis conclusioni, et conditionibus suis visis, lectis, et consideratis, cupientesque, quantum a Deo datum est Nobis facultatis, securitati, quieti, et tranquillitati publicae, imprimis autem afflictissimi Regni nostri Hungariae, et Partium ei subiectarum, magnis, et continuis multorum annorum cladibus iam desolati, exhausti, ac pene funditus euersi, esse consultum, praenotatam pacem, et omnes ejus conditiones, atque Articulos per eosdem Oratores nostros cum dictis Magnificis, summis Passis, ac Veziriis nomine, et loco Serenissimi ipsorum Principis Sultani *Selymi* agitatum, et conclusiue tandem factam, firmatam, et constabilitam pro nostra, et Serenissimorum supra dictorum Fratrum no-

strorum parte ratam, gratamque habentes, his praesentibus Litteris nostris approbauimus, et confirmauimus, ac ipsum etiam Illustrissimum Dominum *Ioannem Sigismundum*, *Ioannis* quondam Regis filium cum Transsilvania comprehendendi consensimus, prout per praesentes ex certa nostra scientia, animoque bene deliberato, et omni meliori modo, ac forma, quibus possumus, ratificamus, approbamus, et confirmamus, quatenus tamen idem quoque Serenissimus Imperator Turcarum *Selymus* Litteris suis confirmatoriis in eiusdem pacis negotio, nostris his per omnia similibus, et congruentibus Nobis respondebit, vt ipsa scilicet Pax, sic vltro, citroque datis, et acceptis memoratis Litteris confirmatoriis, fide, et verbo Imperatorio, ac Regio corroboratis, debitum eadem Pax vigorem, certumque, et realem obtineat effectum, declarantibus, et pollicentibus Nobis, quod non solum cum praefato Serenissimo Imperatore *Selymo*, sed etiam cum ipso Duce *Ioanne Sigismundo* bonam, et sinceram memoratam Pacem fouebimus, ac seruabimus, in quantum vicissim ipsi quoque Nobis mutua sinceritate, et integritate corresponderunt. Ita, vt quilibet nostrum aequaliter ad huius Pacis observationem adstrictus, et obligatus sit iuxta has Conditiones infiascriptas.

1567.

Primo: Imprimis decretum est, vt haec Pax inter Nos, ac Serenissimos Archiduces Au-

striae, *Ferdinandum*, et *Carolum*, Fratres nostros charissimos ab vna, et Potentissimum, ac Serenissimum Sulthanum *Selymum* Turcarum Imperatorem parte ab altera inita, facta, et conclusa in annos *octo* proxime sequentes. Per hoc totum tempus inter Nos videlicet, ac vtriusque Partis Regna, Prouincias, Principatus, Dominia, Vrbes, Terras, Oppida, ac loca tam terrestria, quam maritima, omnesque, et Subditos, et Milites eorum mutua, bona, vera, firma, constansque, et sincera esse debeat, eaque a Nobis iuxta conditiones suas infrascriptas vere, sancte, et inuiolabiliter colatur, et obseruetur. Videlicet, vt Nos statim a data, ab emanatione, et publicatione memoratorum Pacis, et eius transactionalibus Litteris mutuo confirmatis, iisdemque ab vtraque parte datis, et acceptis, vniuersis, et singulis Capitaneis, Praefectis, Officialibus, caeterisque omnibus Ordinum bellicorum Ductoribus, nec non Militibus, ac Subditis, et quibusque aliis finitimis nostris, serio, districte, et sub poena capitis mandamus, vt ipsi quoque Pacem hanc firmiter, sancte, et inuiolabiliter obseruent.

Similiter etiam, ne Passis, Beglerbeghis, Sangziachis, Vaiuodis, Praefectis, Officialibus, et quibuslibet aliis Capitaneis, Belliductoribus, Militibus, Ministris, ac Subditis cuiuscunque gradus, conditionisque fuerint, vel quocun

que nomine, seu titulo vocabuntur, quibus idem Turcarum Princeps dominatur.

Nec praeterea Illustrissimo Duci *Joanni* Sigismundo, ac Transsilvaniae, et caeteris bonis, quae vbiuis Locorum possideat, neque etiam Moldauiensi, ac Transsalpinensi Vaiuodis arma, vim, ac hostilitatem inferant, eosdemque lacesant, sed potius cum illis pacem, et bonam vicinitatem conseruent, vero secus fecerint, in tales iuxta iam promulgatum de obseruatione huius Pacis Decretum serio, et poena capitis animaduertemus.

Secundo: Vicissim decretum est, vt omnia Regna, Prouinciae, ac Dominia nostra, et quaecunque in Hungaria vltra, citraque Danubium, ac Tibiscum, et in Dalmatia, Croatia, Sclauonia, aliisque in pluribus partibus, simul cum eorundem Iuribus, Nos cum antedictis fratribus nostris charissimis, et etiam cum Subditis nostris habemus, possidemus, et nostrae sunt potestatis, ea in futurum quoque vigore punctis Pacis cum vniuersis suis pertinentiis, vrbibus, ciuitatibus, oppidis, arcibus, castellis, et locis vniuersis, tam terrestribus, quam maritimis, et aquaticis, cum eorundem prouentibus, censibus, decimis, seruitiis, aliisque omnibus similibus emolumentis, et quibuscunque bonis mobilibus, et immobilibus, Nobis, ac etiam Subditis nostris salua, libera, et prorsus ab omni tum ipsiusmet Principis Turcarum, quam etiam a Passarum, Beglerbeghorum, Zangziachorum,

Vaiuodarum, Praefectorum, Capitaneorum, Militum, Officialium, et ab vniuersorum denique suorum, quouis nomine, tituloque nuncupatorum hostilitate, molestia, vexationeque tuta, et pacifica esse debent.

Tertio: Item ne eisdem Imperatoris Turcarum Bassis, Beglerbeghis, caeterisque omnibus supra memoratis Praefectis, ac Subditis cuiuscunque gradus, status, ordinis, conditionisque extiterint, ac omnibus aliis, quibus imperat, Nos, et charissimos fratres nostros, ac etiam Subditos ad Nos pertinentes, in perceptione fructuum, ac redditum ex Possessionibus nostris, Subditorumque nostrorum, quouis modo turbare, et impedire, nec vllum ius sibi de iisdem Subditis nostris nouis aliquibus exactionibus, seu oneribus premendis, arrogare, et praetendere, multo etiam minus villis, pagis, et possessionibus, eorundemque subditorum nostrorum insidiari liceat, ac permissum esto, quin potius idem Turcarum Imperator supra nominatos suos Passas, Beglerbeghos, et externos omnes, quibus demandatur, prohibeat, et realiter praecaueat, curetque, ne nostros Subditos vel per vim, vel quibusuis artibus, aut machinationibus, seu mortis, seu incendii, praedationumque, et captiuationum minis, et terriculis sollicitare ad deditionem, et in potestatem, ac ditionem suam redigere villo modo audeant, et praesumant.

Quarto: Item quia proxima octennalis Pax a conclusione eius per totum tempus suum impedita fuerit inquietudine, et bellicis tumultibus illustrissimi Domini *Ioannis Sigismundi* haec praesens, vt firmior, ac stabilior esse possit, nec eius cursus motibus, et machinationibus quibuspiam eiusdem Ducis impediatur, decretum est, vt imposterum a conclusione dictae Pacis in Transsilvania, et intra eius Prouinciae limites legitimos sese contineat, suosque etiam omnes, quos vel a consiliis, vel a rebus militari-bus habet, penes se esse, manereque iubeat. Praeterea armorum quoque contra Nos, ac Ditiones nostras hostiliter exercendorum interim, quoad ista Pax octennalis durauerit, solito usu, moreque deposito, ac etiam serendarum discordiarum inter Nos, et Imperatorem Turcarum Selynum, omisso studio, quo prius Principem quoque illius in Nos concitabat, extra Transsiluaniam nec ipse personaliter, nec per suas copias. ac Duces militares Ditiones nostras, Subditorumque nostrorum Bona debeat quibusuis damnis, atque iniuriis afficere, et hostiliter infestare.

Quinto: Item decretum est, vt si forte idem Dux quietis, pacisque impatiens, nec decretorum eiusdem pacis rationem habens, Nobis, ac Subditis nostris mouere hostilitatem, damnaque, et iniurias temere inferre non vereretur, Nosque, et eosdem Subditos nostros molestare, villas illorum diripere, et excursiones

in Ditionem nostram facere, arcesque, et castella nostra, ac Subditorum nostrorum pergeret oppugnare, vel alia noua in detrimentum cuiusuis Ditionis nostrae, Subditorumque nostrorum extruere inciperet, bonaque mobilia, et immobilia, Contributiones, Ducas, Decimas, et Prouentus qualiscunque generis, ad Nos, et ad eosdem Subditos nostros spectantes inuaderet, et sibi vendicaret, quae omnia, et singula, aliaque similia vniuersa Decreto pacis praesentis illi sunt prohibita, et interdicta, pro violatore huius Pacis ipsius habeatur, Nobisque liceat, tam Nosmet ipsos, quam Subditos nostros ab huiusmodi damnorum, iniuriarumque illatione defendere, hostilitatemque eiusdem Ducis propulsare. Nec idem Turcarum Imperator velit pati, si talia moliretur, et causas turbis inter Nos mouendis daret, adeo palam, ac manifeste, sciensque, et volens tam mandata ipsius Imperatoris Turcarum praetereundo, quam decreta Pacis negligenter, qua tot miseri vtriusque partis populi ab infinitis malis, et grauissimis oppressionibus quieturi erant. Quapropter nunc etiam idem Turcarum Imperator serio, firmiterque, et sub punitione aliqua euidentis, Duci memorato iniungat, atque praecipiat, vt eandem pacem ipse quoque sancte, et inuiolabiliter obseruet, ac per suos etiam obseruare faciat. Quod ipsum Nos quoque ex parte nostra faciemus, curabimusque, vt etiam nostri id ipsum faciant, ac praestent.

Sexto: Item decretum est, vt quicumque Arcium, Castrorum, Oppidorum, Possessionumque, et aliorum bonorum, ac Locorum in ea parte Hungariae, quae est extra veros, et antiquos limites Transsilvaniae, intraque, et extra Tibiscum amnem, tam Nos, quam idem Dux possidemus, id deinceps quoque virtute Pacis praesentis, Decretique illius quilibet nostrum pacifice, et sine vlla controuersia possideat, teneat, et in potestate sua habeat.

Similiter omnes etiam Magnates, Nobiles, ac reliqui Subditi nostri, et cuiuscunque Status homines, qui per eundem Regni tractum ad fidelitatem, et obedientiam nostram reuersi sunt hactenus, et imposterum reuertentur, vsque ad illam diem, qua plane Nobis constabit, quod idem Dux Pacem hanc sub suis omnibus conditionibus, et capitulationibus acceptauerit, eamque pro partibus, quae illum concernunt, ratificauerit, seque observaturum illam authenticam professus fuerit, omnia eorum bona, res, arcesque, et iura quaecunque obtineant, et possideant, ipsi quoque pacifice ea retineant, in potestate sua habeant, et in illis permaneant.

Septimo: Item decretum quoque est, vt si forte in eadem Regni parte, quae videlicet a limitibus Transsilvaniae ad Tibiscum vsque tenditur, essent aliqua, seu Possessiones, seu Arces, Castella, Ciuitates, Oppida, aliaque id genus Bona, ac Iura, quae aut Nos ab eo, aut ipse a Nobis habere cuperet, liceat eidem Du-

ci Nobis cum vel permutatione, vel quauis alia conuentione transigere sic, vt aequaliter vtrique nostrum cedat, quod alter alteri concesserit, neuterque nostrum minus recipiat, quam dederit, vt dicta Conuentio, seu permutatio aequitate transigatur.

Hoc autem decretum est non alio consilio, quam, vt soluantur, et submoueantur omnes caussae rixarum, quae inter Nos, et ipsum Ducem suboriri possent, commeantibus nostris hominibus ad nostra Bona per Ditionem eius, et per nostram suis ad ea videlicet, quae ipse quoque propius Bona nostra obtineat. Nam, si huiusmodi Bona aequali permutatione maioris, certiorisque concordiae gratia ad suam quaelibet partem applicarentur, homines quoque vtriusque partis intra suas metas sese continerent, et negotiarentur sine alterutrius molestatione, huncque in modum Pax, et amicitia cum eodem Duce firmitus seruaretur.

Octauo : Item, vt vniuersi tam nostri, quam praedicti Ducis, subditi cuiuscunque gradus, ordinis, et conditionis fuerint, qui in vtriusque nostrum fide, obedientia, potestateque constituti sunt, et per proxima bella, vel ob metum, vel ob aliam quamcunque causam inter partes vacillassent, seque suspectos reddidissent, seu quouis modo aut Nos, aut ipsum Ducem offendissent, in hac Pace comprehendantur, et ita sint eius participes, vt in eos nulla vindicta, quouis colore quaesita, institui, omnisque vel

hinc, vel inde concepta indignatio vtrunque cessare debeat, sintque a persecutione securi.

Nono: Item, quia rétroactis annis hinc eiusdem Ducis, inde aliorum, et finitimorum Beghorum opera plurimae, et calumniosae delationes variorum motuum contortae sunt in Nos apud Imperatorem quondam *Solymanum*, quae vt admodum fuerunt perniciosae miseris Regni Hungariae Subditis, ac tranquillitati publicae, ita et Nobis et ipsi Imperatori *Solymano* magnae turbationis causam praebuerunt, decretum est, vt imposterum, si vel ipse Dux, vel ante memorati Beghi, aut quicunque alii apud modernum quoque Serenissimum Imperatorem *Selymum* id mali moris prosequantur, illis idem Imperator, ac sui Passae confestim non credant, nec quicquam, quod ad hostilitatem pertineret, super his ante decernant, quam Nos de omnibus edoceant, et cognoscant, quid contra similes falsos criminatores de innocentia nostra responsi faciemus, vt sic tandem ambarum partium rationibus perspectis, aequius decernatur, quidquid erat pro aequitate decernendum.

Decimo: Item quiduis in tam amplo regno tam diuturnis bellis afflicto, et attrito, magni sit negotii omnia praecauere, quae subinde in diuersis finium partibus inciderent, et pacem, quietemque publicam turbare soleant, nec praedones quoque, ac plagiarii, vagantesque, et errabundi homines protinus, quum velimus, coerceri possint, nisi, vt in eos seuerius, sup-

pliciisq[ue] animaduertatur, decretum est, vt vtrique parti liberum sit, et liceat sine vlla contradictionis alterutrius partis similes flagitiosos, et malefactores, quicumque ex Turcis in nostra Ditione, et ex nostris in Turcia deprehenduntur, meritis de facto suppliciis afficere.

Si autem deprehendi nequirent, sciretur alioquin, et compertum haberetur, vbinam latitarent, Capitaneis, et Praefectis eorum mature ab altera parte indicetur, dictique Capitanei, et Praefecti sine mora tales curent capiendos, et pro qualitate sceleris puniendos, Turci Turcas, nostri vero Christianos.

Etsi forte Capitanei, ac Praefecti nostrae partis sedulo in his non fungentur suo officio, Nos de hac inobedientia illorum admoniti, in eosdem seueriter animaduertemus. Quod similiter Turcicus quoque Imperator sua ex parte de suis fieri curare debbit.

Vndecimo: Item, quia huiusmodi Praedonum, ac flagitiosorum hominum non esset tanta copia, neque etiam adeo effusa ad malefaciendum licentia, vti auderent, si plurimum, partim eorundem Capitaneorum, et Praefectorum, partim etiam priuatorum hominum vtriusque partis cura non intertenerentur, et fouerentur, quibus rapina placet, nec quicquam bonide publica tranquillitate, quieteque cogitant, decretum est, vt in posterum a conclusione Pacis huius neutri partium, Nobis, ac nostris Vzkokos, Haidones, vagosque, et er-

rabundos homines, Imperatori vero *Selymo*, ac suis *Leuentas*, *Martolossos*, *Haramias*, et id genus alios gregarios intertenere, fouere, alereque non liceat, quicunque scilicet alterutrius Principis stipendio non sunt conducti, neque sub disciplina militari seruiunt, sed rapti, ac furtiuis praedis viuunt, vt promiscue in omnes pari studio exercerent latrocinia.

Contra quod Decretum memoratum, quicunque eos fouerint, aluerint, aut etiam tuebuntur, et protegent, ii, vti iam dictum est, aequae, ac ipsi malefactores, puniantur, Nos vero, vt huic decreto obseruando pro parte nostra assentimur, et morem geremus, ita par est, vt vicissim *Turcarum* quoque Imperator eidem assentiri, ac morem gerere debeat.

Duodecimo: Item, vt solidius adhuc temeritati improborum hominum occurratur, si forte Pacis huius tempore ab eiusdem Imperatoris *Turcarum* capitaneis, Praefectis, vel a quibuscunque aliis Superioritatis Subditis, et personis, ac Magistratibus suis primariis, ac etiam ab ipso Domino *Ioanne Sigismundo* Ciuitatem aliquam, vel Oppidum, vel Arcem, vel Castellum, vel Fortalitium, vel etiam qualemcunque locum, aut partem terrarum nostrarum, quouis colore quaesito, seu per vim, et aperto Marte, seu per largitionem obtineri, aut furtiue, et per artes clandestinas in potestatem accipi contingeret.

Similiter a nostris quoque Capitaneis, Praefectis, et ab aliis quibuscunque similibus Prae-

sidiis, ac Subditis nostris, si ipsius Turcarum Imperatoris, Ducisque memorati, ac eorum, qui ad eos pertinent, Ciuitatem, Arcem, Castellum, Fortalitium, et demum quemuis locum alium viis, ac modis, superius iam expressis accideret intercipi, decretum est, vt omnia similia intercepta illico, et sine vlla tergiuersatione mutuo inter Nos sua cuique ab alterutra parte restituantur gratuito.

Si vero, per quos eadem huiusmodi violentiae illatae fuerint, capite plectantur: cui Decreto et Nos obtemperabimus, ita et a parte altera debet fieri.

Quum autem per haec disturbia Subditi nostri praecipue fuerunt afflicti, ac omne malum semper in eos recidere consuevit, aequè decretum est, vt modo loca similia, ac bona, quae immediate nostra sunt, sed etiam ea vniuersa tam bona, quam res, et arces, et castella, et oppida, omniaque huiusmodi alia, quae peculiariter ad eosdem Subditos nostros pertineant, siue illi sint fideles, siue rebelles, à memoratis violentiis sint illis tuta, ac libera, et omnibus commodis, atque immunitatibus eiusdem Decreti aequè, ac Nos gaudeant, ac fruantur.

Decimo tertio: Item, decretum est, vt quicumque nostri, vel ipsius Imperatoris Turcarum Duces bellici, milites, ministri, subditi que cuiuscunque ordinis, status, conditionis-que fuerint, post conclusionem huius Pacis ab

alterutra parte capientur, et in seruitium abducentur, ii confestim, et citra omnem difficultatem, pactationemque pretii redemptionis, et prorsus sine omni solutione, cuiuscunque, vel quorumcunque captiui fuerint, libertati restituantur, et in sua redire permittantur. Nec villo modo, villo colore, vel praetextu quaesito, detineantur, mancipientur, donentur, vendantur, aut interficiantur.

Decimo quarto: Item, quia saepe contingit, captiuos vinctos adhuc in carceribus, et compedibus, effractis, et vinculis, et carceribus libertatis causa ex captiuitate effugere, atque ad suos euadere incolumes, decretum est, vt tales alterutra pars nullo pacto alteri cogatur restituere. Sed iidem captiui diuino beneficio liberati, secure, et sine vlla persecutione, litisque molestia apud suos adepta libertate gaudeant, et potiantur. Nempe Christiani apud Christianos, Turcae vero apud Turcas.

Decimo quinto: Item, de Transfugiis subditorum, Officialium, Praefectorum, Militum, aliorumque similium, sub ciuili, et militari fide degentium, merentiumque stipendiis, qui saepenumero fidei, integritatis, subiunctionisque suae oblit, ad alteram partem transire, et desciscere soleant, puta: nostri ad Turcas, ad Transsiluanos, ad Moldanos, et ad Transalpinienses, ii vero ad Nos, decretum est, vt talium perfidia, atque inconstantia coerceatur,

nequaquam posthac inter Partes admittantur, quin potius eadem partes firmiter sint obligatae ad talium non solum repulsionem, et reiectionem, sed etiam ad curandum pro alterius partis instantia, vt in eorum potestatem, ac manus veniant, in quibus transfugerint, sicque castigentur, et sine exemplo aliis. Qua ratione, et lege non solum religioni vtriusque partis satisfiet, sed etiam similes leues, inconstantes, perfidi, et flagitiosi homines iuri alieno adstricti facilius in officio continebuntur, et inhibebuntur a transfugiis.

Item, quia eorum Turcarum caussa, qui ex variis Prouinciis eius Magnitudinis, maxime vero ex Natoliae partibus veniunt, magno numero in Hungariam, ad emendos captiuos per omnia Confinia, magna iactura Ditiones non solum nostras, sed etiam Magnitudinis eius afficiunt, dum partim Beghi, ac Milites, partim vero alii Officiales finitimi per easdem vtriusque partis Ditiones tum Pacis, tum Induciarum tempore suffurantur omnis aetatis homines, maxime autem impuberes, eosque latenter, occulteque huiusmodi emtoribus, et nostra, et magnitudinis eius magna iacturâ, atque iniuria diuendunt, decretum est, vt posterum similes emtores in Hungariae finibus non admittantur, nec ibidem liceat illis hominum mercaturam exercere. Quicumque autem deprehensi fuerint in dictorum captiuorum emtione, ii tales obligati sint in quaestione futuram

notitiam detegere, simulque et fures, et emtores meritis suppliciiis afficiantur, omni pecunia amissa, et captiuis ereptis, restitutisque suae libertati.


Decimo sexto: Item, quia ex Duellis, quae singulari certamine depugnantur, saepenumero discordiae, et inimicitiae, insperatique, et grauisimi casus, et his casibus vero turbae, ac motus complurium locorum, virorumque militarium, et ipsorum etiam foederum periculo caussari soleant. Quod retroactis annis frequentia experientia didicimus, decretum est, vt, durante ista Pace, publicae quietis, ac tranquillitatis gratia prorsus memorata duella, et prouocationes, vel seriae in mortem, vel ludicae (vti consuetum est finitimis) ad frangendas hastas, vtrique Parti sint illicitae, et prohibitae. Et quicumque alterutrius partis alium ad huiusmodi singulare certamen ausus fuerit prouocare, is a Praefecto suo grauissime puniatur.

Neue quis locus relinquatur cauillationi, hoc ipsum de his quoque, qui bini, trini, quaterni, et quouis alio maiore numero per eandem prouocationem militaris vsus vellent mutuo depugnare, intelligitur, et seruari debet, vt ex aequo omnia huiusmodi genera duellorum omnibus interdicta sint, et prohibita.

Decimo septimo: Item, vt imposterum omnium dissidiorum, turbarum, contentionumque inter partes ob nouarum munitionum erectiones

ctiones, et veterum reparationes tollantur, ac cessent omnes caussae, quæ superiorum annorum foederibus inter Dium quondam Genitorem nostrum *Ferdinandum*, ac Serenissimum quondam Imperatorem *Solymanum* de pace habitis, multum quandoque offecerunt, eaque a suo cursu turbauerunt, decretum est, vt vtrique parti liberum, ac licitum sit pro arbitrio, commodo, et necessitate sua quæuis loca aedificare, reparare, munire, et fortificare, quæ directe, immediate, et absque vlla controuersia in aedificantis Solo, Ditione, et Districtu sita esse dignoscentur. Neque ei in hoc ab altera quidquam impimenti, contradictionis, siue negotii exhibeatur. In alieno vero Solo, Ditione, ac Districtu quemuis locum aedificare, reparare, munire, seu fortificare posthac, durante hac ipsa Pace, minime liberum sit, nec vlla ratione liceat.

Decimo octauo: Item, quia in tam amplo, ac dilacerato, et in multiplices partes distracto regno (vti superius etiam commemoratum est) difficulter potest praecaueri, vt interdum non exoriantur inter Partes aliquæ differentiae, et discordiae, seu magnæ, seu mediocres, et vltro, citroque damna, atque incommoda inferantur, estque summe necessarium, vt huiusmodi casibus tempestiue, et certa aliqua ratione occurratur, et prouideatur, ne tales scintillae differentiarum in maiores motus, turbasque excitentur, decretum est, vt, hac pace



conclusa, primo quoque tempore constituentur ex vtraque parte Commissarii pari numero, qui sint viri graues, probi, prudentes, pacis, aequitatisque amantes, et omnium Confiniorum periti, differentiaeque huiusmodi protinus, vbi exortae fuerint, ad eos referantur. Illi autem citra moram longiorem in opportuno loco sine exercitu partium, cum aequali tamen comitiua, et familiarium Personarum numero conueniant, omnesque, et singulas controuersias, quae in hunc modum emergerint, audiant, cognoscant, diiudicent, ac decident, et amabiliter componant. Curent postremo ambae Partes, vt sui homines, ac subditi citra omnem tergiuersationem, et praetextum, ad firmam, sinceramque obseruationem pacis compellantur. Qui autem recusauerint, et ausu temerario huiusmodi Decretum transgredi praesuniserint, poenis grauissimis puniantur.

Si vero tales differentiae, ac discordiae inciderent aliquando, quae pro sua Magnitudine ab eisdem Commissariis transigi, complanari, et componi non possent, decretum est, vt ad Turcarum Imperatoris Passam Budensem, et ad Supremum Capitaneum nostrum, quem tunc nominabimus, Virum primarium, et rerum gerendarum industria praeditum, tales similes differentiae a Commissariis transferantur, et per illos reuideantur, ac exequantur.

Si autem neque ab iis eadem differentiae finiri possent, tunc demum ad Nos,

et ad Imperatorem Turcarum remittantur, et per Nos ipsos tales aliquae rationes, et viae quaerantur, per quas memoratae differentiae componantur, et sedentur, vsusque armorum omnino auertatur.

Decimo nono: Item decretum est, vt homines nostri, quos imposterum, Pace hac conclusa, seruaturi sumus in Porta Turcarum Imperatoris, siue eos Oratores, siue Agentes, siue Procuratores, aut quouis alio titulo nominabimus, ii Oratorum libertate, ac priuilegiis, et immunitatibus citra cuiusque contradictionem fruuntur, quemadmodum aliorum Principum Christianorum Oratores fruuntur, qui Magnitudini suae amici sunt confoederati, et apud eam similes Ministros seruant.

Vigestmo: Item, decretum est praeterea, vt iidem homines nostri habeant liberam potestatem conducendi, et tenendi Dragomanos, siue Interpretes, quos, et quot voluerint pro necessitate sua et negotiorum nostrorum, eisdemque non imponantur Chiausi, sed, si voluerint aliquem habere pro custodia suarum, ac Familiae suae personarum, et pro Imperatoria nostra dignitate, sit illis liberum talem conducere, et tenere, qui etiam placebit eis, et voluntati eorum parebit, neque in eos ius aliquod habebit, sed geret se ipsorum arbitratu.

Vigesimo primo: Item decretum est, vt eisdem hominibus nostris liceat, ac etiam li-

berum sit, Nuncios, siue Cursores suos cum Litteris sine contradictione mittere, quocunque tempore, et quacunque via voluerint. Similiter nostris quoque vel Nunciis, vel Tabellariis, quos ad eosdem quacunque pro exigentia rerum nostrarum destinabimus, eadem libertas, atque securitas conseruetur, neque impediantur ab altera parte, quin potius eosdem omni fauore prosequantur, et sint illis auxilio, ac defensionis, ut iter agant sine periculo, habeantque iidem nostri homines, hac tutela protecti crebrius aliquod a Nobis Informationis, ut certius, et maturius cum ipso supremo Domino Passa, et cum aliis Dominis Collegis eius de communibus rebus, quas interdum cum Imperatore Turcarum habituri simus, tractare possint.

Vigesimo secundo: Item, quum non solum tempore Diui Genitoris nostri, sed iam hoc etiam nostro accidit, ut in Confinibus nostris communibus Pace, seu Induciis vtrius ex parte turbatis, iidem homines nostri in Porta residentes confestim correpti, variisque, ac multiplicibus etiam affecti fuerint iniuriis, retrusi quoque sunt in custodiam. Quae res, quum sit contra Ius Diuinum, et Humanum, cedit etiam in maximam contumeliam nostram. Quandoquidem quidquid iniuriarum, conuictorumque in Principum Oratores conuicitur, in Principum suorum dedecus redundat. Quod nequaquam rite fit, nec omnino potest laudari, ut res non

admodum vindictae speciosae, atque praeclarae.

Ideo decretum est, ut posthac vel belli, vel pacis tempore iidem homines nostri non in publico Diuersorio, sed in liberis Domibus vel *Constantinopoli*, vel *Galatae*, ubi illis magis libuerit, habitent. Neque constante Pace, seu Induciis, pro tempore existentibus, aut eadem Pace, seu Induciis perturbatis, ex quacunque causa afficiantur iniuriis, neque in custodiam publicam Diuersorii retrudantur, quum honoris, ac existimationis nostrae causa, tum ob respectum diuini, atque humani Iuris, quod utrumque iubet Oratores ab huiusmodi contumeliis liberos, ac immunes esse debere.

Vel, si forte res ad bellum deuenisset, ipsi Oratores, seu homines nostri potius ablegentur ad suos Principes, si praesentia illorum esset molesta, quam, ut detineantur in custodia, et incommodis, atque iniuriis cum pudore nostro affligantur; quum Oratores nec sint bellorum causa, nec eorum auspiciis bella gerantur; multo etiam minus culpas suorum Principum subire debent.

Si autem Nobis aut Pacis, aut belli tempore, vel etiam quocunque alio eosdem Oratores, seu homines nostros placuisset ex felici Porta suae Magnitudinis ad Nos reuocare, nullo interim alio successore in locum eorum submisso, decretum est, ut absque omni difficultate, contradictione, retentione, et more di-

mittantur, secureque, et pacifice in Ditionem nostram deducantur, ibique Capitaneo nostro incolumes assignentur.

Vigesimo tertio: Quod vero attinet ad negotium de diuisione communium Colonorum, ac de positione limitum ad inhibendas excursions militum, quorum duorum articulorum ratio praecipue versata est in contrauersia.

Quum visum est partibus, nullo modo id rei alibi commode, vileque, et pro aequalitate vtriusque partis posse transigi (Pace interim ex toto inter Nos, et ipsum Imperatorem Turcarum per ipsos supra dictos Oratores nostros sub conditionibus, et Articulis in his Litteris transactionalibus complexis, ac descriptis, confecta, et publica) nisi in ipsis Confiniis opera communium Commissariorum, superintendentibus Passa Eudensi, et Supremo Capitaneo nostro ad hunc effectum peculiariter delegato, decretum est, vt hi duo Articuli transferantur in Hungariam ad communia partium Confinia, ibique modo, et forma superius instituta, ratio illorum libro quoque Magnitudinis suae adhibito, reuideatur, discutiatur, et demum ordinetur, ac concludatur cum aequitate, satisfactione, et ratificatione vtriusque partis, quemadmodum iam dictum est in praemissis.

Vigesimo quarto: Donec autem iidem duo Articuli, de communium videlicet Colonorum diuisione, ac de positione limitum pro voluntate, et satisfactione Partium transigentur, om

niaque singula alia, ad eos, statumque, et tranquillitatem publicam pertinentia, reuisa, atque ordine digesta fuerint sic, vt et Nos, et idem Imperator Turcarum contenti simus, pro stabilitate, ac firmitudine, punctis Pacis inter Nos initae, factae, conclusae, et ratificatae vtriusque nostrum chyrographis, decretum est, vt interim eorundem communium Colonorum tota ratio in eo ipso statu permaneat, in quo et antea fuerunt, et sunt etiam modo. Nec vlla partium eos ante tempus vel vsurpet sibi, vel ad quaequam insolitâ compellat cum iniuria, et praeiudicio alterius Partis, sed vtrinque aequo animo. sedate, pacifice, amicabiliterque deliberatio Commissariorum expectetur.

Vigesimo quinto: Pacis autem tempus decretum est in octennium, cuius initium a Dato Litterarum, Capitulationumque praesentium incipiet. Et hoc interim, donec eadem Pax inter Partes firma, sincera, constans, et inuiolata pesmanserit, Nos eundem Serenissimum Imperatorem Turcarum *Selymum* confoederatum nostrum, quotannis munere honorario triginta millium Ducatorum Hungaricalium per speciales homines nostros, prout ante factum est, circa vnus cuiusque anni finem inuisemus.

Eius tamen Serenitas firmiter, ac sedulo (vti supra dictum est) dabit amicam, et beneuolam operam, vt a suis finitimis in fines nostros excursions non fiant. Quod Nos quoque vicissim curabimus, vt similiter nostri intra Vi-



mites suos pacifice sese contineant, et mutuo amicabile vicinitate viuant.

Nec vllius Partis priuati homines iniurias priuatas conentur proprio, et peculiari marte vindicare, sed earundem reuisionem ad supra scriptos Commissarios primũ, deinde, si res ita postulabit, ad Budensem Passam, et Supremum nostrum Capitaneum transferant, vti iam supra est constitutum. Sic demum Pax ipsa inter Nos firma consistet, et cursus eius sine impedimento ad suum finem deducetnr.

Quibus taliter conclusis etc.

Explicit autographum Verantianum.


N.

Antonii Verantii Archiepiscopi Strigoniensis Oratio, qua nomine Ordinum, et Statuum Regni Hungariae, Rudolphum Archiducem Austriae, venientem Posonium ad ineundam Coronationem excepit anno Domini 1572. Die vero Septembris 21.

Si vnquam alias nos Hungari per haec nostra afflictissima, et multiplicibus aerumnis pressa tempora, quibus totus quoque Orbis grauissime conteritur, magnam aliquam in rebus nostris laetitiam habuimus, eam Serenissime, atque Augustissime Princeps, hoc praesenti sa-

ne habemus, cui parem diu iam nec sensimus, nec experti sumus: eaque multo etiam Nobis venit amplior, et cumulator, quae olim Maiores nostros habuerat, quum hoc ipsum Inclitum Regnum Hungariae summa eorum virtute, ac fortitudine bellica sibi et nobis, Deo comite, fortunaque fauente, comparabant. — Audientes enim morum, ac virtutum tuarum, mere regaliū, et quae semper in Prosapia tua felicissima floruerunt, amplissima praeconia, laudesque rarissimas, eo desiderio, atque ea etiam voluntate intenti sumus, vt Te omnino in Regem nostrum haberemus. — Sperantes, quod post Deum optimum maximum, ac Genitorem tuum, omnibus numeris absolutissimum Principem, neminem alium aptiorem Nobis Dominum essemus habituri, quam, quem huic fama publica commendaret. — Inde tot Ducum, Archiducum, Regum, Imperatorumque generis tui sanctissimi nobilitas, magnitudo, disciplinaque, et imagines, ac viua nomina ad recte, rite, iusteque regnandum instruerent, et adhortarentur.

Idque voluntatis, ac studii nostri ardentissimi contententes ad effectum ipsum producere, quo superstitute adhuc Sacratissimo Imperatore, Patre suo, diuina sane, et prudentia et prouidentia praedito, ac vt Caesarea, et Regia dignitate omnium, qui nunc in Orbe christiano rerum potiuntur, maxima, ita et summis sane virtutibus, atque animi dotibus, quibus est



vberime ornatus, nulli secundo, talem nobis ascisceremus Regem, qui et paterna, et auita, totque aliorum Maiorum suorum in regendis populis peritia instructus, nobis de status nostri diuturnitate, firmitudine, securitate faceret, vltro curabimus, vt te nobis Sacra sua Caesarea, ac Regia Maiestas reuocaret ex Hispaniis, reuocatumque, ac reductum, vt primum aspeximus, et Te nobis alloqui licuit, eaque omnia, quae de Te tanto omnium consensae praedicata fuerant, agnouimus, in Regem etiam Nobis dari Comitibus proximis, omnium Ordinum, ac Statuum nostrorum suffragiis, nemine prorsus nostrum secus sentiente, postulauimus.

Qua postulatione nostra non frustrati, postquam vidimus, Te nobis a Caesarea, ac Regia Maiestate sua tam clementer esse concessum, vt quae semper magnis etiam interdum aliis curis suis sepositis, sedulo studuit gratias suas in Nos vberime, ac benignissime effundere, et saluti nostrae mirabili quadam, et plus quam paterna sollicitudine prospicere, dici non potest, quanta nos laetitia habuerit, quantum spem quoque conceperimus, Te demum aliquando (sic rebus nostris dudum attenuatis, et prope accisis) cum ipsum *Rudolphum* Austrii Hungariae nostrae futurum assertorem, qui primus augustale fastigium in Prosapiam Tuam induxit, debellatisque, et suis, et Imperii hostibus, res quoque Germaniae, per quam intestini tumultus Imperiali Maiestate orbatam

latissime grassabantur, pacauit, et imperialem decorem per eam imposterum studiosissime colendum, obseruandumque docuit, atque effecit.

Quapropter iidem nos omnes Hungari Prae-
lati nimirum, ac Barones, totaque Nobilitas,
et ceteri Ordines, ac Status Regni sperantes,
Te nobis Rēgem vt iustum, et clementem, ita
et fortem, et libertatum nostrarum amatorem,
conseruatoremque futurum, quotquot ad hanc
felicissimae Coronationis tuae celebritatem, ex
hoc desolatissimo Regno summa interim Con-
finiorum custodiendorum cura, ac ratione ha-
bita, conuenire potuimus, conuenimus, et hic
(vt cernis) Augustissimo conspectui Tuo ex-
hibentes nos, Te proni, ac venerabundi, sin-
gularique, et eo quidem certē omni cum affe-
ctu, qui fideles Subditos decet, excipimus, et
salutamus, Tibique hodierna die Regnum hoc
Hungariae nostrae, quod iam coelitus habes,
liberis, et spontaneis suffragiis, pro vetere
libertate nostra, ipso Diuino Numine consulto,
atque inuocato, et Caesarea, ac Regia Maie-
state, Patre tuo amplissimo annuente, vt de-
creuimus, ita et tradimus, ius, ac regimen no-
stri, lege, moreque Maiorum nostrorum defe-
rimus.

Quod vt et Tu *Rudolphe* Serenissime fe-
liciter ineas, diutissime obeas, sitque Tibi et
ex Te propagandis diuturnum, firmum, ac sta-
bile, et nos industria, virtute, ac prouidentia

tua a Turcico iugo iam tandem aliquando vindicemur, et in pristinum rerum nostrarum, ac fortunae nostrae statum restituamur, Deum altissimum, omnipotentemque obsecramus. Te vero vno ore omnes petimus, sume hanc in Te nostram et voluntatem et deuotionem ea animi Tui magnitudine, qua es vel in ista prima iuuentute Tua summa cum opinione, et amplitudine pulcherrimae laudis assecutus. Inque iam hoc Regnum tuum Hungariae desideratus succede, et Sacram eius Coronam Tibi tanto omnium nostrum consensu, Patris vero Tui et in Te, et in nos pietissimi voluntate concessam recipe, atque ea, quam maxime longaeuus, ac felix fruiere.

Leges postremo, et iura, et libertates nostras iuxta veterum Diuorum Regum nostrorum instituta, oramus Te, oramus, inquam, complectaris, serues, tueare, et verbo Tuo Regio nobis robores, atque confirmes, Religionem quoque Catholicam iures nobis subleuandam, inuandam, conseruandam, nobiscum item in Hungaria, sic iam certe Tua, vt magni Patris Tui, in qua Te sibi consortem cooptare pietissime voluit, maneas, ac resideas, eamque et Tibi et nobis sic regas, sic promoueas, vt peregrinis nos non subiicias, vt nostris, ac nostrae Gentis ministeriis, quum in domesticis Tuis, tum etiam in ciuilibus, ac militaribus rebus summa cum laude Tua, et satisfactione nostra vsus, merito Tu et sis, et dicaris Rex

Hungariae. Nos vero in spe, quam de ista Tua spectatissima indole, ac de praestantissimis Tuis virtutibus concepimus, confirmemur. — Ex tot quoque angustiis, quibus diu iam obsessi detinemur, resurgamus, Regumque nostrorum veterum, quos fortes, bonos, iustosque habuimus, memoria, ac desiderio posthac non sollicitemur. DIXI.

O.

*Litterae Maximiliani Imperatoris de 2. Decemb.
A. D. 1572. ad Gregorium XIII. R. P.
quibus Antonius Verancius Archiepiscopus
Strigoniensis honore Cardinalis S. R. E.
condecorandus commendatur.*

Beatissime in Christo Pater, Domine Reuerendissime!

Post officiosissimam commendationem filialis obseruantiae continuum Documentum. — Etsi praeclaras virtutes, et eximias animi, atque ingenii dotes, quibus Reuerendissimus in Christo Pater *Anthoni*us *Veranti*us Archiepiscopus Strigoniensis, Locique eiusdem Comes, Primas Hungariae, Legatus natus, noster Consiliarius, ac summus per Regnum nostrum Hungariae Cancellarius, deuotus fidelis sincere nobis dilectus, praeditus, et conspicuus est, non

solum Nobis, qui ipsius operam, et singularem in rebus gerendis dexteritatem, summa cum prudentia, grauitate, atque eruditione coniunctam, in negotiis momenti longe maximi, ac tum ad nostrum, inclitaeque nostrae Domus Austriae commodam, atque dignitatem, tum ad totius Reipublicae christianae salutem, et incolumitatem spectantibus saepenumero experti sumus, sed vniuerso etiam Terrarum Orbi iam dudum innotuisse: ideoque ipsum, vt magnis rebus tractandis natum, ita summis dignitatibus, aequae honoribus longe dignissimum, alicuius commendationis adminiculo minime indigere existimemus. Quia tamen nos ipsius qualitates prae caeteris cognitae, et perspectae habeamus; et quum arbitramur, vt non modo congruum de virtutibus, et meritis ipsius testimonium perhibeamus, sed promouendae eiusdem dignitati, quidquid possumus, studii benigne adhibeamus. Cum igitur constet in praefatum Reuerendissimum Strigoniensem Archiepiscopum omnia illa dona, quae ad summos quosque ornamentorum gradus aditum patefacere solent, affatim congesta, ipsumque praeterea de Inclito nostro Hungariae Regno, adeoque de vniuersa Republica christiana ita promeritum esse, vt singulare aliquod praemium eidem iure competere videatur. Vestrae autem Sanctitati omnis ipsius ornandi, et remunerandi ratio in manu sit. Idcirco freti spectato Sanctitatis Vestrae nobis per omnem occasionem gratificandi studio, eundem

maiolem in modum iterum, atque iterum rogamus, vt quemadmodum plurimis, ac iustissimis de caussis vniuerso terrarum orbi, nedum Sanctitati Vestrae notis, saepedictum Reuerendissimum Strigoniensem Archiepiscopum intime nobis commendatum habemus, et in ampliorem Dignitatis locum collocati summopere cupimus, ita Sanctitas Vestra, si vnquam alias gratificandum nobis duxit, voti hac in parte nostri haud grauatim nos compotes reddere, et hoc tam insigni argumento, quanti nos faciat, testari, ipsumque Strigoniensem Archiepiscopum primo etiam tempore eo dignitatis ornamento augere velit, quo Catholicae religioni deditos, Sanctaeque Sedi Apostolicae sincera fide, atque obseruantia addictos, ac de Christiana Republica optime promeritos afficere solet, ne venerandus ille Senex curis, et annis fractus, tot pro Republica laboribus, atque aerumnis perpensis, et exhaustis, debito meritis suis praemio destituatur, sed potius ea ipsius ratio habeatur, vt eum, quem tenet, cursum alacrius prosequi, et afflictis Christianae Reipublicae rebus deinceps maiore cum dignitate prodesse possit. — Id sane beneficii genus sicuti Sanctitas Vestra in hominem omnium amore atque fauore, ac tali gratia longe dignissimum collatura est, ita nos idipsum grato admodum animo accepturi, et mutuis filialis obseruantiae studiis, quouis loco, et tempore iugiter recompensaturi sumus. — Quod reliquum est, Sanctitatem Ve-

stram quam rectissime valere cupimus, eandemque nostro hoc loci desiderio non defuturam esse confidimus. — Datum in Ciuitate nostra *Vienna* die secunda Decembris Anno Domini M.D.L.XXII. Regnorum nostrorum Romani XI. Hungarici X. Bohemici vero vigesimo quarto.

Sanctitatis Vestrae

obsequens filius

Maximilianus Imperator m. p.

In Tergo:

Beatissimo in Christo Patri Domino *Gregorio XIII.* Diuina Prouidentia Sanctae Romanae, ac Vniuersalis Ecclesiae Summo Pontifici, Domino Reuerendissimo.

(L. S.)

Romae.

P.

Litterae Rudolphi Regis de 2. Decembr. an. 1572. ad Eundem in eodem merito.

Beatissime in Christo Pater, ac Domine, Domine colendissime!

Post humilem nostram commendationem continuum filialis obseruantiae incrementum. Ea est nostra in Reuerendissimum in Christo Patrem

Patrem *Anthonium Verantium*, Archiepiscopum Strigoniensem, etc. animi propensio, vt quem admodum ille de Nobis, Serenissimæque nostra Austriae Domo; et Inclito Hungariae Regno, adeoque de vniuersa Republica Christiana optime promeritus est, ita eundem, prout eximiae ipsius virtutes exigere videntur, summis honoribus auctum esse, summopere cupiamus. Quia vero omnis ipsius ornandi ratio exmero Sanctitatis Vestrae arbitrio dependet, idcirco Sanctitatem Vestram maiore, quo possumus, affectu diligenter, et enixe admodum rogamus, vt cum praefati Reuerendissimi Strigoniensis Archiepiscopi amplificatio non tam ad priuatam, quam publicam Incliti Hungariae Regni dignitatem spectet, dignetur eundem huius nostrae intercessionis gratia eo honoris ornamento afficere, quo retroactis temporibus in Regno Hungariae complures floruisse constat, vt nostro beneficio Inclito illi Regno pristina dignitas quasi restituta videatur, praefatusque Reuerendissimus Strigoniensis Archiepiscopus nouo dignitatis ornamento conspicuus deinceps Ecclesiam, et Patriam magis ornet. — Et, vt illud eximium paternae Sanctitatis Vestrae in Nos beneuolentiae argumentum, Sanctitati Vestrae non minus laudis, quam Inclito Hungariae Regno ornamenti allaturum. — Quod reliquum est, Sanctitati Vestrae omnem felicitatem exoptantes, eidem Nos reuerentes commendamus. — Datum in Ciuitate *Vienna* Die

secunda mensis Decembris Anno Domini Millesimo Quingentesimo Septuagesimo Secundo, Regnorum nostrorum, Hungariae, et aliorum primo

Eiusdem Sanctitatis Vestrae

obsequentissimus filius

Rudolphus Rex m.p.

In Tergo :

Beatissimo in Christo Patri, ac Domino Domino *Gregorio XIII.* Diuina Prouidentia Sanctae Romanae, ac Vniuersalis Ecclesiae Pontifici Maximo, Domino colendissimo

(L. S.)

Romae.

Q.

*Litterae Cardinalis Philippi Boncompagni de
24. Decembris an. 1572. ad Rudolphum
Regem, quibus pollicetur suam interposi-
tionem apud Rom. Pontificem pro Antonio
Verantio.*

Serenissime Rex!

Domine observandissime!

Accepi humanissimas Maiestatis Vestrae
Litteras, quibus eadem mihi notam esse voluit
eximiam benevolentiam suam erga Reuerendis-
simum Patrem Archiepiscopum Strigoniensem,
et quanto simul desiderio teneatur, ut is a Sum-
mo Pontifice eo honoris gradu decoretur, quo
alii ei similes Regni Hungariae Viri superiori-
bus temporibus insigniti fuerunt. — Qua in re
maximam ex eo cepi voluptatem, quod facile
perspexi, Maiestatem Vestram sublimi isto loco,
et clarissimo genere suo dignum animum ha-
bere, quae talium virorum virtuti, ac meritis
tam enixe faueat. Itaque sicut persuasum ha-
beo, Sanctitatem Suam, cognito Caesareae Ma-
iestatis, et Vestrae desiderio, eam, quam par
est, illius rationem opportuno tempore esse
habituram: ita si, ullus locus precibus meis
apud eundem Sanctissimum relatus fuerit, pol-

liceor Maiestati Vestrae me omni animi studio ipsius Archiepiscopi honori, et amplitudini praesto esse futurum.

Id, quod in caeteris rebus, etiam, quas illam velle cognouero, libentissime faciam. — Maiestatem Vestram optime valere, et Regnorum ipsius felici initio caetera, quae optari possunt, prospera incrementa a Deo Omnipotenti, precor, et opto, atque illius gratiae, et beneuolentiae me humillime commendo.

Romae die 24. Decembr. 1572.

Maiestatis Vestrae

Deuotissimus Seruus

Philippus Boncompagnus m. p.

Cardinalis S. Sixti.

In Tergo:

**Serenissimo Vngariae Regi, etc. Domino
obseruandissimo**

(L. S.)

Viennae Austriae.

R.

Litterae Sigismundi Poloniarum Regis de 19. Ianuar. 1570. ad Antonium Verantium Archiepiscopum Strigoniensem, quibus Georgium Fabry Archidiaconum Colocensem, apud Imperatorem Maximilianum, sinistre incusatum, protegi petit.

Sigismundus Augustus Dei Gratia Rex Poloniae, Magnus Dux Lithuaniae, Russiae, Prussiae, Masouiae, Samosciae, etc. etc. Dominus et Haeres.

Reuerendissime in Christo Pater, sincere Nobis charissime!

Cognitam, et perspectam habentes virtutem, et probitatem Venerabilis Georgii Fabri, Archidiaconi Colocensis, et Canonici Lauretani, non dubitauimus illum tam Sanctissimo Domino nostro per Litteras, quam Caesareae ipsi Maiestati, Fratri, et Consanguineo nostro honorandissimo commendare. — Quoniam autem non ignoramus, quem locum Sinceritas Vestra apud Maiestatem illius teneat, postulamus, vt, si quid in Maiestate illius residere intellexerit, offensionis alicuius aduersus hunc Fabrum, quam offensionem struxisse illi dicuntur aduersarii eius, id ex animo Maiestatis illius eximat, et quantum potest, gratiam illi Maiestatis eius

conciliet, desumtis argumentis ex Litteris nostris ad Maiestatem ipsius, quarum Litterarum exemplum Sinceritati Vestrae mittimus. Bene valeat Sinceritas Vestra.

Datum *Varsoviae* decima nona Ianuarii Anno Domini Millesimo Quingentesimo Septuagesimo, Regni nostri Quarto.

Sigismundus Augustus Rex m.p.

In Tergo:

Reuerendissimo in Christo Patri, Domino *Antonio Werantio*, electo Archiepiscopo Strigoniensi, Legato nato, et Regni Hungariae Primati, et Cancellario sincere charissimo

(L. S.)

Posonii
in Hungaria.

NB. Documenta Litteralia, quae sub N. O. P. Q. et R. producuntur, exscripta sunt ex apographo vidimato Tabularii secretioris Vaticanani.

Index chronologicus Epistolarum.

A N N I 1553.

Num.

- Die 29. Martii. Ferdinandus I. *Imp. Rom. et Rex Hung.* Antonio Verantio *Praeposito*, et Paulo de Palyna *demandat*, *ut, acceptis Salui Conductus Litteris, se Budam conferant, ad tractandum cum Turcis de Induciis.* I.
- Die 13. Iunii. Idem *Litteras credentiales cum plena tractandi potestate* Antonio Verantio, Francisco Zay, et Ioanni Mariae Maluezzio, *Oratoribus suis ad Portam Ottomanicam concedit.* II.
- Die 17. Iunii. Idem *largitur Litteras prorogatorias in quibusvis caussis* Antonio Verantio, *Episcopo Quinque-ecclesiensi pro tempore, quo Legati munus ad Portam Ottomannicam sustinuerit.* III.
- Die 15. Iulii. Idem *iubet Episcopum Antonium Verantium Constantinopolim demandatae Legationis causa quantocius iter ingredi.* IV.

Die 5. Decembris. Idem mittit Antonio Verantio, et Francisco Zay duplicem Litterarum ad Turcorum Imperatorem quoad moram expeditioni Oratoris sui Ioannis Mariae Maluezzii interpositam.

V.

Die 5. Decembris. Idem Oratoribus suis Werantio, et Zay insinuat Maluezzium aduersae valetudinis causa ad Imperatorem Turcarum expediri non potuisse, Tarnocium vero ad Rudensem Bassam sine obseruandarum Induciarum missum esse.

VI.

A N N I 1554.

Die 18. Februarii. Wolfgangus Dersffy Arcis Szigethiensis Capitaneus inhibetur per Ferdinandum Regem ab inuasionem Bonorum, quae ad Antonium Verantium Episcopum, causa Legationis absentem, spectant.

VII.

Die 15. Aprilis. Ferdinandus Rex Oratoribus suis Antonio Verantio, et Francisco Zay ad complures eorundem Litteras respondet, et res usque aduentum Maluezzii Constantinopoli exequendas committit.

VIII.

Die 21. Iunii. Idem certiores facit Antonium Verantium, et Franciscum Zay de perceptis eorum Litteris, et de Maluezzio tandem Comaromii mansuro, donec intentionem Imperatoris Turcarum quoad Transiluaniam intellexerit; commendat praeterea illis ultro etiam diligentiam in perficiendis ne-

gotiis, miraturque nullas Oratoribus redditas esse Litteras.

IX.

Die 2. Iulii. Idem Antonium Verantium, et Franciscum Zay suos ad Portam Ottomannicam Oratores de subdola Mahinuthi apud Turcarum Imperatorem Interpretis consuetudine, et de modo posthac ad se mittendi Litteras edocet, significatque, dispositum esse, ne, quae scribunt, secretiora pandantur: probat praeterea ad Tractatum de Transilvania Ibrahimum Bassam muneribus pelliciendum, et Mirandam captiuitate redemptum esse.

X.

Die 29. Augusti. Idem laudat Antonii Verantii, et Francisci Zay in rebus agendis fidem, ac dexteritatem, eisdemque pollicetur, se facturum, quod postulant.

XI.

Die 26. Nouembris. Idem Oratoribus suis Antonio Verantio, et Francisco Zay nunciat, se in locum valetudinarium Maluezii mittere Angerium a Busbeck cum Instructione, Litteris credentialibus, et Tribute Transiluanico.

XII.

A N N I 1555.

Die 21. Februarii. Idem Oratoribus suis Antonio Verantio, Francisco Zay, et Angerio Busbeck committit, ut propter non obseruatas a Bassis Turcicis Inducias in Porta conquerantur, iisdemque ad quinque millia Duca-

torum nomina faciendi, facultatem impertitur.

Die 29. Martii. Idem *Oratoribus suis* Verantio, Zay, et Busbeckio *ad Litteras mense Februario scriptas respondet, neue vanis rumoribus fidem adhibeant, commonet, contra violatas a Turcis Inducias conqueritur, Oratorumque acta, et gesta probat.*

XIV.

Die 25. Octobris. Idem *Oratoribus suis* Antonio Verantio, et Francisco Zay *transmittit Litteras Imperatori Turcarum exhibendas: caetera a Busbeckio intellecturos significat.*

XV.

Die 14. Nouembris. Idem *Oratoribus suis* Verantio, Zayo, et Busbeckio *Instructionem largitur in rebus Constantinopoli agendis.*

XVI.

A N N O 1556.

Die 3. Februarii. Ferdinandus *Rex Oratores suos, Verantium, Zayum, et Busbeckium certiores facit de perceptis eorundem Litteris, molestiam iis per Tabellarium Venetum procuratam aegre fert, seque contentum esse industria, quam in rebus agendis adhibent, significat.*

XVII.

Die 19. Martii. Idem *Oratoribus suis* Verantio, Zayo, et Busbeckio *nunciat sermonem cum Regina Bona de praetensionibus Isabellae habitum, defectioneque Transiluanorum: edocet praeterea eosdem de*

caussis, et modis seu Pacem, seu Inducias a Turcis efflagitandi.

XVIII.

Die 27. Martii. Idem Oratoribus suis Verantio, Zayo, et Busbeckio demandat proponendas in Porta Ottomanica quereelas contra Bassas, qui Loca finitima infestare, et Inducias violare non desinunt.

XIX.

Die 27. Martii. Idem Oratoribus suis Verantio, Zayo, et Busbeckio argumenta suppeditat pro impetranda a Turcis Pace, vel saltem ad longius tempus induciis.

XX.

Die 15. Iunii. Idem Oratores suos Verantium, Zayum, et Busbeckium monet, ne in Tractatu aliquas Arces ultra fines Transilvaniae promittant: dum praeterea illis potestatem, Honoraria annua pro rerum circumstantiis augendi; neglectorum exsolutionem propter ereptas arcus excusari vult, ac demum significat, se complures eorum Litteras percepisse.

XXI.

Die 15. Augusti. Idem Oratores suos Verantium, Zayum, et Busbeckium informat de progressibus sui exercitus contra Turcas, et conditionibus, sub quibus Transilvaniam Isabellae resignandam velit.

XXII.

Die 9. Octobris. Idem Oratoribus suis Verantio, Zayo, et Busbeckio, fidem, et diligentiam eorum remuneraturus, suadet agendum de acceleratione redditus, significatque, quid ductu Ferdinandi Archiducis filii sui contra Turcas gestum sit? sibi spem esse impetrandi suppetias ex Imperio Ro-

mano - Germanico, irritam praeterea fuisse Legationem Episcopi Tinniensis, ac demum pecunias ab illis leuatas, Venetiis exsoluendas.

Num.

XXIII.

A N N I 1557.

Die 3. Martii. Ferdinandus Rex Oratoribus suis Verantio, Zayo, et Busbeckio nunciat ziffra, quibus hactenus vsi sunt; iusta de causa mutandas, nihilque iisdem nunc rescribi, ne Litterae in alienas manus peruenirent.

XXIV.

Die 28. Septembris. Idem redeuntibus ex Legatione Turcica Verantio, et Zayo mandat, ut Comaromium pertinentes aduentum suum Palatino Regni insinuent, iterque Viennam celeriter prosequantur.

XXV.

Die 16. Octobris. Idem Oratoribus suis Verantio, et Zayo mandat, ut Turcas, qui eos comitantur, secum Viennam deducant.

XXVI.

A N N I 1559.

Die 29. Martii. Ferdinandus Imperator Augustam Vindelicorum Verantium Episcopum Agriensem euocat.

XXVII.

A N N I 1567.

Die 17. Iunii. Maximilianus Imperator, et Rex Antonium Verantium, et Christophorum Teuffenbach, Legatos ad

Portam Ottomanicam destinatos Posonium euocat.

XXVIII.

Die 23. Iunii. Idem informat Oratores suos ad Turcarum Imperatorem mittendos, Verantium, et Teuffenbachium de negotiis cum Bassa Budensi pertractandis.

XXIX.

Die 23. Iunii. Idem concedit Oratoribus suis, Verantio, Wyssio, et Teuffenbachio potestatem cum Imperatore Turcarum, eiusdemque Ministris tractandi, paciscendi, et concludendi.

XXX.

Die 25. Iunii. Idem elargitur Oratoribus suis, Verantio, Wyssio, et Teuffenbachio Instructionem super modo rerum ad Portam Ottomanicam gerendarum.

XXXI.

Die 29. Iunii. Idem pollicetur Antonio Verantio, Episcopo Agriensi per tempus suae in Legatione Constantinopolitana absentiae, omnem fratrum, et nepotum suorum curam, et protectionem, quam publicis Litteris confirmat.

XXXII.

Die 3. Iulii. Idem committit Oratoribus suis Verantio, et Teuffenbachio, ut sinistroso belli rumores Bassae Budensi referant, Turcarum Imperatori enarrandos, nisi homines suos ad quietem composuerit.

XXXIII.

Die 4. Iulii. Idem iubet Oratores suos Verantium, et Teuffenbachium iter accelerare.

XXXIV.

Die 23. Iulii. Idem Verantii, et Teuffenbachii facta probat, utque Bassae Budensis in sua Statione mansionem

urgerent, commendat, et de Congregatione Capitaneorum, pone Papam habita, eosdem informat.

XXXV.

Die 29. Augusti. Idem Oratores suos Verantium, Wyss, et Teuffenbach certiores facit de perceptis eorum Litteris, et de Nuncio per Bassam Rudensem ad se misso: tum vero iis significat, nec Transiluanos, nec etiam Turcas in Hungaria, Croatia, et Sclavonia observare Inducias, eaque de causa eosdem ab Imperatore Selymo monendos cupit.

XXXVI.

Die 1. Septembris. Idem insinuat Oratoribus suis, Verantio, Wyssio, et Teuffenbachio, Inducias a Turcis denuo violatas esse.

XXXVII.

Die 3. Septembris. Idem dubius, an Oratores, Verantius, Wyss, et Teuffenbach, Litteras per Kurth Agam transmissas perceperint? eosdem illis se alia via transposuisse, nunciat, Alberti vero de Wyss epistolam de 11. Iulii sibi redditam significat.

XXXVIII.

Die 9. Septembris. Idem Oratores suos Verantium, Wyssium, et Teuffenbachium, informat de caede Georgii Bethlen per Equites Onodienses patrata, et interceptis in Oppido Thur nonnullis Ottomannis cum Chiaussio Imperatoris, quo Turcas coercerent, qui Inducias incessanter violare pergunt, nihilominus captivos a se continuo dimissos esse: quod in Porta refe-

Num.

rendum mandat, ne sinistris narrationibus maior fortassis fides habeatur.

XXXIX.

Die 28. Septembris. Idem iubet Oratores suos adlaborare, quo Franciscus Doczy e captiuitate Turcica eliberetur.

XL.

Die 4. Octobris. Idem committit Oratoribus suis, cum primis Alberto de Wyss redemptionem Ladislai Gusith e captiuitate Turcica, expensasque Tabellario persolutas esse annunciat.

XLI.

Die 4. Octobris. Idem cupit per Oratores suos e captiuitate Turcica Iuuenem Ioannem Gáll liberari.

XLII.

Die 17. Nouembris. Idem commendat Oratoribus suis eliberationem e captiuitate Turcica Casparis Guspari, Lopecotan Caravayal.

XLIII.

Die 22. Nouembris. Idem responsurus Oratoribus suis ad eorum Relationes de progressu Legationis, vberiore iisdem dat super singulis Punctis Instructionem.

XLIV.

Die 25. Nouembris. Idem Oratoribus suis Antonio Verantio, Episcopo, et Christophoro a Teuffenbach significat, iisdem certam summam pecuniariam iam assignatam esse.

XLV.

Die 24. Decembris. Idem iubet Oratores suos in Tractatu Pacis praecauere, ne Turcae demolitis hic arcibus, alias alibi extruant: monet praeterea, ut Mehmetis Bassae asperitatem causa publicae salutis aequo ferant animo.

XLVI.

A N N I 1568.

- Die 5. Ianuarii. Maximilianus Imperator, et Rex Hung. notitiae dat Oratoribus suis falsos rumores de expugnanda arce Huszt, per Sigismundum Transilvaniae Ducem inter Turcas sparsos, quos, ut refellere studeant, impense commendat. XLVII.
- Die 4. Martii. Idem significat Secretario suo Fausto Verantio, quod fasciculum Litterarum ab Oratoribus Constantinopoli missarum perceperit, committitque eius dexteritati Responsum ad eosdem transponendum. XLVIII.
- Die 5. Aprilis. Idem edocet reduces Constantinopoli Oratores suos Antonium Verantium, et Christophorum Teuffenbach de Turcarum Imperatoris Legato Viennam adducendo. XLIX.
- Die 4. Maii. Idem mandat Verantio, et Teuffenbachio, ut Oratorem Turcicum ad Fischament deducant, ipsi vero Viennam festinent, causa consultationis de excipiendo Legato. L.

A N N I 1569.

- Die 17. Octobris. Maximilianus Imperator et Rex Hung. Antonio Verantio, Episcopo Agriensi confert Archiepiscopatum Strigoniensem. LI.
- Die 17. Octobris. Idem indulget Antonio Verantio Archiepiscopo Strigoniensi exercitium Iuris Patronatus. LII.

A N N I 1570.

Die 15. Aprilis. Maximilianus Imperator, et Rex Hungariae filiae Annae Principissae cum Philippo Hispaniarum Rege copulationem Antonio Verantio Archiepiscopo Strigoniensi defert.

LIII.

Die 1. Septembris. Carolus Archidux Austriae Archiepiscopi Strigoniensis Antonii Verantii consilium deprecatur, quoad machinationes Turcarum secrete, et celeriter rescindendus.

LIV.

A N N I 1572.

Die 24. Iunii. Maximilianus Imperator, et Rex Hungariae Strigoniensem Archiepiscopum Antonium Verantium, Locumtenentem Regionem in Hungaria constituit.

LV.

Die 16. Decembris. Idem Antonio Verantio Archiepiscopo Strigoniensi, Primati, et Locumtenenti Hungariae respondet ad transmissam nuntium de rebus Turcicis, petitque ultro informari de modo reprimendi hostium conatus.

ILV.

S E R I E S

Documentorum, quae in AVCTARIO
continentur.

A.

Tabulae Pacis

*inter Isabellam Reginam, et Ferdinandum
Regem Die XIX. Iulii anno MDLI.
conclusae.*

Pag.

B.

Specificatio

*Munerum honorariorum Constantinopoli di-
tribuendorum Anno 1555.*

C.

Instrumentum

*Pacis ratificatoriae cum Imperatore Turca-
rum anno 1562. et 1564. initae.*

D.

Articuli Pacis

Pag.

Conclusi inter Supremos Commissarios, et Capitaneos Caesareae Maiestatis, et Oratores Transsiluani. Zathmarii in mense Martio 1565.

E.

Passuales, et Credentiales

Mustaphae Bassae Budensis pro Oratoribus Caesareis Constantinopolim profecturis de 4. Iunii an. 1567.

F.

Specificatio

Honorariorum de 26. Iunii A. D. 1561.

G.

Manuales

Maximiliani Imperatoris, et Regis ad Antonium Verantium Episcopum Agriensem.

H.

Consignatio

Munerum honorariorum, in quantum nimirum se extendant, iam Constantinopolim ad Turcicum Imperatorem,

et Bassas per Dominum Agriensem Episcopum, et Dominum de Teuffenbach ferendorum, ac discrete Turcarum Imperatori, et Bassis per eosdem Legatos administrandorum A. D. 1567.

I.

C o n s i g n a t i o

Pecuniae paratae, Vasorum argenteorum, et Horologiorum Reuerendissimo Domino Antonio Verantio, Episcopo Agriensi, atque Nobili, strenuoque Domino Christophoro a Teuffenbach, ambobus Consiliariis Sacratissimae Caesareae Maiestatis, ex eiusdem Decreto, et Commissione ad institutam in Turcicum Imperium Legationem per me Antonium Schnätterl Solutionum bellicarum, Hungariae Regnum attinentium, Magistrum administratorum, et traditorum. Actum Posonii 28. die Iunii Anno 1567.

K.

Q u e r e l a e

Ad Sacratissimum Romanorum Imperatoriam, ac Hungariae, et Bohemiae, etc. Regiam Maiestatem perlatae de variis iniuriis, ac violentiis, quae Subditis, atque Mi-

litibus Caesareae Maiestatis tempore praesentium Induciarum, illatae fuisse perhibentur 1567.

L.

Ratiocinium

Oratorum Caesareorum super dispensatione pecuniarum, et munerum honorariorum Constantinopoli.

M.

Foedus

Maximiliani Imp. et Regis cum Selymo Turcarum Sulthano. Ex Fragmento autographo Verantii.

N.

Oratio

Antonii Verantii, Archiepiscopi Strigoniensis, qua nomine Ordinum, et Statuum Regni Hungariae, Rudolphum Archiducem Austriae venientem Posonium ad ineundam Coronationem excepit Anno Domini 1572. Die vero Septembris 21.

O.

Litterae

Maximiliani Imperatoris, et Regis d. 2. Decembris An. Dom. 1572. ad Gre-

gorium XIII. R. P. *quibus Antonius Verancius Archiepiscopus Strigoniensis honore Cardinalis S. R. E. condecorandus commendatur.*

P.

L i t t e r a e

Rudolphi *Hungariae Regis d. 2. Decembris anno 1572. ad Eundem in eodem merito.*

Q.

L i t t e r a e

Cardinalis Philippi Boncompagni *de 24. Decembris an. 1572. ad Rudolphum Regem, quibus pollicetur suam interpositionem apud Rom. Pontificem pro Antonio Verantio.*

R.

L i t t e r a e


Sigismundi *Poloniarum Regis de 19. Ian. 1570. ad Antonium Verantium Archiepiscopum Strigoniensem, quibus Georgium Fabry Archidiaconum Colocensem, apud Imperatorem Maximilianum, sinistre incusatum, protegi petit.*


Errata

Corrigenda

<i>Pag.</i>	<i>Linea.</i>	<i>Loco.</i>	<i>Lege.</i>
22	27	fraudulanter	fraudulenter
51	5	fideiiter	fideliter
53	21	maximo	maxime
76	28	scripte	scripta
85	12	humillime	humillimae
94	7	alata	allata
101	16	promouere	permouere
107	8	conditionis	conditiones
186	6	sarciendae	sanciendae
187	18	iucundam	iucundum
199	12	attingerit	attigerit
202	30	Probabilibus	Probabilius
265	20	vispectaredebitur	spectare videbitur
279	14	clemeti	clementia
289	5	vetra	vestra
352	7	Comiti	Comite
382	13	jelente te	jelentete
391	4	oopertum	coopertum
401	20	sciat	sciant
410	10	oparemus	optaremus







4576
2780
1



DD
176
A2A55

Holy Roman Empire. Sovereign
Epistolae imperatorum

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

UTL AT DOWNSVIEW



D RANGE BAY SHLF POS ITEM C
39 09 19 01 14 002 4